

ქარველ მაჰმადიანთ დიდი

გადასახლება ოსმალეთში

მუჰაჯირი-ემიგრაცია

გამოცემული

იაკობ ალექსანდრეს-ძე მანსვეტაშვილის საფასით.



შერიფ ბეგი ხიმშიაშვილი – 1878 წ. რუსეთის გენერალი.
ეს ურჩევდა ქართ. მაჰმად. ოსმალში ნუ სახლდებო.

ქარველ მაჰმადიანთ გადასახლება

ოსმალეთში

მუჰაჯირი

ემიგრაცია

ზ. ჭიჭინაძისა

გამოცემული

იაკობ ალექსანდრეს-ძე მანსვეტაშვილის საფასით

თფილისი

ელექტრო-მბეჭდავი სტამბა პრ. კერესელიძისა, გაბაევის შესახ. № 1

1912

ქართველ მაჰმადიანთ გადასახლება.

მუჰაჯირი

ა ნ უ

ქართველთ გადასახლება – ემიგრაცია სპარსეთს-ოსმალეთს

მუჰაჯირი – ოსმალური სიტყვა არის – ქართულად ნიშნავს სამშობლოდამ წასვლას-გადასახლებას. დამატებით ჩვენ ვუწოდებთ ემიგრაციას, რადგანაც ეს საგანი რასაც ჩვენ ვეხებით, გახლავს ქართველ მაჰმადიანთ დიდი გადასახლება ოსმალეთის ყოფილ საქართველოდამ შორეულს აღმოსავლეთის სხვა და სხვა კუთხეებში. წინათვე ვიტყვით, რომ ამ შავზნელ არშიით გარემოვლებულ ქართველ ტომის ძეთა უბედურების ბევრი რამ ამბები არ ვიცით, ბევრზედ ბევრი და მასთან მრავლად გულის და სულის შემაწუხებელი ცნობები ჩვენთვის მკვდარია, დაკარგულია ყველა ის, რაცკი ოსმალეთის შორეულს ადგილებში ქართველთ გადასახლებულნი დიდს სულის სატანჯველს წუთებს იტანდნენ.

ამას ვერავინ ანუსხავს, რადგანაც ჩვენ მათი განწირულების და ტანჯვის მნახველნი არა ვართ და მათი მნახველნიც ჩვენთან არ მოსულან, არავის რა უამბუნია მათის ტანჯულის ცხოვრების შესახებ. მეტად ბევრმა და ერთობ დიდმა რიცხვმა ქართველ მაჰმადიანებისამ დალია სული შორეულს ოსმალეთის კუთხეებში. უსიხარულოდ ბევრი ოჯახი გამოესალმა მთლად ამ წუთიერ ქვეყნის სინათლეს. ყოველივე ეს მოხდა ჩვენის სჯულის თავი კაცებისაგან, მათის რჩევით, ქადაგებით და ოსტატურის მტრობით. მათ დალუპეს აუარებელი რიცხვი

ქართველ მაჰმადიანების და მოაცილეს თავის სამშობლოს. ასეთ მოშორებულთ ცნობები თუმცა არა ხშირად და არც მრავალთაგან მოთხრობილი, მაგრამ მაინც ხანდისხან ვტყობულობდით ქართველ მაჰმადიანთ მწარე ბედს ოსმალეთის შორეულს მიწა-მამულზედ, გვესმოდა ისიც, თუ იქ ქართველ მაჰმადიანები რა სინანულში იყვნენ შთავარდნილნი და როგორის ცხარე ცრემლებით მოსტირდნენ თვისგან დატოვებულ საქართველოს, თავიანთ უმეცრებით გაოხრებულ სახლ-კარს.

ამას ჩვენ ადვილად ვამბობთ და ვწერთ, თორემ იგი ადვილი საქმე არ არის. კაცისგან სამშობლო ქვეყნის დატოვება და უცხო, უცნობ ადგილას გადასახლება არ უნდა გახლდეს ადვილი დასათმობი, მაგრამ რაკი გარემოებამ მოიტანა ეს და დაიძრა ერთი წყობა ქართველთა და წავიდა, მას მიჰყვა მეორე წყობა, მესამე და რამდენიმე ხნის განმავლობაში ერთ თავად განუწყვეტლივ გადასახლება სწარმოებდა. საკვირველი იყო და თან მეტად საოცარი ის გარემოება, რომ 1877 წ. ომის შემდეგ ქართველ მაჰმადიანებმა ისე გულგრილად იწყეს სამშობლოს დატოვება და საცალა გადასახლება. ამის წინააღმდეგი ბევრნი იყვნენ ჩვენში. ესენი მათში დიდად მოქმედებდნენ, მაგრამ სამწუხაროდ მათი გამგონი კი არვინ იყო. ამ გადასახლების დიდი წინაღმდეგნი თვით ქართველ მაჰმადიანებშიაც იყვნენ, მაგრამ ესენიც ვერას აწყობდნენ, რადგანაც გარემოება სასტიკათ აიხვეწა, აქ ფანატიკებმაც მომართეს ბასრი ენა და საბრალო ქართველ მაჰმადიანებს დაუწყეს ქადაგება და წაქეზება გადასახლებისათვის.

ბოროტი ენების წყალობით, ქართველ მაჰმადიანები მიეცნენ გადასახლების სამზადისს 1877 წლიდამ. ეს მის მერეც არ შეწყვეტილა. მოგეხსენებათ, რომ ქართველობა ძველადვე მიჯაჭული და მიბმული იყო თავის მიწა-მამულზედ. ქართველი ვერ სთმობდა თავის სამშობლოს ადვილად, სხვაგან ვერსად სახლდებოდა. გადასახლება ქართველის კაცისათვის ერთობ ძნელი საქმე იყო. იგი შინ მოკვდებოდა, გაწყდებოდა და

საყოველთაოდ კი თავის სამშობლოდამ ფეხს არსად დასძრავდა, სამუდამოდ არსად წავიდოდა, რადგანაც მისი მამა-პაპის ქვეყანა და მათი ხსოვნა შეკავშირებული იყო მთელს მის ადამიანურ ღირსება და ცხოვრებასთან. სულ ამისი მაგალითებით იყო აღვსილი ძველად ქართველთ ვითარება, რომ მთელ ოსმალეთისაგან აღებულს საქართველოში ქართველთ იკისრეს ქუდზედ კაცის ძახილი, დიდი სისხლის ღვრა, მერე მაჰმადის სჯულის მიღებაც, მხოლოდ იმ პირობით კი, რომ საქართველოდამ მათ ფეხი არ მოეცვალად – ისე, ეს როგორც მოუხდათ კახელებს და ბერდუჯელთ, საიდგანაც ბოროტმა შაჰაბაზმა გიორგი მოურავის გეგმით საქართველოდამ

სპარსეთში გადაასახლა 100 ათასი ქართველი. ზოგი ძველი მწერლის ცნობით ასოცი ათასი, ზოგის თქმით ნაკლები. ორივე შემთხვევაში 100 ათასზე ნაკლები კი არა. რაც დაიხოცა, ის სხვა იყო. ასე რომ გიორგი მოურავის და შაჰაბაზის წყალობით საქართველოს მარტოდ კახეთის და ბერდუჯის მხრიდან დაეკარგა ორასი ათასი ქართველი კაცი. ქართველთა შორის მეტი გზა არ აქვნდათ, დასტოვეს თვისი სამშობლო, დაემორჩილნენ შავს დროდ წოდებულს ხანას და გაჰყვნენ მტერს სპარსეთში. რას იზამდენ, ერთზედ ათი მოდიოდა და სრულიად გაწყვეტას ისევ ის არჩიეს, რომ დიდის მწუხარებით და ტანჯვით დამორჩილებოდნენ თავის მტერს, სისხლის ცრემლმფრქვეველნი გაჰყოლოდნენ უცხო ქვეყანაში თავის მოსიხარ მტერს. დიდ სულის და გულის საქენჯ წუთებს გაივლიდნენ იმ დროის აყრილ და დაწიოკებულ ქართველნი.

ასეთი იყო ჩვენი წარსული, ასეთი იყო ძველი ქართველი და იგი თავის ხრიაკ კლდეებსაც კი არა სცვლიდა სხვათა შესამჩნევ ადგილებზედ. ცნობილი იყო მთელს აღმოსავლეთში, რომ ქართველი თავის მამულის დიდი ერთგულია და ამიტომაც იგი ადვილად ვერ დასთმობს თავის ქვეყანასაო. სულ ეს მიზეზები გახლდათ მის უმთავრეს საგნად მამხდარი, რომ XVII საუკუნის შემდეგიდან ოსმალ-სპარსთა ასეთ პოლიტი-

– 4 –

კას დაადგინენ: სამცხე გავათათროთო, ქართლი ამოვწყვიტოდ და კახელნი სპარსეთში გადავასახლოთო. ყველა ესენი გამოწვეულ ჰყო ქართველ კაცის თავ განწირულმა მამულის შვილობამ, სამშობლო ქვეყნის ადვილად არ დათმობამ. დღეს კი ეს ისე აღარ არის და 1877 წ. ქართველ მაჰმადიანი ემორჩილებოდა შავ-ბედს და საქართველოდამ სახლდებოდა იქით, რასაც მათი წინაპარნი მკაცრად ერიდებოდნენ. ესეთი საქციელი ქართველის კაცის იყო საკვირველი და თან მეტად სამწუხარო. როგორ, განა ქართველ კაცს ისე უნდა გარდაცვლოდა გული, რომ მას თავის სამშობლო ადვილად დაეტოვებინა? ამას განა მოიფიქრებდა ვინმე. არავინ, მაგრამ უკანასკნელ კი სულ სხვა აღმოჩნდა და ქართველი გამოსჩნდა, რომ რასაც მისი წინაპარნი ერიდებოდნენ და ვერ ბედავდნენ ადვილად, რისთვისაც იგინი სწყდებოდნენ და რჯულსაც იცვლიდნენ, სწორედ იმ საუნჯეს მათი შთამომავალნი გულ გრილად უმზერენ და ამიტომ შავს დროს ემორჩილებიან, თავიანთ მტრებს თვით თავიანთის ნებით, თავიანთის სურვილით მისდევდნენ საცალა გადაკარგულს შამს, ღიარბეჯირს, ქურთის-ტანს და მისირსაც კი. განა ეს ეკადრებოდათ ქართველ მაჰმადიანებს, რომ იგინი თავიანთ კოპწია საქართველოს სტოვებდნენ და სხვაგან, უცნობს ადგილას მირბოდნენ. რასაკვირველია, რომ ეს მათგან დიდი შეცდომა იყო და ამათ არც არავინ აპატივებს, მაგრამ რა გამოვიდა და რაღა დროს, როცა უკვე დიდი მსხვერპლი შეიწირა, დიდი რიცხვი მოისპო და დაილუპა უცხო ალაგას, დანალვლიანებულნი და მწარედ მგოდე-

ბელნი თავის მამა-პაპის სახლ-კარზედ.

ღმერთმა ჰკითხოს იმ პირთ და იმ მტრებს, ვინც საბრა-ლო ქართველ მაჰმადიანებში გადასახლების სიყვარულს ნერ-გავდენ და მით სთესდენ ქართველ მაჰმადიანთ დაღუპვის და-საწყისს. სანატრელია აქ მხოლოდ ის, რომ ეს გარემოება გა-ხდეს საყურადღებო საგნად აწინდელ ქართველ მაჰმადიანთა და მათ ამ სამწუხარო საქმეებს ჯეროვანი ყურადღება მიაქ-

– 5 –

ციონ. უამისობა მათგან არ შეიძლება და ის, რაც 1877 წლის ქართველთ მაჰმადიანთ ეპატეობათ, იმას მომავალში ამათ არა-ვინ აპატიებს, ამისთვის მათ მწარედ დასწყევლიან. ამას ჩვენ მიტომ ვამბობთ აქ, რადგანც ჩვენ კარგად ვიცით, რომ ქართველ მაჰმადიანთ შორის დღესაც არიან თითო-ოროლა ისეთი ბოროტი პირები, რომელნიც თავიანთ გესლი-ანის ენით ქართველ მაჰმადიანებს ოსმალეთში გადასახლე-ბას ურჩევენ, მით აბრიყვებენ კიდევაც მრავალთ, თავიანთ მამა-პაპეულს მიწა-მამულს აცილებენ და მით ჰღუპავენ სამუ-დამოდ, საყოველთაოდ. ასეთის საქმეებით ცხადათ მტკიცდე-ბა ის, რომ დღევანდელი ქართველთ მაჰმადიანთ უმეტესი ნაწი-ლი ღრმა საღათას ფანატკურს ძილით არის დაძინებული და ამ ძილს მათი მტრები უფრო ავრცელებენ, თავიანთ საძაგელს რჩევას სარწმუნოებრივის სასწაულითაც მოსავენ. სამგლოვია-როს განმარტემით თავს არავის შევაწყენთ. დავიწყებთ ისევ გადასახლების მაგალითების და ცნობების მოყვანას. განსჯა და დაკვირვება მკითხველისთვის მიგვინდვია.

ქართველთა გადასახლება იწყება იმ დღიდან, როცა საქარ-თველოს სამეფო სამად გაიყო, ერთი სამეფო სამ სამეფოდ განსქდა და ხუთ სამთავროდ. ერთ მეფობას თავისი ძალა დაეკარგა. ამის დაკარგვით ქართველ თავად-აზნაურებსაც ფრთები შეესხათ, ყოველ მათგანს თავი ხელმწიფედ და მთავრად მიაჩნდა, თავის საბრძანებელში ყველა მეფე იყო და მისი მოყმენიც ქვეშევრ-დომნი, მონანი. ამ გარემოებამ მათ გონება გაულადა, გალა-ღებულთ გონებამ ბოროტებაც დაიწყო, მათში რაღაცა მანქა-ნებით გამოირკვა მათ ყმათა გაყიდვის საქმეც. ამ გა-რემოებას მუსულმანთა ტომნი გაფაციცებით უმზერდენ.

გლებ-კაცობა თავის მებატონის ყურ მოჭრილი ყმა იყო. ლოგინი მათ ისე ჰყვანდათ დამორჩილებული, რომ მასზედ უსასტიკესი და უბოროტესი სხვა აღარა იქნებოდარა. ყმას მებატონე საითაც წაიყვანდა, ესეც მისდევდა მას ყელზედ თოკ მობმული. მიჰყავდა ოსმალეთში გასაყიდათ დ ესეც მისდევ-

– 6 –

და, ასევე სპარსეთში და სხვა ქვეყნებში, ყველგან ყმა მება ტონეს მონურად ემორჩილებოდა, რადგანაც პირველი: მას თავის ბატონი პატრონად მიაჩნდა და მეორე არცა ჰქონდა მისი მოსაზრებაც, რომ ყმას შესძლებოდა რამე ადამიანური

უფლება ჰქონიყო, რომ მას თავისი ბატონის წინაშე ხმა ამო-
ელო და ეთქვა, რომ ბატონო, თქვენ მე ნუ მყიდით, მე ხომ
თქვენი ცხვარი არა ვარ, ან კიდევ სხვა ასეთი. გლახს არ
ჰქონდა ამის მოსაზრება და მებატონეც სარგებლობდა მათის
ასეთის ველურობით.

გალაღებულ მებატონეთ ვაჭრობას ოსმალ-სპარსნიც
კაის თვალთ უმზერდენ და მათს აღებ მიცემის ხელს ბაჯალ-
ლო ოქროებით მოსავდენ. დაბრმავებულ მებატონეებს ოქრო-
ები ახარებდა და ტილა თათრის შთამომავალთ ქართველ
სახიერ ქალ-ვაჟთ შეძენა. აღსანიშნავია ის გარემოებაც, რომ
საქართველო ჯერეთ თათრის ტომის მფლობელობის ქვეშ არ
იყო შესული, რომ ქართველთ ქალ-ვაჟთა გასყიდვის საქმე
კარგ წესად დაიდო. ნელ-ნელა ამ უბედურებას კარგად შეე-
ჩვივნენ ქართველ მებატონენი, ადვილ სავაჭრო საქმეთ გაი-
ხადეს ეს, ოსმალ-სპარსთაც გზა გაეხსნათ თვისი ტომის
გამშვენების წინაშე. მათ საქართველო გაიცნეს ცოცხალ კაცთა
სავაჭრო კუთხეთ, სადაც იგინი ამით ბევრს რამეს ჰპოვებდენ.
უკანასკნელ იმ დასკვნამდე მივიდნენ, რომ ჩვენთვის რა საჭი-
რო არის, რომ ბაჯალლო ოქროებს ვაბნევთ ქართველ ქალ-
ვაჟების სყიდვაში. ჩვენ ეს კუთხე მთლად დავიმორჩილოდ
და მაშინ ხომ ყოველივე ჩვენი იქნებაო. ამ აზრის იყვნენ
ოსმალ-სპარსნი ქართველებზედ, ამიტომაც დაუწყეს მათ საქა-
რთველოს განადგურება. ამ განადგურებაში რამდენათაც იგი-
ნი იღვწოდნენ, არა მათზედ ნაკლებ თვით ქართველი გმირე-
ბიც თარეშობდენ.

ტყვის თუ ყმის გაყიდვით ანუ გაყიდვ-გამოყიდვის საქ-
მეს თან დაჰყვა ქართველ ძეთა საქართველოდამ გადასახლე-
ბაც. ამ გადასახლების გეგმას ოსმალთ-სპარსნი კარგის

– 7 –

კირკიტის ჭკუით არკვევდენ და როგორც ამზადებდენ საქარ-
თველოს დაპყრობას, ისევე აწესრიგებდენ ქართველთ ძეთ
გადასახლების სამზადის და მის პირობებსაც. ქართველთ
გადასახლება სპარსეთში ძველადგანვე სწარმოებდა. ოსმალეთ-
ში კი ეს არ იყო. ბიზანტიის დამხობის (1453 წ.) შემდეგ
კი, რაკი ოსმალნი საქართველოსაც მოადგნენ ასაკლებათ,
მაშინ ამათაც იწყეს ამის სამზადისი და განიზრახეს საქართვე-
ლოს დაჭერა და მერე ქართველთ გადასახლება ოსმალეთში.
ქართველთა გადასახლება ოსმალეთში იწყება იმ დროდამ,
როცა ქართველ ერმა დაკარგა თავის უფლება, როცა სამცხე-
საათაბაგო გახდა ოსმალთს საფაშალიკოდ. ესე იგი მის ხანა
იწყება XVII საუკუნის დამდეგიდამ, ანუ 1627 წ. როცა
ათაბაგობა მოისპო და ახალციხეში ფაშობა იქმნა დადგენილი.
მუსულმანთაგან ქართველ გადასახლებას აქვდა ორ ნაირი
აზრი: პირველი იყო ის, რომ საქართველოს იმ ადგილებში
სადაც ოსმალთს ფლობა იყო დამკვიდრებული, რომ იქ ქარ-
თველთ ტომის რიცხვი შემცირებულიყო, მათ მაგიერ სხვა
ტომის, ანუ მუსულმანნი გამრავლებულიყვნენ. ესევე გარე-

მოება ხდებოდა მის ძალათაც, რომ ოსმალოს საქართველოს ადგილებზედ საკმარისად მოისპობოდა მათ მთავრობის მოწინააღმდეგეთ რიცხვი. ამის ოსტატობას ოსმალეთი არამც თუ მარტოდ იმ დღიდან მიეცა, როცა სამცხე სრულიად დაიმორჩილეს და თვის საფაშალიკოთ გამოაცხადეს, არამედ ესენი მისდევდნენ ქართველ გადასახლებას კარგის მადით თვით იმ დღიდანაც კი, როცა საქართველოს ნაწილი სამცხე-საათაბაგო მათ მეხარკეთ გახდა, ესე იგი 1580 წლიდამ.

მეორე ნაირი აზრი ამათი შეეხებოდა იმ გარემოებასაც, რომ იგინი ამ ქართველთ გადასახლებით ავსებდნენ მთელს ოსმალეთს, მის საშვალეებით კარგად ამშვენებდნენ თვის ტომის ძეთა რიცხვს. ამისთანა ოსტატობით განაშვენეს მათ თურქთა ტომის რიცხვი ძველს ბიზანტიის სამეფოში. დასართავია ამის გარემოებაც, რომ ასეთ გამშვენების გარდა, ქართველთა

– 8 –

ძეთა რიცხვი უადვილესად გადაჰყვანდათ ისლამზედ და ესეც ხომ დიდი საქმე იყო მათი სჯულისთვის. ამის შესახებ ქართველ მაჰმადიანებში ზეპირ ლაპარაკიც იციან. ზეპირ ცნობები გვაცნობს, რომ ქართველთ გარდასახლების საქმე, ანუ ქართველთ ძეთა წაყვანის ტრფიალება ოსმალეთში ისე წასულა წინ, რაც თითქმის მთელს საოსმალოში ძველადვე აშკარა სავაჭრო საქმედ გამხდარა.

ოსმალოს სახელმწიფოს გამაღიანებამდე საქართველოზე მეტად დიდი გავლენა აქვდა სპარსეთს, ესენიც ისევე ეტრფოდნენ ქართველთ შვილებს, როგორც ოსმალნი. აქ განსხვავება მხოლოდ იმაშია, რომ ოსმალთა ქართველთ შვილებზედ ნავარდობა იწყეს ბიზანტიის იმპერიის დამხობის შემდეგ და სპარსელებს კი ბევრად უწინარეს აქვდათ ქართველთ შვილებზედ ეს დაწყობილი. რადგანაც სიტყვამ აქ სპარსეთიც მოიტანა, ამიტომ უწინარეს ავნუხსავთ იმ ცნობებს, რაც კი სპარსთაგან ჩვენს კარზედ მოყენებულ უბედურებას შეეხება და მის მერ შევხებით ოსმალთაგან ჩვენის სამშობლოდამ ქართველთ გადასახლებას.

სპარსელებს ქართველთ შვილებთა შეძენის მადა ძველადგანვე აქვდათ. ესენი ამისთვის ხმარობდნენ ყოველ ძალასრომ ქართველთ შვილები მრავლად შეეძნათ. ამის მადა მათ იმ დროსაც კი აქვდათ გახსნილნი, როცა საქართველოს ერთ მეფობა გამაღიერებული იყო, თუმცა მაშინ ესენი ვერას აწყობდნენ, მაგრამ განვლო დრომ, საქართველოს მოევლინათავის დარღვევის დასაწყისი, აქ გათახსირდა ქართველობა, დაეცა, დანაწილდა, ამ დროს სპარსთაც წამოყვეს თავი და დაუწყეს ქართველთ მძლავრება, აოხრება, ხალხის მოტაცვა, გადასახლება და სხვანი, რაცკი მათთვის სარგებლიანი საქმე იყო და ჩვენის ტომისთვის კი დასაღუპი.

სპარსნი ქართველთ ძეთა ტრფიალებით დიდათ იყვნენ ბანღვიძებულნი. ამისთვის იგინი ხმარობდნენ ყოველ ნაირ ღონისძიებას, რომ რაც შეიძლება მრავლად წაეყვანათ ქარ-

თველთ ძენი სპარსეთში. თვით ჩვენ მეზატონეებმაც კი თავიანთ ყმათა შვილების დასყიდვა მათის წინადადებით ისწავლეს, მათ ასწავლეს ამათ ეს დასალუპი საქმე. ამ სენის ვრცელების მეთაურობა პირდაპირ მათ ედებათ კისერზედ. ქართველ მეზატონე თავის ყმათა შვილებს ვის მიჰყიდიდა, რომ მას მყიდველი არ ჰყოლოდა. მისი მყიდველნი იყვნენ სპარსნი. ესეები ამ საყიდელში კაი ფასსაც აძლევდენ. ჯერედ საქართველო დაუძლურებული არცკი იყო, რომ ქართველ ზოგ თავად-აზნაურნი ამის ჩურჩუნას იძლეოდენ. მათ იცოდნენ, რომ სპარსნი ყმათა შვილებში კაი ფასს მისცემდენ, ამიტომაც იგინი კარგად შრომობდენ, რომ მის საშვალეებით გამოერკვიათ და აელორძინებინათ ყმათა შვილთა გასყიდვის და გაადვილების საქმე, მისი დაკანონებაც კი.

ამის შესრულება მათ მოეცათ იმ დროს, როცა საქართველო დაუძლურდა, როცა ერთი სამეფო რამდენიმე ნაწილად გაიყო. თითო ხეობის მეზატონეთ ანუ მეფეთ თავადი და აზნაური გამოცხადდა. აი მაშინ კი გაადვილდა ამ სავაჭრო საქონლის სყიდვა-გასყიდვის საქმიანობა, მაგრამ სპარსთა არც ეს იკმარეს, მათ არამც თუ მარტოდ თითო ოროლა პირთა სყიდვა და შეძენით განისაზღვრეს წადილი, არამედ მთელ საქართველოს დაუწყეს შებოჭვა და მის მერე ქართველთ შვილთა სყიდვა კი არ უნდებოდათ, არამედ მთელ ჯგუფებით შებოჭვა, ტყვეთ პყრობა და უფასოდ წაყვანა სპარსეთში, რომელნიც მათ უფასო მონებად შთებოდნენ. ამ მცნებით გატაცებულ სპარსთა ქართველთა შვილებს ადრიდგანვე უწყეს ტყვეთ პყრობა და ათასობით და ათიათასობით წაყვანა. ჩვენ ყველა ასეთ წაყვანილთ ცნობები არ გვაქვს და რაცკი არის დარჩენილი ამ უბედურების შესახებ, იმის აქ მოვიყვანთ.

პატარ-პატარა შემთხვევებით გარეშე, დიდ შემთხვევებით შორის შაჰ-ისმაილისა და იაყოზ ყაენისაგან აღმოსავლეთის სპარსთა ქვეყნებში გარდასახლებულ იქმნა 25, 000 ქართველი.

დაუსრულებელის დიდი სისხლის ღვრის შემდეგ ესენი გადასახლეს უმეტესად სამხრეთ საქართველოს კუთხიდან, რამაც ერთობ დიდი დამღუპავი გავლენა იქონია ამ კუთხეზედ. ამ დღიდან იწყება ამ კუთხეში ქართველთ შემცირება და მოსპობა. დღეს რაც არის ეს სამხრეთის ნაწილი და ან რამდენი სოფელშიდა სცხოვრებს ქართველი ხალხი, ეს ხომ ყველამ ვიცით და იგი ჩვენი ტომის ისტორიის დიდი საგოდებელი მასალა არის. იქ, სადაც ადრე სამი საეპისკოპოსო სოფლები და ხალხი იყო, დღეს ერთი საბლადოჩინო არის. მორჩა აქ ქართველი ტომის არსებობის ისტორია, აქამდის მიწა-მამული მაინც ქართველ მეზატონეების იყო, ეხლა ამაებსაც ჰყიდიან

იგინი. ნახევარზედ მეტი უკვე გაჰყიდეს. შაჰ-თამაზმა გადაასახ-
ლა 50,000 ქართველნი, ესენიც იყვნენ უმეტეს თრიალეთე-
ლნი და სამცხელნი. ყეინი ამათ ასახლებდა არამც თუ მძლავ-
რებით, არამედ სხვა და სხვა სამთავროების მთავრებისაგან
შეყვარებით, მეგობრობით და ნათესაობითაც კი, მაგალითებრ
ყეინის ცოლი სამცხელი თავ. შალიკაშვილის ქალი იყო, უმე-
ტეს ნაწილ გადასახლების გაადვილებას ამ გარემოებამ დაუდო
ადვილი ნიადაგი და საფუძველი. წაუყვანიათ აჭარილად მრავ-
ლად, სამხრეთ საქართველოს ნაწილიც თითქმის ამ დროს
დაიცალა და აოხრდა ფითარეტი, ტანძია, ბოლნისი. ამ დრომ-
დის ქართველთ რიცხვი კიდევ დიდი იყო, ხოლო შაჰ-თამაზის
პოლიტიკამ კი იგინი ნახევრამდე მოსპო.

შაჰ-აბჰზმა 1618 წ. გიორგი მოურავის ოსტატობით საქა-
რთველოდამ გადაასახლა 100 ათასი ქართველი. ზოგის თქმით
80 ათასი, ზოგის თქმით 120 ათასი. ერთი ამდენიც გზაში
დაიხოცა. მიზეზი ამისი ის იყო, რომ ამოდელა ხალხს სპარ-
სეთში ფეხით მიერეკებოდენ. ჯერეთ ვიდრე აქ დაიმორჩილებ-
დენ, მინამ სპარსელებმა ცნობილის გიორგი მოურავის წყალო-
ბით კახელობა და სამხრეთელნი ჭიანჭველისავე სრისეს. ასე
ხოცვის გამო კათოლიკის იმ დროინდელი მისიონერები აი
რას სწერენ დანამდვილებით: ქართველების აყრა და დიდი

– 11 –

გადასახლება მოხდა ბარბაროს შაჰაბაზისაგან. გადასახლე-
ბულნი მიჰყვანდათ სპარსეთში ფეხით. გზაში ესენი სცდიდენ
დიდ გაჭირებას, ბევრს ალაგას გზაში ავით მყოფთ რაკი სია-
რული არ შეეძლოთ, იმათ გზაში სტოვებდენ და თან აღარ
მიჰყვანდათ. ესენი გზაში იხოცებოდენ. მერე ამათ ხორცს
მგლები სჭამდენ. ხშირათ მკვდართ სხეულებზედ აქლემები
დადიოდნენ. ხშირად ხდებოდა ისიც, რომ რაკი დედას არ აქ-
ვნიდა ძალა და ღონე თავის ყმაწვილების ხელით ტარების და
ზიდვის, მაშინ ამ ყმაწვილებს იგინი გზაში ხოცავდენ და მით
ირჩენდნენ თავს ტვირთის ზიდვისაგან.

ასე და ამ გვარად, გზაში დაიხოცა თურმე დიდი ძალი
ქართველობა. მაინც რამაც სპარსეთში ჩაახწია, იმათი რიც-
ხიც იმოდენი იყო, რომ მარტოდ ცხენოსან ქართველთ
ჯარისაგან შესდგა 30,000 ათასი ცხენოსან მხედარი. ამათ
გარდა მთელი სპარსეთი ისე იყო ქართველებით სავსე, რომ
თითო სახლში ორ-ორი მონა ჰყავდათ მსახურათ. ასეთებს
გარდა თეირანის, თავრიზის, შირაზის და სხვა დიდრონ ქალა-
ქების ბაზრებზედ, ქართველთ შვილები ცხვრებზედ უფრო
იაფად იყიდებოდა. ხშირად ასეთ დაყიდვის დროს დაშორე-
ბულთა ერთმანეთს ძმა – ძმის, დას ძმის, ცოლი ქმარს, ნათესავს
ნათესავს და ესენი წაუყვანიათ მყიდველთ აქეთ იქით ისე, რომ
მათ გამწარებულს სულს იმედიც კი აღარ შერჩენიათ მის,
რომ იგინი ოდესმე ერთმანეთს შეხვდებიან სადმე ცოცხლები
და ნახავენო.

ამ დროს მომხდარა დიდი უბედურება ქართველთა,

დიდი საცოდავობა, როგორც პატრი დელავალე სწერს რომის პაპს 1622 წ. „ღირსი შებრალებისა, რომელთ საცოდაობასაც კაცი თქვენის უნეტარესობის წინაშე ვერ მოსთვლისო“. კათოლიკების მისიონერები ქართველთ ამ ვაებით სავსე დაღუპვას და ნამეტურ გადასახლებას დიდის სიბეჯითით აღწერდნენ. ამის ცნობებს მიხ. თამარაშვილის წიგნიც ასაბუთებს. ცნობა არის, რომ აზანს წაუყვანია 5000 ქართველი, ესენი

– 12 –

დაუსახლებია გილანის მიდამოებში. აქ დასახლოებულთა ქართველნი 1840 წლამდე ქართულ ენაზედ ლაპარაკობდენ. დღეს მათში ქართული ენა დაკარგულია. სელიმ ხანმა გადასახლა და მთელს სპარსეთში მონებათ დაფანტა 30,000 ქართველი. ამავე ყაენმა მოიყვანა თათრები და დასახლა ქართლ-კახეთში. უსეინ ყაენმა წაიყვანა 3000 ქართველი, შაჰ-ნადირმა წაიყვანა 5000 ქართველი, უზუნ-ხანმა წაიყვანა 300 ქართველი, მირვეისმაც გადასახლა. გადასახლებულთ ცნობა არ სჩანს. კონსტანტინეს მძევლობის დროს წაყვანილ იქმნა 100 ოჯახზედ მეტი, ლეონ ირანთა მსაჯულის დროს 200 კომლი, ირაკლი ნაზარალიხანმა 100 კომლი, დიმიტრი თავდადებულის დროს 500 კაცზედ მეტი. ბევრი ამათგანი ურუმისაკენ იქმნენ დასახლებულნი. 1795 წ. უბედურობის გამო წაყვანილ იქმნა 30,000 ათასი ქართველი. ვახტანგ მეექვსეს ორჯერ 400 კაცზედ მეტი გაჰყვა სპარსეთს, ესენი სულ იქ დარჩნენ.

ქართველთ გადასახლება თუ რამდენათ სასურველი იყო სპარსთათვის, თუ იგინი ქართველებს რა სიუხვით ასახლებდენ და რა მძლავრებით, ესა სჩანს თვით ისეთის გარემოებისაგანაც, როგორც არის მაგალითებრ ქართველთ გადასახლებულთა რიცხვის მოკრება და მომზადება არამც თუ საერთოდ მთელის საქართველოდამ, არამედ ყმათა შვილებით ხარჯის გადახდას იგინი თვით კერძოთ თითო მებატონესაც კი ადებდენ კისერზედ ტვირთათ, რომ მას, ანუ მის სახლის კაცებს თვისის საყმოდამ უნდა მოემზადებინათ გადასახლებულად აღნიშნული რიცხვის კაცი და ქალი, ანუ რასაც მათი ოჯახობის რაოდენობა მოითხოვდა და რიცხვი შესდგებოდა.

XVII საუკუნის ნახევრამდე, ანუ შაჰაბაზის შემოსევის და ქართველთ გადასახლების დღიდან, სპარსთ ისე მოემარჯვათ ქართველთ გადასახლება, რომ ზემო ქართლიდამ ავღლიშვილების საყმოდამ სპარსეთში გადასახლეს 5000 სული. საციციანოდამ, ანუ ციციშვილების ყმებთაგან 500 კომლი.

– 13 –

თითო კომლი ისე მრავალი იყო თურმე, რომ 500 კომლში ირიცხებოდა 4000 სული. ქსნის საერისთაოდამ გადასახლეს 1000 კომლი. უეჭველია ამ ათას კომლში ათი იმდენი სული მაინც იქნებოდა. არაგვის საერისთაოდამ 800 კომლი. ასე და ამ გვარად ზოგის საბატონოდამ სულ მცირე, საიდანაც

რა მოხერხდებოდა. ასეთ საბატონო გადასახლებულ ყმათა ოჯახების შესახებ დიმ. ბაქრამე სწერს, რომ „ჩვენ თუ სახეში ვიქონიებთ იმ გარემოებას, რომ მაშინდელი ქართველთ ოჯახები გაუყრელნი იყვნენ და ოჯახში 10-20 და 30 სულიც კი ერთათ სცხოვრობდაო, მაშინ უნდა ვიგულისხმოთ ის გარემოება, თუ გადასახლებულთ კომლთა შორის რა დიდი რიცხვი უნდა ყოფილიყოს ბედშავ ქართველთაო.

აქ საკითხია ერთი ისიც, რომ ამოდლოა ხალხს რომ ასახლებდენ, ნეტა ეს გადასახლება როგორ ხდებოდა, ან აქ ქართლ-კახეთში რაღა შთებოდა საცხოვრებლად და ან გადასახლებულნი რა იყვნენ, ქათმები იყვნენ თუ ცხენები და თხები, რომ ისე მიერეკებოდენ მათ და იგინიც კი ხმას არ იღებდენ მათზედ. ამის შესახებ ითქმის შემდეგი. რაკი საქართველო გაიყო სამ სამეფოთ და ხუთ სამთავროთ, მის გამო ქართველთ ძალა ისე დაეცა და ისე გათახსირდა, რომ აქ ქართველნი ჩავარდნენ მეტად განწირულს მდგომარეობაში. გმირობა მათში ყოველთვის არსებობდა, მტრის წინააღმდეგ იგინი ყოველთვის მკაცრად იღვწოდნენ, ხოლო მათ ბრძოლას ხშირად არ ეძლეოდა გამარჯვება, რადგანაც როცა სპარსნი ქართველთ ასეთ გადასახლებას აპირებდნენ, მაშინ ისინი საქართველოში მეტად დიდის ჯარით, დიდის ხალხით, საომარის იარაღით და ასეთის სამზადისით მოდიოდნენ, რომ აქ მათ ამ დროს დამარცხება არ მისცემოდათ. აქ მათი დამარცხება იქნებოდა მათის მუსრის გავლება და აბა ისინი ამისთანა საქმისთვის უბრალო სამზადისით და საომარის იარაღით როგორ წამოვიდოდნენ, ეს მათგან შეუძლებელი იქნებოდა. ამიტომაც იგინი საქართვე-

ლოში დიდის ძალით მოდიოდნენ და ამის წყალობით ყოველთვისაც იმარჯვებდენ.

რაც შეეხება იმ გარემოებას, რომ ქართლსა და კახეთში იმდენი უძლურების და გარდასახლების შემდეგ სადღა იყო და ან ვიღა რჩებოდა აქ და ვიღა მრავლობდაო? ამაზედ ითქმის იგივე გარემოება ქართველის კაცის ოჯახის გაუყრელობისა და მათსავე ოჯახის წევრთა რიცხვზედ, რასაც ამბობს დიმიტრი ბაქრამე, ესე იგი მაშინდელ ოჯახის წევრთა დიდი რიცხვი, თითო ოჯახში მაშინ სამი, ოთხი ძმა, მამები, ბიძები და ბიძაშვილები ერთად სცხოვრობდნენ განუყრელად, ზოგს ოჯახში ცხრა აკვანი იდგა, ზოგში მეტ-ნაკლები. ასეთ გაუყრელობას პირველი მტრის თავ დასხმა და შიშიანობა ითხოვდა, რომ როცა სადმე მათ ქურდულათ სპარსნი, ანუ ლეკნი დაეცემოდენ, მაშინ ადვილათ შეეძლებოდათ, რომ ასეთ ოჯახის წევრთ პასუხი რიგიანათ მიეცათ და მტერი გაედევნათ. ამიტომაც იყო, რომ საშუალ საუკუნეების შემდეგიდამ ყოველი სოფელი თავისთვის საკუთარს საომარს კომკსაც კი იკეთებდა. მეორე მიზეზი იყო მათი ერთობით ცხოვრების, მათის ოჯახის კეთილ დღეობის და მეურნეობის კარგად ცო-

დნა, რომ თუ არ ასეთის ერთობით, ისე იგინი სასოფლო სამეურნო, ანუ ოჯახის საქმეს კარგად ვერ გაუძღვებოდნენ და ამიტომაც იყვნენ ერთად, განუყრელათ და მის მეოხებით. ოჯახიც მათი იყო ძრეელი და სავსე ყოველის საქიროს სანოვაგით. ასეთი სიმტკიცე ოჯახის და მასთან სიმამლრე ოჯახის წევრთა ხელს უწყობდა ხალხის გამრავლებას მაშინ. ძნელად რომ კაცს კაი მოხუცებადის არ ეცხოვრა. გარდა ამისი ყმაწვილების რიცხვიც კი ისე არ იხოცებოდა, ეს როგორც დღეს არის ჩვენში, არამედ მეტად იშვიათად, როგორც მაშინ ჰაერიც სუფთა იყო და საკვებიც კაი და იაფი იყო და ყოველივე ეს კიდევ უწყობდა ხელს ქართველ კაცის ოჯახის გამრავლებას. მართალია ქართველებს ბალახივით სთიბავდენ, მაგრამ იგინი მაინც მალიად მრავლდებოდენ თავიანთის ჭკვიანურის საოჯახო საქმეთა წყობილების წყალობით.

– 15 –

სპარსეთში გადასახლებულთ ისტორია მეტად მდიდარია მასთან გულ საწვავი და ცეცხლით სავსე. მარტოდ სპარსეთში გადასახლებულთ და დაყიდულთ ისტორია ერთი წიგნი გამოვა და არა ეს პატარა, ღარიბი მიმოხილვა. ყველაზედ მეტი უბედურება გადასახლებით ლანგთემურს მიუყენებია ქართველთათვის. ამისგან წაყვანილი და გადასახლებულთ რიცხვი 180 ათას ქართველამდის მიდის. ირაკლი მეორესაც გაჰყვა 300 ქართველი. ესენი ავღანისტანში გაწყდენ. უნდა ითქვას, რომ სპარსნი ქართველებს უმეტესად ინდოეთს, ავღანისტანს და ასეთ კუთხეებში გზავნიდენ სალაშქროდ, სადაც, ესენი იხოცებოდნენ უცხო ტომთათვის, უცხო ალაგას. ვიცით კარგად და ამას ჩვენი მესტორიენიც მოგვითხრობენ, რომ ასე უხვათ სპარსნი მიტომ მისდევდენ ქართველთ გადასახლებას, რადგანაც იგინი უმთავრესად ამით ამშვენებდენ თვის მოდგმას. მთელი სპარსეთის ერი ქართველთ სისხლით არის გამშვენებული. აი თვით დღესაც ერთმა ქართველმა ვაჭრობის მიმდევარმა*), რომელიც სპარსეთში კარგა ხანია მგზავრობს და ვაჭრობს. იქ ნამბობი მოხუცებულთა სიტყვით სთქვა, რომ სპარსეთში დღეს ქართველთ შთამომავალნი 2 მილიონი უნდა იყოს და არა რამდენიმე ათასიო. მთელი სპარსეთი სავსეა ქართველთა კვალისაო. ქართველთა ძეთა სახის ნიშნებითაო.

ჩვენ ისიც ვიცით კარგად, რომ სპარსეთი დიდის სიხარულით იმორჩილებდენ ოსებს, ჩერქეზებს, თვით ლეკებსაც ვი. ამათგანაცკი ხშირად მიჰყვანდათ როგორც ტყვენი, ისევე გადასახლებულნი და ნაყიდი ყმანი, რომელთა რიცხვი არ უნდა იყოს პატარა. ამას თვით სპარსეთში უცხო მოგზაურნიც აღნიშნავენ. აქ ნუ დავივიწყებთ იმ გარემოებასაც, რასაც ქართველთ მეფენი და მთავარნი სპარსეთის ყეინებს ქართველ გოგო-ბიჭებით წლიურათ ხარჯს უხდიდნენ. ეს ჩვენ არ გვიხსენებია, თუმცა უნდა ვსთქვათ, რთმ ასე ხარკში მიცემულთა

*) ყარამან კიკნაველიძე. ეს დღესაც სპარსეთში სცხოვრობს.

რიცხვიც ერთობ დიდი იქმებოდა. სამწუხაროდ ასეთ მიცემულ-თა რიცხვს ჩვენი სამეფო დავთრები, ისტორიული წიგნები და სიგელი-გუჯრები სულ არ გვიჩვენებენ, ოსმალეთზედ კი არის ცნობები, თუ წლიურად რამდენ სულს აძლევდნენ იმერთ მეფე, მთავრები და ათაბაგი. სპარსეთის შესახებ ჩვენ ვიცით ისიც, რომ მცირე წლოვან სახიერ ქალ-ვაჟთ სპარსნი ჩარდახიანის ურმებით მიერეკებოდნენო. ამას გარდა მოვიყვანთ იმასაც, რომ საქართველოში არ მოიძებნება ისეთი თავადის და აზნაურის ოჯახი, რომ მათ ოსმალ-სპარსეთში თავისი ყმების შვილების ჩუმათ, ცხადათ, ქურდულათ თუ ტყვის მოტაცების მსგავსად რამდენიმე სული კაცი და ქალი არ აქვდესთ წაყვანილი და დაყიდულნი.

საჭიროთ ვსთვლით, რომ ამ გადასახლების შესახებ ჩვენი ცნობების შესამოწმებლად სხვა ქართველთ ცნობებიც მოვიყვანოთ, რომ ჩვენი ცნობები ბევრს ისტორიულ სიყალბეთ არ ეჩვენოს. თუმცა ზემოთაც მოვიყვანეთ ამაზედ ცნობები, მაგრამ აქაც მოვიყვანთ ერთ შენიშვნას თავის სიტყვებით, როგორც ამას გადმოგვცემს დიმიტრი ბაქრაძე. აი მისი ცნობები:

„შაჰაბაზის ომში დაიხოცა 70 ათასი ქართველი, ტყვეთ წაიყვანეს 100 ათასი ქართველი. ესენი მათ დასახლეს მაზანდარანს, ფარსისტანს, მიდიას და სომხეთს. 1567 წ. შაჰთამაზს წაუყვანია ტყვეთ 30,000 ათასი ქართველი. ყველა ესენი დაუსახლებია სპარსეთის სხვა და სხვა ადგილებში. XVII საუკ. შემდეგ ოსმალთაგან ომებში დახოცილი იქმნა 75,000 ათასი ქართველი, 15000 კომლი ტყვეთ ჰყრობილი. ესენი დაუსახლებიათ შუა გულ ოსმალეთში. ამ 15000 კომლში 15 ათას სულზედ მეტს ანგარიშობენ. იმავე დროს ანუ XVII საუკ. დამდეგს სპარსეთში გადასახლეს 8000 სულზედ მეტი, ზემო ქართლის, ავალიშვილების საყმოდამ წაიყვანეს 5000 სული ქართველი, საციციანოდამ 500 კომლი, რომელთა წევრთა რიცხვი 4000 სული იქნებოდა, ქსნის საერისთაოდან წაიყვანეს 1000

კომლი, უეჭველია ამაში იქნებოდა 7000 სული მეტი თუ არა ნაკლები კი არა. აღსანიშნავია ისიც, რომ მაშინდელ ოჯახის წევრთ რიცხვი 10-15 სულისაგან შესდგებოდა და არა ეს ისე, როგორც დღეს არის“.

ქართველთ სპარსეთში გადასახლების საქმეს ჩვენი ძველები ერთობ გულგრილად უმზერენ. ამ უბედურობის შესახებ კერძოდ არავის რა დაუწერია. „ქართლის ცხოვრებაში“ ორი სიტყვა არის მოხსენებული ასე: „ყინი მოვიდა, კახეთი აჰყარა და სპარსეთს გადაასახლა“. ეს უბედურება ქართულ ისტორიაში სისხლის ცრემლით თუ მელნით უნდა იქმნეს ანუსხული, რადგანაც ხსენებულ გარდასახლება ქართველთა სისხლის მორე-

ვით არის მოცული. ეს ვაება არის ჩვენი ისტორიისა. მტერი ჰყრის ქართველს, აწიოკებს, ასახლებს შორს, უცხო ალაგას. ეს ადვილი საქმე არ გახლავთ.

ასე და ამ გვარად, სპარსეთმა შეისრულა თავის გულის წადილი. მათ ქართველთა ძენით გაავსეს მთელი სპარსეთი. ამით განაშვენეს თვისი ტომი არამც თუ მარტოდ სახიერებით, არამედ ყოველ ნაირის მიდრეკილებით და სამხედროს მეომარის გმირის კაცებითაც. სპარსელებმა ქართველებზედ ისრულეს გული ძველადგანვე და ვიდრე ოსმალო გაძლიერდებოდა გაოხრებულ ბიზანტიაში და იქიდან ესენი ქართველთაც დაუწყობდნენ ბრძოლას, მინამდის სპარსელთ აი რა უქმნეს, რა ოსტატობა იხმარეს ქართველ გვარის ნაციის მოსასპობად. ამას ეხლავ ვნახავთ ძველის ცნობებით.

საქართველოს ერთ XII საუკ. იყო ოთხი მილიონი მარტოდ კაცების, დედა-კაცების რიცხვი სხვა იყო. ეს მაგალითი აი საიდან ვიცით: XII საუკუნეში, დავით აღმაშენებლის დროს, იყო ქართველთა ლაშქრობა. მაშინ მეფის რჩევით განსაზღვრული იქმნა ათს კაცზედ ერთის მამა-კაცის სალაშქროდ გაყვანა და ამ რიგად დავითის სამეფოში ათის თავზედ ერთი კაცი იქმნა გამოსულ და „დავითის სამეფოში გამოხდა კაცი ოთხასი ათასიო“. ოთხასი ათასი ათის თავზედ რომ გავამრავლოდ,

– 18 –

გამოვა ოთხი მილიონი. ეს ცხადი არის, მამა კაცი თუ ოთხი მილიონი იყო, მაშ დედაკაცობაც ოთხი მილიონი იქნებოდა. ორივე კი ყოველთვის რვა მილიონი უნდა ყოფილიყოს და არა ისე, როგორც ეს დღეს არის ქართველთა შორის.

ქართველი ერი ორივე სქესის XII საუკ. XIII საუკუნის ნახევრამდის იყო 8 მილიონი ორივე სქესის.

ამ საუკუნის შემდეგ კი ქართველთა რიცხვმა კლება იწყო. წარმატების მაგიერ 8 მილიონ ხალხს ყოველ წლოვით აკლდებოდა თავის შვილებთა რიცხვი. საქმე ისე მოეწყო, რომ ქართველთა საკმარისად იწყეს კლება. აქ ამათ აღარც მდევარის ხმობა შველოდათ, აღარც ქუდზედ კაცის ძახილი.

სპარსელთ გაუნათლდათ მზე და მთვარე, ქართველთა შვილებზედ თავისუფლად იწყეს ნავარდობა. მათ არამც თუ მარტოდ ამის თავისუფლება აქვნდათ, არამედ XIII საუკ. შემდეგ ანუ XIV საუკუნის დამდეგიდან სპარსელებს ხელთ ეკავათ მთელის ქართლ-კახეთის ერის ცხოვრების და სიცოცხლის გასაღები, ასე რომ სპარსნი ქართველთა შვილების ზვარაკათ მიძღვნის საქმიანობით XIV საუკუნეიდან გულ სრულნი იყვნენ და იგინი მთელს საშვალ საუკუნეობში ქართველთა შვილებზედ კარგად ყრილობდნენ თავის ჯავრს. ამიტომ სპარსელებზედ თავისუფლად ითქმის შემდეგი.

XIV საუკ. ქართველთა ძეთაგან ზვარაკათ შეიწირეს ერთი მილიონი ქართველი.

XV საუკ. განმავლობაში შეიწირეს ერთი მილიონი ქართველი.

XVI საუკ. განმავლობაში შეწირულ იქმნა ერთი მილიონი ქართველი. ასე რომ XVII საუკუნის დამდეგს ქართველთა რიცხვი საქართველოში უნდა ყოფილიყო 5 მილიონი.

ამ ხუთ მილიონში ირიცხებოდა ასე: ერთი მილიონი მესხეთ-ჯავახეთი, რაც ოსმალომ აიღო 1580 წ. და მეხარკეთ გაიხადა. ამასთან ორი მილიონი იყო ქართლი, კახეთი და სამცხე საათაბაგო. მაშასადამე სულ სამი მილიონი.

– 19 –

ამისთანავე იმერეთიც იყო ორი მილიონი. ამ რიცხვში შემოდიოდა იმერეთი, გურია სამეგრელო, სვანეთი, აფხაზეთი და სხვანი. ვგონებთ, რომ ამ ხალხთა მიწა-მამულზედ ორ მილიონ ხალხს ყოველთვის თავისუფლად შეეძლო ცხოვრება. ამას ასაბუთებს დღევანდლამდე ამ კუთხის ადგილებზედ დაშთენილი ნასოფლარები და ძველი საყდარ-კომპეები. თუმცა სოფლების რიცხვი კი დღეს აღარც მესხეთი არის დაშთენილი.

ასე და ამ გვარად XVII საუკ. დამდეგს მთელ საქართველოში ქართველთა რიცხვი ორივე სქესის იყო 5 მილიონი. სპარსელებმა უკანასკნელად დიდის ცდით ქართლ-კახეთიდან მთელი საუკუნის განმავლობაში აჰყარეს იმოდენი ქართველობა და სპარსეთში გადასახლეს, რაისა გამო აქ აღარ დარჩა აღარც ნახევარი რიცხვიც კი ქართველთა მცხოვრებთა.

ქართლ-კახეთის ორი მილიონი ქართველობა მთელი საუკუნის განმავლობაში ისე შემცირდა, რომ უკანაკნელ გახდა აღარც ნახევარ მილიონი.

მესხეთ-ჯავახეთის ერთი მილიონი მთლად ჩაყლაპა ოსმალეთმა და გააქრო.

იმერეთი, სამეგრელო, სვანეთი, აფხაზეთი და გურიაც ამავე დროს დანაწილდა სასტიკათ და XVII საუკ. ნახევარს საქმე იქამდის მივიდა, რომ ხსენებული საუკუნის დამდეგს 2 მილიონ მცხოვრებთ მაგიერ მთელს ამ კუთხეში ირიცხებოდა ნახევარ მილიონი ქართველობა.

ასე და ამ გვარად დაიშალა 8 მილიონი ქართველობა და XVII საუკ. გასულს ამიდამ აღარც ერთი მილიონი იყო ორივე სქესის. ასე გათავდა სპარსელების ცდა ქართველთა ტომზედ შაჰაბაზის შემოსევის დროს. სპარსელებმა გადასახლების ცდას არც შემდეგ დაანებეს თავი. ამათ ტყვეთა პყრობა და გარდასახლება ქართველთა მძლავრად 1795 წ. კიდევ სცადეს. ამ წლის თავ-დასხმით და გადასახლებით თავდება სპარსელთა მეცადინეობა საქართველოს ქართლის და კახეთის მცხოვრებ ქართველობაზედ.

– 20 –

სპარსნი XIV საუკ. დამდეგიდამ ქართლ-კახეთზედ ისე ნავარდობდენ, რომ ამათის წყალობით ქართველთა გადასახლება სპარსეთში ყოველთვის სწარმოებდა. სპარსელთა წყალობით

მეტად უწყალოდ და შეუზღრალეზღად მცირდებოდა ქართლისა და კახეთის მცხოვრებნი. საქმე იქამდის მივიდა, რომ XVIII ნახევარს, მთელი კახეთი აყრილი იყო და დაცარიელებული. ასეთ ჯილდოს არც ქართლი გახლდათ მოკლებული.

რაც ქართლს და კახეთს სპარსთაგან ევლინებოდა XIV საუკ. დამდეგიდამ, იგივე ეფინებოდა მძლავრებით ოსმალთაგან სამცხე-სათაბაგოს 1580 წლიდამ და იმერეთს, სამეგრელოს, გურიას, აფხაზეთს და სვანეთს 1640 წლიდამ. ამიტომ სპარსთა და ოსმალთ მძლავრება ყოველთვის ერთნაირად სწარმოებდა, მათგან ყოველთვის სულ ქართველთ აყრა და გარდასახლება ისმოდა. სპარსთა შემდეგ ახლა ოსმალთ მძლავრებას და ქართველთ გარდასახლებას შეეხებოდა.

ოსმალეთმა ქართველთ გარდასახლება დაიწყო 1580 წლიდამ. ამისთვის იგინი ხმარობდენ ყოველ ნაირ მახვილს და ბოროტ ოსტატობას.

ყარსის (კარი) თემში ძველადგანვე მთლად ქართველის ტომის ერთი იყო დასახლებული. აქ ქართველთ სოფლებში ისევე სცხოვრობდენ ქართველნი, როგორც დღეს ქართლს, კახეთს და იმერეთში. აქ მათში ყველგან ქართული ენა არსებობდა. მათში იყო ერთი საეპისკოპოზო, რომელიც იწოდებოდა კარელად. მთელი ეს კუთხე იყო ნაწილი ზემო ქართლისა. ოსმალეებმა აქიდამ ქართველებს აყრა და გარდასახლება დაუწყეს 1585 წლიდამ. XVII საუკ. დამდეგიდამ 1650 წლამდე მთელს კუთხეში აღარ დარჩა ქართველთ ერის აღარაფერი. აქ ქართველთ რიცხვი ისე მოისპო, რომ დღეს კაცი ვეღარც კი წარმოიდგენს, თუ ოდესმე ეს კუთხე ქართველთ ტომის ძირეული კუთხე იყო. ყარსის თემში 1877 წ. იყო ქართველ მაჰმადიანთ შთამომავალთ რიცხვი 170 ათასი, დანარჩენი სხვა ტომისანი იყვნენ. ეხლა აღარც ესენი არიან. ვინც არის,

– 21 –

იმათაც ქართული ენა დაკარგული აქვსთ, თავიანთის ვინაობის აღარაფერი ახსოვთ. ყარსში 1878 წ. ქართულ ძველ ტაძრის შთენიც იყო დაცული, რომლის ქვებსაც წარწერაც აქვდა ქართული. ორიოდე სხვა ნაშთიც აღმოჩნდა, დღეს-კი აქ ქართველობის ყოველივე ნატამალობს, დარჩა მხოლოდ ცოტაოდენი ქართველთ ძველის ძველი ნაშთები.

არტაანი (არდაგანი), ეს კუთხე ყარსის თემის ნაწილი არის, იგიც შეადგენს კარის ნაწილს და იწოდებოდა ზემო ქართლად. ამ თემის ქართველ მაჰმადიანებს ოსმალში გადასახლება დაუწყეს XVIII საუკ. დამდეგიდამ. ოსმალთ აქ საკმარისად მოსპეს ქართველთ რიცხვი. აქ ამათ მაგიერ მოჰყვანდათ ქურთები, შამის თათრები და მათ ასახელებდენ. საქმე ისე მოაწყეს, რომ მთელ არტაანის სოფლები ხსენებულ საუკუნის ნახევარს თითქმის განახევარდა. ამ განახევრებას მთავრობა სიხარულით მზერდა. საქმე ისე მოეწყო, რომ XIX საუკუნის დამდეგამდე აქ უკვე ქართულ ენამ ამოვარდნა იწყო, დღეს

მთელ არტანის ოლქში ქართული ენა აღარსად არსებობს. თუმცა მთელ არტანის ოლქში ნახევარზედ მეტი მცხოვრებნიც ქართველ მაჰმადიანთ შთამამოვალნი არიან, ზოგ ხეობაში ესენი თავს ქართველად იწოდებენ „გურჯად“, მხოლო თითონ კი არ იციან ქართული ენა, ქართველობის თამარ მეფის სახელის მეტი სხვა არა ახსოვთ რა.

ოსმალოს მთავრობას ქართველთ აყრის და გადასახლების საქმე ისე კარგად არსად წაუვიდა, როგორც კარის (ყარსი) და არტანის (არდაგანი) თემში. ამათი ცდა იყო ამ კუთხეებში ქართველ ტომის შემცირება, მოსპობა ქართველი ერის. ეს მათ აქ ერთობ ადვილათაც მოაწყეს. ამ დრომდის კი აქ ეს ენა ისე სუფევდა როგორც იმერეთში. ქართული ენის ადვილად გაქრობას ხელს უწყობდა ის გარემოებაც, რომ აქ მრავლად ასახლებდენ თათრებს გარდა თათრულსავე ენით მოლაპარაკე ბერძნებს, სომხებს, აისორებს და სხვაც. აქ ძველად

– 22 –

ქართველთ რიცხვი იმოდენი იყო, რომ მათ აქვნდათ შესანიშნავი საკათედრო ტაძარი, რომელიც იწოდებოდა ბანელად. ამის შთენიც დღემდის არის დაშთენილი, რასაც განცვიფრებაში მოჰყავს მნახველი. იგი ანუხსულიც არის და მრავალნაირად გადაღებული.

დღეს კი არტანის ოლქის შესახებ შეიძლება აღარც კი ვინმემ იფიქროს, რომ ეს კუთხე ოდესმე ძლიერი ზემო ქართლის კუთხე იყო და ამის მცხოვრებნიც ძველად მთლად ქართველი ტომისაგან შესდგებოდა, ხოლო იგინი მოსპო, აჰყარა და გარდასახლა შორეულს ქვეყანაში ოსმალოს მახვილმა. კარის და არტანელთ ქართველთ მძლავრად აყრა და გადასახლება იწყება 1670 წლიდამ და გრძელდება 1760 წლამდე. ამის მერე აქ გარდასახლებას მთავრობამ თავი დაანება, რადგანაც ქართველთ რიცხვი საკმარისად შემცირდა.

მესხეთიდან ქართველთ გადასახლება ოსმალოს მთავრობამ დაიწყო 1640 წლიდამ. იგი განაგრძო კარგა ხნობამდის, ხოლო აქედამ ათასობით კი ვერ ასახლებდენ, არამედ თითო ოროლა კომლს. ამათ მაგიერ ნელ ნელა სხვა ტომის თათრებს ასახლებდენ, თან ქართულ ენასაც სასტიკათ სდევნიდენ. ამის მიზეზები არის, რომ მესხეთის ქართველ მაჰმადიანთ შორის ბევრს ალაგას ქართული ენა სადღეისოდ უკვე დავიწყებული აქვთ. ამ დავიწყებას ხელს უწყობდა ახალციხის ფაშების მართვა-გამგეობა და იქაური მუფთის უპირატესობა და „მეჯლისში“ ყადებისაგან ოსმალური ენის ხმარება, ამ ენით მოქმედება და ლაპარაკი საყოველთაოდ ყველას წინაშე.

ჯავახეთელთ გადასახლება იწყება მესხეთის გადასახლების დროს. ამასვე ზედ ერთვის ჩილდირის ხეობის ქართველთ აყრა და გადასახლება. ოსმალში ამათი უკანასკნელი გადასახლება მომხდარა 1770 წლებს. მიზეზი იქმნა ქრისტიანობის შემცნევა, მუსულმანობის წინაშე სიყალბე, ამას გარდა სხვაც ბევრი რამ. XVIII საუკ. დამლევს აქ ქართველობის რიცხვი

ფოცხოველთ გადასახლება. ფოცხოვიც ისეთივე ქართლის ნაწილი არის, როგორც კარი და არტაანი. ოსმალთა მთავრობამ ფოცხოვს რაღაც მანქანებით შეხედა და აქედამ ქართველებს ისე ოსტატობით ასახლებდნენ, რომ იქ ერთი ქართველი კაცის ოჯახის დატოვებაც არ უნდოდათ, ხოლო ეს მათ ვერ მოახერხეს. ამის მიზეზი ის იყო, რომ ფოცხოველნი ისლამზედ ადვილად არ გადადიოდნენ, იბრძოდნენ კიდევ. ბოლოს მთავრობამ დასძალა ესენი და მათში ქართული ენის ყოველივე აღმოკვეთა. 1780 წლებს ფოცხოველთ დარაჯი დაუყენეს, რომ მათ მესხელ-ჯავახელებთან მისვლა-მოსვლის დროს ქართული ენა არ იხმარონ სალაპარაკოთაო. აქ იტყოდნენ მოხუცებულნი 1876-77 წლებს, რომ ფოცხოველთ წასვლა ანუ გადასახლება ოსმალეთში ორასი წლის წინედ დაწყობილაო. მაშასადამე ეს უნდა მომხდარიყო 1680 წლებს აქედამ. გადასახლებას თავი დაანებეს ასი წლის წინეთო. ეს უნდა ყოფილიყოს ასპინძის ომის შემდეგ, როცა აქ ქართველობის ყოველივე უკვე ამოვარდნილი გახლდათ.

ჩვენ ვიცით, რომ ასპინძის ომის შემდეგ 1770 წლებში მესხეთ-ჯავახეთიდანაც აპყარეს და გადასახლეს, ასევე ქვაბლიანიდანაც კი, რადგანაც ესენი შეწამებული იქმნენ მასში, რომ თქვენ ახალციხელებს დაეხმარეთ მეფე ერეკლეს სასარგებლოდ ასპინძის ომშიო. ამის ამბები აქ მოხუცებულთაც იციან. უთქვამთ ისიც, რომ ძველთაგან დარჩენილია ის გადმოცემა, რომ ოსმალნი ქვაბლიანში თათრებს და ქურთებს არ ასახლებდნენო. აქ არავინ მოუყვანიად და დაუსახლებიათ, ამიტომ აქ ქართული ენა დარჩა მკვიდრად. ცოტაოდენიკი უცხო ტომის თათრები ახალციხის მხრით ზარზმის შეყოლება დაუსახლებიათ, სადაც ამის მიზეზით რამდენსამე სოფელში ქართველ მაჰმადიანთ შორის ქართული ენა ამოვარდნილა. დღეს აქ ქართველ მაჰმადიანები წვალეებით ლაპარაკობენ ქართულს ენაზედ.

შავშელთ გადასახლება. 1895 წ. აი რა მიაშვეს მოხუცებულთ:

„ჩვენი გადასახლება ოსმალეთში დაწყობილა ძველთაგანვე“. ვკითხე: მას შემდეგ რა ხანი იქნება გასული, რაც ეს გადასახლება დაწყობილა? მომიგეს, ძველთ კაცნი იტყოდნენ: რაც ჩვენები პირველად აპყარეს და ოსმალეთში გადასახლეს, მის შემდეგ იქმნება გასული ორას წელიწადზედ მეტიო. მაშასადამე ეს დროც უნდა მიეწეროს 1680 წლებს. გადასახლებულთ სოფლებში ასახლებდნენ ქურთებს და თათრებს. ამიტომაც მოხდა, რომ აქ ქართველ მაჰმადიანებმა ქართული ენა უკვე დაკარგეს. შავშელთ გარდასახლების შესახებ ბევრი ცნობები არის დაშთენილი, ხოლო დრო და წელი არ იცი-

ან მათ, თუ როდის რა მოხდა, რა გადასახლება, რისთვის და რა მიზეზებისთვის. უმეტესად კი სჯულის გამო ასახლებდნენ. აყრა და გადასახლებით შავშელნი ქართულ ენას არ დაკარგავდნენო, მაგრამ ამის მიზეზი ის იყო, რომ შავშელ ქართველთა მაჰმადიანებს მრავლად რთავდნენ ქურთის ქალებსაო. შავშეთში ქართული ენა ამიტომ დაიკარგა 1790 წლებს.

შავშეთში ქურთის ხალხის მოყვანა და დასახლება აი რას გამოუწვევია: შავშეთი მეტად მშვენიერი კუთხეა, კარგი, ჰავიანი, მოსავლიანი და ხალხიც მეურნე არის, ერთის სიტყვით ეს კუთხე არის მარგალიტის ქვეყანა. ასეთ ქვეყანაში ქართველთა არსებობა ოსმალთ დიდათ შურდათ, ამიტომაც მორეკეს აქ ქურთები და დაასახლეს, რაისა გამო ქართველთა მაჰმადიანებიც ქართულის ენით და ჩვეულებით დაძალებულ და დაჩრდილებული იქმნა მათგან. შავშელთ საკათედრო იყო ტბეთის ტაძარი, რაც დღემდეც სდგას მთლათ გუმბათით დაუქცეველი. ერთ დროს ჯამეთ იყო. ჯამე მოშალეს მთავრობის შიშით, მის გამო იგი უპატრონოდ დასტოვეს.

იმერ-ხევი. შავშეთის გვერდით სძევს. მას შავშეთისაგან ყოფს ტბეთის ტაძარი. ეს კუთხე არის მეტად ხრიაკ-კლდია-ნი ადგილები, მიუსავალი. ამიტომ ოსმალნი ამ კუთხეს არ შეშურებინან, აქ უცხოელების არავინ დაუსახლებიათ, მიტომაც დღემდე იმერხევში აჭარული ენა არ დაკარგულა ქართველ მაჰმადიანთ შორის.

– 25 –

ლაზისტანის და ჭანეთის მცხოვრებთ გადასახლების საქმე მიაძმეს მოხუცებულთ: ლაზების გადასახლება ოსმალში იწყება ძველადგანვე. ოსმალნი ჩვენ ყმაწვილებს ყიდულობდნენ, კაი ფასს იძლეოდნენ. აქედამ ძალიან მრავლად მიჰყვანდათ ქალები. თქმულება არის, რომ ოსმალთ მთავრობას თითქმის ნახევარი ლაზების დაუპნევია ოსმალთ ქვეყნებში. ლაზების აყრა და გარდასახლება ანუ ოსმალში დაფანტვა იწყება 1640 წლებიდან და იგი გრძელდება 1750 წლებამდე. ლაზების აყრის და ოსმალეთში გარდასახლების ამბების მთელი წიგნი დაიწერება. იგი სისხილის ცრემლით არის სავსე. ამის აღარც მომთხრობი არიან, სულ დაიხოცნენ, არც ამწერი. მითხრეს, რაც ლაზების გადასახლებას თავი დაანებეს, ეს იმ დროს უნდა იქმნეს, როცა იგინი ნამდვილ მუსულმანებათ აღმოსჩნდნენო. ამ დროდ ასახელებენ 1750 წ.

ქობულეთელთ გადასახლება მომხდარა 1790 წლებს. გადასახლების მიზეზები იყო სჯულის საქმე და მასთან მთავრობის წინაშე უჯათობა, სიმაგრე და მუსულმანობაზედ გადასულ ალი გურიელის დახვრეტა.

მოხუცებულთ სთქვეს: ჩვენი ანუ ქობულეთელთ გადასახლების საქმე თვითონ მათი ბრალი არისო. სჯულს უარობდნენ და ოსმალნიც მიტომ ასახლებდნენ აქეთ იქითო. ჩვენც ეს მოგველოდა, რომ არ დაგვაგშირებოდით ისლამსაო. ტყუილად წაიხდინეს თავი, მით ქვეყანაც წაზდაო. ამავე მოხუცის

თქმით ქობულეთიდან სხვა და სხვა დროსაც გადუსახლებიათ ქობულეთელნი ოსმალში. რაკი ამ გადასახლების შესახებ ისტორიული ცნობები არა გვაქვს, ამიტომ მე მეზავრობის დროს ზეპირ ამბები ვკრიბე ამის შესახებ. არ არის ისეთი კუთხე ქართველ მაჰმადიანთა, რომ იქ მოხუცებულთ არ ეამბნათ ცნობები მასზედ, თუ ძველად ოსმალთ მათ ხეობიდან რამოდენა ხალხი აჰყარეს და გადაასახლესო.

მაჭახლელო გადასახლება. მაჭახლელნი სჯულზედ მაგრად იდგნენ, ბეჩავნი ამისთვის სისხლსაც ღვრიდნენ. ამიტომ ოსმა-

– 26 –

ლოს მთავრობამ ესენი აჰყარა და სულ ოსმალს შორეულს ქვეყანაში გადაასახლა, მერე კი მოისვენა ქვეყანამა და ყველანი მშვიდობით დაუკავშირდნენ ისლამს. მათი სიტყვით ეს დრო ყოფილა სამასი წლის წინეთ. ასე მიაბნეს, ხოლო ეს არ უნდა იყოს სწორე, მოხუცებულნი ისლამთან დაკავშირების ცნობებს ყოველთვის აზვიადებენ და დიდის ხნიდან ამბობდენ. 300 წელი კი არ უნდა ყოფილიყოს მაშინ 1893 წ. ორასი კი იქნებოდა, რადგანაც ჩვენ ვიცით, რომ მაჭახელში ქრისტიანობა მოისპო სრულიად 1770 წ. და აბა ამ დროდამ საიდან იქმნება სამასი წელიწადი გასული. მაშასადამე, მაჭახლელების ოსმალში გადასახლება უნდა მომხდარიყოს 1770 წ. ხოლო ეს გადასახლება უკანასკნელი იყო, მეორე თუ მესამე ამის ჩვენ არა ვიცით რა, არც არა თვით მაჭახლელო მოხუცებულთ იცინან.

აჭარიდამ გადუსახლებიათ რამდენიმე ასი კომლი 1780 წლებს. მიზეზი ამათ გადასახლების იყო მთავრობის წინააღმდეგ მოქმედება, ისლამის აღიარების დროს სხვა რჯულის რწმენაც და ბევრიც სხვა ასეთნი. აჭარელთ, ლივანელთ და ამ თემის სხვა კუთხის ქართველ მაჰმადიანთ გადასახლებაც ხშირად მომხდარა, რადგანაც ესენი თურმე წინააღმდეგნი ხდებოდენ მთავრობის. თქმული არის მრავალ ჯერ, რომ აჭარლებს როგორც ოსმალს მთავრობა ასახლებდა შორეულს ოსმალს ადგილებში, ისევე აჭარლები, ლივანელები, და მაჭახლელნი თქვენსკენაც მორბოდნენ და იმალებოდნენო. აჭარელთ უარობაზე აი რას იტყოდნენ მოხუცებულნი: აჭარელთ გადასახლება ერთ დროს მიტომ მომხდარა, რადგანაც იგინი ახალციხეში ფაშას არ ემორჩილებოდნენ, ნამეტურ სხვა (უცხო) ფაშას, ესენი სხვას ხმარობენ მაშინ, როცა უცხო უნდა გამოხატონ. იტყოდენ: ახალციხის უცხო ფაშა ბოროტი იყო. აჭარელნი მათ არ ემორჩილებოდნენ, ამიტომ ფაშა აბეზღებდა მათ სულთანის წინაშე, მთავრობაც სჯიდა მათ და აქედამ ასახლებდა სხვა და სხვა ქვეყნებში. ამ გადასახლებამ

– 27 –

გამოიწვია ის გარემოება, რომ აჭარლებმა ეს ბოროტი ფაშა აბდულ ალა ხიმშიაშვილის მეთაურობით მოკლეს. ეს რომ არ

მოეკლად, მაშინ მთლად აჰყრიდნენ და ოსმალოს შორს ქვეყნებში გადასახლებდნენ. ვინ იყო ეს ფაშა და როდის მოხდა ეს გადასახლება, ამის შესახებ მათ არაფერი იციან. მაინც მათში არავის რა უწერია ამაზედ.

ამბათ არის თქმული ძველადვე რომ, 1755 წლებს, როცა სულეიმან ფაშა ნიზამეს თავი მოკვეთეს სულთანის ბრძანებით. მაშინ მისი მომხრე ქართველთ მაჰმადიანთ ბეგები და ალიები ახალციხიდან, აჭარიდან და სხვა კუთხიდანაც ოსმალეთში გადასახლესო. სულეიმან ფაშის მაგიერ მთავრობამ სხვა ფაშა დანიშნაო. უცხო ფაშა ხალახს ბოროტად ექცეოდა, ხალხიც წინააღმეგი იყო მისიო. ფაშა ტყუილად აბეზლებდა, ამის წყალობით აჭარიდან რამდენიმე კომლი იქმნა ოსმალეთში გადასახლებულნიო. მათში ზეპირ ყველას ახსოვს. რომ ოსმალთაგან ქართველთ გადასახლება არას დროს არ მოსპობილა, რადგანაც ქართველნი თუმც ისლამს მიეცნენ და ამას აღიარებდნენ, მაგრამ მათ მაინც ოსმალთ ფლობა არ მოსწონდათ, ყოველთვის ეწინააღმდეგებოდნენ, ოსმალთ მათ ჯავრს გადასახლებით ყრილობდა. გადასახლებას მით უფრო საჭიროებდნენ ოსმალნი, რადგანაც ქართველ მაჰმადიანები კარგი მეომრები იყვნენ, მოხერხებულ გმირნი. ამისთვის უფრო სცდილობდნენ და ყოველ უბრალო დანაშაულისთვისაც კი ოსმალში ასახლებდნენ.

მარადიდელთ გადასახლება. მარადიდელნი შეწამებულ იქმნენ ისლამის ღალატში, ამიტომ იმათგან ქრისტიანების აღდგომა ღამის გათენებისას 100 კაცზე მეტი გაზაფხულის აღელვებულ ჭოროხში დაიხრჩვენ და ორი ამაზედ მეტნი ოსმალთ მთავრობამ შორს ქვეყნებში გადასახლა, რადგანაც ამათაც სწამებდნენ სიმაგრეს. ეს ამბები მომხდარა 1740 წლებს. ამ შემთხვევის ამბების შესახებ ბევრი რამ უთქვამთ, თან დაუმატებიათ ხოლმე, – „ასი წითელა კვერცხისთვის ათას კაცმა დაიღუპა თავი

– 28 –

და ოჯახიო“. სხვა რამ ცნობები ამაზედ არ იციან, თუ ეს გადასახლებულნი საით გარეკეს, ოსმალეთში სად დაასახლეს.

სხვა და სხვა კუთხის სოფლის ხალხთა გადასახლების ცნობები ჩვენ არ გვაქვს, ვერა შევკრიბეთ რა, თუმცა 1890 წლიდან ამისთვის ხშირად ვიარეთ და საუბარი გვექონდა ქართველ მაჰმადიანთ მოხუცებულებთან, მაგრამ იგინი ვერას ამბობდნენ გადაწყვეტით, თუმცა აყრა და გადასახლების ამბები კი მრავლად იცოდნენ. იტყოდნენ: – „ჩვენი ძველები აუყრიათ დხ ოსმალეთში გადუსახლებიათ“, ხოლო რისთვის, რათა და რა დროს, ამისთვის მათ არაფერი იციან. ამიტომ ჩვენ აქ ასეთ ხეობათა ხალხის შესახებ არას ვამბობთ. ის კი სჩანს, რომ ოსმალეთის საქართველოში არ მოიძებნება არც ერთი ძველ დროთა და მის სოფლის მცხოვრებნი, რომ იქიდან ძველიდგანვე ოსმალეთში არავინ იყოს გადასახლებული.

ზედ მიწევნით სჩანს, რომ ქართველთ გადასახლება ოსმალეთში იწყება XVI საუკუნიდან. ხოლო ოდნავ, ხან ქურ-

დულათ, ხან მოტაცვით, ხან დასყიდვით, ხან ტყვის მოტაც-
ვით და სხვანი. XVII საუკუნის 40 წლიდან კი ქართველთ
გადასახლებას აშკარა სახე ეძლევა. XVIII საუკუნეში ამ სა-
ქმის წარმოება ისე მიდის წინ, რომ ოსმალთს ქალაქებში იმა-
რთება თვით სავაჭრო ბაზრებიც კი, სადაც იყოფებოდნენ ქა-
რთველთ ძენი. ყოველივე ეს გასაყიდნი კი რასაკვირველია
თავიანთ ქვეყნიდან იყვნენ აყრილნი და წაყვანილნი ანუ გა-
დასახლებულნი ოსმალში დასასყიდათ თუ საცხოვრებლად.
ეს ჩვენთვის ორივე ერთია. XIX საუკუნის გადასახლებულთ
შესახებ ჩვენ ვიცით შემდეგი.

სელიმ ფაშის თავის მოკვეთის შემდეგ 1816 წ. ზედა და
ქვედა აჭარიდან ყველა მომხრენი ამ ფაშის ბეგები, ალიები
და სოფლიერნიც კი გადაასახლეს ოსმალში. მათი რიცხვი არ
ჩანს. იტყვიან კი, რომ „კაი ძალი ხალხი იყოვო“. გადასახლე-
ულთ ბინა არ იციან.

მესხელთ გადასახლება. ახალციხის რუსთაგან აღე-

– 29 –

ბის შემდეგ 1829 წ. ოსმალთაგან ზოგიერთ ქართველ
მაჰმადიანთ ოჯახები ეჭვ ქვეშ იყვნენ ჩავარდნილნი. ამიტომ
ყველა იგინი ოსმალთს მთავრობამ ოსმალეთის შორს ადგი-
ლებში გადაასახლა. ამათი რიცხვის კაი ძალი ყოფილა, ბარე
5000 ოჯახზედ მეტი.

აჭარელთ და ლივანელ მაჭახლელთ გადასახლება.

ოსმალთს მთავრობამ 1840 წლებს განიძრახა ქართველ-
თაგან ჯარის კაცთა გაყვანა. ამის განცხადება მათ ქართველ
მაჰმადიანებს აუწყეს, მაგრამ ქართველ მაჰმადიანებმა იუარეს
და არ გავიდნენ. ამისთვის ბრძოლაც მოხდა მთავრობისა და
ხალხს შორის. 1850 წლებს მთავრობამ მოწინააღმდეგენი და-
აშოშმინა, ჯარი გაიყვანა. მის შემდეგ მოწინააღმდეგენიც ოს-
მალთს ქვეყნებში გადაასახლა და დაფანტა. რა რიცხვისაგან
შესდგა ეს გადასახლებულნი, ამაზედ არაფერი ცნობა
არის დაშთენილი. ან სად დაასახლეს იგინი?

გადასახლებულთა გასყიდვის ამბავი

ნანამბობი სხვა და სხვა ქართველ მაჰმადიანთ მოხუცებულ-
თაგან.

აჭარის სოფ. საღორეთში მცხოვრებ ქართველ მაჰმადიანთ
უზეირ აღა დევრიშ ოღლი დევამემ მიაშხო შემდეგი:

ძველად ჩვენში იყვნენ ისეთი საქმის კაცები, რომელთაც
სახელად „გოთაულს“ ეტყოდნენ. მეც ამ საქმის კაცი ვიყავ
და ამ საქმით მე 1840 წლებში კაი ფულიც მოვიგე. ეს „გო-
თავლობა“ აი რა ყოფილა. საქართველოს ერის ბატონყმობის
დროს, როცა მებატონენი თავიანთ ყმის შვილებს სტაცავდნენ,
ამათ ოსმალში მიერეკებოდნენ და იქ ჰყიდდენ სხვა და სხვა

ბაზრებზედ. ამ დასაყიდ ყმათა შვილებს ვინც ყიდულობდა, მათ სახელად ერქვათ: – „გოთაულები“. ეს სახელი მათ იმიტომ ერქვათ, რადგანაც იგინი ამ ნაყიდ პირთ მოგებით სხვებზედ ჰყიდდენ. „გოთაულთ“ ნათქვამი:

– 30 –

ვიდრე რუსნი ახალციხეს აიღებდნენ, მინამდის ჩვენ იქ მოვდიოდით და ვყიდულობდით თქვენებურ ქილ-ვაჟებს. ახალციხის დაჭერის შემდეგ ჩვენ იქით აღარ მოვდიოდით, მის მერე სავაჭრო ბინად ბათუმი და ქობულეთი დაიდვა. აქ მოყვანდათ თქვენებურნი, ხშირად აჭარაშიც გადმოჰყვანდათ და აქა ჰყიდდენ იგინი. ყველა მათ ჩვენ ვყიდულობდით, მერე ოსმალში მიგვეყვანდა და იქ ვყიდდით კაი ფასად. აქეთ ამის ვაჭრობა სწარმოებდა თურმე თვით 1870 წლამდე.

ამათივე ნათქვამი: ჩვენა ვყიდდით თქვენებურ ქრისტიან კაცთა შვილებს, რომელნიც შემდეგ ისლამზედ გადაჰყვანდათ. ამათ გარდა, თქმულ არს, რომ ოსმალეთში ძველადგანვე ისყიდებოდნენ ხშირად კაი ფასად თვით ქობულეთელ-აჭარელთა და სხვათა შვილებიც, ესე იგი ქართველ მაჰმადიანთ შვილებიც. ამათგან უფრო კაი ფასად ისინი იყიდებოდენ, ვინც უფრო სახიერი იყვნენ. ეს ნამდვილი უნდა იყოს, რადგანაც ასე და ამ გვარად ქართველ მაჰმადიანთ შვილებთა დასყიდვა ოსმალეთში თვით 1879-80-81 წლებსაც კი სწარმოებდა. იქ რაკი მუჰაჯირათ წასულებთ დიდათ გაუჭირდათ და სიღარიბეში ჩავარდნენ, მის მერე იგინი თურმე თვით შვილებსაც კი ჰყიდდენ. აქედამ ანაღებ ფულით სიმინდს ყიდულობდენ და მით თავს ირჩენდნენ.

ასე უღთოთ ეფანტებოდა საქართველოს თავის შვილები: ასე და ამ გვარად ისპობოდა ქართველი ერის ტომი თავის მამაპაპის მიწა მამულზედ.

ამ „გოთაულების“ ბევრი რამ ამბები უამბნიათ ჩემთვის. ყველა ეს ამბები მე არ ვსწერე. მათი სმენაც კი მეზიზღებოდა, მიტომ რომ მიდამ სჩანდა ის გარემოება, თუ საქართველოდამ რა უღვთოდ და შეუბრალებლად იპნეოდა ქართველთ შვილები, იგინი თუ რა გვარ ისყიდებოდენ ოსმალეთის ბაზრებზედ ცხვრები და თხებივით. მე არ ვიცი სწორე მნიშვნელობა სავაჭრო სიტყვა „გოთაულისა“. ის კი მითხრეს, რომ ეს სავაჭრო სახელი ძველადვე არის შემოღებულიო. მაშასა-

– 31 –

დამე, საბა ორბელიანი რომ მოგვითხრობს: თავის „ევროპის მოგზაურობაში“ 1714 წ. „ბათუმში ოსმალთა ვაჭრებს ქართველთაგან (მებატონენი) ყმანი და ტყვენი ეყიდნათ და ოსმალში მიჰყვანდათ დასაყიდავათო“. მაშასადამე ამ ოსმალთს ვაჭრებს, რომელნიც ქართველთ შვილებს ყიდულობდენ, მათ სახელად უეჭველათ „გოთაული“ ეწოდებოდათ. ცხადი საქმე არის, რომ ჩვენებურ ქართველ მებატონე დამსყიდავსაც ეს-

ევ სახელი „გოთაული“ უნდა უწოდოთ, რადგანაც მყიდველთ თუ გამყიდავთ ჩვენ ორივე ერთი ხელობის ხალხად მიგვაჩნია.

ამავ გოთაულის ნათქვამის ზოგი რამ ცნობანი: თქვენმებურ კაცები მარტოდ თავიანთ საკუთარ ყმის შვილებს კი არ ჰყიდდენ ოსმალებზედ, არამედ იგინი სხვებსაც სტაცავდენ კაცებს, ესენი ტყვეთ ჰყრობილნი აქეთ მოჰყვანდათ და ჰყიდდენ. ოსმალში მგზავრობის და ვაჭრობის დროს ჩვენ იქით – ჩვენებურ თათრებს ყოველთვის ვხედავთ. მათი რიცხვი იქ ერთობ დიდი არის, მთელი აჭარა იქ არის თითქმის. ამ დიდს რიცხვში შედის როგორც დაყიდულნი, ისე სხვა და სხვა დროს მძლავრებით გადასახლებულნი. ესენივე იტყოდნენ, რომ ძველად ჩვენები მრავლად გადაუსახლებიათ ოსმალშიო. ასეთ ძველ ცნობათა მოყვანის შემდეგ შეძლებისად ავსუხავთ უკანასკნელ დროთა ქართველ მაჰმადიანთ გადასახლების საქმეს, რაც უფრო საყურადღებო არის და რასაც აქვს დიდი ისტორია. დიდი ისტორია აქვს მით, რადგანაც ეს გადასახლება მოხდა ისეთ დროს, როცა ქართველთ მაჰმადიანებში ეს აღარ უნდა მომხდარიყო, როცა იგინი ძალითაც რომ ერეკათ მაშინაც კი არ უნდა აყრილიყვნენ და გადასახლებულიყვნენ შორს უცხო, უცნობ ადგილებში. ქართველთ ერის ასე გათახსირებისათვის ოსმალს მთავრობამ ისე იმაცადინა, მათ ისე იშრომეს, რომ ქართველ მაჰმადიანთ შორის მათ დაამყარეს თავისი მძლავრი მახვილი. ამას გარდა მათს სულიდამ და გულიდამ ამოლადრეს და ამოგლიჯეს მის მცნებაც კი, რომ

– 32 –

იგინი ანუ ქართველ მაჰმადიანები არიან გურჯები, მათი ქვეყანა არის გურჯისტანი და მათი დედა ენაც ქართული. აქამდე თუ აჭარელს თავი მოსწონდა გურჯისტანით, ქართული ენით და გურჯობით, ახლა 1870 წლების შემდეგ ესეც შეიძულეს და შეძულების გარდა ისე დაბრმავდნენ, ისე გათახსირდნენ, რომ სიმძულვარეს გარდა ქართველობას ჭირივითაც გადაეკიდნენ, ყოველთვის განუსაზღვრელის მტრობით სპობდნენ და აქრობდნენ ქართველობის ხსოვნას.

ქართველ ტომის მოლები და ხოჯები ამ მტრობას დიდს მხარს აძლევდნენ, დიდს სამსახურს უწევდნენ ოსმალს მთავრობას. ქართველ მოლებმა და ხოჯებმა საქმე იქამდის მიიყვანეს, რომ ქართველ მაჰმადიანებს შეაჯავრეს საქართველო, შეაძულეს ქართული ენა ისე, რომ ბევრს ალაგას ამის ხმარებაც კი აკრძალეს. სიტყვა ქართული ისე შეჯავრეს, რომ ქართველ მაჰმადიანისათვის რომ ვისმეს სიტყვა ეთქვა და იგი ქართველად ეღიარებინა, მაშინ მისთვის ის იქნებოდა, რომ ვითამც გულში ტყვია მიგერტყა. გადაგვარება და გათახსირებაც შეიძლება, მაგრამ როგორც იგინი გათახსირდენ და გადაგვარდენ, ეს კი მეტად შეუძლებელია და წარმოუდგენი. ამ სიმძულვარებით მათ იქამდის მიიყვანეს საქმე, რომ ადრე თუ ქართველ მაჰმადიანი სასტიკათ გაურბოდა ოსმალეთში გადასახ-

ლებას, ამისთვის აყრას და სხვაც ბევრს ასეთებს, ეხლა კი იგი ასე აღარ არის.

წინად ქართველ მაჰმადიანს როცა მთავრობა ჰყრიდა და ოსმალეთში ასახლებდა, მაშინ ესენი ბრძოლას იწყებდნენ, მთავრობას ეწინააღმდეგებოდნენ, ამისთვის სისხლსაც კი ღვრიდნენ, რომ იგინი არ გადაესახლებინათ ოსმალეთში, მამა-პაპურის ადგილების დაკარგვას ადვილად ვერ ურიგდებოდნენ. როცა ბრძოლით ვერას აწყობდნენ, გადასახლება კარს აქვნიდათ მიმდგარი, მაშინ კი ხმარობდნენ ყოველ ნაირს ღონის ძიებას, ემორჩილებოდნენ მთავრობას და ხარჯსაც უხდიდნენ მხოლოდ იმ პირობით, რომ ჩვენ ჩვენს მამა პაპურს ქვეყანაში დაგვტო-

– 33 –

ვეთო. როცა არც ეს შველოდათ მათ და როგორც საშიშს მთავრობისათვის გადასახლება ეცხადებოდათ, მაშინ კი წასვლის დროს მათს გოდებას საზღვარი არ აქვნიდა. იგინი თავიანთ მამაპაპეულს მიწა-მამულს, სახლს, ბაღ-ბოსტანს და სოფლებს ცრემლით ეთხოვებოდნენ. სამშობლოს მოშორება გულში გენიის ცეცხლს უნთებდა და მწარედ ადარდებდა. ასეთი იყო სურათი წინედ ქართველ მაჰმადიანთ გადასახლების. იგინი სისხლის ცრემლით ესალმებოდნენ თვის ტომთ და ნათესავებს. ასე იყო წინედ ქართველ მაჰმადიანობა საქართველოზედ მიბმულ-მიჯაჭული.

შემდეგ ანუ 1870 წლების დასაწყისიდან კი ამათ აზრი შეიცვალა. რასაც ისინი ადრე მწარედ ეწინააღმდეგებოდნენ, რაც წინეთ მათ ჭირივით სძულდათ, ადარდებდათ, რაც წინეთ მათვის იყო აუტანელი და წარმოუდგენი ვარამი, დღეს კი ფანატიკ მოღებების და ხოჯების წყალობით მორიგება და პატივისცემა დაუწყეს. ადრე თუ ესენი გადასახლებას მწარედ დასტიროდნენ, დღეს ისე გათახსირდნენ, რომ სამშობლოს დაკარგვა, გარდასახლება ჩინებულ საქმედ მიიმჩნიეს. ამისთვის არამც თუ გოდება, არამედ სიხარულიც კი მორთეს, მთავრობას ეხვეწებოდნენ, რომ სადმე გადაგვასახლეთ და მოგვაშორედ ამ ჭირივით ჩვენ სამმულვარო საქართველოსაო! საქმე ისე გაუთახსირდათ, რომ მათ სასიხარულოდ და სანატრათ მიაჩნდათ საქართველოდამ აყრა, ოსმალში და ქურთისტანში გადასახლება, რადგანაც იქ ეძებდნენ ესენი სულის ცხოვნებას და ჯენეეთის კარის გაღებას. ამ უბედურობით საქართველოს მტრებს შეუსრულდათ თავიანთი გულის წადილი და 1878 წლიდამ რუს-ოსმალთ ომის გათავების შემდეგიდამ ქართველ მაჰმადიანებმა მრავლად იწყეს საქართველოდამ აყრა და ოსმალეთში გადასახლება.

ჩვენ კარგათ ვიცით, რომ ქართველ მაჰმადიანები ფანატიკები არიან და ამით მეტად წრესაც გადასულნი. ეს თვითონაც კარგად იციან და ამიტომ იგინი თავიანთ თავს ნამდვილ

– 34 –

თათარს უწოდებენ. ამბობენ: ჩვენა ვართ პირველი თათრებიო. მართლაც და ფანატიკობით ესენი თვით არაბისტანის თათრებსაც სჭარბობდენ. ფანატიკები ამათში არიან მრავლად თვით ერის კაცებშიც. ოსმალეთის საქართველოს შემოკავშირებამდე სჯულის ფანატიკებმა ყვირილი მორთეს ასე, ჩვენი ქვეყანა რომ მტერმა აიღოს, მაშინ ჩვენი აქ დგომა აღარ შეიძლება, რადგანაც რუსნი უსჯულონი არიან, მოვლენ აქ, სჯულს წაგვიპილწამენ, ქალბაღანას წაგვართმევენ, სალდათსაც გამოგვართმევენ. მერე მერე ჩვენც გაგვა-

ქრისტიანებენ, ამიტომ ვისაც შეგიძლიანთ მოშორდით ამ ქვეყანას. ზოგნი ამაზედ უფრო მძლავრის ქადაგებით აშინებდენ ხალხს და ვინ იცის რაებს არ ასმენდენ. ხალხს დიდი შიში მიეცა. ჯერეთ შემოერთებული არც კი იყო ეს კუთხე, რომ აჭარაში ქართველ მაჰმადიანთ დეპუტაცია შესდგა და იმ დროის ოსმალს სამხედრო მთავარ სარდალს წარუდგენ ბათუმში და მოახსენეს: ჩვენ ოსმალეთს ყიდვით არ უყიდნივართ, რომ ახლა მთელს ჩვენს მხარეს არზუმში სცვლითო. ჩვენ ამას ვერ მოვითმენთ, რუს არ ჩავბარდებითო. თქვენ თუ ამ საქმეში არ დაგვეხმარებით, მაშინ ჩვენ სულთანს მივმართავთ და თუ არც იქილამ იქმნა რამე, მაშინ ინგლისში გავგზანოთ კაცებსაო.

მთავარ სარდალმა მოახსენა: სულთანის ბრძანება ასეთია, თქვენ თუ სულთანს პატივს სცემთ, მაშინ აუცილებლად უნდა ჩაბარდეთ, სულთანის ბრძანება უნდა შეასრულოთ. თუ ამას არ იზამთ, მაშინ მე მეტი გზა არ მექნება, თქვენში ზარბაზნებით ამოვალ, ჯერეთ თქვენ დაგიმორჩილებთ და მერე მათ ჩაგაბარებთ, მაგრამ გთხოვთ, რომ ეს არ ქმნათ და თქვენ პატიოსნათ და წყნარად ჩაბარდეთ. თუ მათს ხელში ყოფნა არ გინდათ, მერეც შეგიძლიანთ, რომ ოსმალეთში გადმოსახლდეთ, ამას არავინ დაგიშლით. მე იქ ვიმეცადინებ და სხვა და სხვა კუთხეებში კაი ადგილებს მოგცემთ. ასე გირჩევთ, სულთანის ბრძანება შეასრულეთ. თუ აქ ცხოვრებას არ ინდომებთ, მაშინ იქით წამოდით და ჩვენ მოგცემთ

- 35 -

ადგილებს. აჭარელთ შეისმინეს ეს წინადადება, დაბრუნდენ შინ. მთავარ სარდალის ასეთი წინადადება ზოგიერთ ხოჯებს და მოლებს ძრიელი მოეწონათ. ამათ ხელზედ დაიხვიეს მთავარ სარდალის წინადადება და გადასახლების შესახებ ქადაგება უფრო გაამრავლეს და მასთან გაამწვავეს კიდეც.

რაკი ერთსა და ორს ალაგას ხოჯებმა და მოლებმა სიტყვა დასძრეს, მის მერე ყოველი ქართველ მაჰმადიანი „წავიდეთ, ყვიროდა, წაიდეთ, წაიდეთ, ჩვენი აქ დადგომა აღარ შეიძლება, დავილუპებით. წავწყმდებით, წავიდეთ, წავიდეთ. თავს უშველოდ და ვიხსნად თავი ასეთის სენისაგან“.

მოხდა მალე შეერთებაც და ამასვე მოჰყვა მოლების და ხოჯების ცხარე ქადაგება გადასახლების შესახებ. ვიტყვით იმასაც, რომ თითქმის ყოველს სოფელში და ყოველს ჯამა-

ზედ ლოცვის დროს ლაპარაკს მართავდა ხოჯა და ხალხს უქადაგებდა გადასახლებას. იქნება ამ ხოჯებსა და მოლებში ხუთს და ან ათს ეთქვა, რომ მოიცადეთ, ვნახოთ და თუ მართლა ცუდათ იქმნეს საქმე, მის მერე გადავსახლდეთო. არა, ეს მათ ასე არ უნდოდათ და მხოლოდ წავიდეთ ყვიროდენ. ჩვენ აქ დაშთენა შეუძლებელიაო. ვინ იცის ამ ლაპარაკის დროს ხოჯები რა ბოროტებას არა სთესავდენ. იგინი სულისა და ხორცის ცხონებას მარტოდ ოსმალეთის სამფლობელოში ხედავდენ და საქართველოში, თავიანთ მიწა მამულზედ კი არაფერს. აქ წაწყმედა იყო მათის ფიქრით და ოსმალეთში ცხონება, სულის სამოთხე – ჯენეთი.

მათ აიყოლიეს ქართველ მაჰმადიანთ უმრავლესობა, სოფლის მხვენელ-მთესველ მუშა ხალხისა, აიყოლიეს ვაჭრები, აღიები, ბეგები, და თვით თავი კაცებიც. მათ მტკიცეთ დაუნერგეს ქართველთ მტრობა და ათასნაირი ბოროტება. ასეთ ბოროტ ქადაგებას ავრცელებდნენ თვით მოწინავე ხოჯები და მოლებიც. ამათ წინააღმდეგი იყო ქედის მუფთი ახმედ ეფენდი ხალიფაშვილი. ფანატიკ მოლების და ხოჯების ქადაგების ალლო ალი ფაშა თავდგირიძესაც აელო და მანაც დაიწყო ქარ-

– 36 –

თველთ მაჰმადიანებში გადასახლებაზედ ლაპარაკი. იგი თავის საწადელს მისწვდა, მისის შრომით ოსმალეთში მრავლად გადასახლდა ქართველ მაჰმადიანობა და მით ალი ფაშამაც სულთანის წინაშე მიაღწია საწადელს, ნდობა მოიპოვა და თავიც გაიმართლა იმ ცილის წამებით, რაც კი მას ბრალდებოდა, ესე იგი სჯულის ღალატი, ქვეყნის გაცემა.

გადასახლების ქადაგება და მეთაურობა პირველად მათ სასულიერო წოდებას ეკუთვნის, მათ მერე მოწინავე პირებს და ნამეტურ ალი და ოსმან თავდგირიძეებს, ქემილ ფაშა ხიმშიაშვილს, ყემპერ ალა ტაკიძეს, ბეგებ გუგუნავეებს, დუმბაძეებს, თავდგირიძეთა გვარის წევრთ მრავლად და ბევრთაც კიდევ სხვებს, მოთვლა ძნელია. თითქმის ყველა სოფლის ხოჯა, მოლა, მოწინავე კაცი და უბრალოც სულ გადასახლებაზედ თათბირობდნენ, ყველას გადასახლება სწადდა. შეერთების შემდეგ ყველა სამზადის მიეცა, ყველას წასვლა უნდოდა. ვინც ამას არ ახერხებდა, ის თავის თავს უბედურად სთვლიდა და ბევრნი ასეც იტყოდნენ ხოლმე: – ამ ქვეყანაზედ მხოლოდ ფუხარა და უვარგისი კაცი დადგება, თორემ ვისაც შეძლება აქვს, ის ქვეით წავა, ის აქ არ დარჩება. საწყლებსაც ასევე მიაჩნდათ თავიანთი თავები და რაკი მათ გადასახლების შეძლება არ აქვდა, ამიტომ ბედს და გარემოებას ემორჩილებოდნენ და თავიანთ მიწა-მამულზედ შთებოდნენ.

ასეთ პირებმა ამით საქმე არც წააგეს, იგინი შეუმცდარნი დაშთენ და მასთანავე მოგებულნიც. რაც არ აქვდათ რა და არ ებადათრა, ის მათ ოხერ ფასად იშოვნეს, რადგანც წამსვლელთ სახლ-კარი, საქონელი და სახლის ავეჯეულობა ოხრად შთებოდა, სულ იაფ-ფასად იყიდებოდა, მყიდველიც იყო.

თუ ვინმე რამეს ყიდულობდა, მაშინ ისევ ეს ფუხარა დატაკნი იყენებდა და ამიტომ იგინიც ყველაფერს ოხერ ფასად ყიდულობდნენ, თითქმის მუქთად. ზოგ წამსვლელთაგან მუქთადაც კი შთებოდა სხვა და სხვა ნივთები, საქონელი და თვით სახლ-კარი და ბაღი ბოსტანი, ოღონდ კი მალე მოშორებოდა ყველა

– 37 –

ამაებს და სულის ცხოვნების სამფლობელოს ოსმალის მიწაზე გადასულიყო. ეს ბედ შავნი ისე აირივ-დაირივნენ, ისე წააქეზეს ბოროტ ხოჯებმა და სხვებმაც, რომ მათ გადასახლების მეტი სხვა აღარა აქვდათ რა სახეში მიღებული. ქალი, კაცი, პატარა და დიდი სულ ამით იყვნენ შეპყრობილნი და ფანატიკობით აღვსილნი. იგინი ემორჩილებოდნენ რაღაც ბნელ განგებას და მით ჰკარგავდნენ საყოველთაო თვის ძვირფას სამშობლო საქართველოს.

კაცმა თავის მოსისხლე მტრების გულისთვის რომ სამშობლო დაკარგოს, მეტის მეტი უბედურება არის. ქართველ მაჰმადიანები ბუნებით ნიჭიერი ხალხია და მიძხვდრნი, მაგრამ ამ ძვირფას სამშობლო ქვეყნის მნიშვნელობის მიხვედრაში კი ვერაფერი შნო და ნიჭი გამოიჩინეს. რასაც მათი წინაპარი თავი განწირულად აკვდებოდნენ და ადვილად ვერ სთმობდნენ, ის ამათ დასთმეს თავიანთის მიუხვედრობით და სამშობლო ქვეყნის არ ცოდნის მნიშვნელობით. დღეინდელის ქართველ მაჰმადიანთ შვილების კი ჩვენ მოიმედენი ვართ, რომ ამ საგანს მკაცრის თვალთ შეხედვენი, იცნავენ თავიანთ მამების შეცდომებს და დღეის შემდეგ ნათლად მიხვედებიან სამშობლოს სიყვარულს, მამებისავე ადვილად არ დაჰკარგენ თავიანთ ძველებისაგან სისხლით მორწყულ ქვეყანას.

განა ადვილი საქმეა, კაცმა თავის სამშობლოზე გული მაგიერ აიცრუოს და ისიც ისეთ დროს, როცა მისი ქვეყანა თვის შვილებთაგან გულგრილობის მაგიერ ერთგულებას თხოულობდეს. ეს არ შეჰფერის არც ერთს რიგიან ხალხს. თუ ამ რიგიანებისაგან ქართველთ მაჰმადიანები გამოაკლდებიან, ეს იქმნება მხოლოდ მათი დაბრმავება და უბედურება. კაცმა რომ თავის ქვეყნის ისტორია არ იცოდეს, კაცს რომ თავის მამულის სიყვარული არ აქვდა, – ერთი მითხარით ის რას უნდა ჰკვანდეს, არაფერს? – პირუტყვს და უმეცარს არსებას. დღეინდელ ქართველ მაჰმადიანთ შვილებს კი ნუ ეწყინებათ ესა და ვიტყვიდ თამამად, რომ აქამდე ქართველ მაჰმადიანობა წარმოადგე-

– 38 –

ნდა ყოველივე უბედურებას წინაშე სამშობლო ქვეყნის და მან არც საქართველო იცოდა, არც სამშობლო სიყვარული, არც წარსული, არც აწმყო, არც მომავალი. ფანატიკი ხოჯებისაგან იგი გამცნებელი იყო და მყვირალა მხოლოდ მის, რომ თათარი ვარო, თათარიო. ამის მეტი მათ სხვა არა უნდოდათრა. ეს იყო მათი ფარი და ხმალი, მათი განძი და სიმდიდრე. ამით

კი იგინი იხატებოდენ სრულს უმეცრებათ.

ასეთის გულ-გრილობით ძველადგან ანუ 1820 წლიდამ სამცხე-საათაბაგოს, ანუ მესხელთ-ჯავახეთის ქართველ მაჰმადიანები აღმოსჩდნენ. მაშინ მათ ეს მიეტევებოდათ, რადგანაც ხანა ბნელი იყო და ადამიანობის შეგნება არ აქვდათ. 1882 წელი კი სხვა დრო არის და ამ დროთა ქართველ მაჰმადიანებს კი შეეცდომა არ ეპატივებათ. ამ დროს ყველაზედ მეტის ფანატიკობით აღმოჩნდნენ იმ კუთხის ქართველ მაჰმადიანები, სადაც უფრო მეტად ცხარე ფანატიკ მოლები და ხოჯები სცხოვრობდენ, ანუ ისეთი ცნობილნი მოწინავე პირნი, როგორც იყო ალი ფაშა თავდგირიძე, ქემილ ფაშა ხიმშიაშვილი და მრავალიც სხვანი. ასეთ კუთხის ფანატიკ ქართველ მაჰმადიანებად უპირველესად ირიცხებიან ქობულეთელნი, ბათუმ – კახაბრელნი, ჩაქველნი, მაჭახლელნი, ლივანელნი, აჭარელნი და ზოგნიც სხვა და სხვა ხეობის და კუთხის ქართველნი. ზოგს კუთხის ხალხს ჩვენ არ ვასახელებთ. უპირველესად კი ესენი არიან, რომელნიც აქ მოვსთვალეთ.

ქობულეთში ქართველ მაჰმადიანებში მოხდა დიდი წყევლა შეჩვენება და ხალხის მოშლა და არევ-დარევა. ესენი თუმცა გურიასთან უფრო ახლო იყვნენ და სცხოვრობდნენ, ამათ უფრო მეტი სილბო უნდა გამოეჩინად და თავიანთ მშობელ ქვეყნიდამ არ უნდა ააყრლიყვნენ. მაგრამ ნაცვლად მის, ამათ უფრო დიდი გულ გრილობა გამოიჩინეს წინაშე სამშობლო ქვეყნისა, აჰყვნენ ბოროტ ფანატიკ პირებს და მრავლად იწყეს ოსმალეთში გადასახლება. ამათი გადასახლება იყო გულ საწყავი და ცეცხლით სავსე გენია არამც თუ მარტო ჩვენთვის,

– 39 –

არამედ ქართველ მაჰმადიანთათვისაც, რადგანაც იგინი საუკუნოების განმავლობაში ტანჯვით და მამა-პაპის სისხლით მორწყულს ქვეყანას მხოლოდ ერთის შემთხვევით ესალმებოდნენ. ერთის სიტყვით პირველ მაგალითად თითქმის ესენი უნდა ჩათვალნენ გადასახლების ასპარზედ თავიანთ ოჯახის ღალატის წინაშე.

მერე რა წვალება გამოსცადეს ამათ. რა ცრემლი, რა სისხლის ღვრა, რა ტანჯვა, ყველას ვერ მოვთვლიდით. განა ეს ყოველივე მისთვის დაითმინეს მათ, რომ ბოლოს სამშობლოდამ აბარგულიყვნენ და ოსმალეთში გადატყორცნილიყვნენ. რასაკვრელია, რომ არა და ეს ასე არ უნდა მომხდარიყოს, მაგრამ მოხდა ეს ქობულეთელების გულცივობით, მამა-პაპათა ქვეყნის არ სიყვარულით, ფანატიკობით და გაუგებარის მტრობით. მტრობით საქმე იქამდის მივიდა, რომ თვით მათ დაჰკარგეს თავი თვისიცა. უკანასკნელს მწარე დროს მიაღწიეს ამით და მიტომ დაიწყეს კვნესა და გოდება და სინანული საქართველოს სურათზედ, შავი ზღვის ნაპირებზედ, კეკლუცს კახაბერზედ, მაგრამ რაღა დროს, ერთობ გვიან და ერთობ შორს მყოფთ და გადასახლებულთ. ძნელია ითქვას ყველა ის ტანჯვ, რაც კი ქობულეთელთ ფანატიკობის წყალობით გა-

ჭირვება გამოსცადეს, ცრემლი, ვაება და მსხვერპლის შეწირვა კი. ქობულეთელთაგან გადასახლების მეოხებით დაიქცა დიდი ცრემლი და დიდი სისხლი. უცხო ქვეყანას გარდახვეწილთ ქართველ მაჰმადიანებს თუმცა მგლოვიარობის გამოთქმის შნო არ აქვდათ, მაგრამ მაინც იგინი მწარედ მოსთქვამდნენ თავიანთ სახლ-კარის ოხრად დატოვებას, გლოვნას და მწუხარებას. დღესაც ვიცი კარგად, ოსმალეთში მყოფნი ქობულეთელნი წყევლით მოიგონებენ იმ პირთა სახელებს, ვინც იგინი წააქეზა სამშობლოდამ გადასახლებაში და შორს წასვლაზედ. დღესაც მრავლათ ვნებავთ ქობულეთში ისეთ ქართველ მაჰმადიანებს, რომლებიც წყევა-კრულვით მოიხსენებენ თვის მონათესავეთა გაბრიყვებულთ და წამქეზებულთ.

– 40 –

მაჭახელი. ქვეყნის უარყოფის ასპარეზზედ მაჭახლელნი არიან ცნობილნი. მაჭახლელებს ქობულეთელებზედ უარესად სძულდათ სიტყვა **ქართველი**. საქართველო მათთვის იყო ღვარძლი, ჭირი. მაჭახლელებმა ფანატიკობით გადააჭარბეს აჭარლებს. ამათ აღმოიჩინეს საქართველოსადმი დიდი ნადირული მტრობა, ზიზღი, შური და ვინ იცის, რამდენ რა გინდა რა სამტრო გარემოებანი. ამიტომაც იყო, რომ მაჭახლის ძველი გმირი ხალხი ისე უსაგნოდ და უსაბუთოდ ტყის მეღევივით მირბოდნენ ოსმალეთში.

მაჭახლელები ქობულეთელებს შემდეგ ისეთ გადაჭარბებულის ფანატიზმით აღმოსჩნდნენ, რომ მათი გული დღესაც არ დაწმენდილა, დღესაც ჭირივით სძულთ ქართველები და საქართველოს შესახებ ხომ წარმოდგენაც არა აქვსთ. უნდა ითქვას, რომ მაჭახლელნი რამდენათაც ქებული იყვნენ ძველადგანვე სისხლის ღვრასა დი ფირალებში, იმდენადვე გაუგებარნი იყვნენ თავიანთ ქვეყნის საქმეებთა ცოდნაში. ამიტომაც იგინი ადვილად სტოვებდნენ თვის სამშობლოს და მირბოდნენ ოსმალეთში. იმდენი სივერაგე და უბედური ოხრობა გადასახლების დროს ქობულეთელებსაც კი არ გამოუვლიად, რაც მაჭახლელებმა გამოიარეს. მთელი მაჭახელი დაიცალა და ოსმალეთში წავიდა. უბრალო ჭორების და ბოროტ ენების წყალობით მაჭახლელთა დაკარგეს თავიანთი ძვირფასი სამშობლო, ქვეყანა და გადაქუხდნენ უცხოეთში, უგზოდ, უკვლოდ. მთელი მაჭახელი დაიცალა. სოფლებში ხალხი აღარსად იყო და სადაც იყებენ თითო ოროლა, ისინიც წასვლაზედ ლაპარაკობდნენ და მირბოდნენ. სოფლებში მრავლად დაშთათ მშვენიერი სახლები და ყველა ესენი გადაიქცა ტყის ნადირთა თავშესაფარად.

ერთ მშვენიერ დღეს მთელი მაჭახლის ხალხი დაგროვდა. ქალი, კაცი, დიდი და პატარა, ესენი ჩავიდნენ ბათუმში და იქიდან ოსმალეთში გადასახლდნენ. მაჭახლში დარჩა მცირე რიცხვი მცხოვრებთა. თუ რა უბედურება იყო მაშინ და რა

– 41 –

სულიერი ტანჯვა მრავალთა, ეს ძნელია ენამ სთქვას. ერთი მეორეს აქეზებდა, აშინებდა რუსებისაგან. ზოგს ქალსა და კაცს არ ეთმობოდა თავის ქვეყანა და სახლ-კარი. როცა გემში ჩასხეს და დაიძრა გემი, ბევრმა კაცმა თუ ქალმა, მოხუცმა და ახალგაზდამ ტირილი მორთეს. ზოგმა სინანულიც დაიწყო, რომ რად წამოვედითო, ინატრეს უკანვე დაბრუნება, მაგრამ იქვე ბოროტი ენები არწმუნებდნენ ასე: ნუ გემინიანთ თქვენა, ოსმალეთში ოქროს ცხოვრება გექნებათ, ნუ გემინიანთ, წადით, იქით თქვენ კაი ადგილებს მოგცემენ, იქ მდიდრად იცხოვრებთ, აქ კი ყოველთვის დატაკათ იქმნებით ანუ ფუხართ. ბედშავ მაჭახლელებს წასვლის დროს ყოველივე ოხერ ფასად ეყიდებოდათ, თითქმის მუქთად და თან არაფერი მისდევდათ. იმათი საქონელი და ავეჯეულობა ბათუმში ხურმის ფასად ფასდებოდა. მათს ავადმყოფს გადასახლებას ხელს უწყობდა მათი შიმშილიც, რადგანაც ომის დაწყების დღიდან იგინი სოფლის საქმეებს და მეურნეობას მთლად მოსცილდნენ. აღარავინ რა დათესა, მოსავალი აღარ აქვნდათ და ამიტომ მესამე წელს (1880) დიდი შიმშილიც მიადგად კარს.

ასეთივე ხვედრი ხვდათ აჭარელთ და ზეგნელთ. შავშეთიდანაც წავიდნენ, ლივანლებმა კი ზეგნელთ გადააჭარბეს და მარადიდის ახლო-მახლო სოფლები მთლად აიყარნენ და წავიდნენ სულის საცხოვნებლად. როგორც ქობულეთელ და მაჭახლელებს ამათაც დიდი უძლოურება გამოსცადეს, დიდი გაჭირვება და მწარე წუთები. ამათაც ისევე ატყუილებდნენ მქადაგებელნი, რომ ოსმალში კარგად იცხოვრებთ, ყველას კაი ადგილებს მოგცემენ, კაი ფულს, დახმარებას, არც არავინ გააქრისტიანებსო, არავინ. რას გიზამსო, მოშორდით გიაურების ქვეყანას და წადით იქით, ოსმალშია თქვენი სულის ქვეყნები. ასეთის მქადაგებლების წინააღმდეგი იყო ცნობილი ახმედ ეფენდი ხალიფაშვილი, მერისელი. ამ პირს დიდი შრომა მიუძღვის გადასახლების წინააღმდეგ ქადაგებით და ამიტომ სამართალია მას ვუწოდოთ თავის დროის კვალად შემ-

- 42 -

ცნულ შესმენილ პირი. როგორც ქობულეთელთ, მაჭახლელებთ, აჭარელთ და ზეგნელთ, ისევე ლივანელთა სახლის საქონელი და ავეჯეულება ოხერ ფასად იყიდებოდა. ლივანაც დაიცალა თითქმის, მეორე ნაწილი აღარ დარჩა. გადასახლებულთ ცნობები ჩვენ კარგად არ ვიცით. მაინც იმ დროს ეს კუთხე და ხალხი არც ოსმალეთის მთავრობას აქვნდათ აღწერილ-ანუსხული და მათ შემდეგ ახლად შემოერთებულთ აღწერა ვერც რუსის მთავრობამ მოახერხა დაწვრილებით და დროით. ასე რომ ჩვენ გადასახლებულთ რაოდენობა სულ არ ვიცით. რაც ვიცით და რაც შევკრიბეთ, ის უკვე თავის ალაგას მოვიხსენეთ.

გადასახლების მიზეზები მრავალ ნაირია და უმეტესად კი ჭორები და ცილის წამებანი. მთლად ქართველთ მაჰმადიანები თავიანთი ქვეყნის კიდებიდამ არ დაიძრებოდნენ, ფეხს არ მო-

იცვლიდენ. იგინი მართალია ფანატიკები იყვნენ და ქვეყნის სიყვარულის გაგება სულ არ აქვდათ, მაგრამ ვიტყვით იმასაც, რომ მათ წამქეზებლები არ ჰყოლოდათ, უამისოდ იგინი თავიანთ მამულიდან ფეხსაც არ მოიცილიდნენ. ეუბნებოდენ: იქ თქვენ ოქროს ცხოვრება გექმნებათ. ასეთ პირების წყალობით მარტოდ ოსმალურად „გეთით“ ისმოდა, სხვა არაფერი. ბოროტნი ღუპავდნენ საბრალოებს და აკარგვინებდნენ სამშობლო ქვეყანას. ჩვენ ვიცით კარგად, რომ ბოროტ ენის პატრონები უკანასკნელ ოსმალს მთავრობისაგან საჩუქარს და მადლობას იღებდნენ. შევიტყეთ, რომ ვინც უფრო ეცდებოდა მეტს გადასახლებდა, იმას უფრო მეტი საჩუქარი მიეცემოდა. თურმე ქართველი მეტის მეტი ერთგული მეომარი იყო და ოსმალთაც ამიტომ უფრო სურდათ მათი მრავლად წასვლა და გადასახლება.

ქართველ მაჰმადიანები რომ ადვილად ვერ დასთმობდნენ თავიანთ სამშობლოს და გადასახლდებოდნენ უცხო ქვეყნებში, ესა სჩანს კარგად იმ გარემოებიდანაც რომ ვიდრე მათგან გადასახლება დაიწებოდა, მინამ მათში დიდი ყოყმანობა იყო. გული არ ენდობოდათ, მუდამ დღე ჯამეებში მოიყრიდნენ

– 43 –

თავს და თათბირი აქვდათ: თუ რა ვქნათ, რა უყოთ და როგორ გადავსახლდეთ აქედამ, აქაურობას თავი როგორ დავანებოთო. ზოგი სახლ-კარს თავის მონათესავეს ან მეზობელს ანდობდა, თვით სახლის ავეჯს და ნივთებსაც კი არ ჰყიდდა, თვით ოთხფეხს, ყველა ამას ნათესავ და მეზობელს აბარებდა. ამბობდა: ჯერეთ წავალთ, ვნახავთ, თუ კარგია, ხომ კარგი, იქ დავრჩებით. თუ არა და ისევ უკან დავბრუნდებითო. ყველა ესენი პირველ ხანებში ისე ხდებოდა, რომ მთავრობამ მისი არაფერი იცოდა. ზოგი ვაჭრობის სახელით მიდიოდა, ზოგი ნათესავების სანახავათ, ზოგი მექაში მოსალოცად, მაგრამ არც ეს დარჩა დიდ ხანს საიდუმლოდ, მთავრობამ ესეც მალე შეიტყო და წამავალთ წინააღმდეგ ზომებიც იქმნა მიღებული.

ასეთ წამვალ პირებთან ხშირად გვექონდა საუბარი. მივიტოვებოდა მიზეზი, თუ რათ მიხვალთ, რათ სახლდებით მეთქი? მათ უთქვამს: რა ვქნათ, ჩვენი აქ დგომა აღარ შეიძლება, წახდა ქვეყანა, უნდა წავიდეთ ქვეით, უნდა წავიდეთ, აქ ვერ დავრჩებით. ზოგნი იტყოდნენ: ჩვენი ფაშები და ბეგები სულ იქ წავიდნენ და ჩვენ რაღად დავრჩეთ აქა. ჩვენც იქ წავალთ და იქით ვიცხოვრებთ კარგად. პირველ ხანებში მთავრობა ვიდრე შაუტყობდა ჩუმ გადასახლების საქმეს, მინამდის გადასახლებულთ უკან დაბრუნებას არ უკრძალავდენ და თუ გადასახლებული დაბრუნდებოდა საქართველოში, იმას უფლება აქვდათ თავის მამულზედ მისვლის, მიწა-მამულის ფლობის და ცხოვრების კულანდებულად. არ გავიდა დიდი დრო და მთავრობამ რაკი შეიტყო ეს ამბები, მის მერე უკან დაბრუნებულთ ნებას აღარ აძლევდენ სახლში მისვლის და მამულის მფლობის. ერთის სიტყვით, თუ სახლობით წავიდოდა ვინმე

ოსმალეთში და შინ არავის დასტოვებდა, მერე მისი მობრუნება საქართველოში უბრალო იყო და უმნიშვნელო. ზღვიდამ ხმელეთზედ ფეხს არავის გადმოადგმევინებდენ, უკანვე უნდა დაბრუნებულიყვნენ.

თუმცა საქმე ასე მოეწყო, თუმცა გადასახლება მეტად

– 44 –

ძნელ საქმედ შეიქმნა და წასულს შინ დაბრუნება ერთობ გაუძნელდათ და აღეკრძალად, თუმცა შინ მყოფნი მრავლად ხედავდენ უკან დაბრუნებულთ მთელს ჯგუფებს და მასთანავე მგმობელთ თავიანთ ბედისას და მაწყევართ იმ პირთა სახელეზისას, ვინც იგინი წააქეზეს და წაახალისეს გადასახლებაზედ, მაგრამ თქვენც არ მომიკვდეთ, რომ მნახველნი ყველა ამ შინ დაბრუნებულთ და მათის მწუხარების, მაინც არ აკვირდებოდნენ თავიანთ ბედს და არ ითვალისწინებდენ მწარე სვებედს, ტანჯვით ცხოვრებას, შავბედითი უბედურებას, მამაპაპელთ მამულის დაკარგვას, სამშობლო ქვეყნიდამ ხელის აღებას. არ აკვირდებოდნენ მას, რომ წავიდეთ ვაი თუ ამათსავებ ისევ უკან დაბრუნება მოგვიხდესო. იგინი ყველა ბოროტ მქადაგებელთ მეამიტად ემორჩილებოდნენ და მით ლუპავდენ თავიანთ თავებსაც.

ქართველთ მაჰმადიანთ უმრავლესობას იქმნება თავის სახლ-კარი და სამშობლო არ დაეტოვებინა და არ გადასახლებულიყოს, იქმნება მდაბიოთა უმრავლესობა იმ სიდიდით არ მოსცილებოდა, როგორც მოსცილდენ იგინი, რომ მათ წინაშე არ მომხდარიყო მთელის ბათუმის ბეგების და მოწინავე კაცების გადასახლება. ჰფიქრობდნენ საბრალოები, რაკი ჩვენი დიდი კაცები მიდიან იქით, ალბათ იქ უფრო კარგიაო და ამიტომ ჩვენ იქით წავიდეთო. მოწინავე ბეგებმა, ფაშებმა და შეძლებულ პირებმა ამით ვერაფერი სამსახური და მაგალითები გაუწიონ მდაბიო ხალხს. მათ ამის მხრით თითქმის ღალატი მიუძღვით და მტრობა წინაშე სამშობლოსი. მათ რომ უადვილესად უღალატეს თავიანთ ქვეყანას და თავისი მამულებიც უბრალო ფასებად დააბნიეს, ეს მთელმა ქართველ მაჰმადიანებმაც იციან და ამას ვერც არავინ უარს ჰყოფს, რადგანაც დღეს თვით ეს მოწინავე პირნიც დიდს სინანულში არიან ჩავარდნილნი მას ზედ, რომ მათ ისე ოხრად დაკარგეს თავიანთ სამშობროს ძვირფასი მიწა-მამული.

გადასახლების დროს მომავალთ შორის დიდს სამწუხარო

– 45 –

სურათს წარმოადგენდა ქართველთ მაჰმადიანთ ქალების ნახვა. თუმცა ლურჯ ჩადრებში იყვნენ გეხვეულნი და მათი მოწყენილი სახე არ სჩანდა, თუ იგინი რასა ფიქრობდნენ წასვლაზედ, რა გულით მიდიოდნენ. ჩვენ ვიცით კარგად, რომ ზოგი მათში მოხუციც იყო და ამ ქვეყნის პირიც არ აქვდათ, ზოგი სნეული, ზოგი უძლური, რომელსა წასვლის ძალაც არ

აქვნდათ, მაგრამ მიდიოდნენ და ემორჩილებოდნენ ზედს, რადგანაც ოჯახის უფროსი მამა კაცის მორიდება აქვნდათ და რასაც უმფროსი ჩადიოდა, იმას ისიც ემორჩილებოდა და ასრულებდა, მეტი რა გზა აქვნდათ. ასეთის ზოგნი გზაშიც იხოცებოდნენ და თავიანთ დანიშნულს ალაგას ვერც კი მიაღწევდნენ. უნდა მოგახსენოთ, რომ ჩვენთ თვალთ წინ მეტის მეტს სატანჯველს ცხოვრების სურათს წარმოადგენდა თვით ადგილობრივ მათი ცხოვრება. თვით ბათუმში, თავიანთ ქვეყნის ქალაქში, სადაც ყოველიფერს ოცნებობდნენ და ყოველივე იცნობდა მათ, ჯერეთ აქ რომ ასეთი მწარე სვე ერტყათ გარს, აბა შორს, უცხო ოსმალეთის ადგილებში რა დახვდებოდათ წინ და რა მოევლინებოდათ. ცხადი საქმეა, რომ სილატაკის, ტანჯვის და სხვერპლის მეტი სხვა არაფერი ექმნებოდათ. ეს ასეც მოხდა.

ხალხის ასეთ უბედურებას უფრო აუბედურებდა ხოჯების ცდა და შრომა. ხოჯებმა მოახერხეს და გადასახლების ქადაგებაც კი შედგინეს და საერთოდ ქადაგებდნენ ჯამეებში, სულიერსა და ხორციელს მხარეებს ერთმანეთს უკავშირებდნენ, სამოთხის საქმეს და სამოთხის მოპოვებას ანუ ჯენეეთში შესვლის უფლებასაც ოსმალს მიწაზედ ცხოვრებით უჩვენებდნენ, გადასახლებით, იქ ცხოვრება, იქ სიკვდილით და მერე მუსულმან ხემწიფის მიწაში დასაფლავება. იქ არის ჩვენი ბინა, იქ არის მუსულმანის მზე და მთვარეო. ამიტომ ყოველი ჩვენთაგანი უნდა მოსცილდეს აქაურობას და იქით გადასახლდესო. ჩვენი აქ ყოფნა შეუძლებელია, რადგანაც აქ წაწყმენდა მოგველის და იქ კი ცხოვნებაო. მაგრამ ვისაც გადასახლება სურს,

– 46 –

იმას ვეტყვი, რომ მან ჯერეთ ეს კუთხე უნდა დაივიწყოს, გულიდამ ამოირეცხოს და მერე გადასახლდეს იქითაო. რაკი კაცი დაიდრება და წავა იქით, მერე იმან აქეთ დაბრუნების აღარა იფიქროსო. ვინც კი სინანულში შევა, ის ისევ აქ დაშთეს, იმისთანა მჩატე ბლაცვები ჩვენს მიწას არა სჭირია. გადასახლება მეტად ძნელი საქმეა, მაგრამ რა უყოთო. ეს სიძნელე ჩვენი სჯულის გამო უნდა დავძლიოთ და იქით წავიდეო, სადაც ჩვენი მზე და მთვარე ამოდისო. მუსულმანის ბინა იქ არის, სადაც მისი ცხოვნება იქნებაო.

ასე და ამ გვარად ფანატკურის ქადაგებით ამზადებდენ და რაზმავდენ ქართველს მაჰმადიანებს მათი ხოჯები და მოლები. როგორც ზემოთაც ვახსენეთ, ასეთი ხოჯების ქადაგების დიდი წინააღმდეგი იყო აჭარის მუფთი ახმედ ევენდი ხალიფაშვილი და იგი გადასახლების წინააღმდეგ ქადაგებდა. აჭარიდამ რომ ცოტა გადასულა ხალხი, ეს სულ მისი შრომა და ცდა იყო. ასეთ ქადაგებათა გარდა იყვნენ ისეთი ხოჯებიც, რომელნიც მუჰაჯარად წასულთა ცხოვრების შესახებ დიდს სიბრაულულს ქადაგებდენ და ქართველს მაჰმადიანებს ურჩევდნენ, რომ საქართველოდამ გადასულიყვნენ და წასულიყვნენ საცხოვრებლად იქ, სადაც მათი მოძმენი სცხოვრობდენ და იტანჯებო-

დენ. ამათი საოცრება ერთი ისიც გახლდათ, რომ მათ გონება ისე აქვნდათ დაბნელებული, რომ საქართველოში კაცი ცხოვრების მაგიერ ოსმალს მიწაზედ ტანჯვას და მწუხარებას ურჩევდნენ. ეს რასაკვირველია მათ ფანატისკობით მოსდიოდათ. მაჭახელში აი რასა ქადაგებდნენ ხოჯები და როგორ აბრმავებდნენ ისეც თვალთ დახუჭულ საწყალ ქართველ მაჰმადიანებს.

მართლ მორწმუნე მუსულმანებო! თქვენ ცეცხლად უნდა შაგერგოთ იმ ლუკმის ჭამა, რომელსაც თქვენ დღესასქამთ, რადგანაც იმავე დროს თქვენი ძმები დნათესავები ოსმალში მუჰაჯირად წასულნი ულუკმაპუროდ იხოცებიან და იტანჯებიან. ადექით, მოშორდით, მურტალ გაიურების ქვეყანას,

– 47 –

წადით იქითკენ, სადაც თქვენი ნათესავები და ძმები არიან. რაც შეიძლება გაქვსთ, იქ იმათ დაეხმარეთ და როგორც ნამდვილი თათრები იქვე თქვენ ძმებთან დაიხოცენით ერთად. თუ არა და ისინი იქ იტანჯებოდნენ და თქვენ კი აქ სცხოვრობდეთ, ეს არ შეფერის წმინდა მუსულმანის სჯულის კაცს. ადექით წადით, წადით და უშველეთ ოსმალში მყოფთ მშერთ თქვენ ძმებს. ისინი აქ ვეღარ მოვლენ, იმათ ამის ძალა და შეძლება არა აქვთ. თქვენკი ძალა შეგწევსთ და იქ ადვილათაც შეგიძლიანთ წახვიდეთ, მით ბოლოს სულიც იცხოონოთ, ჯეენეთში შეხვევდით.

სასულიერო პირთაგან ხალხის გაბრიყვება იქმნება და ასეთი კი არა. ესეთი გაბრიყვება ხალხის მოტყუებაც არის და დაბრმავებაც, ამას გარდა დიდი უდიერობა და უსამართლობაც. განა საკადრისია ასეთი დაბრმავების და მტრობის ვრცელება ხალხში, რასაკვირველია არა, მაგრამ უბედურება აქ ერთი ის გახლავთ, რომ ამ არასთან ქართველ მაჰმადიანთ სასულიერო წოდებას საქმე არ აქვნდა. უქადაგებდნენ შორს წასვლას, იქ სულის მოგებას მით, თუნდ დაღუპვასაც კი. ისტორიაში ბევრი რამ ხალხის უბედურებანი მიკითხავს და გათახსირება და ისეთი კი რაც ქართველთ მაჰმადიანთ მქადაგებლებმა გამოიჩინეს და რაც ხალხმა ჩაიდინა თავის თავის და ოჯახის დასაღუპავათ. ასეთი კი არსად რა გვინახავს. ეს მეტის მეტია და ზომას გადასული. საუკეთესო ოჯახის შვილები ბოროტ მქადაგებელთა საშუალებით ცხვრის ფარასავებ ემორჩილებოდნენ და მირბოდნენ უცხო ადგილებში სულის და ხორცის საშვებათ.

მერე რა მოხდა და რა მოუვიდათ ამ ბედშავთ, ოქროს და სულის პოვნის მაგიერ მალე სიმშილიც და გაჭირება იპოვნეს და ეს გაჭირება იმ ზომის იყო თურმე, რომ მის ამბებს ევროპიელთ გაზეთებმაც კი მიაქციეს ყურადღება. სწერდნენ, რომ ოსმალეთში გურჯისტანიდან გადმოსახლებულთ მუჰაჯირები დიდს სიღატაკეს სცდიან და თითქმის მშვირები იხოცე-

– 48 –

ბიანო. ამ სამწუხარო ამბებმა მალე ჩვენც დაგვიკარგა თავი და მალე საქართველოშიაც მოგვივიდა ცნობები, რომ ოსმალეთში წასული ქართველები მოტყუვდნენ, დაიღუპნენ. იქ ესენი დიდს სილატაკეს სცდიან. რაც აქედამ ფული გაჰყვათ, ის გაუთავდათ. მის შემდეგ თუ რამ საქონელი ჰყავდათ, ის დაყიდესო, ესეც არ ეყოთო და მერე სახლის ნივთებსაც დაუწყეს სყიდვაო, მაგრამ არც ამით ეშველათ რამე და რაკი ერთხელ სილატაკეში ჩაცვივდნენ, მის მერე მათ მეტად ბევრნაირი უბედურებანი შეხვდათ გარსაო. საქმე ისეთ განწირულებამდის მიუვიდათ, რომ სიმშობის წყალობით თვით შვილებსაც კი დაუწყეს დაგირავება, მოსამსახურედ დაყენება და საუკუნოდ დასყიდვაცკიო, ოღონდ მით რამე ემოვნად, სიმინდი ეყიდნათ და არ მომკვდარიყვნენო. ძლიერ ხშირად და ძლიერ მრავლად ქართველ მაჰმადიანები 8 და 10 წლის ბავშვებს და გოგობსაც კი აქირავებდნენ თურმე.

ამ გარემოებამ მათზე ერთობ ცუდი გავლენა იქონია და განუსაზღვრელი სატანჯველი მოევლინად. დიდს საცოდავებაში მოთავსდნენ. აქედამ ჩასულთ ხელში მხოლოდ მოტყუილება დაშთად, არსად ადგილები მისცეს, აქა იქ აცდევინებდნენ და იმედებს აძლევდნენ, რომ საცხოვრებელ ადგილებს მოგცემთო. ამ ცნობამდე ბედ შავთ ქართველ მაჰმადიანებს ქირით უხდებოდათ დგომა და ხარჯი. შესავალი კი არსაიდან რა აქვდათ. ასეთის გარემოების წყალობით მათი საქმე ისე წახდა და დაიღუპა, რომ მრავალ ალაგას ერთობ ხშირად და მრავლად იწყეს მათ ოჯახის წევრთა ხოცვა, ჭლეტა წყვეტა, სიღარიბე, სიმშობი და სიცივე, სიტიტველე და არაფრის ქონვა. ეს გარემოება მათში ისე მძვინვარებდა, რაისა გამო იგინი ათობით და ოცობით ეწირებოდნენ მსხვერპლად და უსიხარულოდ ლევდნენ თვის ნაწვალე და ზღვით მგზავრობაში შიმშილით ნატანჯ სულს. ეს გარემოება ქართველ მაჰმადიანთ მეტად გულ საწვავია და თითქმის გენიის ცეცხლით სავსე. ამით მათში ბევრი საუკეთესო ოჯახი დაეცა და მოისპო სა-

– 49 –

ყოველთავოდ, ბევრს ახალგაზდა ქართველ მაჰმადიანს მოევლინა სილატაკის წყალობით ამ სოფლიდამ გამოსალმება, ბევრ ახალგაზდა ქართველ მაჰმადიანთ ქალს აეხადა პირბადე და ნამუსი, ბევრი მოხუცი კაცი და ქალი, რომელნიც ჯერ კიდევ სასიცოცხლონი იყვენ და სიკვდილის არა აქვდათ რა, ესენიც მოისპნენ უღვთოდ სიმშობის, სიტიტველის და სიღარიბის წყალობით. გურჯისტანის ქალი და კაცი სიტიტველეს და სილატაკეს ჩვეულები არ არიან. მათთვის დიდი სირცხვილია, რომ დაგლეჯილის ტანთ საცმელით იარონ, ტანზედ არა ეცვათ რა და ფეხზედ. ოსმალეთში კი ხშირად ნახავდით ამ თავმომწონე შესანიშნავთ მშვენიერს ქართველ მაჰმადიანთ ვაჟკაცთ და ყმაწვილებსაც, რომელთაც ტანზედ ძველი დაგლეჯილი ტანთ საცმელი ეცვათ, ფეხზედ დაგლეჯილი ჩუსტები,

აქა იქ თითები უჩანდათ და თავზედაც დაგლეჯილი ყაბალახი ან წითელ გახუნებული ფესი. აღარც აქაური სუფთა ტანთ საცმელი, აღარც მაჭახლის იარაღი, აღარც ფული და აღარც ქართული ფაქიზი გული და მედიდურება. იქ ქართველ მაჰმადიანები მიკედლებულნი სხვათა კედელს და კარის წინ იყო მარად ჟამს მობუზული, მოკატუნებული, თავდაბალიც. რასაც იგი თავის სამშობლოში ვერ აიტანდა და არავის რას დაუთმობდა, იმას იგი ხელმოკლეობით იტანდა და ითმენდა უცხოობაში მყოფი, სხვათა კარს მიკედლებული. ყველა ეს კიდეც არაფერი, ამაზედ უარესს სცდიდნენ იგინი. ეს განსაცდელი იყო მათი დღიური სიმშლილი, გაჭირვება. ხანდისხან გადიოდა ორი, სამი დღე კაცთა და დედაკაცთ ცივი მჭადიც არ აქვნდათ საქმელად. ეს იყო მათი საწუხი და ეს იყო მათი სავალალო. ყველაფერს იტანდნენ და სთმობდნენ სილატაკეს, სიცივეს, სიშიშვლეს და სიმშლეს კი ვეღარ უმაგრდებოდნენ, ამას კი ვერ იტანდნენ. ასეთივე სამწუხარო დგომარეობაში შთაცვივდნენ ქართველ მაჰმადიანთ ქალები. ბედ-შავთ ტანზედ და ფეხზედ შამოეფცქვნათ ყოველივე და ახლის სყიდვას კი ვეღარ მოეწონენ. საქმე ისე გულსაწვავ ცეცხლით მოერთვათ, რომ სა-

– 50 –

უკეთესო ოჯახის ქალები და ცოლები უბრალო შავს ჭუჭყიანს ჩადრებშილა იყვნენ გახვეულნი, მათ ერთი ლურჯი ჩადრილა ჰფარავდა, სხვა არაფერი. პერანგს და პერანგის ამხანაგის გარდა სხვა რამ სამოსელი თუ აქვნდათ, ყოველივე მას ქალები ტანიდამ იხდიდნენ, ჰყიდდნენ და მით ანაღებ ფულით სიმინდს ყიდულობდნენ და სჭამდენ. ხშირად ამით სიმინდსაც ვერ შოულობდნენ, ნაშოვარიც ცოტა ხანს ჰყოფნიდათ.

ასეთ საუკეთესო ქარველ მაჰმადიანთ ქალთაგან მრავალ ალაგას ძლიერ ხშირად და მრავლად დაღვრილა ცხარე სიღარიბის ცრემლები და გმობაც უთქვამსთ მათზედ, ვინც იგინი გააბრიყვეს და წაიყვანეს უცხო ადგილებში, ვინც მოშალეს თავიანთ მამა-პაპის ადგილებზედ, მიწა-მამულზედ, ბაღ-ბოსტანზედ და სახლ-კარზედ. ასეთ ქალებისაგან არამც თუ კვნესა და გოდება ისმოდა, არამედ მოთქმით ტირილი და გამოტირვა მათის შეცდომების, მწარე ბედისა და სილატაკის. შორს მყოფს და გაბრაზებულთ თავი საკვდავათაც აღარ ენანებოდათ. თავიანთი ქვეყნის გახსენების დროს ყველა მათგანი სულიერად იტანჯებოდა და იწვოდა. ამათ საცოდავობამ მთელი სტამბოლიც მოიკვა და მრავალ ალაგას ყვედრებაც დაუწყეს ქართველ მაჰმადიანებს, რომ რათ მორბიხართ აქეთ, თქვენს მშვენიერს ქვეყანას რათა სტოვებთ, თავს და ოჯახს რათ ილუპავთო, მაგრამ რაღა დროს, ერთობ გვიან. ნეტა ესეთი მდგომარეობა მრავალთა სხვათა საყურადღებოთ გამხდარიყოს და მით მოლებსა და ხოჯებსაც ეკლოთ გადასახლებაზედ ქადაგება და ან წამსვლელთა რიცხვიც შემცირებულიყოს. არა და არა, მაინც დასაღუპი უბედურება არ კლებულობდა. იგი ქართველ მაჰმადიანებში შეუგნებლობით უფრო წინ მიდიოდა,

ამით მათი ოჯახებიც ისპობოდა.

ქართველ მაჰმადიანები მოტყუილებულნი დაშთნენ. იგინი მოატყუეს ხოჯებმა და მოლებმა, მოატყუა თვით ოსმალეთის მთავრობამაც. წამსვლელთ ჰპირდებოდნენ, რომ კარგს ადგილებს მოგცემთო, ოთხფეხ საქონელს, ფულს და ყოველი-

– 51 –

ვე სახსარს ოჯახის მოსაშენებლათო. ბედშავ ქართველ მაჰმადიანებიც აიყარნენ თავიანთ ქვეყნიდამ, გადასახლდნენ შორს, უცხო ადგილებში და იქ მათ არც ადგილები მისცეს, არცარა სხვა სახსარი და დახმარება. მწარედ მოტყუილებულნი დაშთნენ. ცოტაოდენი მისცეს აქა იქ ადგილები, უმეტეს ნაწილ კი აცდევინებდნენ და ეუბნებოდნენ, რომ მოიცადეთ, თქვენთვინ ალაგებს ვძებნით ოსმალეთის მიწებზედ და მალე მოგცემთო. ამ ლოდინში მათ დღიური ხარჯი და მასთან შეუსავლობა ძლიერ აწუხებდა. ბევრი მათგანი ჩავარდა გაჭირვებაში, ადგილების მიღების ლოდინში დალია სული. სიღატაკით მოცდას როგორც იქმნებოდა აიტანდნენ, რომ იქ დღიური სამუშავო საქმე მაინც ეშოვნათ, რომ მათ სიმიდის ფული მოეპოვნათ და მშვიდრები არ დახოცილიყვნენ.

ოსმალეთში დღიურ მუშათა საქმიანობა ერთობ ცოტა არის. იქ დღიურად მუშა დღეში 20 კაპ. იღებს, ხან ესეც არა აქვსთ. ყველამ კარგად ვიცით, რომ ოსმალთს მუშა ხალხის უმეტესი ნაწილი აქეთ, ჩვენში გადმოდის და აქ ეძებენ სამუშავოს. ამის ცხადი საბუთია, რომ მთელის ქურთისტანის ქურთები სულ აქა ჰყრიან უბრალო ნაგვის მუშებათ. ამათ გარდა სხვა თათრებიც მრავლად მოდიან და მათ მუშაობის მხრით საქართველო ნამდვილ სამოთხედ მიაჩნიად. აბა მითხარით, თუ ამათ ქვეყანაში ქართველ მაჰმადიანები რა საქმეს იშოვნდნენ, არაფერს. გინდ რომ ეშოვნათ მაინც მედიდური და თავ-მომწონე ქართველ მაჰმადიანი დღეში 20 კაპ. ვერ იმუშავებდა. ეს ასეც იყო და ესენი თუ სადმე მუშაობას ბედავდენ, იქვე უნდებოდნენ მათ: ოსმალთა მუშა მეტოქნი და ესენი ეუბნებოდნენ მათ, თუ თქვენ ჩვენს ქვეყანაში რათ მოდიხართ, ჩვენ რათ გვეცილებით, რათ გვახდენთ, რათ გვიდგებით ჯიბრში, როცა თქვენს ქვეყანაში სამუშავო ბევრია, მუშა ხელიც სჭირიაო. ჩვენები თქვენში მოდიან საქმის და ფულის საშოვნელად და თქვენ კი აქ მორბიხართო. აბა ეს რასა ჰგავს, თუ არ თქვენს სიბრიყვესო. ეს სწორედ ასეც გახლავთ.

– 52 –

ქართველ მაჰმადიანთ ვერ გაიხარეს თავიანთ წადილით ოსმალეთში, მათ ყოველივე უკუღმართად წაუვიდათ საქმე, უმეტეს ნაწილ უსინანულოდ დაშთნენ და თუ ვისმეს რამე აღირსა მთავრობამ და მისცა მიწა-ადგილები, ისინიც უხეიროები, გამოუსადეგი, სადაც მის ქვეშევრდომთა თათრები ვერ სცხო-

ვრებდნენ, რადგანაც ადგილები უხეიროები იყო, ჭაობიანი, კლდიანი, მოუსავლიანი და უბაზარ-უბოლაზო. ასეთ ადგილებს აძლევდენ ქართველ მაჰმადიანებს, თორემ უკეთესებს აბა მათ ვინ მისცემდა. უხეირო ადგილებზედ დასახლებით კი ქართველ მაჰმადიანთ დიდი ზარალი მოსდიოდათ. იგინი ცივს, ნოტიო ჰაერს ვერ იტანდნენ, მასთან არც მიწის ნიადაგს იცნობდნენ და ამიტომ ხშირად და თითქმის ყოველველთვის მოცელა და დაღუპვა ელოდათ მათ, რადგანაც ჰავის წყალობით მათში მუდამ რაღაც შხამიანი ციებ-ცხელება და სხვა და სხვა სენი და ჭირები მძვინვარებდა. ადგილების მიცემის გამო ოსმალთ გლეხნი დიდს პროტესტს უცხადებდნენ ქართველ მაჰმადიანებს ასე: ჩვენც არ გვყოფნის ჩვენი ადგილები და აბა თქვენ რაღას მორბიხართ გურჯისტანიდამ აქაო. გურჯისტანი რომ კაი მოსავლიანი ადგილია, აბა რათ სტოვებთ იქაურობას და აქეთ რათ მორბიხართო. ჩვენ იქაურობას დავნატრით და თქვენ კი იქ სტოვებთ და აქ მოდიხართო. ასეთ საქმეთა საყვედურები ისეთი ფართო იყო და დიდი, რომ მათში ხშირად კამათი და ბრძოლაც კი იმართებოდა. ამ მხრით ოსმალთა თათართ გლეხნი მართალნი იყვნენ და ქართველ მაჰმადიანები კი მტყუანნი გახლდნენ. აბა რას მირბოდნენ იქ, სადაც არავის იცნობდნენ და არც საქმიანობა იყო. მაგრამ ღმერთმა ჰკითხოს ავ ხალხს და ბოროტ ენებს, ვინც ამათ აბრეყებდა და შლიდა თავიანთ სამშობლოდამ.

გადასახლებულთ საცოდავობამ იქამდის მიაღწია და იმ სიმაღლემდის ავიდა, რომ უკანასკნელს ჟამს ამ გარემოებას თვით ქართველთ ფაშებმაც მიაქციეს ყურადღება და მუჰაჯირად წასულთ დაუწყეს დარიგება, რომ საშუალება მიიღეთ და

– 53 –

დაბრუნდით შინისკენაო. თქვენ ჩვენ ნუ გვიყურებთ. ჩვენ ფაშები და ბეგები ვართ, ჩვენ სამსახური მოგვცეს და მიტომ გადმოვედით აქეტკენაო. თქვენ კი ბიჭო გურჯები ხართ, მასთან მუშა სოფლის ხალხი და იმიტომ გაჩერდით გურჯისტანშიო, დაბრუნდით შინისკენაო. ასევე არიგებდა მათ ერთ თავად ტრაპიზონის ფაშა ანუ გუბერნატორი ოსმან ფაშა თავდგირიძე *). ეს ყველა გადმოსახლებულთ ეუბნებოდა, რომ ბიჭო, გაჩერდით თქვენს ქვეყანაში, აქედ ნუ მოდიხართ, თორემ დაილუპებით. იქ თქვენ არაფერი მოგივათ, ჩვენ ნუ გვიყურებთ, რომ აქედ წამოვედით, ჩვენი საქმე სხვა არის და თქვენი სხვა, თქვენ გაფრთხილდით. ასე და ამ გვარად ბევრნი ეუბნებოდნენ ქვეით წასულ ქართველ მაჰმადიანებს და მრავალთ აბრუნებდნენ უკანვე თავიანთ სამშობლოში. მე ვარ მნახველი თვით ასეთის შინ დაბრუნებულეზ საბრალო ქართველ მაჰმადიანის, რომელნიც შავი ზღვის ნაპირას რომ მოვიდნენ, ბათუმთან მათ სიხარულს საზღარი არ აქვნდათ. როცა გემი-დამ გადმოვიდნენ და მიწაზედ ფეხი დადგეს, რამდენიმე ნაბიჯის შემდეგ დედაკაცები ჩადრებში გახვეულნი მიწაზედ დაემხნენ და დაიწყეს ტირილი და ცრემლები და მიწასაც დაუწყეს

კოცნა. შემდეგ ამის მათ შინ დაბრუნების სიხარულს საზღვარი არ აქვდა.

ქართველ მაჰმადიანთ გადასახლებას დიდი ისტორია აქვს. იგი ღირსია დაწვრილებით გაცნობის, ამიტომ ჩვენ კიდევ მოვიყვანთ აქ რამე ცნობებს. პირველ გადასახლებულთაგანნი რაკი გაჭირებაში ჩავარდნენ და მწუხარებას სცდიდნენ, იგინი დიდს სინანულს მიეცნენ, მაგრამ ბევრი მათგანი მაინც ხალხის თვალში თავს არ იმცირებდა და არსად არავის რას ატყობინებდა თავიანთ გაჭირებულის ცხოვრების შესახებ. ასეთი პირები საიდუმლოდ შინაც კი მოდიოდნენ, აჭარაში აქა იქ დროებით რჩებოდნენ და ამ ხნის განმავლობაში თავიანთ დამშეულ ოჯახისათვის სიმინდსა და ფულსაც აგროვებდენ, მაგრამ ერთობ ჩუმად, საიდუმლოდ. თუმცა ესენი ასე ახერხებდნენ საქმეს გა-

*) ეს წინედ კი წასვლას უქადაგებდა.

– 54 –

ჭირვების გამო, ხოლო რაც შეეხება ხალხში მის ცოდნას და გამოაშკარავებას, ამაშიკი მეტად ფრთხილნი იყვნენ და არავის რას ეტყოდნენ თვისის გაჭირვების შესახებ. ნაცვლად ამის ყველა ყველგან ამას ლაპარაკობდნენ: ჩვენ იქ კარგად ვცხოვრებთ, მეტად შესანიშნავად, ჩინებულად და საქმეებიც კარგად მიგვიდისო. თუ რამეს აგროვებდენ, ეს მათის ფიქრით იყო დახმარება ისეთის გზით, რომ ვითომც აქაურებს სიმინდი და ფული მეტი აქვდათ და მიტომ ეხმარებოდნენ ქვეით წასულთ ქართველ მაჰმადიანებს, წესი არის თავიანთის მოსავლიდან მათში ხაც ეწილადებინათ რამე.

სამწუხაროდ არც ერთს ქართველ მაჰმადიანს არ მოსდიოდა ჰაზრად თუნდ ის, რომ ეკითხა მათთვის, თუ ბიჭო, იქ თუ ესე კარგად სცხოვრობთ და ყველაფერი მრავლად გაქვსთ, მაშინ აქ რაღას მოიპარებით ჩუმად და ჩვენ შორის რათ აგროვებთ საიდუმლოდ სიმინდსა და ფულს და მერე ყველა ეს მონაგროვი რათ მიგაგვთ იქით საიდუმლოთაო. სამწუხაროდ ამეების შეგნება ქართველ მაჰმადიანებს არ აქვდათ და ამიტომ ოსმალეთიდან ძლიერ ხშირად მორბოდნენ აქეთ სხვა და სხვა ასეთი პირნი და ხალხში დახმარებას აგროვებდენ. ასეთი პირები მე თვით მინახავს ერთობ მრავლად და თითქმის ყოველ კუთხეს და ხეობაში. ისიც კი უნდა ითქვას, რომ იყვნენ თითო ოროლა ისეთ ქართველ მაჰმადიანები, რომელიც გადასახლებას ზიზღის თვალთ უმზერდენ და მეტად დიდს სინანულშიც იყვნენ იმ ოჯახებზედ, ვინც კი აიყარნენ და საქართველოდამ ოსმალეთში გადასახლდნენ.

ჰასან ეფენდი ციციშვილის ნაამბობი.

გადასახლებულთ რიცხვის აწინდელის ცხოვრების ჩვენ ბევრი აღარა ვიცით რა. გადასახლებულთ უმეტესობა დასახლებულ იქმნენ ისეთ კუთხეებში, რომელთა არსებობა

ტომის და ქვეყნისთვის, დაკარგულ არიან თვით თავიანთ ნათესავთათვისაც. მოკლე დროის განმავლობაში შორს წასვლამ ანუ გადასახლებამ გამოსწყვიტა ნათესავური კავშირი ორ ძმათა და სახლთ კაცთ შორის. დღეს ქართველ მაჰმადიანებს რომ ჰკითხავთ: თუ თქვენ ვინ ხართ, რა გვარის და რა ნათესავობის? იგინი მაშინათვე ასე იტყვიან, – ჩვენი ნათესავები ძიავ, ქვეითაც არიან წასულნი, ანუ ოსმალში. ჩვენ ძიავ დავიკარგენით, აღარც აქა ვართ და აღარც იქ. ან სულ არ უნდა წავსულიყავით და ან სულ უნდა წავსულიყავით. ნახევარი აქ დავრჩით, ნახევარი წავედით, ეს ვერაფერი საქმე იქმნა. ჩვენ ძიავ, დღეს აღარაფერი ვართ და ბევრი ჩვენი ნათესავები დავკარგეთ. ჩვენ იმათთვის დავიკარგენით და ისინი ჩვენთვის. დღეს მათი ხსენებაც აღარ ვიცით. შემდეგ ხომ სულ აღარ გვეცოდინება. ეს სიტყვები ნათქვამია ჰასან ეფენდი ციციშვილისაგან.

მართლაც ასე უნდა ვსთქვათ ჩვენც. ამოდოლა ხალხის დაკარგვა და მივიწყება ჩვენგან დიდს უბედურებად უნდა ჩაითვალოს. ჩემის მგზავრობის და ცხოვრების დროს ქართველ მაჰმადიანებთან ხშირად მქონია საუბარი გადასახლებულთ შესახებ და ბევრს ოჯახში დიდი მწუხარებაც უთქვამსთ: თითქმის ტირილით მოუგონებიათ ხოლმე ასე: გვაშინებდნენ, ადექით, წადით, თორემ გაგაქრისტიანებენო. ჩვენც დავიჯერედ და გავიქეციით. განვლო დრომ, ყოველივე დაწყნარდა, არც არავინ გააქრისტიანეს, არც არავის ამისთვის ძალა დაატანეს, ჩვენ კი დავიღუპენით ჩვენის ქვეყნიდამ, ჩვენის ოჯახიდან. ბევრს ალაგას მინახავს ოსმალეთიდან ნათესავებთან ასეთის შინაარსის მოწერილი წერილები, დედა სწერს შვილს ასე: – „შვილო მიშველე რამე, აქედამ შენ ძმას და მის ქალ ბაღანას თუ ვერ წაიყვან და ვერ უშველი, ვერ დაიხსნი ამ ვაებისაგან, მე მაინც მიშველე, გამამიგზავნე რამე ფული და მით დამიხსენი, რომ აქ უცხო ალაგას არ მოგვკდე, მოხუცების ჟამს ნუ დამანატრულებ შენი შვილების ნახვას და ჩვენს სოფელში სიკვდილს. შვილო როცა

ეს ქაღალდი იწერება, მაშინ დედაშენის ცრემლიც იღვრის. რათ ვქენით ესე, რათ დავიღუპეთ თავები. მიშველე შვილო, რამე და წაგვიყვანე თქვენკენო“. ეს წერილი ნამდვილიდამ არის გადმოწერილი. მოწვრილია ასე: ერთი ძმა საქართველოში, თავის მამულზედ დაშთენილა, მეორე ძმა კი გარდასახლებულა, ამას დედა თან გაჰყოლია. ბოლოს დედა სინანულში შესულა და ასე მოუწერია შვილისთვის, რომ მიშველე რამეო. ასეთი წერილები ბევრი მინახავს და ყოველი მათგანი გოდება და ტირილი ყოფილა სამშობლო ქვეყნის და სოფლების დაკარგვაზედ. მინახავს ისეთი წერილებიც, რომელთა უმეტესი ნაწილი არაბულის ასოებით და ქართულის სიტყვებით ყოფილა დაწერი-

ლი.

რამდენათაც მწარეა ისტორია ქართველ გადასახლებისა, იმდენადვე მრავალფეროვანია და საყურადღებო ის გარემოებაც და მისი ისტორიაც, თუ გადასახლებულნი ბოლოს რადიდს სინანულში შთაცვივნდნენ, რა გოდებას მიეცნენ ქვეყნის დაკარგვისთვის, ყოველი მათგანი რა ოხვრით და გოდებით მოსთქვამდა თვის წუხილს და ოხვრას, რამდენი ცრემლი იღვროდა მათში, რამდენი მომაკვდავი მოხუცი კაცი თუ ქალი სტიროდა და სწუხდა მწარედ არა იმაზედ, რომ იგი კვდებოდა, ამ სოფელს უღვთოდ ესალმებოდა, არამედ მასზედ, რომ მას უცხო ქვეყანაში ეღებოდა ბოლო, უცხო ალაგას ესალმებოდა სოფელს და თვალთ წინ ეშლებოდა თავის სფლავის დაკარგვა და მტერთა, მეგობართა, მოყვასთა და ნათესავთაგან შორს ყოფნა. მნახველთ უთქვამთ, რომ ვინც კი გვინახავს ოსმალში მომაკვდავი, ყველა სინანულში იყო და ზოგი მწარეთაც სტიროდა და შვილებს შინ დაბრუნებას ავალეზდა და ეუბნებოდა, რომ მერე თქვენი ქვეყნიდამ ფეხი აღარსად მოიცვალოდ და არავინ გაგაბრიყვოთო. იყავით ერთ ალაგას, თქვენი ძველების ადგილსო. პირველ გადასახლების და შემდეგ დროსაც, ვიდრე მთავრობა აღკრძალავდა შინ დაბრუნებას, ბევრმა მოახერხა და დაბრუნდა საქართველოში, თავიანთ მამულზედ

– 57 –

დასახლებაც მოასწრეს. ეს მოუხდათ უფრო იმათ, ვინც შორეულს ოსმალის ქვეყნებში არ იყვნენ წასულნი, ვინც ახლო მახლოს იყვნენ გაჩერებულნი, მაგალითებს ტრაპიზონის ვილაეტში, არზუმის და სხვა ასეთ კუთხეებში. შორის კუთხეებიდამ კი აქ აღარავინ მოსულა, მთლად იქით დაშთენ, იგინი ჩვენთვის დღეს მთლად უცნობათ არიან დაკარგულნი.

თუმცა ასეთი მწარე შედეგი მოჰყვა ქართველ მაჰმადიანთ გადასახლებას და ასეთის სახმილის ალით აინთო გადასახლებულთ გული და სული, მაგრამ მაინც არც შემდეგ მოისპო ქართველ მაჰმადიანთ შორის გარდასახლების ოცნება, გარბენა და გამორბენა. კაცს რომ შემოჰკვდომოდა ვინმე, ეს მაშინავე ოსმალში გაიქცეოდა და მით იხსნიდა თავს, ან სისხლს აიღებდა ვინმე ან გაყაჩაღებოდა, ვისმეს მოკლავდა, ან სამართალი ციხეს მიუსაჯავდა, ან ქალს მოიტაცავდა და მერე ამისთვის დასჯიდენ, ან რამე შუღლი მოუხდებოდათ და ჩხუბი ჩამოვარდებოდა და ვინმე დაიჭრებოდა, ან მოკვდებოდა, ერთის სიტყვით ყველას იქით უხდებოდა გაქცევა, თითქმის სამუდამოთ იქ დარჩენა, ნათესავებთან დასახლება. ზოგი კი რამდენიმე ხნის უკან ბრუნდებოდა, ზოგს იჭერდენ და ისე მოყვანდათ. ასეთი გადასვლა გადმოსვლა, ანუ გაქცევა დღესაც კი სწარმოებს მათში, ამის გარდა ვინმე უფროსს სამართველოში რამ საქმე ეთქვათ, ან სამართალი სწორე არ მიეცათ, ან ბეგარად გაეყვანათ, ან ხარჯი შეაწერეთ ცოტა მეტი, ან ტყის საქმეზედ ლაპარაკი მომხდარიყოს და ან კიდევ სხვა ამ გვარი სოფლის საქმენი, მაშინ აღარ იცოდენ რა ექმნათ და

გაგულისებულნი ყვიროდნენ.

წავიდეთ, წავიდეთ. ჩვენი აქ დგომა აღარ შეიძლება. დუნია წახდა, დაიღუპა ქვეყანს, წავიდეთ სხვა საშველი ჩვენ არ გვაქვს.

ასეთ პირებს წადილიც შესრულებიათ და წასულან, მოშლილან მამაპაპეულის ოჯახიდან, ჩასულან ოსმალში და დამდგარან საცხოვრებლად. მალე გასჭირებიათ და ისევ შინ

– 58 –

დაბრუნებულან. ასეთ შინ მოსულთ უპირველესად თავიანთ ქვეყნის სამართველოში მისვლა მოხდენიად და განცხადება. მინახავს ქობულეთსა და აჭარაში, რომ წასულთათვის მოსვლის დროს პირველ ნახვისა შინ მყოფ ქართველ მაჰმადიანს ასე უთქვამს: ბიჭო, რომ მიდიოდი, ხომ ხედავდი, რომ ეს ადგილები და მთა და ბარი თან არ მოგდევდა. ხომ ხედავდი, რომ ყოველივე აქ რჩებოდა. შენ რაღას მირბოდი იქით და თუ წახველი, რაღას დაბრუნდი აქეთ, რატომ არ დარჩი იქით. იქ ხომ სულ ჩვენები არიან და ჩვენი სჯულისანი, ჯერ წასვლა არის ძნელი და მერე აქეთ მოსვლა. ისიც ფუხარა ცარიელ კაცისათვის. ასეთი საუბარი ხდებოდა მაშინ, როცა აი რა შემთხვევები იყო: წარმავალნი თავიანთ მამულს ან გაჰყიდდნენ, ან გადასცემდნენ ვისმეს რამდენიმე წლით. ამლებიც აიღებდა მამულს, ოთხფეხ საქონელს და დაუწყებდა მოვლა მოშენება და პატრონობას. მაგრამ არ გავიდოდა დიდი დრო და ვნახოთ გადასახლებულნი ისევ შინ მობრუნდნენ და თავიანთ მამულის მყიდველს თუ მოიჯარადრეს მამულს კვალად შეეცილებოდნენ, დავას ან თხოვნას დაუწყებდენ, ნასყიდის უკან დაბრუნებას. ზოგ ალაგას მშვიდობით თავდებოდა საქმე და ზოგ ალაგას კი ჩხუბი და დავიდარაბა სტყდებოდა. შინ დაბრუნებულნი აქა იქ სცხოვრობდნენ, ნათესავთა და მეზობელთან მიკედლებულნი და ამიტომ დიდს მწუხარებასაც გამოსცდიდნენ.

ამათის ასეთი საჩივრებით სავსე იყო მთელი ბათუმის ოლქის სამართველოები, ასევე ართვინის და სხვა კუთხეებშიც, სადაც კი ქართველ მაჰმადიანები სცხოვრობდნენ და სადაც გარდასახლების ოცნება სენივით მძვინვარებდა მათში. თვით ჩემს თვალ წინ ყოფილა ასეთი შემთხვევა: ოსმალეთიდან დაბრუნებული მთელი გჯუფი გადმოსულან გემიდან ხმელეთზედ და დაუწყვიათ ხვეწნა და მუდარება შინ დაბრუნებისათვის. ამავე დროს იქვე ყოფილა მეორე ჯგუფი შინაურების, რომელთაც დაუტოვებიათ მამაპაპისეული სოფელი, მამული და განმზა-

– 59 –

დებულან ოსმალში წასასვლელად. ერთმანერთიც უნახავთ და ლაპარაკიც დაუწყვიათ. მეც მისაუბრია მათთან და იგინი ვერ მისულან იმ გარემობასა და საგანზედ, რომ ერთმანერთისათვის ეკითხნათ თუ ან ერთი ჯგუფი რათ ბრუნდებოდა ქვეი-

დამ და ან მეორე რაღათ მიდიოდა. საოცარი იყო ჩემთვის ასეთი გაუგებრობის ნახვა. მიზეზები ვერ შევიტყე. ბოლოს გავიგე, რომ თურმე წამსვლელთა წინაშე საუბარი და გადასახლების გულის აცრუება და ლაპარაკი დიდი ცოდვა არის სჯულისათვისაო. კაცი ნურაფერს ეტყვის და ნუ შუაგული ნებსო, თვით უნდა მიხვდესო.

ასე ამიხსნეს მცოდნე ქართველ მაჰმადიანებმა. თვით კი მიხვედრით ვერ თვითცნობიერებდნენ, თუმცა ერთიც და მეორენიც კარგად ხედავდნენ იმ სურათებს, როცა ოსამლეითიდან შინ დაბრუნებულნი ოხვრით და მწუხარებით იყვნენ სავსენი, ამათ ყოველივე მწუხარებას სკობდა მათ ქვეყანაში შემოსვლა, შინ დაბრუნება. მეორენი კი გახარებულნი და გამზადებულნი მიემშურებოდნენ იქით, საიდგანაც მათი თანამემამულენი გმობით და შეჩვენებით ბრუნდებოდნენ. ასე იყო საქმე ქართველ მაჰმადიანთა, ასე გათახსირდნენ იგინი და ყოველ მათგანს ბოშა ციგნებივით გრძნობა დაკარგული აქვდათ სიტყვა სამშობლოზე, ქვეყანაზედ, ერზედ, ეროვნებაზედ, ენაზედ და თვით თავიანთ ოჯახის ბედნიერ ცხოვრებაზედ ფიქრიც არა ჰქონდათ, მიტომაც მირბოდნენ და მორბოდნენ უკან, რაისა გამო იგინი საკმარისადაც სწყდებოდნენ. ამ გაუგებარ უბედურებას მათგან დიდი რიცხვი შეეწირა.

მეცხრამეტე საუკუნეში არ მომხდარა ისეთი დაბრმავება რომელიმე ერისა და გარდასახლება, ეს როგორც მოხდა ქართველ მაჰმადიანებში. ასეთ საქმეთა გულგრილობით და უხეირობით ქებულნი არიან ქართველი მაჰმადიანები, და მასთანვე საკმარისად გასაკიცხნიც თავიანთ შთამომავლობის წინაშე, თუ მათ თავიანთის უმეცრებით რა ზარალი მოუტანეს თავის მომავალ თავობას, მათს ქონებრივ სახსარს, მათს აღზრ-

– 60 –

დას და ან რა დაუმკვიდრეს მათ ამ გადასახლებით კარგი და კეთილი. მე დარწმუნებული ვარ, რომ ქართველ მაჰმადიანთ შვილების უმეტესი ნაწილი დღესა თუ ხვალე თვალს გაახელს, იგინი გამოვლენ მოქალაქობის ასპარესზედ, *) მის მერე მოიკითხავენ თვის სამშობლო ქვეყნის ისტორიას და გარდასახლების ცნობებს და მაშინ იგინი გულცეცხლით სავსენი დაშთებიან თვის მამა პაპათა შეცდომებზედ, ამოდოლა ხალხის გადასახლება-დაღუპვაზედ, აუარებელი ძვირფას მამულების და ადგილების დაკარგვაზედ. ასეთ თავობათა საყურადღებოდ მოვიყვან შემდეგს, რომელიც ერთმა ქართველ მაჰმადიანმა მიაძბო. – თქვენი ჭირიმე, მე სიტყვა ქართველი ჭირივით მძულდა, ამისთვის დავტოვე ჩემი სოფელი და ოსმალში გავიქეცი ჩემის ცოლ-შვილით. ჩავედი იქ, რაცა მქონდა სულ დამეხარჯა. მალე დავრჩი ცარიელი. მის მერე სადაც კი წაველ და ფეხი გადავდგი, ვინც კი მნახა, ყველამ ქართველი-გურჯი მიწოდა. ვისაც კი ვკითხე და ვუთხარ რამე, ყველამ ქართველი დამიძახა და ამიტომ ვამჯობინე შენი ჭირიმე და ისევ შინ დავბრუნდი. ასე და ამ გვარად, მე ყველას ვურჩევ გადასვლას და

გაქცევას თავი გაანებონ, თორემ იქ ისეთ დღეში ჩავარდებიან, რომ ის თქვენმა თვალმაც არ ნახოს, ეს ნურც თქვენს მტერს მიადგეს კარზედ. იქ, ბატონო ოსმალოს კაცნიც გემტრობენ და გვიყვირიან, აქეთ ნუ მოდიხართ, ადგილები ჩვენც არ გვაქვსო.

ეს ამბავი მიაშო კარგად შესმენილმა ქართველ მაჰმადიანმა, მრავალ გზის ნამგზავრმა ოსმალეთში და გამოცდილმა პირმა. თუმცა ასეთ მცოდნე პირებს ქართველთ მაჰმადიანები ხშირად ხედავდნენ და ბევრნი დიდის აცრემლებითაც მოუთხრობდნენ ოსმალეთში გადასახლებულთ მწარე ცხოვრების ცნობებს, მაგრამ მაინც მათში ღელვა გარდასახლებისა არ კლებულობდა, რადგანაც არ კლებულობდა თვით ბოროტ მქადაგებელთ და წამქეზებელთ რიცხვიც. რაც კი ქმნეს ასეთ პირებმა და რა ღვაწლიც დასთესეს თვის თანამემამულეთა

*) ეს დაწერილია 1891 წ. დღეს უკვე გამოვიდნენ.

– 61

წინაშე, ეს კარგად სჩანს თვით მომხდარ საქმეთა არსებულის ცნობებიდამაც. მხოლდ ამისთვის ფხიზელი დაკვირვება არის საჭირო.

გადასახლებულთ შორის ხშირად იყვნენ ისეთ ქართველ მაჰმადიანებიც, რომელნიც მხოლოდ საქართველოსთან ახლოს სახლდებოდნენ, იმ ადგილებში რაც ოსმალოს ხელში დამთა, ანუ მათს სამფლობელო საქართველოს ნაწილს შეადგენდა. დღესაც ოსმალეთის საქართველოს ადგილების დიდი ძალი მანძილი უკავია და ამ ადგილებში მთლად ქართველ მაჰმადიანები სცხოვრობენ, სადაც მიეკედლნენ და დასახლდნენ ეს ახლად მისულ ქართველ მაჰმადიანებიც. გარდასახლებულთ შორის მეტად დიადი უბედურება, ერთობით გარდასახლება და დაღუპვა მურღულელთაც მიიჩნიეს, ამათაც დაკარგეს მშვენიერი კუთხე მშობელის ქვეყნისა კაი ჰავიან-მოსავლიანი და ქებული მრავალ ნაირის მადნებით.

ნაამბობი დედი აღა ნიჟარაძისაგან. 1890 წ.

„ქობულეთის კუთხიდან, ჩაქვის ხეობიდან, ბათუმის და კახაბრის ნაწილიდან აჭარამდე მცხოვრებთ შორის გადასახლებულ იქმნა 2000 მოსახლე. ასე რომ, თითო ოჯახში რომ ვიანგარიშოთ 5-6 სული. სულ გამოვა 10, 12 ათასი ორივე სქესისა. ბათუმიდან გადასახლდა 5000 ათასი სული. კახაბრის ნაწილიდან 3000 ათასი სული. სულ 20,000 მეტი და არა ნაკლები. მაჭახლიდან წავიდა 30,000 სული, ორივე სქესის. ქვედა აჭარიდან წავიდა 10,000 სული, ზედა აჭარიდან ავიდა 8000 სული. ლიგანის ხევიდან წავიდა 25,000 სული, მურღელის ხევიდან წავიდა 8000 სული. იმერხევიდან 5000 სული. შავშეთიდან 10,000 სული, არტაანიდან 25,000 სული. ოლთისის კუთხიდან 25,000 სული. ჩხალის ხეობიდან

500 სული. ართვინიდან 4000 სული“.

ჩვენის შეკრებილის ცნობებით 200,000 ათასზედ მეტი

– 62 –

სული უნდა ვიანგარიშოდ. ეს ცნობები ძრიელ ეწინააღმდეგება რუსის და ოსმალეთის მთავრობის ოფიციალურს სტატისტიკურს ცნობებს, რადგანაც ქართველ მაჰმადიანთ შესახებ დაწვრილებით და ზედმიწევნით ცნობანი არც ერთს მთავრობას არ ჰქონდა შედგენილი და არც მეორეს. ამიტომ მათი ცნობები სწორეს არას იძლევიან არც წასულთა შესახებ და არც დარჩენილებზედ. ოსმალეთს ქართველ მაჰმადიანთ სრული ანუ სხვა ერთობ უძნელდებოდათ, ნამეტურ აჭარელები არ ემორჩილებოდნენ და 1820 წლიდან საქმე ისე მოეწყო, რომ ლივანა მურღულის ხეობა თვით ბათუმის ფაშის და კაიმაკამისტვისაც უცნობი იყო. მურღულელნი წელიწადში ერთხელ ხარჯს ჰკრეფდენ ერთმანეთში და ბათუმში ჩაჰქონდათ და ფაშას აძლევდენ, სხვა რამ საქმე ოსმალეთის მთავრობას მათთან არ აქვდა. არ იცოდენ თუ მთელს ხეობაში რამდენი მცხოვრები იყო, რამდენი სული ორივე სქესისა. ჩვენთან დაკავშირების დროს ვერც რუსის მთავრობამ მოასწრო მათი აღწერა კარგად, ასე რომ არც ამათ იცოდენ რიცხვი ახლად ჩაბარებულთ და ამიტომ ვერც ამათ შეუძლიანთ მოგვცენ სწორე ცნობები გარდასახლებულთ და დაშთენილთ შესახებ.

ჩვენი შენიშვნა რომ მართალია, ამას ასაბუთებს თვით ის გარემოებაც, რომ დღესაც ოსმალეთის დაბებს, სოფლებს, და ქალაქებში ქართველ მაჰმადიანთ რიცხვი ერთობ დიდია და მრავლად მცხოვრებნი. აქ მცხოვრებთ ქართველთ შესახებ ჩვენ ბევრს ვეცადეთ, მაგრამ დაწვრილებით კი მაინც ვერაფერი ცნობები ავწერეთ. ვიტყვით თამამად, რომ კონსტანტინეპოლის მცხოვრებ თურქებთ შორის ქართველთა რიცხვი უნდა იყოს არა ნაკლებ 400 ათასისა. რასაკვირველია ამათში ბევრის ბევრს ქართული ენა დღესაც ეხსომებათ. ეს 400 ათასი მცხოვრებნი არიან სხვა და სხვა წვრილი სოფლების, დიდი ქალაქების სხვა უნდა იყოს. ამას დაასაბუთებს შემდეგი გარდმოცემაც.

– 63 –

ოსმალეთიდან დაბრუნებულის ნაამბობი

ოსმალეთიდან დაბრუნებულმა ერთმა შესმენილმა ბეგმა, ბეჟანიძეთაგანმა, გადმომცა შემდეგი ცნობა 1892 წ. რომ ოსმალეთში ქართველ მაჰმადიანთ რიცხვი დღეს 3 მილიონზედ მეტი იქნებაო. ამანვე გადმომცა შემდეგი ცნობები:

ოსმალეთის სამფლობელო ადგილებზედ დღეს ქართველ მაჰმადიანები სცხოვრობენ შემდეგ ადგილებს:

ხოვას 100 კომლი.

არახვეს 120 კომ.

ირიზეს 100 კომლი.
ოფს. 120 კომლი.
ფლატანს 120 კომ.
თრიპოლს 100 კომ.
ორდს 1000 კომ.
უნიას 1000 კომ.
ჩერშმებს 100 კომ.
ბაფარს 100 კომ.
ბოლომანს 100 კომ.

სურმენს 100 კომ.
ტრაპიზონს 100კომ.
ბელლევანს 150 კომ.
გერესონს 120 კომ.
აბდალას 130 კომ.
ბაცას 1000 კომ.
თერმეს 100 კომ.
სინოპს 150კომ.

სამსონს 150 კომ. – და ზოგიც სხვა ადგილებს. ყველა ესენი გადასახლებულ იქმნენ უკანასკნელ ომის დროს. აქ მოყვანილ ქალაქები და სოფლები არის ერთობ მცირე რიცხვის. არის თურმე ისეთი შორეული ოსმალეთის ქალაქები, სადაც ქართველ მაჰმადიანთ რიცხვი ათი ათასობით სცხოვრობს, ხოლო ყველა იგინი ჩვენთვის მივიწყებულ-მიკარგულნი არიან, მათ თავიანთ სამშობლო და ვინაობის აღარა იციან რა და ამათ ნათესავთაც, რომელნიც საქართველოში სცხოვრობენ, მთლად მიავიწყდათ იგინი. დღეს ყველა ესენი იკარგებიან თავიანთის ტომის და საქართველოსთვის, იგინი ყოველივე მამა პაპურს ცნებას ჰკარგავენ და მის ნაცვლად ოსმალურს ითვისებენ. ქართული ენის მაგიერ ოსმალურ ენას მისდევენ, ასევე მათს სხვა წესებს.

ამ გულ საწვავ ცეცხლის ამბებით თავს არავის მოვაწყენ,

– 64 –

სამშობლო ქვეყნის დამკარგველთ მწარე გოდების მოთხრობით სულს არავის შევუწუხებთ, მუხანათ სოფლის და მის წესებს არავის ვაგმობინებთ, ჩვენს ცილის საწამებლად ცნობათ განმარტვას არ დავადგებით. აწინდელ ქართველ მაჰმადიანთ ახალგაზრდობის საყურადღებოდ ცნობებს მოვიყვანთ თვით ძველის ქართულის გაზეთებიდგან, რომელნიც საკმარისის აღსავსეობით ხატვენ გარდასახლებულთ ტანჯულს ცხოვრებას და სამშობლო გარეშე თითქმის წამებასაც. თვით ეს ცნობები გამოაჩენს მნიშვნელობას და სინამდვილეს იმ ტანჯვისას, რაც კი საბრალო ქართველ მაჰმადიანებმა სხვათა მეოხებითა და ბოროტებით გამოიარეს.

რისხვა მიყენებული გადასახლება 1829 წ.

ქართველებს ბევრჯელ მოსდგომიათ კარს კაცის რისხვა და ბოროტება. ქართველებმა XV საუკუნიდამ XIX საუკუნის გასვლამდე გამოსცადეს დიდი უბედურება და ვაება. რასაკვირველია ყოველ ვაებას და სისხლის ღვრას აქვს თავის მიზეზები, თვისი პირობები, თუმცა ისიც კი უნდა ითქვას, რომ ქართველნი არას დროს არ გამხდარან თვის სამშობლოდამ აყრის საბაზნი და მიზეზნი, ყოველთვის უცხონი იყვნენ ამის მაგალითნი და საბაზნი. შეიძლება მცირედ ქართველთაც სდებოდათ ბრალი, მაგრამ ეს იქნებოდა, როგორც წვეთი ზღვა-

ში. მართალია ზოგი გადასახლების მიზეზნი ჩვენ ქართველ მაჰმადიანებს მივაწერეთ და პირდაპირ იგინი დავასახელებთ თავიანთ თავის და ოჯახის დაღუპვის მიზეზათ, მაგრამ უნდა ითქვას ისიც, რომ ზოგში პირდაპირ ჩვენც გახლავართ და ჩვენის ქრისტიან მთავრობის მოხელენიც, რომელთა ბოროტების შესახებ ჩვენ ორს მაგალითს მოვიყვანთ და ესეც საკმარისი იქნება.

ავწერეთ, რომ რადგანაც ქართველთ ისლამთან დაკავშირების შემდეგ შუა გულ ქალაქად ახალციხე იყო, ამიტომ პირველად ამ კუთხის ქართველებში წავიდა წინ

– 65 –

ისლამი. ისიც ვიცით, რომ ოსმალეთის მთავრობას და სასულიერო წოდებას ყველაზე მეტი ყურადღება ამ კუთხის ქართველებზედ აქვდათ მოპყრობილი. ვიცით ისიც, რომ ამ კუთხეში ისლამის გამო დაიღვარა დიდი სისხლი ქართველებისა. ვიცით ისიც, რომ ყველაზედ ადვილათ და საქართველოს მტრობას ამ კუთხის თავადაზნაურობა დაადგა. მათ შეიძულეს ქართველობა, საქართველო და ქართული ენა. ვიცით ისიც, თუ იგინი რა ფანატიკოსები იყვნენ და რა უჯათნი ყოველივე გვაროვნობის თვით ცნებიერებაში. ვიცით ისიც, რომ ყველაზედ სასტიკი მახვილი ამ კუთხის ქართველებზედ იყო გართხმული და აქ საქართველოს და ქართველობის ყოველივე თახსირდებოდა და ისპობოდა. მაგრამ ვიცით ისიც, რომ ამავე კუთხეში, ქართველთ შორის, საიდუმლოდ ქართველობის შემნახავნიც არას დროს არ მოსპობილან და თუმცა მცირედ, მაგრამ მათ მაინც საიდუმლოდ შეუნახავთ თავი, წესები, ენა და ტომობა. ეს შესანახი მათ ორის მწვავის კალთებით უტარებიათ და ამისათვის ხშირად სისხლი და ცრემლიც უღვრიათ.

ასე და ამ გვარად, ამ კუთხის ქართველთ თავიანთ თავი საიდუმლოდ შეუნახავთ 1829 წლამდე, ხოლო ამ შენახვისთვის იგინი რამდენს ეწვალნენ, ამას ხომ კაცი ვერ ასწერს. ახლა ბოლოს, ამ ახალციხის რუსთაგან აღების დროს, თუ რა დაემართათ ასეთ ნაწვალეზ და დატანჯულთ ქართველთ, ამას გამოაჩენს შემდეგი ცნობები, რაც განუსაზღვრელს უბედურებით არის გარემოცული. ასეთ ჩუმ ქართველთ 1827 წ. შეიტყეს, რომ რუს-ოსმალთ ომი იწყება და ისიც არის თქმული, რომ რაც გინდ მოხდეს, რუსნი ახალციხეს აუღებელს მაინც არ გაუშვებენ, უსიკვდილოთ აიღებენო. ეს გარემოება მათ ახარებდა დიდათ და თან სასოებაც უმაგრდებოდათ მასზედ, რომ ჩვენც გვეღირსება თანამექვეყნე და ერთი ენის ქართველებთან დაკავშირება და მაშინ ჩვენს ცხოვრებას მოსვენება მიცემა და ჩვენი ქართველობაც გამოსჩნდებაო. ასე ფიქრობდენ მა-

– 66 –

შინ ეს პირნი და დღე და ღამ სულ განაბულნი უცდიდნენ

ომის დაწყებას, მთელ მესხეთ-ჯავახეთის შეერთებას ქართლ-კახეთ-იმერეთთან.

უნდა ვსთქვათ, რომ ასეთ ქართველთ რიცხვი მაშინ ახალციხის და ახალქალაქის კუთხეებში მრავლად ყოფილან. იგინი საერთოდ სულ მაჰმადიანები ყოფილან, ანუ ქართველნი, ისლამთან დაკავშირებულნი. ყველამ იცოდა, რომ ესენი მუსულმანები იყვნენ, იცოდნენ მით უფრო, რადგანაც ესენი ყოველ მუსულმანთ დღის ლოცვას თურმე სასტიკად ასრულებდნენ და ყოველივეს უფრთხილდებოდნენ, რაისა გამო მნახველს იგინი ნამდვილ მტკიცე მუსულმანათაც ეყოლებოდა მიღებული, მათზედ არაფერი ეჭვი არ იქნებოდა. ამავე დროს ამ პირთ მსლამთან ერთად თვისი სჯულიც უღიარებიათ, იგი საიდუმლოდ სჭერიათ და ამის წესებიც საიდუმლოდ უსრულებიათ. ამისათვის ჰქონიათ მიწაში სამლოცველო დარნები, ანუ საყდრები, სადაც ჰქონიათ საეკლესიო ნივთები, წიგნები და აქ თურმე ესენი საიდუმლოდ გროვდებოდნენ და ლოცვებსაც ასრულებდნენ. მღვდელი იყო მათში ასე; მამა მოამზადებდა შვილს სამღვდელით, მამის სიკვდილის შემდეგ შვილი გახდებოდა მღვდლად, რომელსაც საიდუმლოთ ტრაპიზონის ბერძენთა ეპისკოპოზი აკურთხებდა. ასე და ამ გვარად და ასეთის წვითა და დაგვით უნახავთ თვისი საიდუმლოება. ერთ დროს ამათ პატივისცემა ორი სარწმუნოების ჰქონიად.

ასეთ პირთ ნატვრა შეუსრულდათ და რუსთა და ოსმალთ ომიც დაიწყო 1828 წ. ომში ესენი მონაწილეობას ვერ მიღებდნენ, ხოლო შორიდამ კი თანაგრძნობას უწყევდენ. ომში რუსთა გაიმარჯვეს, 1829 წ. ახალციხე ანუ მესხეთ-ჯავახეთი რუსეთის იმპერიის საქართველოსთან იქმნა დაკავშირებული. ამით უნდა მისცემოდა ზემო ხსენებულ საიდუმლო ქართველთ ნატვრის შესრულება. ომის გათავების შემდეგ ქართველ მაჰმადიანებში დიდი შლილობა იყო. ხოჯები და მოლები აში-

– 67 –

ნებდნენ, რომ მუსულმანები რუსების ხელში არ დარჩეთ, თორემ ბოლოს სულ გაგაქართველებნო. ამათ ისარგებლეს დიდათ და ქართველ მაჰმადიანთ რიცხვი აშალეს თავიანთ მამაპაპეულის მიწა-მამულიდამ, მათ იწყეს მძლავრად და მარდათ გადასახლება. ზოგს მათგან ზედა და ქვედა აჭარაში ასახლებდნენ და უმეტეს ნაწილს კი შორეულს ოსმალეთის ადგილებში, რადგანაც იგინი რამდენადაც უფრო შორს წავიდოდნენ, მექას და მედინას დაუახლოვდებოდნენ, იმდენი მრავალს მათგანს მექაში წასვლა გაუადვილდებოდა, მასთან ჰაჯობასაც მიიღებდა და ბოლოს ცხონდებოდა, ჯენეეთის კარიც ღია დახვდებოდა.

ამიტომ დიდი რიცხვი აიშალა მესხ-ჯავახელების თავის მიწა მამულიდამ, იგინი ოსმალს მთარობას გაჰყვნენ და მით დაიღუპეს თავი ოსმალეთის უშორეს ადგილებში. ამათ გადასახლების მიზეზებს ოსმალს მოლებს და ხოჯებს გარდა

ხელს უწყობდა იმ დროის ჯარის გენერალი ვასილი ოსევის ძე ბებუთოვი, რომელიც მაშინ მთავარ სარდლობდა რუსის მხედრობას. ამას და ამის ამხანაგებს თურმე ეჩმიაძინის სასულიერო წოდებასთან მოლაპარაკება ჰქონოდა გამართული და პირობა მიცემული, რომ რუსთაგან აღებულ საქართველოს ადგილებში, თუ კი არზრუმის და ვანის სომხები გადმოსახლდებიანო, მაშინ ჩვენ ვეცდებით, რომ აქაური მაჰმადიანობა სულ ავყაროთ, იგინი ოსმალეთში გადასახლდნენო. ამის შესახებ მათს სასულიერო წოდებას ხსენებულს ადგილებში ქადაგებაც ჰქონიათ გამართული, ხალხიც დაუყოლიებიათ. მერე ეს ხალხის თანხმობა თავ. ბებუთოვისთვისაც უცნობებიათ. ეს მაშინვე დაფაცურებულა, ქართველ მაჰმადიანთ შეშინება, აყრა და გადასახლება მალე დაწყებულა, რომელთაც თურმე ყოველი მოხელე აქეზებდა მათ ოსმალში წასასვლელათ. ასე და ამ გვარად მესხეთ და ჯავახეთიდან აიშალა დიდძალი ქართველობა და გადასახლდა უცხო ქვეყნის ადგილებში, ამათი სოფლებიკი დარჩა ცარიელები.

– 68 –

თუმცა ქართველ მაჰმადიანები ასე უხვათ გარბოდნენ ოსმალეთში, იგინი ეკარგებოდა ჩვენს ტომს და თავის სამშობლოს, მაგრამ მაინც მათ შორის, ვინც კი საიდუმლო ქრისტიანები იყვნენ, იგინი კი ჩუმათ ფეხს მაგრულობდენ და უცდიდნენ შემთხვევას, რომ ერთს დღეს მივალთ მთავარ სარდალთან და მოვახსენებთ ჩვენს საიდუმლოებასო. ესენი მხოლოდ შემთხვევას უცდიდნენ, რომ მათ მეზობელთ ქართველთ წამსვლელთ რიცხვი ცოტათი შემცირებულიყო, რათა მათგანს ამათთვის საიდუმლოების განცხადების გამო რამე უბედურება არა სწვევოდათ. ეს ასეც მოხდა, მთელი მხარე მალე დაიცალა ქართველების რიცხვით. საიდუმლო ქართველთათვის საშიში აღარ იყო თავის ქრისტიანობით გამოჩენის. თუ ამათ ვინმე აეწინააღმდეგებოდა, მაშინ ამათი რიცხვი მათ დასძლევდა. ასე დაიმედებულთა რიცხვმა შეკრიბეს თვის შორის მოწინავე კაცები და მთავარ სარდალს გაუგზავნეს თვისი ამბის საცნობლად. ესენი მალე მივიდნენ თავ. ვასილი ბებუთოვთან და მოახსენეს ასე.

მოგახსენებთ ბატონო, რომ ჩვენ ქრისტიანები ვართ, დღემდე ჩუმად, საიდუმლოდ შევინახეთ ეს ჩვენი მამაპაპის სჯული, მოგახსენებთ ფაშავ, რომ ჩვენ ერთსა და იმავე დროს ისლამსაც ვაღვიარებდით. ეხლა გაუწყებთ თქვენ ჩვენს საიდუმლოებას და იმედი გვაქვს თქვენ თქვენს ჯარის და ხლმის ძალით დახმარებას მოგვცემთ, რომ ჩვენ ასე ვიქნეთ ცნობილი და განცხადებული. იმედი გვაქვს, რომ თქვენ დაგვიფარავთ ეხლა. მთავარ მართებელმა მოისმინა ამათი განცხადება და მაშინათვე მიუგო პასუხი სწორედ ამ სიტყვებით, რაც ახალციხეში. ეს 1890 წლამდე ბევრს ახსოვდა კიდევ ზეპირად, ამას ხშირად იტყოდნენ მოსაგონებლად.

„გასწით, დაიკარგენით აქედამ თქვე თათრებო, რომ აქ

თქვენი ერთი კაციც არ დარჩეს, გასწით, გასწით, წადით, წადით, მოშორდით აქაურობას, თქვენი აქ დარჩენა არ შეიძლება, თქვენ თათრები ხართ, წადით იქით, საითაც თქვენი ძმები

– 69 –

მიდიან, ჩქარათ, თორემ ამ ამბავს თქვენი თათრები შეგვიტყობენ, ჩვენ არაფერს დახმარებას არ მოგცემთ, ისინი კი თქვენ სულ დაგხოცავენ. წადით, გირჩევენიათ, რუსები თქვენ არ მიგიღებენ, რადგანაც თქვენ არა ხართ კაი ხალხი, რუსის მტრები ხართ.“

ასეთის პასუხის მიცემით მსმენელნი დაღონდენ, დადარდიანდენ დიდათ, ველარა გააწყეს რა, რადგანაც მართლაც და თვით მუსულმანებისაც ეშინოდათ. ეს თავი კაცები გულცეცხლით სავსენი წავიდნენ თავ-თავიანთ სახლებისაკენ და ყოველივე მოახსენეს თანამემამულე ქართველებს. ამათში ამ გარემოებამ დიდ მწუხარება დაბადა, დიდი საგოდებელი მღელვარება, მაგრამ რაღას იზამდენ, რა კი ასეთი უარი სთვითა მთავარ სარდალ ბებუთოვმა, ამიტომ ესენი საყოველთაოდ ისლამთან მიკედლებულნი დაშთნენ, გაჯავრებულები მალე აყრის და გარდასახლების ფიქრსაც მიეცნენ და მცირე ხნის განმავლობაში ესენიც აიშალნენ და იწყეს ოსმალეთში გადასახლება. ასე და ამ გვარად მთავარ სარდალის მეოხებით ეს ამოდელა ქართველობაც გამოესალმა თავის სამშობლოს და წავიდა უცხო, შორს უცნობ ოსმალს ადგილებში, რის მიზეზიც პირდაპირ ზემო ხსენებულ მიზეზები იყო. ამის ცნობები ახალციხის ქართველ კათოლიკეთა შორის ბევრს დღესაც ახსოვს. ამ მანქანებით მესხეთს-ჯავახეთს დაეკარგა დიდი რიცხვი ქართველობის. ამათის მოცილებით და დაკარგვით შეუსრულდათ წადილი მათ მოკამათე-მოდავე პირებსაც.

ქართველთა გადასახლების გეგმა ომის დაწყებამდისვე ჰქონდათ შედგენილ-შემუშავებული. ამისათვის არზრუმის სომეხთა ეპისკოპოსთან მიწერ-მოწერაც ჰქონია ბებუთოვს გამართული, საქმე გაუჩარხავთ და მიტომაც მოაწყეს და მოახერხეს მათ, რომ იმავ დროს ოსმალეთის სომეხეთის ადგილები-დამ იმოდოლა სომეხ გრიგორიანები და სომეხ კათოლიკენი გადმოასახლეს მესხეთ-ჯავახეთში, ყველა იგინი დაასახლეს სწორედ იმ ქათველ მაჰმადიანთა სოფლებში, სადაც კი წი-

– 70 –

ნედ ქართველნი სცხოვრობდენ. რაც დღეს მესხეთ და ჯავახეთში სომეხები სცხოვრობენ, ესენი სულ მაშინ არიან გადმოსახლებულნი, თორემ მინამდის სომეხთა ხსენებაც არ იყო აქ. ასე უბედურად დატრიალდა ქართველ მაჰმადიანთ საქმე და იმოდოლა ქართველობა ისე უღვთოთ და უმიზეზოდ დაეკარგა საქართველოს.

გადასახლებულთა ამბები.

კინტრიშის და ჩაქვის ხეობის მაჰმადიან ქართველებს ოს-მალეთიდან ამბავი მოუვიდათ, რომ ტრაპიზონში მცხოვრები გამოჩენილ ქართველი ყემპერ აღა ფაშიოლლი (ჩივაძე) გარდაიცვალაო. ამ კაცის სიკვდილის ამბავი ყოველს ქართველს მაჰმადიანს სიბრალულს უღძრავდა და ყველა სინანულით იხსენიებდა ყემპერ აღა-ფაშიოლლის. ურიგო არ იქნება, რამდენიმე სიტყვით მოვიხსენოთ ისიც, თუ ამ კაცმა რა გააკეთა ისეთი საქმე, რომ ქართველ მაჰმადიანთ შორის ასე დაიმსახურა სახელი.

ყემპერ აღა-ფაშიოლლი (ჩივაძე) ქართველი მაჰმადიანი იყო. ამის წინაპარნიც ისეთივე ქართველები იყვნენ, როგორც სხვა ქართველ მაჰმადიანების. ესენი სცხოვრობდნენ სოფელ ხუცუბანში. თვით ფაშიოლლი ოსმალეთის სამსახურში მსახურებდა და ოსმალს დროს ბათუმის ჯარის უფროსად ყოფილა. განათლება ამას სულ არ ჰქონია, ისე რომ არც თათრული წერა-კითხვა სცოდნია და არც ქართული. ქართულს ენაზე ეს ლექსებსაც სთხზავდა თურმე. ამის ზოგი ლექსები ხალხშიაც იციან ზეპირათ, ერთი ლექსი დაწერილიც ვიშოვე. სცოდნია მხოლოდ არაბულის ლოცვების კითხვა და იმის მეოხებით საშინელი ფანატიკოსიც ყოფილა, სწორედ ისეთივე, როგორც იყო ცნობილი ალი ფაშა თავდგირიძე. ეს ორი კაცი ერთი თვისებისანი იყვნენ, ერთის მიმართულების

– 71 –

და ერთნაირი ფანატიკოსებიც. ამათის ანგარებით, მუხანათობით და ფანატიკოსობით ჩვენს ქართველს მაჰმადიანებს დიდ ზარალი და დაღუპვა მოუხდათ, რადგანაც ეს ანგარებით სავსენი და შურის მეძიებელნი ასახლებდნენ ქართველს მაჰმადიანებს საქართველოდან და ოსმალეთში გადაჰყავდა. ყემპერ აღა-ფაშიოლლის ომის გათავებისას რამდენს ემუდარებოდა თავ. გრ. გურიელი, რომ დაწყნარდი, ნუ მიხვალ სათათრეთშიო, ნუ ჰყრი ხალხს და ნუ აკარგვინებ ამ ძვირფასს ბინასაო.

მაგრამ იმისაგან ყოველთვის უარი ისმოდა: არ შემძლიან, მე, ბატონო, თათარი ვარ, მე აქ ვერ დავდგები, სათათრეთში უნდა წავიდეო. თითონ წავიდა და თავისის ენით მგონი ორმოცი ათასი კაცი გადაასახლა ოსმალეთში, რომელთა უმეტესნი გზაში დაიხოცნენ გემში ავადმყოფობისაგან და ამ მკვდრებს ზღვაში ჰყრიდნენ. ზოგმა მიაღწია და ესენი დაასახლეს აქა-იქ, მაგრამ არც ამათ დაადგათ კარგი დღე: სამოთხის მზგავს საქართველოში გაზრდილებმა იქაური ჰაერი ვერ აიტანეს, მათში გაჩნდა ავადმყოფობა და ერთი ნაწილიც იქ გაწყდა უბედურად. აი ასეთი საქმეების გამო სცემს აქაური ხალხი ყემპერ აღას პატივს და ასეთის საქმეების გამო იხსენიებენ მისს სახელსა და თანაც ამბობენ, რომ ყემპერ აღა ნამდვილი თათარი იყოვო და ქართველი ხალხის სისხლის მსმელი, ბევრს რუსსა და

ქართველს მოსჭრა ამან თავიო.

მოგესხენებათ, ის შავი და ზნელი დღეები, რაც საქართველოს მეჩვიდმეტე საუკუნეში ეწვია მძლავრის შაჰაბაზისაგან, როდესაც მოხდა ქართველების დიდი გადასახლება. ამ დროს ქართველ ძველმა მწერლებმა „შავი დრო“ უწოდეს. სწორედ ასეთივე შავი დრო ეწვია ამ უკანასკნელ ომის დროს დასავლეთ საქართველოში მცხოვრებთ ქართველ მაჰმადიანებსაც. ზოგიერთების მეოხებით აქედამ ოსმალეთში გადასახლდა და გაწყდა თითქმის ოთხასი ათასი ქართველი კაცი. ეს რიცხვი გამოანგარიშებული აქვსთ აქაურს ქართველს ბეგებს და აღიებს. ესენი ამბობენ, რომ ამაზე მეტიც იქმნა გადასულიო, ეს ჩვენ

– 72 –

იქიდან ვიცით, რომ ქართველ მაჰმადიანთ რიცხვი ნახევარ მილიონზე მეტი იყო. ასე, ექვსას ათასს ამბობენ. დღეს-კი იქ ოსმალეთში ორას ათასზე მეტი აღარ იქნებაო, რადგანაც უმეტესი ნაწილი ამ გადასულებისა დაიხოცაო. დახოცილან იმიტომ, რომ მეტის მეტს სილატაკეში ჩავარდნილან. ოსმალეებს ესენი ვერ დაუჯილდოვებია. ესენი დაუსახლებიათ ისეთ ადგილებში, სადაც ვერც სიმინდი მოდის რიგიანათ, ვერც საქონელი სძლებს საღათ და ვერც სხვა რამ მოდის კარგად.

ეს ის ადგილებია, რომლებისთვისაც ბერძნებსა და თათრებს თავი დაუნებებიათ და სხვაგან გადასახლებულან: ჩვენ აქ ვერ გავძლებთ, ვიხოცებითო. სწორედ ამ ადგილებში დაასახლა ოსმალეთმა აქედგან გასული ხალხი და ამ ადგილებმა დიდძალი ხალხიც გაწყვიტა. დასახლებით თუმცა დაასახლა, მაგრამ დახმარება კი არა მისცა რა, მისცეს მხოლოდ ორი-ოდე ოყა სიმინდი, რომელიც პურად შესჭამეს და სათესლედ ვერ შეინახეს; პირველად ამათთვის არც საქონელი იყო, არც ექიმი, არც წამალი, არც სახლები და სხ. დიდ სილატაკემდე მიაღწიეს, ისე რომ თავიანთს შვილებს ოსმალეებზე გაყიდვაც დაუწყეს და იქიდან ანაღების ფულებით აქეთ საქართველოში კაცებს ჰგზავნიდნენ, ესენი საჭმელს სიმინდს ყიდულობდნენ და ნავებითა და გემებით მიჰქონდათ იქით. ეს დღესაც ისევ ისეა და აქედამ ოსმალეთში დიდი ძალი სიმინდი მიაქვთ.

ასეთ შავ დღეში ჩავარდა იქ გადასული ქართველობა და ასეთ მწუხარება ადგათ თვით დღესაც. ყველა ეს უბედურება, შეწუხება და გაჭირვება მოუხდათ თავიანთის შეცდომებით და სხვების ჩაგონებათ. ეს ჩამგონები არიან მოლები და ხოჯები. ჩამგონებელნი სამზღვარ გარედამაც მოდიოდნენ და თვით დღესაც მოდიან. ამ მოლებს და ხოჯებს გარდა, რამდენიმე ქართველ მაჰმადიანთ ბეგი, ალა და ფაშებიც ღალატობდენ. ყველა ამ ბოროტებას და მოტყუებას იმიტომ სჩადიოდნენ, რადგანაც ოსმალეთისაგან ამათ დიდის საჩუქრების იმედები ჰქონდათ. მაგრამ იმედი ვერ აღუსრულდათ, ოსმალეთის მთავრო-

– 73 –

ბამ ამათ მხოლოდ მიწები მისცა და სხვა კი არაფერი. ერთი მათგანი ეს ფაში ოღლია, რომელსაც ბოლოს გული სტკიოდა, სინანულშიაც შევიდა მაგრამ ეს გვიანლა იყო.

ამან საქართველოში წამოსვლაც დააპირა, აქედამ წასვლაც-კი არ უნდოდა, ხოლო დღეს, როცა ის იქ გარდაიცვალა, მისი ცოლი-კი, აქ საქართველოში სცხოვრობს. ასე უბედურად დაღუპულ ქართველების შესახებ კიდევ ამას ვიტყვი, რომ მათგან აქეთ ძლიერ ბევრნი გადმოდიოდნენ ჩუმად და დღესაც შემოდიან და სახლებიან აქ, თავიანთს ნათესავებთან. ესენი ისეთს სინანულში არიან, რომ, როცა საქართველოში შემოდიან და აქაურს მიწაზედ დაადგმენ ფეხს, მაშინვე მიწაზე ემხოებიან და თაყვანს სცემენ, რომ ჩვენს ქვეყანაში ძლივს დაბრუნება გვეღირსაო. ერთის სიტყვით, სიხარულით აღარ იციან რა ქნან, თითქმის გაგლახავებულნი ბრუნდებიან. ს. ალამბარში მე ვნახე ერთი ახლაგაზდა ქართველი მაჰმადიანი, ასე 21 წლისა, ოსმალეთიდან მოსული; ეს ყმაწვილი კაცი ომის შემდეგ პატარა წაუყვანიათ ოსმალეთში და იქ გაზდილა, დღეს-კი იქ ველარ დამდგარა და აქეთ მოსულა სამუდამო საცხოვრებლად, დედის ნათესავებთან.

ამ ყმაწვილ კაცმა წყევლით მოიხსენა ის პირნი, ვინც ჩვენებს აბრიყვებდნენ და ოსმალში ასახლებდნენო. მანვე მიაშბო შემდეგი ცნობები, რაც მომყავს თავის სისრულით.

ოსმალადამ დაბრუნებულის ნაამბობით დაწერილი და 1891 წ. დაბეჭდილიდამ გადმობეჭდილი

„შუაგულს ოსმალეთში მცხოვრებ ქართველებზე-კი ვერა შევიტყე-რა და რაც აქეთა მხრის ქართველების ცნობები გავიგე, ამას-კი აქვე მოვიყვან.

- 1) პატარა ტრაპიზონში 150 კომლი ქართველია.
- 2) ახალს ათინაში 200 კომლი.
- 3) თრიპოლსში 100 კომ.

– 74 –

4) ორდში 400 კომ.; აქ სკოლაც აქვთ და 150 ყმა.-
წვილი სწავლობს ქართველ მაჰმადიანებისა. მასწავლებლად მოლები არიან; ასწავლიან არაბულსა და ოსმალურს ენებსა.

ირიზეში 600 კომ. აქაური ქართველები ვნახე, გემებსა და ნავებზე მსახურობენ. ამათ ქართული წიგნები მთხოვეს იქ წასაღებად და მეც გავატანე. ამ ირიზელმა ქართველებმა ქართული კითხვაც იცოდნენ. ძალიან გაეხარდათ, რომ მე წიგნები მივეცი. შიგ ანბანი არისო? მკითხეს. არის მეთქი. ამას ყველა დაისწავლისო, ჩვენში ქალები სულ ქართულად კითხულობენო. იქ სკოლებიც არსებობს: სავაჟო და საქალო. ყველგან მოლები და ხოჯები ასწავლიან. ქალების სკოლას „მექეთს“ ეძახიან. აქ მასწავლებლად არიან ბებერი ხოჯები და მოლები. ყმაწვილებს თათრულსა და არაბულს ასწავლიან. ქალებს ძალიან აფანატიკოსებენ, ისე რომ პარასკეობით ესენი

მთელს დღეს სულ „ყურანს“ კითხულობენ.

სხვათა შორის აქ არის მასწავლებლად ერთი ქართველი ხოჯა, გვარად ალი ეფენდი ბოხიძე, სტამბოლის რუმტიაში გაზრდილი.

5) ფლათანა 50 კომ.

7) გერესონი 60 კომ.

8) უნია 800 კომ.; აქ სასწავლებელიც აქვთ. ამ სასწავლებელში სწავლა სამს წელიწადს გრძელდება. ჯერ მოლები ასწავლიან და ბოლოს ერის კაცები. სწავლის შესრულების შემდეგ სტამბოლის რუმტიაში მიდიან, სადაც სამს წელიწადს რჩებიან. აქედემ ზოგნი სასულიერო კაცებად გამოდიან და ზოგნი სხვა და სხვათ.

9) იასონი 60 კომ.

10) ონა 100 კომ.

11) ბოლმანი 50 კომ.

12) ფაცა 400 კომ. მედრესეები აქვთ.

13) ჩარშამბა 10 კომ.

14) სამსონი 200 კომ.

15) დიარ-ბექირს 100 კომ.

– 75 –

16) თერძი 17კომ.

17) კუნჯუდას 60 კომ.

18) კიზილ იარმარქს 100 კომ.

19) გემეზეს 50 კომ.

20) სინაფს 50 კომ.

21) აიანჯუქს 100 კომ. აქ აჭარიდგან გადასულნი არიან.

22) ვართენეს 50 კომ.

23) აღაშენ 301 კომ. და სხვანიც მრავალნი. მარტო

აქ სცხოვრობენ ის ქართველნი, რომელნიც ხემპერ ალა ფაში-ოღლის მეცადინეობით გადასახლებულან ოსმალეთში.

ყველა ამსოფლებში მუსულმან ქართველები სცხოვრობენ. ამათი სახალხო ენა შინა და გარეთ ქართული ენა არის, ლხინი და ტირილიც ქართულად აქვსთ. ბევრს სოფელს ქართული სახელები უწოდეს. ზემოთ ჩამოთვლილნი კი მათზე ადრეც ყოფილან და იმიტომ თათრული სახელები აქვსთ. ყველა სოფლებს თავის ჯამე აქვს და მოლა, ხოჯები ჰყავთ. მედრესე-ბიც აქვთ, სწავლა თათრულსა და არაბულს ენებზეა და ამიტომ პატარა ბავშვებს ქართული ავიწყდებათ. ამათი ყადებიც ქართველ მაჰმადიანები არიან. ესენი ქართულად არჩევენ საქმეს. ამათში ქართული კითხვაც ბევრმა იცის, საქართველოში თავიანთ ნათესავებს ქართულად სწერენ წერილებს და საქართველოდამაც ქართულად მისდით წერილები. ამ ქართველებისაგან აქაურს ერთს მაჰმადიანს გულაღა-კაკაცოღლის წერილი მოსვლია, რომლითაც ისინი ეხვეწებიან და ევედრებიან, რომ ეგების ქართული წიგნები მოგვაწოდოთო. ამას წინათაც გაუგზავნია იმათთვის ქართული წიგნები და ეხლაც ამიტომ უთხოვნიათ ამისგან. მე გადავეცი ამას მათებური ლე-

ქსები ანზანი-თურთ 200 წიგნი გასაგზავნად. ამათ ნაწერი ქართული წერილებიც ვნახე. ქართულს ასოებს ზოგს არაბულის ასოების სახე მიუღია. ნიმუშები შევკრიბე. ამ ხალხში რომ დღევანდელ დღემდე ქართული წერა-კითხვა და ენა შენახულა, ეს ბევრის მაგალითით მტკიცდება.

– 76 –

ამ დღეებში ერთს ჩემს ნაცნობს მოლასთან, ჰუსეინ-ეფენდი წითლანძესთან ვიყავი. ამასთან ერთმა ქართველ მაჰმადიანმა წერილი მოიტანა და თათრულად ადრესის დაწერა სთხოვა. მოლამ დაუწერა; ქართულად ლაპარაკობდნენ. მე ცნობის მოყვარეობამ გამიტაცა და წერილის პატრონს ვკითხე, თუ წერილს სად გზავნი მეთქი? მიპასუხა, რომ სტამბოლში ცოლ-შვილს უგზავნიო. წერილი როგორ არის დაწერილი მეთქი? იმან მიპასუხა, ქართულადო. მეორე ხოჯასთან ვნახე რამდენიმე ქართული წერილი, ოსმალეთში გასაგზავნი და ადრესის დასაწერად მოტანილი. ვისაც უნდა, რომ ამაზე დარწმუნდეს, ის დარჩეს ვინმე ქართველ ხოჯასთან ერთს ან ორ კვირას, იგი მაშინ დარწმუნდება ამაზე, რადგანაც ნახავს რომ მრავალი სხვა და სხვა პირები მოიტანენ ქართულად დაწერილ წერილებს ადრესების დასაწერად.

შავშეთი და აჭარაში შეკრებილი ცნობები 1892 წ.

ქართველ მაჰმადიანების გარდასახლებისათვის წაქეზება თითქმის იმ დღიდან დაიწყო, როცა ოსმალეთის საქართველოს ნაწილი შეერთებული არ იყო. შეერთების დღიდან ხომ მრავალთ ფანატიკ ხოჯებს და მოლებს გაეხსნათ გზა და კვალი და იგინი თავგადადებით იღვწოდნენ ქართველ მაჰმადიანთა აყრასა და გადასახლებაზედ ოსმალეთის სამფლობელო ადგილებში. ამისათვის ოსმალეთში ოსმალურს ენაზედ აუარებელს პროკლამაციებსაც კი ბეჭდავდნენ და ჩუმად უგზავნიდნენ აჭარელებს და აქეზებდნენ გარდასახლებაზედ. დაკავშირების უმაღვე აჭარელებმა მოკრიბეს რამდენიმე კაცი, ბარე ოცამდე, აუღეს მათ რუსეთის პასპორტი და ოსმალეთში გზავნენ ადგილების საშოვნელად. ეს ხალხი იქ რამდენიმე ხანს დარჩენ და მერე საქართველოში მოვიდნენ თათრის პასპორტებით და ისურვეს თავიანთ სახლობის წაყვანაც. ამ პირებს მოუტანიათ ცნობები და უთქვამთ ქართველებისათვის, რომ

– 77 –

„ჩვენ კაი ადგილებს გვაძლევენ ანატოლიისაკენაო. ანატოლიის ადგილები საქართველოს ჰგავს და აბა ეცადეთ აიყარებით დხ წამოდით იქითო.

ამ გარემოებამ დიდი შიში დაბადა ქართველ მაჰმადიანთა გარდასახლებაზედ. ასახლებდნენ მრავალთ და აქეზებდნენ ალი ფაშა თავდგირიძე, ქემალ ფაშა ხიმშიაშვილი და მრავალიც

სხვანი. ოსმალეთში წასულ 20 კაციდამ საქართველოში მხოლოდ ჩვიდმეტი კაცი დაბრუნდა, სამი იქ დარჩა და ვითომც ადგილებს უმზადებდნენ წამსვლელთ. ამ პირებს აჭარელებმა საგზავო ფულიც კი მისცეს. ამ წამხალისებელთ დაბრუნების შემდეგ მართლაც დაიძრა ქართველ მაჰმადიანთა რიცხვი და დაიწყო გარდასახლება.

ასე და ამ გვარად, ჩვენ ქართველ მაჰმადიანთ გარდასახლების პირველ დროთ 1877 წელი უნდა აღვნიშნოთ. ესე იგი ომის დაწყებიდანვე. ამიდამ იწყება ჩვენი ტომის შვილთა დაქსაქსვის საქმე და იგი გრძელდება თვით ჩვენ დრომდის. 1877 წლიდამ მოვიდებული არ გასულა წელიწადი და თვე, რომ ქართველ მაჰმადიანები საქართველოდამ არ აყრილიყვნენ და არ გარდასახლებულიყვენ აშკარად და ან მალვით. ამის სრული მაგალითია 1901 წელი. ამ დროსაც კი შავშეთიდამ უჩუმრად ოსმალეთში გადასახლდენ 800 კაცამდე, ჩუმად, ისე რომ მათი გზაც არავინ იცოდა. ამ საქმის გამო დააპატიმრეს შავშეთის სოფლების შვიდი მამასახლისი. გარდასახლებულნი ისე წავიდნენ, რომ თან წაიღეს მარტოდ ლოგინი და ტანთ საცმელი, სხვა ყოველივე საქონელი და ქონები ადგილობრივ დასტოვეს უპატრონოდ. ამ გარემოებამ დიდი ალიაქოთი ასტეხა ადგილობრივ მთავრობის წინაშე და გამოძიება დაიწყეს. არავინ რა იცოდა, თუ რა იყო ამის მიზეზი, რამ აიძულა შავშელები რომ ასე დაყარეს თავიანთი ყოველივე სარჩო-საბადებელი და ოსმალეთში გაიქცნენ. ამ გარემოებას რუსის უმაღლესმა მთავრობამაც მიაქცია ყურადღება და სხვათა შორის მეც კი მკითხეს მიზეზები გარდასახლებისა. ამის შესახებ მე ასეთი ცნობა მივე:

– 78 –

თქვენი მოხელენი ისე უჭირებენ საქმეს, ისე აწვალებენ, ისე სტანჯავენ და ხშირად უშვერის სიტყვებითაც ლანძღავენ, რასაც შავშელები ერთობ ერიდებიან და ამიტომ ყოველივეს სტოვებენ აქ ოხრად; ოღონდ აქაურობას მოშორდნენ და წავიდნენ იქით, სადაც მათ ამ გვარ შემარცხვენი შევიწროება არ ექმნებათ. ეს მე ფაქტებით დავასახელე. დავასახელე ყველა ის მექრთამე და გაიძვერა მდიდარ მოხელენი, როგორც იყო შავშეთის უფროსი და ამ გვარები, ესენი, რომელნიც ხალხს თვით ცოლს და ქალებსაც კი აგინებდნენ, რაც იმათში ერთობ დასაძრახისია. მოხსენებას ყურადღება მიექცა და შემდეგ რა განკარგულება იქმნა ამისი, მე არა ვიცი რა. ჩვენ მივიდეთ ისევ 1878 წ. გარდასახლების ცნობებზედ და ავსუსხოთ ის, თუ ამ უბედურების წყალობით რამოდოლი სიმშილი და მსხვერპლი დაიბადა და მომავალში რა დიდი ცრემლები მოჰყვა ქართველ მაჰმადიანთა.

ამავ წლის გაზ. „დროების" 24 №-ში დაიბეჭდა წერილი „ავარა ლივანის აჯანყებაზედ". წერილში მოთავსებული მიზეზებია არეულობისა და დასაწყისშივე სწერს, რომ „არეულობის მეორე მიზეზი ის არისო, რომ ოსმალეთიდამ გადმოდიან ისეთი ამა-

გულიანებლი კაცები, რომელნიც ხალხს უქადაგებენ გადასახლებასაო". ეს წერილი ეკუთვნის ჩვენს ამაგდარ მოღვაწე გ. წერეთელს და იგი წერილი გამსჭვალულია აჭარელთა სიყვარულით და მაღალის ზნეობრივის ღირსების ვალდებულებით. ამბობს იგივე: ნაომარ ხალხს ნუ გადახდევინებთ ხარჯს, მოსპეთ მათში შიშშილი და მოისპობა გარდასახლებაცო“. 35 № „დროებაში“ აწერილია მიზეზები გარდასახლების: პირველი მიზეზი მოღების ფანატიკური ქადაგება არის. მეორე ბეგები და ალიები, რომელნიც ავიწროებენ ხალხს, ესენივე აქეზებენ ხალხსო, ესენი არიან აჭარის ბეგები ხიმშიაშვილები, ქობულეთის თავდგირიძენი და მათთან ტრაპიზონის ფაშა ოსმანი, რომელიც წინამძღოლობს აქაურ ხალხს და ადელვებს. არიან ბერები ბეჟან ოღლი ჩაქვისა, მაჭახლისა კვიტაძე – წულუკი-

– 79 –

ძეები სულიმან ბეგ და ალი ბეგი. ამათაც უქეზებიათ. მესამე მიზეზი ახალ დროის გადასახადის ვერ ატანა და მეოთხეც მეტის მეტი ფანატიკობით აღსრულება ისლამისაო. შემდეგ მოჰყავს ამ პირს ეს ამბავი:

მაჭახლური ქალების ამბავი. მოთავსებული ამავე გაზეთში მაჭახლიდამ.

მთელის მაჭახლის ქალების სურვილი ის არის ეხლა, რომ ქრმებს ხელი შეუშალონ წასვლაზედ. დიდი მოძრაობაა ამასობაში, იყრებიან მეზობლები ერთმანერთში და თათბირობენ. გამოვა ერთი ქალი ჩადრ დახურული, უქნევს ხელს მეორეს, მეორე მესამეს და ესევე სხვანი. ლაპარაკობენ მასზედ, თუ როგორ მოახერხონ, რომ თავიანთ ქრმები არ გაუშვან ოსმალეთში გადასვლაზედ. ქალები პირდაპირ აცხადებენ უარს, თუ ჩემი ქმარი არ დაიშლის წასვლას, მერე მე არ დავუდგები. თუ ძალით ითხოვა ჩემი წაყვანა, მე მაშინათვე მთავრობას მივმართავ და დახმარებას ვითხოვო. არ გავყვებიო. თუ ძალა იხმარა და მაშინ ჭოროხში დავიხრჩობ თავსაო. ასე მაგრა მდგარან მაჭახლის ქალები გარდასახლებაზედ, მაგრამ გავიდა მცირე დრო და მოღების და ხოჯების წყალობით კაცებმა დასძლიეს ქალებს და მთელი მაჭახელი გარდასახლდა ოსმალეთში და მით დაიღუპა ყოველივე საყოველთაოდ.

ამავე დროს არტაანიდამ (არდაგანი) ოთხი ქართველთ მოწინავე პირნი ჩამოვიდნენ თფილისში და მთავარ მართებელს სთხოვდნენ: რადგანაც გავლილ ომისაგან დაზიანებულნი ვართო, ამიტომ რამდონიმე წელს ხარჯს ნუ გადაგვახდევინებთო. საუბედუროდ იქაური ჩინოვნიკებიც ვერ ექცევიან ამათ კარგად. თუ არ გინდათ, მაშინ წადით აქედამ, ეს ადგილი ჩვენ გვინდაო. ამით იგინი სტეხდნენ დიდს ბოროტებას და ხალხის დაღუპვის გარდასახლებასაო. ამითი სარგებლობდენ მოღები და აქა იქ სოფლებში დამკრებიან და ხალხს ურჩევენ წასვლა-

მის მერე „დიდად სამწუხარო იქნება, თუ ჩვენი ხალხის საუკეთესო, ცოცხალი და მოძრავი შვილნი, როგორც არიან აჭარელნი, შავშელნი და სხვანი, იძულებული შიქმნენ, რომ აქედამ გადასახლდნენ.

ქართველ მაჰმადიანებს ერთის მხრით ის გარემოებაც აშინებდა წამქეხებელთა სიტყვით, რომ 1878 წ. რუს-ოსმალს მორიგების ბერლინის კონგრესის 7 მუხლი შეეხება ოსმალს იმ ადგილების მცხოვრებთ, რომელთაც იგი რუსეთს დაუთმობდა. ამ დათმობილ ადგილების მცხოვრებთ სამი წელი აქვდათ ვადა, რომ ამ წლის განმავლობაში გაჰყიდონ ყოველივე მოძრავი თუ უძრავი და მის მერე გარდასახლდნო. თუ ამ ხნის განმავლობაში ეს ვერ მოახერხეს და აქ დარჩნენ, მაშინ ისინი აქაურ მცხოვრებლებად ჩაითვლებიანო, ესე იგი რუსეთის. ეს გარემოებაც დიდათ აშინებდა ქართველ მაჰმადიანებს, ფიქრობდნენ, რომ ვაი თუ სამი წელ გავიდეს, მერე აქედამ აღარ გაგვიშონ გადასახლებლად და აქ დავიღუპოთო. ამას რასაკვირველია მოლები და ხოჯებიც აზვიადებდნენ და ათას ნაირი ჭორებით რთავდნენ.

აჭარელების არეულობის დადინჯების შემდეგ აჭარიდამ რამდენიმე კაცი ეწვია ბათუმის გუბერნატორს და აუწყეს, თქვენ ხარჯი შეგვისუმბუქეთ, შეგვამლებინეთ, რომ ცხოვრება მოვაწყოთ და მაშინ გადასახლებაზედ არავინ რას იფიქრებსო. ისიც კი სთქვეს, რომ აჭარელნი მშვიდნი და წყნარნი არიან, მათ ვერავინ ააღელვებს და ვერც ოსმან ფაშა ტრახიზონისა, თუ თქვენ ხალხს შეამლებინებთ თავის მიწაზე დარჩენას და ცხოვრებასო. უფროსმა პირობა მისცა, ყველაფერს აგისრულებთო. 1879 წ. გაზეთ „კავკაზს“ მოსვლია ცნობა, რომლითაც სჩანს შემდეგი: აჭარის სამს ნაწილში ზემო და ქვეშო აჭარაში და მაჭახელში დაახლოვებით ექვს ათას კომლამდე ითვლება, აჭარიდამ არც ერთი კომლი არ გადასახლებულა; მხოლოდ ორმა მოსახლემ გამოაცხადა სურვილი გადასახლების. ქვედააჭარიდამ და მაჭახელიდამ რვა ას კომლმა გამოაცხადა გადასახლების

სურვილი და ზოგიერთბი კიდევ წავიდნენ, მაგრამ ამ რიცხვიდამ დაბრუნდნენ. ამ გარდასახლების მიზეზი ოსმან ფაშა თავდგირიძეა. მაგრამ ამ უკანასკნელ დროს გარდასახლებამ იკლო“ და სხვანი.

ეს ცნობები მოცემულია იმ დროის ბათუმის უფროსის სტეფანოვისაგან, ვინც ქართველ მაჰმადიანებს ოსმალეთში ცოცხით ელალებოდა და ვინც ამით კაი სიმდიდრეც შეიძინა. ვიტყვით, რომ ზემოდ დასახლებულ ქვედა აჭარის და მაჭახელის 6000 სიცრუე არის და ამის მაგიერ ჩვენ უნდა მივიღოთ სამჯერ იმდენიც კი, რაგანაც მარტოდ მაჭახალიდამ ოსმალეთში წავიდა 30,000 სული ორივე სქესის. ამის ცნობა

იმ დროს ჩვენს მთავრობას სისწორით არ შეეძლოთ მოეცად. 120 №-ს „დროებაში“ მოყვანლია შემდეგი ცნობა:

„ამბობენ რომ თითქმის მომეტებული ნაწილი ახალ შემოერთებულ ქართველ მაჰმადიანების გარდასახლებას იპირობენო. ამ უკანასკნელ დროს უკვე დაიწყეს გარდასახლებაცა. ამბობენ, რომ ჯერ გადასახლებულნი სახლდებიან ტრაპიზონში და იქიდან ორს ან ხუთს მოსახლეს სხვა და სხვა სოფლებში სტუმარსავე აძლევენო. ერთად საცხოვრებელი არაფერი ადგილი მიუციათ ჯერაო. ეს მითაა უფრო სამწუხარო, რომ რამდენიმე წლის განმავლობაში, როგორც ერთია სარწმუნოება, მაშინ ერთიან გვაროვნობა და დედა ენაც დაავიწყდებათ და ჩვენი მოძმე ქართველები გახდებიან ერთ დროს მაჰმადის მტკიცე ანგელოზებად. მოგეხსენებათ რომ, როდესაც ხალხს ამნაირი უძლური ბედი მიადგება, რომ იძულებული შეიქნება თავის სამშობლო მიატოვოს და გარდაიხვეწოს უცხო ქვეყანაში, მაშინ სხვაა, როცა ერთი მუჟა ხალხის კავშირი არ იქნება ერთმანეთისაგან, მაშინ იმათ ახსოვსთ, რომ ერთ დროს ისინი ეკუთვნოდნენ ერთ გვაროვნობას და იმდენად მაშინ ფანატიზმი ვერ იმოქმედებს, რომ გვაროვნობის გახსენება საზიზღრად მიაჩნდეთ.

საუბედუროდ, მოსპობილნი ბევრნაირ საშუალებასა ჩვენ

– 82 –

დაგვრჩენია რამდენიმელა შესაძლებელი საშუალება, რომლითაც დარჩენილებს შემდეგისათვის არ ვაფიქრებინებთ მაინც გადასახლებას და როდესაც გადასახლებულნიც დაინახვენ, რომ იმათ უთაური თათრის ხელში ჩერქეზების დღე დაადგებათ, მაშინ დაუჯერებელი არაფერი იქნება, რომ იმ გადასახლებულებმა კიდევ პირი თავიანთ სამშობლოსაკენ მოიქციონ. ამ საშუალების უპირველესი გახლავსთ, რომ მთავრობამ ინებოს რამდენიმე ხნით გადასახადის პატივება“ და სხვანი.

ამ წერილის შემდეგიც საინტერესოა, ხოლო იგი გარდასახლების უმთავრეს მიზეზს არ ეხება და ამიტომ იგი აქ არც მოგვყავს. იმავე დროს, 141 №-ში დაიბეჭდა წერილი მაჭახლის უფროსის თ. დ. წ. ეს წ. ძმა გახლდათ ჩვენის მგოსნის აკაკის და მასთანვე თაღლითი კაცი, ძმის არა მსგავსი, სამხედრო პირი და დიდი გაიძვერა-გაქლესილი, ნაპრისტავ-ნადიამბეგი, რომელმაც თავის მოქმედებით მაჭახელი შააწუხა და ამიტომ რასაც აქ მოვიყვანთ, ეს სულ თაღლითი გახლავსთ და აშენებული მასზედ, რომ ქართველ მაჰმადიანებს აჭარაში არაფერი უჭირსთ და რომ ისინი კარგს მდგომარეობაში არიან, ნამეტურ მაჭახლელნი, სადაც თვით ეს უფროსი სცხოვრობდა. სხვათა შორის ზემო ხსენებულზე თ. დ. ნ. საყვედურს აძლევს სხვა და სხვა ცნობების დამწერთ მასზედ, რომ იგინი მთლად სტყუიან, რომელნიც სწერენ და ამბობენ, რომ მთელს აჭარადამ 60 ათასი კომლი გადასახლდაო. მთელს ბათუმის გუბერნიაში 40 ათასი კომლიც არ სცხოვრობს და 60 ათასი საიდანამ გაჩნდაო. აი თვით ამ ბატონის

ცნობაც.

„აჭარის მაზრა გაიყოფა ორად, ზემო აჭარა და ქვემო აჭარა და იმავე მაზრაში შედის მაჭახელი. აჭარა კი არა, მთელ ბათუმის გუბერნიაში არ არის 40,000 მოსახლე მეტი და აჭარის მაზრიდამ 60,000 კომლი ესახლებაო! თუ ნაჩაღნიკები დანაშაულნი არიან გადასახლებაში, რაღათ მოდიან უკანვე ჩუმად. ყველა ჩოხიანი და სერთუკიანი მათი ბატონიაო. ვინც

– 83 –

გადაესახლა და ესახლებიან, მგონი რომ მათი ნაჩაღნიკები არც ჩოხიანი იყოს და არც სერთუკიანი, არამედ მოკლე ოსმალურ ტანისამოსიანი“.

ამ წერილის დამწერი ამბობს, რომ ვინც გადასახლდნენ, იმათი უფროსები სულ ქართველ მაჰმადიანები არიანო. ასე რომ იმათი უფროსების ბრალია და არა ჩვენიო. ამაში სცდება დიდათ და კარგად ვიცით, რომ იგი უჯეროდ იცავს თავის პიროვნებას და აშავებს ქართველ მაჰმადიანთ ისეთ უფროსებს, რომელთაც არამც თუ გარდასახლებისთვის წაქეზება, არამედ სასტიკად აფრთხილებდნენ მათ, რომ ბიჭო, ნუ მიხვალთ, ნუ იყრებით, თორემ დაიღუპებითო. ასეთი გახლდათ აჭარის უფროსი ტუჰამ ბეგი შარუშიძე და მარადიდ-გონიოსი ახმედ ეფენდი ხალვაში. თ. დ. ნ. სტყუის და თავის ტყუილებს რომ ჰფარავს, ეს სჩანს მის შედეგ ცნობებიდანაც.

„ზემო აჭარის ნაჩაღნიკათ არის ნიკო მეფისოვი, ქვემო აჭარაში ადგილობრივ ბეგი ტუფან ბეგი და მაჭახელში თქვენი მორჩილი მონა. გადაესახლა უმრავლესობა ქვემო აჭარიდამ და რამდენიმე პირი აპირებს წასვლას ზემო აჭარიდამ“. ესე იგი წასულან იმ აჭარიდამ ქართველ მაჰმადიანები, სადაც ტუჰამ ბეგი ყოფილა გამგედ – ქართველ მაჰმადიანის შემდეგ ამბობს კვალად – „მაჭახლიდამ გადაესახლა ერთი კომლი, ისიც იმისათვის, რომ სული ბეგი კვირიტაძე-წულუკიძე დეპუტატად იყო გაგზავნილი თფილისში, და ხალხში დიდი ხმა დაუვარდა. რუსები ბატონობას აძლევნო. სული-ბეგი გულ დაწყვიტილი იყო – რისთვის არა რა მომცესო და ხალხი უჯეროდა ყოველ მის სიტყვას: რუსის ყირალი უნახავსო და დაუჯერედ სიტყვა“. აქაც გარდასახლების ბრალი მაჭახლის ბეგს კვირიტაძე-წულუკიძეს ედება, ამის სიტყვა სჯეროდა ხალხს თურმე და მიტომ გადასახლდნენ. თვით კი ეს უფროსი და მის ამხანაგები კი ქართველ მაჰმადიანთ ერთგულები ყოფილან. შემდეგ მოჰყავს „აჭარის აღმართიდან სამოც კომლმა აილო ბილეთი და ყველა დაბრუნდა ბათუმიდამ გარდა ათი

– 84 –

კომლისა. სოფ. ქვაბის თავიდან ერთმა მუფთმა წაიყვანა თუთხმეტი კომლი. სხვა და სხვა სოფლებიდგან თითო ოროლ-კომლი, სულ ოცდა ხუთი კომლამდე. ეს გახლავსთ სულ. მაჭახელის მაზრიდამ ოთხმოცდა ათი კომლი წავიდა. ეხლა ამა-

თავ სანანებლად აქვთ წასვლა და აღარავინ მიდის და ან რა მიზეზებით წავიდნენ, ყველას დაწვრილებით გაცნობებთ. მიზეზი ის იყო, რომ არ ვიწერებოდი იმ არეულობაზე, სანამ მოძრაობა დაიწყებოდა წასვლისა. დღეს ღვთის წყალობით აზრი შეიცვალეს. შემდეგში მაინც გამოჩნდება – ვინ არის დამნაშავე“.

დიახ ყოველივე გამოჩნდა შემდეგ. პირველი: ჩვენი მთავრობის მოხელენი აწუხებდნენ და უტატანებდნენ საბრალო ქართველ მაჰმადიანებს, უყვიროდნენ წადით, დაიკარგეთო. ამით სარგებლობდნენ ფანატიკი ხოჯები, მოლები, და ესენი უქადაგებდნენ გარდასახლებას და უკანასკნელ იქამდის მივიდა საქმე, რომ მთელი მაჭახელი აიყარა და წავიდა ოსმალეთში და არა ოთხმოცდა ათი კომლი, როგორც ამბობს ზემოხსენებული მოხელე. ეს რომ ასე მოხდა და მაჭახლიდამ წავიდა დიდი ძალი ხალხი, ამას ამტკიცებს მაჭახლის სოფლებში მრავალ ალაგას აქა იქ დაშთენილი ნასახლარები. უფრო უკეთესად ეს ამბები ხალხმა იცის. თვით ისინი ლაპარაკობენ მასზე, თუ რამოდოლა ქართველობა წავიდა ოსმალში ამავე წლის 145 №-ში გაზ. „დროებისა“ იძლევა შემდეგ ცნობებს. ეს რასაკვირველია გამოკრებილია ოფიციალურ გაზეთ „კავკაზიდამ“.

„აჭარელების გადასახლების ცნობაზედ გაზ. „კავკაზის“ უკანასკნელ ნომერში დაბეჭდილია ოფიციალური შენიშვნა იქაურის მაზრის უფროსისაგან: ამ უკანასკნელ დროს შეკრებილის ცნობებიდან სჩანს, რომ აჭარის მაზრაში ე. ი. ზემო და ქვემო აჭარაში და მაჭახელაში ითვლება სულ 5458 კომლი. კამელარული აღწერა ჯერ აქ არ მომხდარა და ამ სამი წლის განმავლობაში ვგონებ არც მოხდება.

ამ რიცხვში ოსმალეთში გადასახლება ისურვეს ზემო აჭა-

– 85 –

ირიდან 16 კომლმა და ქვემო აჭარიდან 1115 კომლმა. ამათში 889 კომლმა მიიღო გადასახლების მოწმობა! დანარჩენი 216 კომლმა არ ისარგებლა იმათთვის დამზადებულ ბილეთებით. არავინ არ გამოცხადდა ბილეთების მისაღებად. მაჭახლიდამ 279 კომლმა მიიღო მოწმობა, მაგრამ იმათში მხოლოდ 90 კომლი გადასახლდა, დანარჩენი 189 კომლი აღარ მიდიან.

ამასთანავე საჭიროა შევნიშოთ, რომ ხშირად ერთი ოჯახიდან ორი და სამი კაცი მიდიან ბილეთების მისაღებად, რადგან ამნაირად იმედი აქვს, რომ ოსმალს ბილეთების დაგვარად უფრო მომეტებულ სამოსახლო ადგილს მიიღებენ; მაშასადამე გადასახლებულების რიცხვი ნაკლები უნდა იყოს. ზოგი ერთი დაბრუნებულები ამბობენ, რომ გადასახლებულ ხალხი დიდს გაჭირებაში არიანო. ოსმალს მთავრობა იმათ არავითარ მიწას და შემწეობას არ აძლევსო და ამის გამო ბევრი უკან მოვა ისევო. მიზეზი ამ ხალხის გადასახლებისა იყო ქვემო აჭარელ სოფელ ქედის მცხოვრებთ ოსმან ფაშა თავდგირიძე. რაღაც დიდი ადმინისტრაციული თანამდებობა აქვს ტრაპიზონისკენ, ამის მომხრეები უქადაგებდნენ და აგონებ-

დნენ ხალხს, რომ რუსები იმათ სალდათად გაიყვანენ, რომ ცოლების დამალვა რუსების კანონით აღარ შეიძლება, რომ ძალად მოაქრისტიანებენო ამათ და სხ. მაგრამ ახლა ხალხი ცოტ-ცოტათი ხედავს, რომ ეს მქადაგებლები ატყუებენ მათ და ამის გამო აღარ მიდიან, სოფლის მუშაობას ჰკიდებენ ხელს“.

თუმცა ასე ტკილად ბრძანებს ბათუმის უფროსი, რომ აღარავინ მიდისო, ვინც წავიდნენ ისინიც უკან მოდიანო, მაგრამ საქმე ასე არ გახლავსთ, შემდეგ უფრო ბევრი წავიდა და იგინი ერთის მხრით მქადაგებელ მოლებს და ხოჯებს ნებასაც კი აძლევდნენ რომ ამათ ექადაგნათ მათში გადასახლების სასარგებლოდ. ესენი ქადაგებდნენ კიდევ და შეშინებულ ხალხს ჩვენის მოხელეების წყალობით ცხვრის ფარასავებ მიერეკებოდნენ უცხო ადგილებს. ამათივე წყალობა გახლდათ

– 86 –

და ამავე დროს ყარსის მხრიდანაც დაიძრა ქართველ მაჰმადიანები და წავიდა ოსმალეთის ადგილებში. ამის შესახებ იმ დროის ერთს რუსულ გაზეთ „რუსკი პრავდაში“ დაიბეჭდა წერილი ყარსიდან მოწერილი, სადაც დამწერი ერთ ალაგას ასე ლაპარაკობს.

ყარსის ქართველ მაჰმადიანთ გადასახლების გამო.

„უეჭველია, რომ ამ ჩვენ ახლად შეძენილ მაზრებიდან ადგილობრივ მცხოვრებლები – მაჰმადიანები მიდიან ოსმალეთში, მიდიან თითო ოროლა კი არა, არამედ რამდენიმე ასი და ათასი ოჯახობით ერთად. რა არის ამის მიზეზი? ახალი მთავრობის დამკვიდრებით ამათი ცხოვრება ძირიანად შეიცვალა, მაგრამ გადასახლება ამით არ აიხსნება. აქაურ მაჰმადიანები მშვიდობიანი, მიწის მომუშავეა და შრომის მოყვარე ხალხია. ერთმა რუსის აფიცერმა, რომელმაც კარგად იცის ამ ხალხის ხასიათი, მითხრა:

„ძალიან სამწუხაროა, რომ ეს ხალხი მიდის აქედამ. ამათთანა ხალხი ძნელად მოიპოვება; თუ კი მთავრობა წესიერად და კაცურად მოეპყრობა მათ, რაც უნდათ იმას გააკეთებინეს. ერთმა განათლებულმა მაჰმადიანმაც თითქმის ესევე მითხრა და მასთანვე დაუმატა: რომ აქაური მაჰმადიანები კმაყოფილი არიან რუსის მთავრობისაო. თუმცა არიან ისეთი ჩინოვნიკებიც, რომელთაც თითქმის უხარიანთ ამ ხალხის წასვლაო, მაგრამ მე ვიცი, რომ თვით მთავრობას კი ეს არა სურს ასეც. მამ რა არის მიზეზი გარდასახლებისა“ რისგან არის, რომ საუკუნოებით თავის მამულს და მიწა-წყალს მიჩვეული ხალხი ეთხოვება ამ ქვეყანას, ჰკოცნის თავის სახლის კედლებს, თვითეულ ხეს თავის ბაღისას და ისე ტირილით გულ-მოკლული სტოვებს ყველა ამას?

ჩემის აზრით, გადასახლების მიზეზები ეხლანდელ გარემოებათა არ უნდა მიეწეროს, არამედ ისტორიულად ამ მაჰ-

მადიანთა გულში ჩანერგილ რწმუნებას, რომ „გიაურები“ ამათი მტრები არიან, რომ რუსები დღეს თუ არა, ხვალ დაუწყებენ მათ წვალებასა და შევიწროებასა და სხვ. განსაკუთრებით აშინებენ ამათ იმით, რომ ჩვენი მთავრობა იმათ სალდათად გამოიყვანს, რომ შინაურული ცოლქმრული ამათი ადათი მოისპობა და სხ. ეშინიათ კიდევ სომხების შურის მიებისა და დევნისა. ერთის სიტყვით, ეშინიანთ მომავალის ცხოვრების და არა ეხლანდელის პირობების.

რალა თქმა უნდა რუსეთისათვის ერთი ორად უფრო სასარგებლო იქნება, რომ ისევ ეს მკვიდრი ხალხი დარჩეს აქ. მოსული ხალხი, განსაკუთრებით სომხები, გაასწორებენ ქვეყანას, გამოსწოვენ ყველაფერს დარჩენილებს უკანასკნელ წვეს და წავლენ; და როცა წავლენ, დარწმუნებული იყავით, აქაურ დედა მიწას და ხეებს ტირილით არ გამოეთხოვებიან და არ აკოცებენ. რა გვეშველება ამ შემთხვევაში? რასაკვირველია, ძალდატანებით გაჩერება ხალხისა, რომელსაც გადასახლება სურს, არ შეიძლება, მაგრამ საჭიროა, რომ ჩვენ გავავრცელოთ ამ ხალხში ნამდვილი ცოდნა იმის – თუ რა განზრახვა აქვს ჩვენს მთავრობას, თუ რა კანონებია ჩვენი კანონები, რომ იმათ სარწმუნოებისა და არც მონურ ცხოვრების არავითარი შევიწროება და დევნა არ მოეღის და სხ. ამ გვარის საშუალებით შეიძლება ბევრის შეკავება.

თუმცა ზოგიერთი კეთილი პირნი ასე სჯიდნენ და სწერდნენ სხვა და სხვა ცნობებს, მაგრამ მაინც მით ვერავითარი მალამო ვერსაიდამ რა მოევლინა და მთელს ყარსის მაზრიდამ რამდენიმე ხნის განმავლობაში აიყარა აუარებელი ხალხი და წავიდა ოსმალეთის სხვა და სხვა ადგილებში. ამ გადასახლებას მეტად მწარე ისტორია აქვს. ხალხი თურმე თავის სახლის კედლებს და ქვებს ჰკოცნიდა, ისევე ბადის ხეებს და ისე ცხარე ცრემლ მდენ მტირალი ეთხოვებოდა. ყარსის მაზრა ძველადგანვე ქართველების საკუთრება იყო. აქ სულ ქართველი ტომის ერი ესახლა. ეს ხალხი ოსმალმა ისლამს დაუკავშირა

XVIII საუკუნის განმავლობაში და რამდენიმე ხნის შემდეგ იქ ისე მძლავრად ამოქმედა თავისი ძალა, რომ ქართველმა სადღეისოდ დაკარგა თავის გვაროვნობა, ქართული ენა და თავისი ქვეყნის ისტორიის ცოდნა. მთელს ყარსის მაზრის ქართველთ მხოლოდ ისღა იცოდნენ ოდნავ, რომ მათი კუთხე გურჯისტანია და ოდესმე ისინიც ქართველები ყოფილან. ამათ ამის სამოწმებლად და მაგალითად ხდებიან ყარსის გუბერნიაში დაშთენილ ქართველთ დროების ძველში ნაშთები, ტაძრები, ხიდები, კოშკები და ბევრიც სხვა და სხვა რამ ქართული სახელ წოდებანი, მაგალითებრ სოფლის ქართული სახელები, მთების, ველების და სხვანი, რომელთაც სადღეი-

სოდ ზოგს შერჩა თავის საკუთარი ქართველი სახელი და ზოგს კი შეეცვალა ოსმალურზედ.

ასე დაემხო და მოისპო ყარსის მხარეში ქართველთა ხმა და მოგონება და ყოველივე გაოსმალდა – გადაგვარდა. სამწუხაროდ ამ უკანასკნელ დროს თავიანთ დაკარგულ საქართველოში აღარც გადაგვარებულ და დაკარგულ ქართველ მაჰმადიანები დაშინენ და ულმობელის ბედისაგან დასჯილნი შორს, უცხო ადგილებში გარდისხვეწენ. ასე და ამ გვარად გაწყალდა და განახევრდა მთელი ეს ძველის ძველი ძირეული კუთხე საქართველოს მიწა-წყლისა. მთელს ამ კუთხის ქართველ მაჰმადიანებს ძალიან ბევრი ამბები ახსოვდათ ზეპირად თამარ მეფის შესახებ. იგინი ოსმალურის ენით მრავალ ცნობებს ლაპარაკობდნენ და ამ ქალს თავიანთ მეფედ აღიარებდნენ. ასე დასრულდა ქართველ ტომის და კვალის საქმე ყარსის მიდამოებში და ასე მოისპო საქართველოს ნასახი და ქართველთ ხსენება აქ.

ჩვენი მოხელეების ცნობა აჭარის მცხოვრებთა შესახებ რომ სუსტია, ამას აჩენს შემდეგი გარემოება: იმ დროის რუსის გაზეთ „გოლოსში“ გამოანგარიშებით დაბეჭდილი იყო ცნობა აჭარიდამ გადასახლებულთ შესახებ, სადაც მოყვანილია 3000 თუ 5000 ოჯახის აჭარლების სათათრეთში გადასახლება.

– 89 –

ეს რიცხვი გაზეთს გამოუანგარიშებია და 3000-იდან 5000 ზედ მისულსა. ამის გამო გაზეთი სწერს ასე:

„ამათვის ჩინოვნიკები და ადმინისტრაციაც კი არ არის საჭირო. აქ უნდა იყვეს დამრიგებელი კაცი, და ხელმძღვანელი ხალხისა. როგორც ყველა მთის ხალხი, ესენი ერთსა და იმავე დროს ძალიან ლმობიერნი და მშვიდობიანად არიან და ძალიან ფიცხნიც. ეს წარმოსდგება გარემოებათაგან და იმ ხალხისაგან, რომელიც იმას გარს არტყია, თუ რომ შეგვიძლიან რიგიანად მოექცეთ იმათ, თუ დაიმსახურებთ იმათ რწმუნებას, ისინი იქმნებიან კრავზე უმშვიდესნი და თავ-მდაბალნი. ამ დროს ისინი თქვენ ხელთ იქმნებიან, რაც გნებავთ აასრულებინეთ, ისინი თქვენი გამგონი და მიმყოლნი იქნებიან! მაგრამ თუ შეამცნიეს თქვენში რამე მრუდე მიმართულება, თუ ვერ გიცნეს ძმურად, თუ გაიგეს, რომ იმათ უყურებთ, როგორც ქვეშევრდომებს, – ნურაფერს კეთილს იმათგან ნულარ მოელით!.. თუ იგრძნეს თქვენი ძალა და თავიან სისუსტე, ეცდებიან გამშორდნენ და აი ამისათვის არის რომ ისინი მიდიან.

არ უნდა დავივიწყოთ, რომ ისინი რამდენიმე საუკუნე სცხოვრობდნენ დამოუკიდებლად, თავისუფლად. უნდა სახეში ვიქონიოთ, რომ იმათ არ ესმისთ არც თქვენი კანონები, არც თქვენი ხასიათები და არც მოთხოვნილებანი! აუხსენით ყველაფერი ესა, აჩვენეთ, დაარიგეთ, რომ ეს ასეა, ის ისეა; ეს შეუძლოა, ის არ არის შესაძლო, კანონის წიწაადმდეგია, – ერთი სიტყვით, მოექცეთ ტკბილად, ასწავლედ, გააგებინეთ

ყველაფერი და დარწმუნებული იყავით, რომ ისინი გაიგებენ თქვენსას, გერწმუნებიან, როგორც კეთილის მყოფელს, როგორც ძმებს და მასწავლებლებს“ და სხვანი.

დამწერი მოუთხრობს საშუალებას, რომ მხოლოდ კარგის, ძმურის დარიგებით და პატივისცემით შეგვეძლება მათი დაკავება და მოვლაო, თორემ ჩვენ გაცის ვუყვირით, თათრები ხართ, წადით აქედამ, აქ ჩვენ ვიცით ვისაც დავასახლებ-

– 90 –

ბთო. ამაებს იხვევენ მათი წამქეზებლებიც ხელზედ, უქადაგებენ ამ ხალხს და აბრიყვებენ თავიანთ თავის დასაღუპად. ამას რაღა ფიქრი უნდა, რომ ეს ჭეშმარიტი ცნობა არის და კარგი შეხედულება. ჩვენ ბევრ ნაირს დარიგებას და თათბირებს ვწერდით და ვსთხზავდით და ბოროტ პირთა მეოხებით კი ქართველ მაჰმადიანთ გარდასახლება კი მაინც ჩუმად თუ აშკარად სწარმოებდა, მტერთ უსრულდებოდათ გულის წადილი და საქართველოს მიწიდან ქართველთ ტომის ძენი აქეთ იქით ნელ-ნელა იფანტებოდნენ, თავიანთ სამშობლოს ეღუპებოდნენ, იღუპებოდნენ თვით თავიანთ ოჯახისათვისაც. ბევრს დაღუპულს გული ვერ ემორჩილებოდა. იგი შორს არ მიდიოდა და სცდილობდა რუსეთის დაპყრობილ საქართველოს მახლობლად ოსმალეთის სამფლობელო მიწაზედ დამყარებულიყოს. ამის მაგალითია შემდეგი ცნობა, რომელიც ტრაპიზონში მყოფ ქართველთაგან არის მოთხრობილი და დაბეჭდილი. აი ცნობა.

როგორც გვესმის, ახალ შემოერთებულ საქართველოს ნაწილებიდან ოსმალეთში გადასახლებულნი ტრაპიზონის ახლო დაბინავებულან შემდეგ ადგილებში: ტრაპიზონსა და ხოფას შუა: 1) იომურას, ტრაპიზონიდან აქედ პარახოტის ორი საათის სავალზედ. 2, სურმენეს, რვა საათის სავალზედ პარახოტით, 3, ოფს, თექვსმეტი საათის სავალზედ ტრაპიზონიდან ხმელეთით, 4) ირიზეს, 20 საათის სავალზედ ხმელეთით. 5, ათინას, 20 საათის სავალზედ ხმელეთით, 6, არხავეს და 7 ამათ ახლომახლო.

„როგორც ამბობენ, ამ შვიდ ადგილას და მის ახლომახლო სოფლებში სულ 5000 მოსახლეა. უმეტესნი ქართველები არიან. ამათგან ნამეტანი სახლობენ სურმენს, ირიზეს და ათინას, დანარჩენ ადგილებში ნაკლებად. ეს სულ, რაც მოვიხსენედ ხსენებულ ადგილებს სახლობენ და რიცხვით, კომლზედ რომ ხუთი სული ვიანგარიშოდ, 25,000 სული მეტია, ტრაპიზონს იქით უნიემდის დასახლებულან შემდეგ ადგილებში და

– 91 –

მის ახლო მახლო: 1, თირიპოლის, სამი საათის სავალი პარახოტით. 800 სული. 2, კირსენს, რვა საათის სავალი ტრაპიზონს იქით, 500 სული. 3, ორდუსს, ათი საათის სავალი ტრაპიზონს იქით და 4, უნიეს, 13 საათის სავალი. ორდუს

და უნიეს ყველაზედ მომეტებულიად დასახლებულან, მეტადრე უნიეს, 4,000 სული. ამ ოთხსავ ადგილას აჭარელები და მაჭახლები არიან. მხოლოდ უნიეს არიან ცოტა ქობულეთელები. ამგვარად ტრაპიზონს იქით სულ 50,000 სული იქმნება. სამწუხაროდ, უფრო ცუდი დღე ადგება მომეტებულ მოსახლეებს, რომელნიც უნიეს დასახლდნენ. ეხლა უნიედამ ორი დღის სავალზედ უნდა გადაასახლონ ნოქსარს. სულ გადასახლებულთ რიცხვი თუ დერვიშ ფაშისაგან ძალით გაყვანილების და თუ ნება ყოფლობით წასულთ 7,800 მოსახლე არის, რაც ტრაპიზონის ახლო მახლოა.

„ამას გარდა ჭანეთში და ტრაპიზონის გარშემო გაფანტულნი არიან. უსახლობისა, ნაკლებულობისა და ჰაერის დაცდისაგან დიდს სიღარიბეში და ავადმყოფობაში არიან. ბევრს ყმაწვილები და დედაკაცობა დახოცვიათ. საზოგადოთ ძალიან მწუხარებაში არიანო და ამბობენ ნანობენ გაოსახლებასო. ოსმალოს მთავრობას ვერაფერი შემწეობა ვერ მიუცია და ტრაპიზონის ფაშას საყვედური მისვლია, ამბობენ ზოგს უკან დაბრუნება უნდაო. მაგრამ გასვლისას ბევრს თავისის თუ სხვის შეცდომებით, ისეთი ბილეთები აუღიათ, რომ დაუბრუნებლად გავდივართო. ამ გარემოების გამოდ რუსისის მთავრობისა ეშინიანთ და დარჩენილან საცოდავად. როგორც ვიცით ბერლინის მორიგების ძალით, კიდევ ორ წელს აქვს ვადა, რომ უკან დაბრუნდნენ, თუნდ რომ დაუბრუნებულნი ბილეთიც აქვდნესთ აღებული. როგორც გვესმის, ჩვენში კიდევ გამოსულან და მთავრობას ნება მიუცია ძველ ბინაზედ დასახლებისა. სასურველია, რომ ჩვენმა მართველობამ განკარგულება მოახდინოს ხალხის საცნობლად. ძველს ბინაზედ დაბრუნებას კარგი ზედ მოქმედება ექნება: ხალხი დამშვიდდება, დაწყნარ-

დება და ოსმალოს მოხელეების ტყუებას დაინახავს, მიწა-წყალს მოეკიდება და მშვიდობიანად ცხოვრებას და მამულის შემუშავებას მიეცემა“.

თუმცა ჩვენ ასე ვფიქრობდით და ვიმედოვნებდით ქართველ მაჰმადიანთ უკან დაბრუნებაზედ, მაგრამ საქმე ასე არ აღმოჩნდა. სწორედ ამ წერილის დაწერის დროს ზემოდ მოხსენებულ ადგილებში ქართველ მაჰმადიანთ რიცხვი ათას კომლობით გადავიდა. ზოგი წინეთ მისულებს დაუკავშირდა და მათთან დასახლდა, ზოგიც ვინ იცის, საით წავიდნენ, სად მოისპნენ უბედურად სილატაკის და ჰავის წყალობით. ხსენებული ადგილების ზოგი ჩვენ ზემოდ ავსუსხეთ და ამიტომ მათ აქ აღარ გავიმეორებთ. გადასახლებულთათვის ასეთი წესიც აქვდათ: პირველ გადასახლება იყო 1877 წ. მეორე გადასახლებულნი პირველად თავიანთ ნაცნობებთან დასახლდებოდნენ და აქედამ ეძებდნენ ადგილებს. მეორე: მესამე გადასახლებულთა რიცხვი მეორე გადასახლებულთთან ისადგურებდნენ და აქედამ ეძებდნენ ბინას. მეოთხე გადასახლებულთ მესამესთან ისადგურებდნენ და ასევეც სხვანი. ოსმა-

ლოს ტომის ხალხთან კი ამათ არ უხერხდებოდათ ცხოვრება. ასე მიაშვეს ოსმალოდამ დაბრუნებულ აჭარელებმა 1894 წ.

გარდასახლებულთ ბედს და გარემოებას მეტად დიდს ყურადღებას აქცევდა იმ დროის ერთად ერთი ქართული გაზეთი „დროება“ და დიდათ ამაგდარი სერგეი მესხიც ერთობ ხშირად სწერდა აჭარელთ გადასახლებულების შესახებ. სერგეი მესხს ამით დიდი სამსახური მიუძღვის. ომის დროს ქობულეთში იმყოფებოდა და „დროებაში“ ამბებს სწერდა. შემდეგ ომის, აჭარელ დამშეულთ შეკრებილი ფულიც წაუღო დასარიგებლად მარადიდში, სადაც სამწუხაროდ აჭარელებს რუსი ეგონად და ნავში მოგზაურობის დროს ჭოროხში დამბაჩაც ესროლა ერთმა აჭარელმა. ტრაპიზონის ამ ამბების დროსვე გამოცხადდა ერთი ცნობა ადგილობრივ გაზეთებში ყარსის ნაწილის ფოცხოვის უფროსისაგან, რომ ფოცხოვის

– 93 –

ხეობის ქართველ მაჰმადიანები, რომელნიც ოსმალეთში გადასახლდნენ, ეხლა ისევ უკან დაბრუნდნენ და მე არ ვიცი რა ვქნა, მივიღო ყველა ესენი თუ არაო. ამ გარემოებამ ადგილობრივ გაზეთებში კამათი და წერა გამოიწვია. სერგეი მესხმა 189 № -ში „დროებაში“ წერილი მიუძღვნა და გაახსენა მთავრობის მოხელეებს გარდასახლებულთ უკან დაბრუნების შესახებ შემდეგი:

„ბერლინის კონგრესის ძალით, ქართველ მაჰმადიანებს ნება აქვსთ, რომ სამი წლის განმავლობაში ან გადასახლდნენ და სხვაგან დაშინენ და ან შინ დაბრუნდნენ ისევე, თავიანთ შინა მამულზედ დაბინავდნენ. ამის წესი დაკანონებულია კონგრესისაგან. ოსმალეთის საქართველო კი რუსეთს შემოუერთდა 1878 წლის აგვისტოდამ, მამასადამე, გადასახლებულთ თუ წამასვლელთ ორი წელიწადი აქვსთ თითქმის ვადა და ამიტომ ადგილობრივ მოხელენი აღარ უნდა შიშობდნენ, რომ გარდასახლებულნი უკანვე მიიღონ და თავიანთ მამულებზედ დაასახლონ, რადგანაც ამის კანონი ყველასათვის ცხადი არის და აშკარა“.

ფოცხოვი თავის მიდამოებით ახალციხესთან ახლო არის და ქართველ მაჰმადიანებისაგან შესდგება. ენა კი დაკარგული აქვდათ იმ დროს, როცა იგინი შემოერთდნენ. ზოგს სოფელში კი ახსოვდათ ქართული ენა. საქართველოს ამბებს და ცნობებს ოსმალურის ენით საუბრობდნენ. ფოცხოვის და ქვაბლიანის ქართველებში ქართული ენა XVIII საუკუნის დამლევს ამოვარდა ძირიან-ფესვიანად. მაინც უნდა ითქვას, რომ ფოცხოვიდამ და მის ახლო მახლო კუთხის სოფლებიდანაც დიდი ძალი ხალხი წავიდა ოსმალეთში და იქ დაიღუპნენ უჩინრად.

ქართველ მაჰმადიანთ რიცხვი თავის ბინაზედ საკმარისი იყო იმ დროს, როცა ამათ აყრას ამზადებდენ. როგორც ფოცხოვის ხეობა, ისევ ქვაბლიანი, ჩილდირის ხეობა, შავშეთი, იმერხევი და სხვა კურთხეები სავსე იყო ქართველებით. ზოგ ალაგას ეს ქართველ მაჰმადიანები ქართულს ენაზედ ლაპარა-

კობდნენ, ზოგ ალაგას კი ეს ენა უკვე დაკარგული აქვდათ და ოსმალურად საუბრობდენ. წადილი გადასახლების, ანუ ფანატიკობა ორივესი ერთნაირი იყო და წარმოიდგინეთ ის გარემოება, რომ ისინი უფრო გულგრილი იყვნენ გადასახლებაზედ, რომელთაც ქართული ენა დაკარგული აქვდათ. მეტს სისასტიკეს ქართული ენით მოლაპარაკენი იჩენდნენ და ლაპარაკობდენ წასვლას და მტრობას. ასეთნი იყვნენ ქობულეთელნი, მაჭახლელები, აჭარელები და სხვანი, რომელნიც ქართული ენით ლაპარაკობდენ. შავშეთში კი სადაც ქართული ენა ქართველ მაჰმადიანებს დაკარგული აქვს, იქ ეს არ მოხდებოდა, თავის ნებით იქიდან არავინ წავიდოდა, რომ მათ წამქეზებელები არა ჰყოლოდათ. მერე აქაური ხალხი მუშა ხალხია, მხვნელი, მთესველი და მეურნე, მაგრამ არ იქმნა, არც ესენი მოასვენეს ბოროტ ენებმა და აქეზეს თავიანთ თავის დასაღუპათ წასვლისთვის – გადასახლებლად. ამაზედ აი რას მოვიყვანთ.

1878 წ. „დროების“ 20 №-იდან: „არდანიუჯის მაზრაში არავითარი ახალი მოძრაობა არა გახლავსთ რა. ხალხს კარგახანია გამოუცხადეს, რომ მოეცემად უფლება გადასახლებისა; ბევრს უხარიან, ბევრს არა, მიდის მომავალ გაზაფხულზე, ბევრი რჩება. ართვინის მაზრაშიც საკბილო ამბავი არაფერია. ზოგი ერთი აქაური მცხოვრებელები მზად არიან გადასახლდენ. მხოლოდ ის ცრუ იმედები, რომ ართვინი შეიძლება თათრებს დარჩეთ, მათ აბრკოლებს. მეორე გაზაფხულზედ კი ამათი ქარავანიც გაუდგება გზასა ოსმალების წყალობით. მაინც ზოგი ერთ ალაგს დაცემა და წვალება არ გაწყვეტილა ართვინის ახლო-მახლო. აგერ აჭარის გზებზე მოფენილია გადასახლებულელებითა. სტოვებენ სახლ-კარს, მამულს და იმ ადგილს, სადაც ისინი სიყრმით გასდილან, რომელიც იმათთვის ძვირფასია. გარბიან, ღმერთმა არ იცის სადა? აგერ ცოლი ქრმის, ძმა ძმის, შვილი მამის საფლავს დასტირის და ემშვიდობება სამუდამოთ! ქმარი ცოლ-შვილს აბარებს საიმედო კაცს. ამ შე-

მთხვევაში ვინ გამოჩნდა სიტყვით და საქმით მართალი; ჩვენ თუ თათარი. აბა ქართველებმა რითი დაანახვეს, რომ აჭარლები მოძმენი იყვნენ?

ამ შემთხვევაშიც ჩვენმა ახალგაზდობამ ვერ აღასრულა თავისი მოვალეობა. იმათი „ახი“ „ოხი“ ფუჭად დარჩა. განა ასე შეჰფეროდა! გაუნათლებელ თათრის მოლებმა აჯობეს ახალგაზდა განათლებულებს. არტაანი, არდანიუჯი, ართვინი და აჭარა, როგორც ვხედავთ, უნდა გავერანდნენ. რასაკვირველია, ეს ამბავი საწყენი და უსიამოვნო გახლავს, მაგრამ რა გაეწყობა. ახლა უნდა ვეცადოთ, რომ ეს გავერანებული ადგილები ისევ ჩვენ დავიკავოთ. სხვის ხელთ ნუ ჩავაგდებთ.

იმერეთში, ქართლში და ჯავახეთში სულ ბევრია უმიწა წყლო გლეხნი. ისინი მაინც გადმოვასახლოდ და დავასახლოდ აქა.“

როგორც გაზეთების ხმები იყო, 1878 წლის შემოდგომიდან გადასახლების საქმე შემცირებულა. სწერდნენ, რომ მთელი შემოდგომა ისე გავიდა, რომ აჭარიდან აღარავინ წასულაო. ხოლო როგორც „დროების“ 260 ნომერში იყო მოყვანილი: ქართველ მაჰმადიანები ამ ზამთარში სხედანო, მაგრამ გაზაფხულზედ კი აპირებენ ზოგიერთები გადასახლებასო. მისთვის სამზადისიც აქვსთო. დიახ, ეს მართალია, და ვისაც კი თავში აქვდა თუ არ აქვდა გადასახლება, ყველა ფიქრში იყო გასული და ჭოჭმანში. შინ დარჩენილები, ანუ დამრჩენნი ფიქრობდენ, იქ ვინ იცის რა კაი ცხოვრება ექმნებათ ამ წასულებს და ჩვენ კი აქ უნდა დვშთეთ რუსების ხელში და დავილუპოთო. ჩვენ კარგად ვიცით, რომ თვით ასეთნიც კი, რომელთაც არ უნდოდათ წასვლა, ესენიც კი ხარჯავდენ უბრალოდ ფულს და ოსმალეთში კაცებს გზავნიდნენ ადგილების საძებნელად და საქმის გასაგებათ. ჩვენ ვიცით, რომ ამ ზამთარშიც მრავლად წავიდენ, გადასახლდენ ოსმალეთში და ყველა მათ მალე თითქმის ღალუპვა და ოჯახის დაქცევა მოევლინად. ასე გათავდა ეს მღელვარე ზამთარი და მასთან

– 96 –

1878 წელიც. ამ ხნის განმავლობაში არ დადინჯებულა ქართველ მაჰმადიანის გული და დღე და ღამ მის ცდაში იყო, რომ მამა-პაპეული სამშობლო მიწა დაეტოვებინა და თავის უძღურებით საცდა ვითომც და სულის საცხოვნებელს ოსმალეთში წასულიყოს.

ერთის სიტყვით, ქართველთ მაჰმადიანი თვითვე აქცევდა და ანგრევდა თავის ხელით თავის მამა-პაპეულს სახლ-კარს და ვენახ-ბოსტანს. სამწუხაროდ რომ იმ დროს, სადაც კი ქართველ მაჰმადიანს შეხვდებოდი და ჰკითხავდი რამეს, ყველა მას ამბობდა: – **წავიდეთ, წავიდეთ, ჩვენი აქ დგომა აღარ იქნება. ანუ მუჰაჯირა გეთი, მუჰაჯირა გეთი**“ და სხვაც მრავალნი. წასულნი ისევ მალე შინ ბრუნდებოდენ და ამის გამო ვინ იცის რა სულის სატანჯავს წუთებსაც არ სცდიდნენ. ამ გარემოებას დაგვანახავს შემდეგი ცნობები, რომელნიც მოგვყავს იმ დროის გაზეთებიდან, რაც უტყუარს საბუთებს შეადგენს, ხოლო ისიც კი უნდა ითქვას, რომ გაზეთების საშუალებით ჩვენ ერთობ მცირე ცნობებს ვკითხულობდით გადასახლებულთ შესახებ. დალუპულთა და აყრილთა შესახებ ათში ერთი ცნობაც თუ დაიბეჭდებოდა, დანარჩენთა გადასახლებულთ საქმენი ჩვენთვის ჩუმი, დაფარული შთებოდა, შთებოდა მით უფრო ამ არევ-დარევის და გადასახლების დროს, რადგანაც ადგილობრივ მოხელენიც სარგებლობდენ, ამით ქართველ მაჰმადიანებს აქეზებდნენ წასვლისათვის, აშინებდენ, ეუბნებოდენ წადით, წადით, თორემ რუსები გაგაქრისტიანებენ, გირჩევნიათ ეხლავ თავს უშველოთ, წახვიდეთ.

ასე ბოროტათ ექცეოდენ მოხელენი, ასე აშინებდენ ამ ბედკრულ ხალხს და მის საშუალებით მათ თითქმის ჯოხით მიერეკებოდნენ რეკამდენ უღმერთოდ და ყოველივე ამით მათ ის გამორჩენა აქვდათ და მოგება, რომ გადასახლების დროს ამათი მამულები ოხერ ფასად იყიდებოდა და ვინც ასე იყიდდა მამულს, მაშინ ამ წამქეზებელთ რასაკვირველია საჩუქარი მიეცემოდათ, შრომა არ დაეკარგებოდათ. ასეც იყო.

– 97 –

ბოროტ წამქეზებელთ საქმე მხოლოდ ამის გარშემო ტრიალებდა და მათ კარგადაც იღვაწეს და იშრომეს თავიანთ ჯიბის ასავსებათ და ქართველ მაჰმადიანთ ოჯახებთა დასალუპათ. ესეთი გარემოება ადგილობრივ მოხელეებისა ყველამ იცოდა კარგად და თვით გუბერნატორმაც, რადგანაც ქვეყანა ახლად აღებული იყო, ამიტომ გუბერნატორი მოხელეებს არას ეუბნებოდა, ისარგებლონ მათ, მე რა მენადვლებათ. თავ გასული მოხელენიც ვინ იცის რას არ შვრებოდენ. ამათის წყალობით ცალკე ქართველ მაჰმადიანები იშლებოდენ და იყრებოდენ თავიანთ მამა-პაპეულს მამულებიდან, ესენი ეკარგებოდენ თავიანთ სამშობლოს საყოველთაოდ და ცალკე ამათი მამულები იყიდებოდა ხურმის ფასად. ესეთი შლილობა, ესეთი აყრა და დაღუპვა ქართველებისა იყო მრავალთათვის სამწუხარო, სამგლოვიარო და მეტად სატირალი. ვინც გადასახლების წანა-აღმდეგი იყო ქართველ მაჰმადიანებში, იმ პირს იგინი გიაურათ სთვლიდენ, რუსთა მომხრეს ეძახოდნენ, მათი აღარაფერი სჯეროდათ. მათ ამის შესახებ ლაპარაკს თავი დაანებეს.

აქ ამ აყრა-დაყრის და დაღუპვის დროს გაჩნდა თავ. გრიგოლ დავითის ძე გურიელი, რომელიც იქვე მსახურებდა ოკრუგის უფროსად. ეს ომის დაწყებამდისაც იქ მსახურებდა. იგი დიდი მომხრე იყო ქართველ მაჰმადიანების და დიდი მფარველი, იგი ამათ წამქეზებელ ადგილობრივ მოხელეებს მეხივით დაეცა, აღუდგა, ქადაგების შესახებ ასმინა, რომ თქვენ ამ ხალხის დაღუპვას თავი გაანებეთ, თორემ მე იმპერატორს გაუგზავნი საჩივარს, რომ თქვენ თქვენის გროშების გულისთვის ხალხს ჰყრით და სხვაგან ასახლებთო. ცოდვა არის თქვენთვის, რომ ასეთ ხალხს თავიანთ მამა-პაპეულს მიწა-მამულს აკარგვინებთო. სხვაც ასეთნი მრავალნი. ამ საყვედურებმა გუბერნატორი გააბრაზა, ამან უთხრა თავ. გრიგოლ გურიელს.

კნიაზო! თქვენ რა გენადვლებათ, რომ ეს თათრები აქედამ გადასახლდენ ოსმალეთში, თქვენ რა დაგაკლდებათ, თავი დაანებეთ მაგაზედ შრომას და ჩივილს. ეგენი მიდიან, წავიდ-

– 98 –

დნენ, მოშორდენ აქაურობას. მაგათ ძვირფას ადგილებს სულ ჩვენი ქრისტიანები შეისყიდიან. გთხოვთ დამშვიდებას.

გრიგოლ გურიელი არამც თუ დამშვიდდა ამით, არამედ აღელდა და პასუხი მისცა, რომ ესენი რათ უნდა წავიდნენ

აქედამ, რათ უნდა დაკარგონ თავიანთი ქვეყანა, რისთვის, რათ უორგულებთ ამათ ჩვენს ხელმწიფე იმპერატორს. ესენი აქ მოსული ხალხი ხომ არ არის, არამედ აქაური ხალხია, მამა-პაპით, მოდგმით სულ აქ უცხოვრიათ, ამათ თქვენ რას ემართლებით, რომ მოღლების და ხოჯების სასიხარულოდ ასე მოქმედებთ.

უფროსი გაკვირდა ამაზედ და პასუხათ მისცა შემდეგი:

ესენი სულაც არ არიან აქაურნი მკვიდრნი. ეს კუთხე არის საქართველოს ნაწილი და ეს ხალხი კი თათარია, თათ-რები არიან, ჯანდაბას მათი თავი, რაკი აქ აღარ უნდათ დგომა, წავიდნენ ოსმალეთში, თქვენ რათ ნაღვლობთ ამაზედ. ესეთი სიტყვა, რომ ვითომც ქართველ მაჰმადიანები თათრები არიან, გრიგოლ გურიელმა ვერ აიტანა. ამან უამბო მას, რომ ესენი ქართველები არიან და ქართულად მოლაპარაკენიო. თქვენ რათ გინდათ, რომ ასეთი კარგი, მეომარი და გულადი ხალხი ჩვენს ხელმწიფეს დაეკარგოსო. ამ კილოთი ლაპარაკი მკაცრად იყო გამართული და გრიგოლ გურიელი ისტორიულად უმტკიცებდა უფროს, რომ ეს კუთხე საქართველოა და ესენიც ქართველები არიან და არა თათრებიო.

უფროსი წინააღმდეგი იყო და ამიტომ გრიგოლ გურიელს უთხრა შემდეგი:

კნიაზო, მერე რა გნებამთ ყველა ამითი?.. მოჟედ ბიტვი ჟელაიტი საზდატ თათარსკი ცარსტვო? ეს არ იქნება, როგორ შეიძლება.

მერე გრიგოლ გურიელმა პასუხი მისცა და უთხრა, რომ მე მინდა რუსის ერთგულები შევქმნა, თქვენკი ამას თითქმის მიშლითო. ხოლო ის კი მოსარიდებელი და სირცხვილი იქმნება ჩვენის ხელმწიფისთვის, რომ ასეთი ქვეყანა დაიჭირეს და შიგ

მცხოვრებთ კი საქმე ისე გაუჭირეს, რომ იგინი თავიანთ მამა-პაპეულს ადგილებს სტოვებენ და ოსმალეთში სახლდებიანო. ესეთი საქციელი ჩვენი მთავრობისთვისაც კარგი არ იქმნებაო და მე ამასთანაც მაქვს საქმეო, მთავრობის შერცხვენა ევროპის ერთა და სახელმწიფოთა წინაშე ჩვენიც სირცხვილი უნდა იყოსო.

ასეთი ლაპარაკი იყო, ასეთი მომხრეობა ქართველ მაჰმადიანთ შესახებ, მაგრამ საქმეს მაინც დაწყნარება არ ეძლეოდა, რადგანაც აქეთ მთავრობის მოხელენი რეკავდენ ოსტატურად და ელალებოდნენ ოსმალეთში და იქით მათში კიდევ ფანატიკი მოღები და ხოჯები ნავარდობდენ და ბედ შავ ხალხს აქეზებდენ გადასასახლებლად და მუჰაჯირათ წასვლას. ასე და ამ გვარად ქართველთ რიცხვის დაფანტულია ვინ იცის სადა და სად არა. სამწუხაროა ეს ჩვენის ისტორიისათვის და მეტადრე ქართველ მაჰმადიანთათვისაც, რომ მათ თვისი ნათესავობა ერთმანეთში ასე დაკარგეს და ასე დაიქსაქსენ, ისე დაიფანტნენ, რომ ამ 30 წლის განმავლობაში მათ ერთმანეთის არსებობის და ნათესავობაც კი დაავიწყდათ სრულიად და გა-

ხდენ ერთმანეთისათვის საყოველთაოდ დაკარგულნი. ასე დაკარგვა და დავიწყება ჭეშმარიტად რომ ქართველ მაჰმადიანებს არ შეჰფერისთ.

ქობულეთის დაჭერის შემდეგ ჯარი რომ აიყარა და წასვლა დააპირა, იმავე დროს ხალხმაც დაიწყო მზადება, რომ ჩვენც უნდა წავიდეთო და ერთ ალაგას ბარგი ბარხანიტაც მოგროვილან. წერილის დამწერს უკითხავს მიზეზი გადასახლების და ქობულეთელებს უთქვამსთ, რომ ჩვენ რუსებს და ქართველებს ახლოს ვერ მივიკარებთო, მათი ადათი და წესი ჩვენი რჯულის წინააღმდეგიაო. ჩვენ ოჯახში შემოცვივდებიან და ყოველივეს წაგვიხდენენო. ამათ წასვლის შესახებ ბილეთების აღებაც მოსდომნიათ. ამ დროს უფროსად ქობულეთში გრიგოლ გურიელი დაუნიშნავდ, ხალხს რომ გაუგია ჩვენს უფროსად გრიგოლ გურიელი დაუნიშნავთო, მაშინათვე

– 100 –

მისკენ წასულან. გრიგოლ გურიელი ისე მოექცა, ისე დააწყნარა და პატრონობის იმედი მისცა, რომ ყველა ეს აბარგული ხალხი უკანვე – შინვე დააბრუნა თავიანთის ბარგი-ბარხანით. დიდი პატივის მცემელნი არიან ესენი გურიელის და ამბობენ, რომ ამის ხელში ჩვენ არა გაგვიჭირდებაო.

ამ ცნობის ერთი კვირის შემდეგ ბათუმიდამ სერგეი მესხიც სწერს „დროების“ 184-ში შემდეგს: ქობულეთიდან, ჩაქვიდამ და ბათუმის ახლო-მახლო სოფლებიდან მრავლად მიდის ხალხი ოსმალში და შემდეგაც წავლენ ესენიო. ბევრნი კი შობენ და ფიქრობენ ვაი თუ ჩვენც ის დღე დაგვადგეს ოსმალეთში, რაც ჩერქეზებს და აფხაზებს დაადგათ და მოვტყუვდეთო. მომეტებული ნაწილი კი სტოვებს თავის მამულს თავის ნებით და მიდის ოსმალეთში. ბათუმიდან სულ გავიდნენ და ამოდოლი ადგილები სულ მოსულ ხალხზედ ოხერ ფასად დაყიდეს. მთელის ბათუმის მათი ადგილები სულ ჩალის ფასად დაისყიდა. ასე დალუპეს ქართველ მაჰმადიანებმა თავიანთი ოჯახის საქმე ბათუმში. დღეს რომ მათი რიცხვი ერთობ მცირე გახლავსთ, ეს სულ მისი ბრალია. დალოცვილებს ისე ეგონად, ქრისტიანები შეგვკამენო. გააურებთან ჩვენი დგომა აღარ იქმნა და ჰაიდეთ მოვშორდეთ აქაურობასო. სამწუხაროდ, ამათ გადასახლების ხელს უწყობდა და ახალისებდა იმ დროის ომის მთავარ სარდალი დერვიშ ფაშა. ზოგს თურმე ძალას ატანდა, რომ წასულიყო. ზოგს თურმე ნიზამში გასაყვანად შვილებს სტაცავდენ, ოსმალში მიჰყვანდათ და ამ გარემოებით რაზმავდნენ მშობლებს ოსმალში წასასვლელად. ამ გარემოებას სერგეი მესხი მწარედ ასწერს და სწერს დიდათ მასზედ, რომ ეს ხალხი თავის მამა-პაპის მიწა-წყალს ჰკარგავს და უცხო ქვეყანას მიდიან. დერვიშ ფაშის ბოროტების შესახებ „დროებაში“ სოლ. ბავრელიც სწერდა შემდეგს: „დერვიშ ფაშამ დაიწყო ქადაგება ჩვენ წინააღმდეგ, თავის ყორანიდამ აქარაში აქეზებდა ხალხს, აგონებდა გადასახლებას, მაჰმადის ძლიერებას, ომის სუფევის მშვენიერებას, თავის უმშვენიერესი ფერიებით და შა-

რიათით... არწმუნებდა ხალხს, რომ უკეთეს ისინი ეწინააღმდეგებიან ურჯულოებას, ეს ყოველი სიამოვნება საიქიოს იმათი იქმნება. გზავნიდა სოფლებში მოლებს და ყადებს ხალხის მოსაბირებლად".

რალა ფიქრი უნდა, რომ ასეთის ზეციერის და ქვეყნიურის ქარაგებით დერვიშ ფაშას მოლები და ხოჯები ზევრს ქართველ მაჰმადიანს დალუპავდენ და აუცრუებდენ გულს თავის სამშობლოში ცხოვრებისთვის.

1877 წლის ომის დასაწყისიდანვე ქართველ მაჰმადიანებმა გადასახლებაზე დაიწყეს ლაპარაკი. მათ თითქოს იცოდნენ, რომ ამ კუთხის უმეტეს ნაწილს რუსეთი აიღებს და ამიტომ ჩვენც აქედამ ავიბარგოთო. ჯერეთ რუსებს ეს კუთხე არც კი აქენდათ აღებული, რომ ქართველ მაჰმადიანებმა მრავლად იწყეს გადასახლება ოსმალეთში. ამ გადასახლებულებს ოსმალში მრავალი ტანჯვა მოევლინა, ამ გარემოებას ყურადღება მიაქციეს თვით ინგლისის გაზეთებმაც. ინგლისური გაზეთის ცნობები ქართულს გაზეთის „დროებისათვისაც“ გახდა საყურადღებო და ამის შესახებ აი რა წერილი დასტამბეს: – ტრაპიზონში გადასახლებულ ქობულეთელების მდგომარეობა. ერთს ინგლისურს სარწმუნო გაზეთში დაბეჭდილია ქვემოთ მოყვანილი ამბავი, რომელსაც ამ გაზეთში ტრაპიზონიდან იწერებინ. ამ კორესპონდენციის წაკითხვა განსაკუთრებით საინტერესო და საჭიროა იმ ოსმალს ქართველთათვის, რომელნიც თავიანთ მიწა-წყალს, სახლ-კარს, თავიანთ სამშობლო ქვეყანას სტოვებენ და მიდიან ოსმალეთში იმ იმედით, რომ იქ უკვე ვიცხოვრებთო. წაკითხონ ეს ამბავი იმ ქობულეთელებმა და საზოგადოთ ოსმალს ქართველებმა, რომელნიც ოსმალეთში გადასახლებას აპირებენ და როდესაც დაინახვენ თუ – რა მდგომარეობაში არიან იმათი გადასახლებულნი მოძმეები, მაშინ, იმედია დაფიქრდებიან და შეჩერდებიან. აი ეს კორესპონდენცია.

როდესაც რუსეთმა გამოუცხადა ოსმალეთის მთავრობას,

რომ სანამ ბათუმს არ დაუთმობენ, მანამ ის სტამბოლს არ მოაცილებს თავის ჯარსო, მაშინ კი ოსმალეთმა გადაწყვიტა ბათუმის დათმობა.

დერვიშ ფაშამ გამოუცხადა ბათუმს, აჭარის და ქობულეთის მცხოვრებთ, რომ ვისაც ჰსურს, შეუძლიან გადასახლება. და ამ განზრახვით და აგრეთვე ჯარისა და სამხედრო მასალების წასაღებათ ბათუმში მოვიდა ოსმალს რამოდენიმე ხომალდი. ხალხი ძალიან გაბრაზდა, როდესაც ეს ამბავი გაიგეს, რადგან იმედი ჰქონდათ, რომ ოსმალს ჯარები დაეხმარებოდა იმათ რუსეთის წინააღმდეგ, მაგრამ ბოლოს ისინი დაემორჩილნენ თავიანთ ბედს და გადასწყვიტეს ისევ ოსმალე-

თში გადასვლა. ჩურუქსუს მცხოვრებლებმა პირველად დაიწყეს გადასახლება. ამ ჟამად სულ ოთხი ათას სულამდისინ არიან ბათუმიდან აქ, ტრაპიზონში მოსულნი და დროებით დაბინავდნენ აქაურ ყავახნებში. ამბობენ, კიდეც ბევრნი აპირებენ გადმოსახლებასო.

ამ გადმოსული ხალხის დასასახლებლად ოსმალეთის მთავრობამ დანიშნა ადგილები მალაციის მახლობლად, სადაც 10,000 კაცის დასახლება შეიძლება. მაგრამ რადგან ოსმალეთის მთავრობამ ამეზედ მეტი არავითარი მზურნველობა არ გამოიჩინა და სხვა არაფერი შემწეობა არ მისცა გადმოსახლებულებს, ამის გამო შემდეგში იმათ ისეთვე ბედი მოეღისთ, როგორი ბედიც მოუვიდათ აფხაზებს. გადმოსული ქობულეთელები ახლაც ძალიან ჩივიან და ემდურიან ოსმალს მთავრობას. გუშინ დიდი გროვა გადმოსახლებულების მივიდნენ იქაურ ლუბერნატორთან და სთხოვეს სადგომი და ლუკმაპური მაინც გაგვიჩინეთო; დერვიშ ფაშამ დაგვირდა ჩვენაო, ოღონდ გადასახლდით ტრაპიზონში, თითო სულს დღეში ნახევარ ოყა პური გექნებათო. ახლა კი არაფერს გვამღვევნო.

მომეტებულ ამათგანნი ცისქვეშ ყრიან ქუჩებში, ამ ჟამად თავ შესაფარი და ლუკმა პურიც არა აქვსთ. ზოგი კი ჯამეში და ყავახანებში დგანან. ამას გარდა რამდენიმე ასი კაცი დგას

ხის კარვებში, რომლებშიაც ადრე საავადმყოფოები იყო გამართული. აი ამით გაათავა ოსმალს მთავრობამ თავის მზრუნველობა ამ გადასახლებულებისთვის, რამდენიმე კაცისაგან გავიგონე, რომ ჩვენს ნაცნობებსა და ნათესავებს უნდა შევატყობინოთ ბათუმში და ქობულეთში, რომ არ წამოვიდნენო აქეტკენ. ზოგი ერმა მითხრეს, რომ უკან დაბრუნებას აპირებენ, რადგან ერთობ დიდ გჭირვებაში და წვალებაში არიანო".

თუმცა ასე იყო მაშინ თქმულება, მაგრამ დერვიშ ფაშა, ალი ფაშა და ოსმან ფაშისაგან დაბადებულ ყემერ აღებმა მაინც თავისი გაიტანეს და ხოჯების და მოლების საშუალებით მსხვერპლს მსხვერპლი მიუმატეს და აუარებელი ხალხი აჰყარეს და უცხო ქვეყნებში გადასტყოცნეს სატანჯველ საწვალეებლად. ამას შემდეგი ცნობები დაგვანახვებს გადასახლებისათვის ქართველ მაჰმადიანები ისე ამრეზილები იყვნენ, რომ ერთ დროს, თვით ქუჩაში მწოლ მაწანწალა ძაღლების დახოცვამაც კი გამოიწვია მათი უკმაყოფილება და ყვირილი, რომ „უნდა წავიდეთ, წავიდეთ, რადგანაც ჩვენი აქ დგომა არ იქნებაო, ქუჩაში ძაღლები დახოცესო“. ამის შესახებ „დროების“ 208-რში აი რას სწერს ლევან მჭედლიშვილი.

ამის წინედ „დროებაში“ იყო მოყვანილი მთვრალი მილიციონებისაგან მოკლული ძაღლისათვის რა ამბავი ჩაიდინა ხალხმა. დღეს კი უბრძანებენ სალდათებს, რომ დაიკავონ კეტები და სადაც კი ნახონ, იქ მოჰკლან ქუჩაში მოსიარულე ძაღლები. რაც ამისათვის საყვედური ისმოდა, მე იმას არ შევებები, რადგანაც ვის უნდა გავაგებინო. როგორ მოგწონთ

ესა? განა არ შეიძლებოდა – თუ მავნებელი იყვნენ ის მაწან-
წალა ძაღლები, სხვა ნაირი საშუალებით მოგვესპო ისინი,
რომ არც მოსპობა ხალხისათვის შეგვეხედვინებინა და არც
მრავალთათვის გვეჩვენებინა. უნდა ვიცოდეთ, რომ ასეთი უბ-
რალო საქმეებისაგან ხალხის გადასახლება დიდი უბედურება არის.
ეს არც ჩვენ მოგვეტევება. ასეთ საქმეთა შესახებ ყველა ქართ-
ველ მაჰმადიანი ამას ამბობს:

– 104 –

– აქ ვერ დავდგები, ძიავ, უნდა წავიდეთ. ჩვენ ვერ შე-
ვეჩვევით... ჩვენ ვერ გავძლებთ.

ახლა თქვენ რომ იცოდეთ, თუ ესენი რა ფანატიკები
არიან, მაშინ იტყვიტ, დაე, წავიდნენ. რომ წავლენ და ნა-
ხვენ იქ ტანჯვას, არ დაბრუნდებიან, მამ რას იზმენო. თქვენ
შეგიტყვიათ, რომ ვითომც გადასახლებულები დაბრუნებას
აპირობენო, რადგანაც დიდს შეწუხებაში არიანო. გადმოსახ-
ლებაზედ კი ვერას მოგეხსენებათ და გაჭირებით კი დიდს გა-
ჭირებაში არიან ჩავარდნილი. როგორც შევიტყე, დერვიშ
ფაშის დროს ბევრნი ისეთი გადასახლებულან, რომელთაც მი-
სი მორიდება და შიში გქონიათო. ზოგნი ისეთნიც რომ ყაჩა-
ღობას შეჩვეულები ყოფილან და ეხლა იქაც ყაჩაღობით ირჩენენ
თავსაო. თუმც ისე იყო, მაგრამ მაინც ფანატიკ პირებს დღე
აქვენდათ განათებული და ოსმალს ფანატიკ აგენტები დადი-
ოდნენ ყველა კუთხეში დ ხალხს აქეზებდენ წასვლისთვის. ამ გვარი
უბედურებანი არტაანის ოლქს უფრო ფართოდ ხვდა. 14 ოქტ.
1878 წ. „დროებაში“ აი რას სწერდა ს. ბავრელი. – „**თათ-
რების აგენტები დადიან სოფლებში, ადგენენ სიებს, ვისაც სურს
გადასახლება, და როგორც მითხრეს დიდის სიამოვნებით აწერენ
ხელს**“. ერთის მხრით ეს გარემოება გამოიწვია თურმე იმანაც,
რომ მცირე ხნის გამგეობის შემდეგ, ასტაანიდამ კარგად ცნო-
ბილი და დიდათ პატივცემული ლმობიერი მიხეილ მეფისოვი
სხვაგან გადიყვანეს გამგედ-ართვინს. ამავ წლის ღვინობისთ-
ვის 26 ბათუმიდან იწერებოდა ლევან მჭედლიშვილი, რომ
ქობულეთელები და აჭარლები გადასახლებისათვის დიდს მზა-
დებაში არიანო. კამისიებიც შეუდგენიათ და ხელს აწერინე-
ბენ ესენი, ვისაც კი გადასახლება უნდათ. მერე გადასახლე-
ბულებს ხელმოწერილის სიის ანუსხვით გაგზავნიან თურმე.
ოსმალეთში დეპუტაციაც გაუგზავნიათ ბათუმიდამ, სულთანს
დახმარებას სთხოვენ, რომ დასასახლებლად მოწყალება გვიბო-
ძეთ – ადგილებიო.

ქვემო აჭარაში არის ერთი სოფელი – საღორეთი. ეს სო-

– 105 –

ფელი შესდგება 130 კომლისაგან. ამათ ჰყავსთ ერთი შესა-
ნიშნავი პირი, რომელსაც ოსმალს მთავრობისაგან დიდი გა-
ვლენა ჰქონდა და ბათუმში იყო მუფთად (სასულიერო მსაჯუ-
ლი) ჰასან ეფენდი სურმანიძე. ამას მოსვლია წინადადება და

თან თხოვნა ბაღდადიდან, რომ ამან იკისროს და მთელი აჭარა გადაიყვანოს ბაღდადში, რომლისათვისაც თურმე ჰპირდებოდნენ დიდ ჯილდოს და ყოველნაირ საშუალების მიცემას ხალხის ცხოვრებისათვის. როგორც შევიტყუეთ ხალხისათვის სრულებით არა გამოუცხადებია ეს ჰაზრი და დაჩუმებული არისო“. დიახ ასეთი ხოჯები სხვებიც იყვნენ და ქედის მუფთი ახმედ ეფენდი ხალიფაშვილიც ხომ მკაცრი წინააღმდეგი იყო აჭარელთა გადასახლების ოსმალეთში. ესენი როგორც შესმენილი ხოჯები, წინააღმდეგნი იყვნენ მით უფრო, რადგანაც სწორედ ამ დროს, როცა ქართველ მაჰმადიანებს ოსმალთა აგიტატორები უქადაგებდნენ და ამზადებდნენ ოსმალში წასასვლელად, სწორედ ამავე დროს ოსმალიდამ ბედის წყევლით და გამობით უკან ბრუნდებოდნენ აფხაზები და ჩერქეზების ნაწილში, რომელთა უმეტესობა ადრევე წავიდნენ ოსმალში ფანატიკობით. ესენი მოტყუვდნენ, იქ დიდი ტანჯვა გამოიარეს, შეწუხება, ბევრი სიმშლით გაწყდა, ბევრი ჰაერის აუტანლობით, ბევრი სიღარიბე-გაჭირვებამ მოსპო. ვინც გადარჩა, იმათ რამდენიმემ, რომელთაც კი შესძლეს და მოახერხეს დაბრუნების სახსარი, უკან იბრუნეს პირი და ოსმალიდამ ბათუმში მოვიდნენ თათრის გემით და რუსის მთავრობას ცხარეს ცრემლით, ტირილით და ფეხზედ მთხვევით ევედრებოდნენ უკანვე მიღებას თავიანთი მამა-პაპეულს საქართველოს მიწა-წყალზედ.

ჩერქეზების და აფხაზების საცოდავობას კაცი ვერ ასწერს-ესენი როცა შავის ზღვიდამ ხმელეთზედ გადმოვიდნენ, მაშინათვე ტირილი დაიწყეს, ეს რა მოგვივიდაო, თავი რათ დავიღუპეთ, რათ წავედითო. მათ შიშის ზომას საზღვარი არ აქვნდათ, ვაი თუ რუსის მთავრობამ ჩვენს ადგილებზედ ჩვენ აღარ მიგვიღოსო. ასეთ გაჭირებულ მოსულთა ვედრება ადგილო-

– 106 –

ბრივ მთავრობისაგან შეწყნარებულ იქმნა და მწარეს ცრემლებით მომტირალე ხალხი დაბრუნებულ იქმნა თავის მამა-პაპეულ ქვეყანაში და მით მოცილებულ ათას ვაი ვაგლახს და მწუხარებას. აი სწორედ ამ დროს ასეთ ბედისაგან განწირულ და გარდახვეწილ ხალხთა ტირილის დროს, როცა ესენი თავიანთ მამა-პაპის ქვეყანას უცხოს სამშობლოდამ ცხარეს ცრემლებით მოსტიროდნენ და შინ მოილტოდნენ, სწორედ ამ დროს შეუფანებლად და გაუგებლად ქართველ მაჰმადიანები კი საქართველოდამ უცხო საღაცა თავისთავის დასაღუპს ქვეყანაში მიილტოდნენ. ესენი ცრემლით მოსტიროდნენ თავიანთ სამშობლოს და ოსმალდამ საქართველოში ბრუნდებოდნენ და ამავე დროს მეორენი კი გაფაციცებულის მზადებით მიილტოდნენ პირველების დასაღუპს ბინაზედ, ანუ ოსმალთს უცხო ადგილებში დასაღუპად.

ისეც ასე არეული და აბრეზილი ხალხი აღარ მოასვენეს და სხვა და სხვა ფანატუკ პირებმა იქამდის მიიყვანეს, რომ თვის ინტრესების სასარგებლოდ დეკემბრის რვიდამ მთელი აჭარის ხალხი აშალეს, მათში არეულობა მოახდინეს და ყველა ამაე-

ბით იმას მეცადინეობდენ, რომ აჭარელნი ადვილად და მრავლად გადასახლებულიყვნენ ოსმალეთში. ეს ამბავი გაზეთებშიაც დაიბეჭდა, და სერგეი მესხმა ამის შესახებ დიდი მწუხარების შენიშვნა მისცა 15 დეკემბერს „დროებაში“ დაბეჭდილს აჭარიდან მოწერილს წერილს. სწერდა რომ ამ აჯანყებას შემდეგში ხალხის დაღუპვა და გადასახლების მეტი სხვა არა მოჰყვება რაო და ამიტომ დიდი სიფრთხილე გვმართებს ამისო. მართლაც ეს ისე იყო და მომავალ წელში მოჰყვა აჭარელთა სამწუხარო გადასახლება.

ვიტყვი, რომ 1879 წელს ქართველთ გადასახლება ისეთის სიუხვით დაიწყო, რამაც დააცარიელა არამც თუ თითო და ოროლა სოფლები, არამედ მთელი მხარეები, მაგალითებ როგორც მაჭახელი, დევესქელის ხეობა, ლივანა და სხვა ასეთი კუთხენი. ვიცით ამბებით, რომ პირველ წლის გადასახლებულთ

– 107 –

ოსმალთა მთავრობა უმეტესად შორეულს ქვეყნებში ასახლებდა, მაგალითებრ აფრიკა და ასეთ კუთხეებისაკენ. 1879 წ. გადასახლებულთ რიცხვი თუ რამოდენა უნდა ყოფილიყოს და მასთან სხვა და სხვა კუთხეებში უღვთოდ დაფანტული, ამას ასაბუთებს შემდეგი ცნობა, რაც ეხება მარტოდ 1879 გადასახლებულთ ქართველ მაჰმადიანთ დაღუპვის საქმეს.

1906 წ. ოსმალეთის აფრიკის ქალაქ ბეირუთიდან საქართველოში მოვიდა ქობულელი ქართველ მაჰმადიანი კაი კაცი-შვილი. ეს ქართველი ერთს ევროპიელს მსწავლულს მოგზაურს თანამგზავრად ჰყავდა, მასთან მგზავრობდა. ამათ იმგზავრეს მთელი აღმოსავლეთის ქვეყნები. აფრიკას, ქ. ბეირუთში ერთ ალაგას მას შეხვედრიან რამდენიმე ქათველ მაჰმადიანები, ქართულად მოლაპარაკენი. ეს ყოფილა ყავახანაში: კაი კაცის შვილს ქართული ძლიერ გაჰკვირებია, თუ კართველ კაცებს მე აქ სადა ვხედავო! მერე გასცნობიან ერთმანეთს და ლაპარაკიც დაუწყვიათ. იმათაც დიდათ გახარებიათ ამ კაცის ნახვა და გაცნობა. მერე ლაპარაკი ჩამოვარდნილა ვინაობის შესახებ. მათ უამბნიათ შემდეგი: რომ ჩვენ გურჯისტანიდან ვართ გადმოსახლებულნი ოსმალეთშიო, ვცხოვრობდით ბურსაშიო, მერე იქიდან აქეთ გადმოგვასახლა მთავრობამაო. აქ ბეირუთში 40 კომლი ვსცხოვრობთ, სხვაგანაც მრავლად ვართო. ჩვენი ხალხის აქეთ ბევრია დაფანტულიო. მათ თურმე გული ეთანაღრებათ დიდათ, რომ ჩვენი ქვეყანა დაკარგედ და გადმოვსახლდით აქეთაო. დიდი მწუხარება გაუცხადებიათ საქართველოს დაკარგვისათვის .

„დროების“ 89 №-რში მოყვანილია ცნობა გულო ალა კაიკაციშვილის ასე: ჩვენ დიდს სილატაკეში მოვედით ამ ომიანობისაგან. ყოველივე ჩვენი გაოხრდა და გავერანდა. გმადლობ მამაო ქართველნო, რომ თქვენ დაკარგულ ძველ ძმებს არ ივიწყებთ და გვეხმარებით. ეხლა შევიტყეთ, რომ ჩვენი ძმების მრავალნი, რომელნიც ოსმალეთში გადასახლდნენ, იქ დიდს გაჭირვებაში ჩავარდნილან და ამიტომ აქეთ მოდიან და

ჩვენებსაც იხმობენ, რომ „იქით წამოდითო. ნუ დადგებით აქაო.“ რასაკვირველია დაქცეულს დაქცეული უყვარს, იმას კი აღარ დაუჯერებთ, მაგრამ მოლებმაც შეგვაწუხეს, წამოდითო, გვეუბნებიან: აქ თუ მოკვდით, წესი არ გერგებათო. ყოველიფერი უბედურება ჩვენ დაგვადგა საწყალ ქობულელებს“. ეს მართალი გახლავსთ. ასეთი გაქცეულ პირებთაგანი თვით მეც მინახავს ლივანასა და აჭარაში. თავზედ წითელ ფესით დახურული და მედიდურად გადასახლებული ქართველ მაჰმადიანი რა კი იქ დაცემულა, გაღატაკებულა, მერე სიმინდის საშოვნელად შინ დაბრუნებულა და თავის მეგობართა და მეზობელთა წინაშე თხოვნით სიმინდი უგროვებია ოსმალში წასაღებათ. ასეთი პირნი ჩუმათ აგროვებენ სიმინდს. მუსულმანების ხათრით ყველა ეხმარებოდა, რადგანც იგი ჩვენნი თათარი კაცია და ღარიბი არისო. მინახავს, რომ ასეთ პირებს თვით ამ ჩემი მოთხოვნის დროსაც არ გაუტეხიათ შახი და მრავალთა წინაშე საჯაროდ უთქვამსთ, რომ იქ ჩვენ კარგად ვსცხოვრობთ, იქ სჯობია ვინემც აქაო. ასეთ პირებს ხშირად შევბმევარ და მათთვის ტყუილებით დამიმტკიცებია. იგი და სხვებიც გაჩუმებულან და ერთმანერთისათვის შეუხედავთ და სახით უნიშნავთ. „რომ ეს კაცი მართალს ამბობსო. თუ კარგია იქ, აქ რაღას მოდიან ეს დედა გაგლეჯილის შვილებიო“. ეს მაგალითი მართალი გახლავსთ ჩემის თვალით ნახული მრავლად და ყურით მოსმენილი აჭარა-ლივანაში.

ასეთ მოსულ პირებს ხშირად თან ოსმალურს ენებზედ დაბეჭდილ პროკლამაციებზე მოჰქონდათ, რითაც სთხოვდნენ და აქეზებდნენ ქართველთ მაჰმადიანებს წასვლისთვის. პროკლამაციებს იქ ბეჭდავდა ერთი საზოგადოება, რომელიც მეცადინეობდა საქართველოდამ ქართველ მაჰმადიანთ გარდასახლებას. ოსმალს მთავრობას ქართველი მაჰმადიანები დიდს ერთგულ და თავგანწირულ ხალხად მიაჩნდა და ამიტომაც ისე ეს ადგილები არ ენანებოდათ, როგორც თვით ხალხი და ამიტომაც უფრო ხმარობდნენ ყოველნაირ ღონის ძიებას ქარ-

თველთა იქ წასვლაზედ. 1880 წ. ამის შესახებ აი რასა სწერს ცნობილი ქართველთ მოღვაწე ლევან მჭედლიშვილი ბათუმიდან „დროებაში“.

„ვისაც ამ უბედურ ხალხისათვის გული შესტკივა და იცის ამათ ვითარება, ყველა დაგვეთანხმება, რომ ამ ხალხს უბედურების დროს გზაზედ უნდა გადაველობოთ და უფსკრულში დასაღუპათ არ მისცეთ ნება, არ გაუშვათ. ეს არ იქნება ჩვენგან შეუძლებელი, რადგანაც ჩვენ უკვე ხელში გვაქვს ოსმალს კომიტეტის ოსმალური პროკლამაციები რითაც იგინი ხალხს იწვევენ წასვლისათვის. ჩვენ ევროპის სახელმწიფოთ უნდა მივმართოთ და დავავალოთ, რომ მათ როგორც ოსმა-

ლეთის შინაური ეკონომიური კითხვების კარგად მცოდნეთ, უწყიან, რომ ისეც დაღუპულს და გადატაკებულს სახელმწიფოში აქედამ ხალხს ნუ იხმობენ, ნუ ატყუებენო. ეს ჩვენ მით უფრო უნდა მოგახსენოთო, რადგანაც უკანასკნელ დროს რუს-ოსმალს ომში მაჰმადიან ჩერქეზები დიდს მონაწილეობას იღებდნენ და მაჰმადიანი მაჰმადიან ოსმალს წინააღმდეგ სასტიკად იბრძოდნენ, რადგანაც მათ ახსოვდათ წინეთ თავის ბინის მოშლა მამა-პაპის ქვეყანაზე და ოსმალში გადასახლება, სადაც მათ გამოსცადეს დიდი ტანჯვა, სიღატაკე, გაწყვეტა და ბოლოს ვინც გადარჩა და მოახერხა, ისინი შინ დაბინავდნენ და თავის დაღუპვის გამო დღეს ოსმალთა წინააღმდეგ ცხარედ იბრძოდნენ. ასევე მოუვად ქართველ მაჰმადიანებს. მათ კარგად ახსოვდათ, თუ ოსმალთა წყალობით სამშობლოდამ გასვლამ და განდევნამ რა მწუხარება და ჭირი მიანიჭა. ამ ჭირის მტრობა და ცეცხლის ნაპერწკლები დღესაც არის მათს გულში დაშთენილი. ასევე იქნება აჭარელებისთვის.

ასე გულ მწუხარედ სჯიდა ეს გული შესატკივარი მამულის შვილი ლევან ლუკას ძე მჭედლოვი, ა. ჭყონია, გ. კაციციშვილი, სიტყვით დიდათ პატივცემული გრიგოლ ბატონი გურული და მრავალიც სხვანი, მაგრამ გამგონი ვილა იყო. არავინ. ბოროტთა კვალად ოსმალს მთავრობას რამდენიმე კი არა და

– 110 –

ასობით ჰყავდა მათი კომიტეტისაგან შესყიდული წამქეხებლებიც, რომელნი ყოველთვის იმას ჰყვიროდნენ, რომ ჩვენი აქ დგომა არ შეიძლებაო. ეს რომ ასე გახლავსთ ამას ასაბუთებს 110 „დროების“ შემდეგი ცნობა.

„ბათუმიდამ გვაცნობებენ, რომ ამ რამდენიმე დღის განმავლობაში ჩამოსულა იქ ორასამდის მოსახლე კაცი მაჭახლიდამ, რომელნიც ტრაპიზონიდან გემს უცდიან ოსმალეთში წასაყვანად ანუ გადასახლებლად. საცოდავობა იყო ამათი ნახვაო. მშიერ-მწყურვალი დედაკაცები და ბავშვები რამდენიმე დღე ეყარნენ ზღვის ნაპირას, გემს ელოდებოდნო“.

მაჭახლების გარდასახლებას აბრალებენ ადგილობრივ სული ბეგს, რომელიც თვითონ ოსმალში ადრე იყო გადასახლებული, ახლა ჩამოვიდა და არია ხალხიო. მაჭახლელებს გარდა სხვა მხრიდამ ჯერ-ჯერობით არავინ გადასულა ოსმალშიო. ბევრგან ყანები დათესეს და აქედამ სჩანს, რომ წელს მაინც არ აპირებენ წასვლასო. ეს იმედები უბრალო იყო, რადგანაც როგორც ვიცით, ნათესებამ იგინი ვერ შეაკავა. ნათესი მოვიდა, მოკრიფეს და მის მერე გაუდგენ გზას. ვისაც მანამდე მოუხდათ წასვლა, იმათ ყანები სხვებს გადასცეს. ამას შემდეგი ცნობებიც დაასაბუთებენ. 114 „დროების“ მოწინავე წერილი გვაუწყებს შემდეგს: – „გაზაფხულდა და ხელ ახლა მოგვდის ცნობები, რომ ბათუმის მაზრიდამ ხალხი მიდისო, მაჭახლიდამ 200 კომლი წავიდა, მიდიან აგრეთვე ქობულეთელები, ზემო აჭარიდამ და ქვემო აჭარიდამ ხომ შარშან დაცარიელდა თითქმის, ხალხი სტოვებს მამა-პაპეულს მიწა-წყალს სახლ-კარს,

რაც გააჩნია, არ დასდევს იმას, თუ რა მოელის შემდეგში და მიდის უცხო ადგილას, გადადის ჩვენის საზღვარიდან სხვის საზღვარზედ თავის ოჯახის დასაღუპად. ასეთ უბედურებას ერთის მხრით თურმე ჩვენი მოხელენიც აქეზებდენ:
„წადით, გადასახლდით! ჩვენთვის თქვენ აღარ ხართ საჭირო, თქვენს მაგიერ აქ ჩვენთვის სხვა ხალხს დავასახლებთო. ერთის მხრით ამისთანა ჩვენებური მქადაგებელნი იყვნენ და მეორეს

– 111 –

მხრით, მათსავე გვერდით სტამბოლიდან მოსული მოღებები და ხოჯები, რომლებიც ეუბნებიან:

წავიდეთ ოსმალში, აქ თქვენ დასადგომი პირი არ გაქვსთ. რუსის ხელში თქვენ არ გამღებით. გიაურო მართლ მსაჯულება მაჰმადიანს კაცს არას ოდეს არ შეიწყნარებს. მაჰმადის ბრძანება არის, რომ ვინც გიაურის ქვეყანაში მოკვდება, იგი ედემს ვერ ეღირსება, წაწყმდებაო. ორი ამისთანა მოლა მოქმედებს ფანატიკს მაჰმადიანებზედ და რაღა თქმა უნდა, რომ ის უკან აღარ მოიხედავს და წინ დაუხედავად ვინ იცის, სად წავა.

უნდა ითქვას, რომ დიდათ ამაგდარი სერგეი მესხი მეტად დიდს ყურადღებას აქცევდა ამ ერის საქმეებს და ყოველთვის მაღალის სიბრალულით ააშკარავებდა მათს დასაღუპს ცნობებს. ამაზედ კიდევ გულ სათუთქ ცნობას 1880 წ. 14 მაისის სწერენ ბათუმიდან: გაზეთ „კავკაზში“ დაბეჭდილია ბათუმიდან მიღებული კორესპონდენცია, რომელიც შეეხება ამ უკანასკნელ ოსმალეთში გადასახლებულთ საქმეს: ეხლა 400 სული ჩამოსულა მაჭახლის მთებიდან ბათუმში იმ განზრახვით რომ აქ ოსმალს გემი მოვიდოდა და წაიყვანდა. ათი დღე თითქმის მშვიერ-მწყურვალი ხალხი ყრილა გარეთ, ზღვის ნაპირას, მაგრამ გემი არ მოსულა. ოსმალს კონსულს კი იმათთვის ვერ გაუბედნია პირ-და-პირ გამოეცხადა, რომ ფადიშახს არ სურს თქვენი გადასახლება ოსმალეთში და გემს ნუ მოელითო. ბოლოს რუსის გემ „როსტოვს“ წაუყვანია ეს ხალხი ნახევარ ფასად. სულ შარშან წასულა ბათუმის მაზრიდან 6000 კომლამდის, მაგრამ ზოგიერთებმა მეტად კარგი ადგილ მამული მიატოვეს. წელს ისევ დაბრუნდნენ, რადგან ოსმალეთში შიმშილი და ბევრი ტანჯვა-წვალება გამოიარეს.

ერთი სწერს: მაჭახლელთა გადასახლების მიზეზს და ამბობს, რომ მიზეზი იმათის წასვლის ის არისო, რომ მათ საყანური ადგილები ცოტა აქვსთო, მეორენი ამბობენ, რომ

– 112 –

რაც რუსმა აიღო ეს ქვეყანა, მას შემდეგ ჩვენი მიწა გაშავდა, წყალი გამწარდაო და ღმერთმა გონება წაგვართვაო. ნამდვილად კი მიზეზი ის არის, რომ ესენი ოსმალს დროს სულ ქურდობით, კონტრაბანტებით და ავკაცობით სცხოვრობდნენ

და ეხლა კი ეს მათ აღარ შეუძლიანთო.

ეს არის ჭორი და ცილი ერთ იმ მრავლთაგანი, რომლი-
თაც აღვსილნი იყვენენ იმ დროს ჩვენი მოციქულ მოხელენი.
ეს რომ მართალია, ბევრჯელ დაუსაბუთებიათ „დროებაში“
ცნობილ ბავრელს, ა. ჭყონიას, ჭია-ჭამიას, კრაზანას და სხვე-
ბსაც. შენიშნავს აგრეთვე ზემო ხსენებულ მწერალთ, რომ
ყველა ამაებთან მოლები და ხოჯებიც ურჩევენ წასვლასაო.
საკვირველი აქ ერთი ის არის, რომ ეს წამსვლელნი საქართვე-
ლოდამ არ მიჰყავს თვით ოსმალს გემებს და მათ ნაცვლად
რუსის გემები ეზიდებიან და გადაჰყავსთ! ყველამ ვიცით,
რომ ოსმალს მთავრობას ეხლა აღარ სურს ამათი იქით წა-
სვლა და ჩვენი გემები კი ეზიდებიან. ესეც ერთი დაფარული
მანქანები უნდა იყოს. ამასვე ასაბუთებს შემდეგი ცნობა, რო-
მელიც 20 ივნისს „დროებაშია“ დასტამბული. „ბათუმის
მაზრის უფროს ტრაპიზონის ვალისაგან (ლუბერნატორი) მო-
სვლია ქაღალდი, რომელსაც ის ატყობინებს, გადმოსახლებუ-
ლებს ვედარ მივიღებო. საზარელ მდგომარეობაში ჩაცვივნუ-
ლან ბათუმის მაზრის ქართველ მაჰმადიანები. ამ ამბის გამო
მრავალს დაეტოვებინა თავის მიწა-წყალი, გაეყიდა ავეჯეულე-
ბა, საქონელი, სახლებიც კი წასვლისთვის და ბათუმში იგი
უცდიდა წამავალ გემებს წასაყვანად. ასეთ პირთ წასვლა და-
უშალა გრიგოლ გურიელმა, მათ მისცა 15,000 მ. სესხად და იგი-
ნი ამ ფულით დაბრუნდნენ თავიანთ გაოხრებულ მამულებში.

19 ივნისს „დროებაში“ გ. გურიელი სწერს, რომ მე
მქონდა ბათუმის ბეგებთან ლაპარაკი გადასახლების შესახებ
და მათ მითხრეს, რომ მიზეზი ამინ მრავალნაირია და სხვათა
შორის აი რაო.

1, შთამომავლობითი ჩვენდამი კუთვნილი მიწა-ადგილე-
ბის დამტკიცება.

– 113 –

2, სარწმუნოების და სჯულის არ შეხება. რასაც არც
შეხებიან და არც ეხებიან.

3, ჩვენი ენის და ჩვეულების მცოდნე პირთა მრავლად
დანიშვნა, რომელთაც უშიშრად მოვახსენებთ ჩვენის ცხოვრების
და გაჭირების ცნობებს და

4, ამ სამის წლის განმავლობაში გადასახადის ჩუქება ჩვე-
ნი სიღარიბის და შემდგომ ომიანობისა სარჩოს ნაკლებობი-
სათვის.

მაგრამ ვერც ერთი ნიშანი ჩვენი მოწყალებისა ჩვენ ვერ
დავინახედ და რადგანაც ბერლინის კონგრესის ძალით ჩვენ
უფლება გვექონდა ამ სამი წლის განმავლობაში გადასახლების
უფლება ან აქ დარჩენისაო. ამიტომ ჩვენ ვექილები გავგზა-
ვნეთ სტამბოლში და ადგილებს ვითხოვოთ. თუ მოგვცეს ად-
გილები, მაშინ გადავსახლდებით, აქ არ დავრჩებითო. რაც
შეეხება რომ ჩვენ ქართველები ვართ და არა თურქებიო, ესეც
კარგად ვიცით და ისიცაო, თუ ჩვენ როდის დაუჭერივართ
ოსმალთ და ან როდის გაუთათრებივართო. ამ ცნობას ასა-

ბუთებს შემდეგი მაგალითი, რომელიც ანუსხულია 5 ივლისს „დროებაში“ 1880 წ. – „ბათუმის ქალაქის გამგეობამ ერთი იმისთანა ახალი გადასახადი შემოიღო, რომელიც ბათუმის მიდამოების და სოფლის მცხოვრებელთ მძიმე ტვირთად აწვებაო. ეს გადასახადი დაედო კაიუშკებს, ფელუკას და ნავებსო. უწინ ოსმალეთის მმართველობის დროს რამდენჯერაც შემოსცურავდა ბათუმის ბოლოში მენავეს იმდენი შაური უნდა გადაეხადნაო, და ეხლა კი ამნაირი გადასახადი მოსპეს და დააწესეს მთელი წლის გადასახადი 15 მანეთის ერთად აღებაო. ესეთი ხარჯებიც კი უხდებოდათ თურმე მრავალთ წასვლის მიზეზად.

3 აგვისტოს გაზ. „დროებაში“ არის ყარსიდამ დაბეჭდილია შემდეგი ცნობა „კავკაზიდამ: – „მთელის ყარსის მაზრიდამ თითქმის ყველა მაჰმადიანი მცხოვრებნი სტოვებენ თავიანთ მიწა-მამულს, ადგილ-წყალს და ოსმალეთში გადადი-

– 114 –

ანო. მიზეზი ამისა ის არისო, რომ ადრე ოსმალსო ხელში ეს ხალხი ბატონად გრძნობდა თავის თავს, როგორც უნდოდა ისე ეპყრობოდა ქრისტიან ხალხსო და ახლა რუსის ხელში თავის თავი დაჩაგრულად მიაჩნიადო, ძველებურად ბატონობის ნებას არ მისცემენო, და ამის გამო გადადიან ოსმალეთშიო, სადაც იმათი ბედის გამგებლად გაიურები არ იქნებიანო“.

რედაქცია ექვობს ამ შენიშვნისათვის, არა გვგონია, რომ მიზეზები მართოდ ეს იყოსო. უეჭველია აქაც იგივე პირობები იქნება, რაც ბათუმსა და სხვაგან გახლავსო. ჩვენც ასევე ვფიქრობთ, თორემ ქართველ მაჰმადიანთ დანატოვარნი ისე ადვილად არ წავიდოდნენ ოსმალეთში თავის მიწა მამულიდამ, რადგანაც იგინი ზემო ქართლის მცხოვრებივით მიწის მუშაკნი იყვნენ და არიან კიდევ. ამ ცნობის მეორე დღეს, 6 აგვისტოს „დროებაშივე“ დაიბეჭდა განცხადება ბათუმის გუბერნატორის, რომელიც ქართველ მაჰმადიანთ უცხადება შემდეგს: „ბათუმის ზოგიერთი სანჯახის ფუხარები და აღები ტყუილად აპყოლიან და ლაპარაკობენ, რომ რუსის მთავრობა ჩვენს საკუთარს მიწა-წყალს და სამართალს წაგვართმევენო, რომელიც ოსმალსო დროს გვქონიაო. ამისთანა ტყუილის ხათრით და ამბით შეშინებული ხალხი ამდგარა, დაუგდია ოხრად თავის სახლ-კარი და ემზადება მუჰაჯირად წასვლას ოსმალეთში. საწყალმა ის კი არ იცის, რომ იქ მათ მოელის დიდი მწუხარება: სიმშილი, წყურვილი და ცოლ-შვილის სიკვდილი. ამისთანა გონჯი ხაზარის და ამბების გასამტყუნებლად ჩვენ გვინდა გამოუცხადოთ ხალხს მთავრობის კეთილი ჰაზრი და სურვილი“.

შემდეგ ამის ეხება განცხადება მუსულმანის სჯულს, სარწმუნოებას და ოჯახს ვერავინ შეეხებაო, ამის ფიქრი ნურავის აქვსო, მუსულმანების წესების და ოჯახის საქმეების შეხება ჩვენს საქმე არ არისო. მუსულმანი და ქრისტიანი კანონის წინაშე ყველა ერთი არისო. მხოლოდ ვითხოვთ, რომ სისხლის აღება მოისპოს მათ შორის ადამიანურს გზას დაა-

უსაფუძვლოვო. განცხადება შეიცავს თორმეტ მუხლს. 8 მუხლი შეეხება გადასახლების საქმეს და ამიტომ აქ მხოლოდ ეს მოგვყავს. აი ეს მუხლი:

„8. სანამდის ბერლინის კონგრესით დადებული ვადა გადასახლებისა არ გავა, მანამდის მუსულმანებს შეუძლიანთ თავისუფლად გადასახლება ოსმალეთში. იმათ შეუძლიანთ გაჰყიდონ თავის სახლ-კარი და ნივთები, მაგრამ ადგილ-მამულს ვერ გაჰყიდიან. მოაჯირს შეუძლიან მარტო მიუღვის გაყიდვა, თუ ოსმალსაგან ბოძებული თავი აქვს. ბერლინის კონგრესის დადებული ვადა რომ გავა, იმის შემდეგ შეუძლიანთ თითო თითოს თვითეულს სახლობას ოსმალეთში გასვლა, მაგრამ ამისათვის პასპორტი უნდა აიღოს“.

ასე გახლდათ საქმე ბერლინის კონგრესზედ საქართველოს ადგილების და ქართველ მაჰმადიანთ შესახებ. აქ საუბარი იყო გამართული, იქ სჯიდენ და ვადას ადგენდენ ჩვენ შესახებ და ჩვენ კი არას გვკითხავდენ. საქართველო ოსმალეთისათვისაც ისეთივე უცხო იყო, როგორც თვით ბერლინის კონგრესი ევროპიელთათვის. არც ერთნი გვიცნობდენ და არც მეორენი. ოსმალეთს საქართველო ეჭირა მხოლოდ მიტომ, რომ ქართველები ეთათრებინა და აჭარელებისაგანაც სისხლი ეწოვათ. ეს იყო მათი საქმე, მის მეტი სხვა არაფერი და მიტომაც მოხდა საქმე, რომ კონგრესზედ ქართველ მაჰმადიანთ საქმე უბედურად გათავდა. შემდეგში ამ გათავებამ მათთვის დასალუპი მოვლენა იქონია და აზიურად ხალხის გადასვლ-გადმოსვლა თავის მიწა-მამულიდამ და მოსპობა. ქართველებს რომ შნო გვქონოდა და კონგრესზედ კაცები გაგვეგზავნა, იქ ჩვენებს ელაპარაკნათ ქართველ მაჰმადიანთ შესახებ, მაშინ საქმე ისე გათავდებოდა, რომ ოსმალეთის საქართველოდამ ერთი ქართველ მაჰმადიანიც არ დააპირებდა და არ წავიდოდა უცხო ქვეყნებში. ეს ჩვენ ვერ ვქმენით. ამას არც თვით ქართველ მაჰმადიანებმა მიაქციეს ყურადღება და როცა საქმე გაფუჭდა, როცა გადასახლებულებთ კარზედ დაღუპვა, შიმშილი და სი-

კვდილი მოადგათ, როცა მათ სამშობლოს უცხო ქვეყნებიდამ გამოტირვისთვის სალმის გზავნა დაიწყეს, როცა შინ დაბრუნების სახსარს ეძებდენ და ამ ძებნაში სწუხდებოდენ კიდეც შეუბრალებლად. ჩვენ მხოლოდ მაშინ გავახილეთ თვალები და დავიწყეთ წერა. თვით ქართველ მაჰმადიანთ მოწინავე პირებიც ხომ დაიხოცნენ ამ საქმის განსჭვრეტისათვის. იგინი არსებობდენ მხოლოდ ფანატიკობის და ვერაგობისათვის.

მათ თავიანთ თანამემამულეებს ვერაფერი სიკეთე და სამსახური გაუწიეს იმ გაჭირვების და გათახსირების დროს, ნაცვლად სამსახურის დასალუპის ქადაგებით აქეზებდენ და გადა-

სახლებისთვის წინ მიუძღვოდნენ. მათ ამისთანა შრომით დაი-
მსახურეს საგმობი ცნობა ისტორიაში და უარ საყოფი ღირ-
სება, საკიცი მათ მომავალ თაობისაგან მწარის გმობით და
უარის ყოფით. მთავრობის ამავე ზემოთ დაპირებულ განცხა-
დების დაბეჭდვის დროს რუსულ გაზეთ „გოლოსში“ დაბე-
ჭდილი იყო ესეთი ამბავი და ეს ამბავი „დროებაში“ გადმო-
ბეჭდა. აი: – „ერთი იმ საქმეთაგანი, რომლითაც მალე გადა-
წყვეტა სასურველია მმართველობის და ყველა ადგილობრივი
ინტერესებისთვის, უსათუოდ არის საკუთრებისა და თავის
უფლად გაცემის ადგილების აღვიარება ბათუმის გარეშე მდე-
ბიარე მიწისა. ამ საქმის გადაწყვეტას განსაკუთრებით ეხლა
ექმნება დიდი მნიშვნელობა, რადგანაც ადგილობრივ მცხოვ-
რებნი აწმყო წესების კმაყოფილნი არ არიან და სულ ყველანი
გადასახლებას აპირობენ ოსმლეთის სამფლობელოში. ამავე
დროს იმავე გაზეთის სიტყვით, ბათუმის გუბერნატორს წარუ-
დგნენ აჭარისა და სხვა ადგილების ბეგები და სთხოვეს, რომ
თუ გასურთ, რომ ჩვენ ჩვენს ქვეყანაში გავმაგრდეთ, მაშინ
ჩვენი მამულები დროით დაგვიმტკიცეთ და ჩაგვაბარეთ, რომ
ვიცოდეთ ჩვენი საკუთრების ვითარებაო. მთავრობა დაჰპირე-
ბია, მაგრამ დაპირება კი დროზედ ვერ შეუსრულეს. ამ სა-
განს შემდეგ „დროება“ მიუბრუნდა და შეეხო, რომ მთავ-
რობა დაპირებას არ უსრულებს, უგვიანებს და ამიტომ მოსა-

– 117 –

ლოდნელია, რომ ჩვენ იგინი ვერც მუქარით შევაშინოთ, რო-
გორც „გოლოსს“ ჰგონია და ვერც რამე დაპირებითაო. ისევ
მართალი საქმეა საჭირო, თუ გვინდა რომ ეს ხალხი თავის
მიწა მამულზედ დარჩეს და ეს ახლად შეძენილი კუთხე ხალ-
ხით არ დაცარიელდესო.

25 აგვისტოს არდანიუჯიდან ს. ბაგრელი სწერს შემდეგ
ცნობას შავშელთ გადასახლებულებზედ. „გადასახლებულების
ქარავანი თანდათან მატულობს, თითქმის აჭარის, მურღულის
და იმერხევის ნახევარი წავიდა. არდანიუჯიც იცლება, არტაა-
ნი ხომ დიდი ხანია დაცლილია; დანარჩენნიც მიდიან და
უნდა ხელში შეგვრჩეს ვერანა სოფლები“. დამწერი დიდათ
სწუხს ამ გარემოებაზედ და ამბობს, რომ მთელი ეს კუთხე
სულ დაცარიელდება და გავერანდებაო. აქ საკვირველი საკი-
თხი ჩვენთვის ერთი ის გახლავს, რომ ერთნი სწერენ გადა-
სახლებულთ რიცხვს ასობით ან ასეულად და ან კომლად.
მეორენი კი სწერენ ათასობით და ათიათასობით. ორში მარ-
თალი ის გახლავს, რაც შემდეგ თვით საქმემ გამოაჩინა და
რაც ჩვენც ვნახეთ და ავწერეთ.

მეტი არ იქნება აქ მოვიყვანოთ ამავე დროს შემდეგი ამ-
ბავი, რაც იმ დროის ქართველ მაჰმადიანთათვისაც უნდა გამ-
ხდარიყოს საყურადღებო. 25 აგვისტოს „დროებაში“ დაბეჭ-
დილია: – „16 აგვისტოს ბათუმში აგერ ხუთი დღეა, რაც აქ
მოვიდა ოსმალეთიდან გემი, რომელმაც მოიყვანა თან ათასი
სული ქრისტიანი (?) აფხაზები. ესენი თხოულობენ თავიანთ

მამულში დაბრუნებას, დასახლების ნებას. მათს თხოვნას არ უსრულებენ. საბრალონი სადრტვინველ მდგომარეობაში იმყოფებიან. თვრამეტი დღეა მას აქეთ, რაც გემში ისე ყრილ არიან, როგორც თევზები კასრაში. ხან აწვიმსთ, ხან მზე სწვამსთ, საქმელი კური არა აქვსთ. ამბობენ, შიმშილისაგან უკვე ათი კაცი მოკვდაო. კერძო ქველ-მოქმედება არ ყოფნისთ“.

აფხაზების საცოდავობამ ქვეყანა შეაწუხა, ბევრი სწერეს და ილაპარაკეს. ამ მწარე გარემოებას აგვისტოს „დროება“

– 118 –

კიდევ შეეხო. გაზეთმა ამ წერილით და აფხაზების უბედურების ანუ სხვით ქართველ მაჰმადიანებს ბევრი რამ გაახსენა, ასევე ჩვენს საზოგადოებას, თუ ხშირად როგორ აქეზებდნენ და კიდევაც აქეზებენ მრავალნი მტერნი გადასახლებას და როგორ ღუპავენ აფხაზებივითო. გაზეთმა საკანონო საზოგადოს წესით აღიარა, რომ აფხაზებს თავიანთ ქვეყანაში დაბრუნების უფლება აქვსთო. ამათი დაბრუნება კი მთავრობისათვის არ იყო საჩუქარი, რადგანაც აფხაზეთში მათს ადგილებზედ რუსებს ასახლებდნენ და რუსის დიდკაცებს ურიგებდნენ ათასი დესეტინობით, რათა იქ განმტკიცდეს მომავალში რუსის ერის ნიადაგიო.

ერთის სიტყვით დატანჯეს შინ დაბრუნებული აფხაზები ზღვაში და ზღვის ნაპირას ყრით. 13 აგვისტოს შეუწყნარებიათ აფხაზების თხოვნა და გადაუყვანიათ აფხაზეთში დიდის მსხვერპლის შეწირვის დროს. ამ უბედურთა მწარე დღეებს და წუთებს ქართველ მაჰმადიანებიც კარგად ხედავდნენ თავიანთის თვალებით.

11 ოქტომბერის „დროებაში“ დაბეჭდილია ფელეტონი აჭარიდამ. მგზავრთაგანი ერთ ალაგას გადასახლების შესახებ ასე სწერს: „აჭარელების აზრით, დიდი ცოდვა და დიდის სჯულის წინააღმდეგია, რომ რაკი ურჯულოებმა მათი ქვეყანა დაიჭირეს, მათი იქ დარჩენა! ზედა აჭარაში გამოჩენილ პირთა რიცხვში ითვლებიან ლომან ეფენდი, დიდი ჭკვიანი კაცი, დიდი გავლენისა ხალხში. აჭარელებმა რომ გაგზავნეს ოსმალეთში აღმორჩეულნი პირნი დასაზვერავად მათთვის ადგილე გისა. ეს ლომონ ეფენდი აღმასრულებელ პირთა რიცხვში გახლდათ. დაბრუნდა რა მოგზაურობიდამ, აი რა სიტყვები წარმოსთქვა ყრილობაში. „ბევრი ადგილი დავიარე, მაგრამ ჩვენი ქვეყნისთანა (აჭარა) შემკობილი და საჩვენო ვერსად რა ვნახერა. ამის გარდა ნამდვილი მაჰმადიანობა ჩვენში დარჩენილა, რჯული ჩვენისთანა სუფთად და წმინდად არავის უჭირავსთ სახონთქროში, – სადაც თითქმის ყველგან ქართველობა (ქრი-

– 119 –

სტიანება) შეპარულა. ამის გამო არ გირჩევთ გადასახლებას. ამგვარივე რჩევას, როგორც გავიგე, სწერენ აქაური ხოჯები, სტამბოლში მცხოვრებნი. მათ მიწერ-მოწერა აქვსთ დღესაც

ზოგიერთ გამოჩენილ აჭარელებთან“.

რამდენადაც ქართველ მაჰმადიანებს ახალ მთავრობის ზოგი რამ აწუხებდათ, იმდენადვე მათ აზინებდა სხვა და სხვა ფანატიკური გარემოებანიც, რჯულის შეხება, სალდათის გაყვანა, ქალების პირბადის ახდა და მრავალიც სხვანი. გარდასახლებასაც უპეტესად ამიტომ აპირობენო. ამ ჭორებს უვრცელებდნენ მათ მათივე მტრები. 27 აგვისტოს „დროებაში“ დაბეჭდილია წერილი ქობულეთიდან, საიდანაც მომყავს ერთი ადგილი, რაც გარდასახლებას შეეხება:

„ის პირები, რომელნიც გადასახლდნენ ოსმალეთში, დარჩათ აქეთ უძრავი საცხოვრებელი მიწა-წყალი, სასაკუთრო, საზიარო აქ დარჩენილებისა და ეს მიწა-წყალი, როგორც ამბობენ, წასვლის უმაღლვე ჩამოართვა ადგილობრივმა მთავრობამ აქ დარჩენილებს და სახაზინოთ ჩარიცხეს. რასაკვირველია ამ გვარი ქცევა ზოგი ერთ უფროსებს უკლამს გულს აქ დარჩენილების მოცდის სურვილი და აბრაზებს ჩვენზედ“. მეორე მოკლული პირების გაჭრაც აბრაზებს მათაო, რაც მაჰმადის სჯულის წესით წინააღმდეგია და შეუძლებელი მიცვალებულის გაჭრაო. ესეც აშფოთებს თურმე, მაგრამ რა. განა ესენია მარტო. მათ ყველაფერი აშფოთებდა, გაბრაზებულნი ყმაწვილებივით იყვნენ და აღარ იცოდნენ რა ექნათ, თავი როგორ შეენახათ თავიანთ მიწა-მამულზედ. ყოველი უბრალო რამე ბრახს ჰგვრიდა და წამდაუწუმ წავიდეთს ყვიროდნენ, წავიდეთ და წავიდეთო. 14 ნოემბერს „დროებაში“ ერთი ქართველ ბეგთაგანი წერილს სწერს ფელეტონად. სხვათა შორის ერთ ალგას იმ გარემოებასაც ეხება, თუ ქართველ მაჰმადიანები რათ სახლდებიან უცხო ოსმალეთის ადგილებშიო. ამის მიზეზი ერთის ბეგისთვის იმ დროის მთავარ მართებელსაც უკითხავს ასე: „რა არის მიზეზი, რომ თქვენ სამშობლო მა-

– 120 –

მულს სტოვებთ, სახლ-კარს ყოფა ცხოვრებას და მიდიხართ საზღვარ გარეთო? თუ რამ გაჭირება გაქვსთ, ნურავის მოგვერიდებათ, მე მითხარიითო? და სხვა კიდევ ბევრი კეთილი და გონიერი სიტყვები გვიბრძანაო“. ამაზედ ერთ ქართველ მაჰმადიანს მიუგია დაახლოვებით ასეთი პასუხი: ბატონოვო, თქვენთან მოსვლა ვერ მოვახერხეთო, მოვახერხოთ და მოვიდეთ, ვინ იცის იქნება არც მოგვიშვან, ეხლა რაკი აქ მობრძანდით, ისევ აქ მოგახსენებთ ყველაფერსაო. მიზეზი ჩვენის გადასახლებისა გახლავსთ ისაო, რომ ჩვენი აქ ყოფნის საქმეები აირ-დაირია, ჩვენი საკუთარი მამულები წაგვართვეს და მთავრობის კაცებმა თავიანთვის მიიკერძესო. ჩვენ ვსთხოვთ რამეს და ყურს არ გვიგდებენო. ისე გვიცქერიან, როგორც ძაღლებს, თავიანთ ახლად მითვისებულ მამულებში წყაროებიც კი გაიყვანეს და ჩვენ კი ჩვენებზედ ხელს გვაღებინებენ და აბა მაშ რა ვქნათ, სად და როგორ წავილეთ იოლათა, რომ არ გადავსახლდეთო. თუ ჩვენს მდგომარეობას ყურადღებას არ მიაქცევთ, მაშინ ან ციმბირში გაგვგზავნეთ ან გემში ჩაგვყარეთ

და ოსმალში გაგვისტუმრედ თქვენს ბათუმში ყოფნამდეო.“ ეს პირი სწერს, რომ ჩვენ ფანატოკებს გვიწოდებენო, რომ ვითომც ფანატიკიობით ვსტოვებთ ჩვენს სამშობლოსაო. სჯულის ფანატიკი სამშობლოს არ დასტოვებს ადვილათაო. საქმე აქ იმას შეეხება, რომ ჩვენს საკუთრებას გვართმევენ, თვით ისაკუთრებენ და აბა ჩვენ რაღა გვეთქმის ამის მეტი და ან რა გავაკეთოთ. თუნდ თქვენ ქრისტიანებს ასე რომ მოგეცნენ, მაშინ თქვენ კი დაშთებით აქაო... არა მგონიაო. უნდა ითქვას, რომ ეს ბეგი თავის ჰაზრით მართალია, მაგრამ აქ მათში ვინ არ არის მართალი, ყველა და თითქმის ყველგან, მაგრამ მათ რომ ფანატიკ წამქეზებლებიც ჰყვანდათ და აქეზებდნენ გადასახლებისათვის, ამას კი ვგონებ ეჭვი და თათბირი არა სჭირდება, ყოველივე მართალია.

30 ნოემბერს „დროებაში“ ფელეტონია დაბეჭდილი, სახელდობრ „მომძის აღსარება“ ბათუმელის ქართველ მაჰმად-

– 121 –

დიანის ახმედ ალა გოგონ ოღლისაგან, იგივე ნადირაძე. ეს ახმედ ალა გამოცდილი კაცია და თავის სამშობლო ქვეყნის და ისტორიის ვითარების მცოდნე. ამ პატივცემულ პირს თვით სახარების ცოდნაც ჰქონია. აქ მოჰყავს ადგილები სახარების. ამბობს, რომ ჩვენი გადასახლების მიზეზები პირდაპირ ჩვენი უსაკუთრობა არის და უმიწა-მამულოდ დატოვებაო. ჩვენ თუ ჩვენს იარებზედ ლაპარაკის უფლება გვექნება და ჩვენი საკუთრებაც ჩვენს ხელთ იქნებაო, მაშინ აქედამ არავინ დაიმჯრება და წავაო. ესენი უკმაყოფილონი არიან თვით ოსმალეთის მთავრობაზედაც, რომ ქართველ მაჰმადიანებს გათათრების უმაღვე საადგილმამულო მიწათ მოვალეობის უფლებაც შეუცვალეს და ქართული საკუთრება მოშალესო.

ჩემგან შეკრებილი და დაბეჭდილი 1891 წ. ქობულეთელების გადასახლება.

ქობულეთიდან ოსმალს მთავრობა ხალხს ოსმალში ასახლებდა ძველადგან. ამათი გადასახლების ცნობები ცოტა არის. ხოლო ქობულეთში ხშირად უამბნიად, რომ ქობულეთელი მოუსვენრები არიან და ამიტომ ოსმალნიც მათ ხშირად ასახლებდენ სხვა და სხვა კუთხეებშიო. ყველაზედ მწვავე გადასახლება ქობულეთში 1877 წ. დაიწყო. ამ დროთა გადასახლებულთ შესახებ იტყვიან სხვა და სხვა ცნობებს. ერთნი იტყოდნენ, რომ ქობულეთიდან ოსმალში გადასახლდა 2500 მოსახლეო ანუ 12 000 სული ორივე სქესისო. მეორენი ამბობდნენ, რომ 5000 მოსახლე წავიდაო. ხოლო მათში რამდენი რიცხვი იყო, ამისი კი არა იცოდნენ რა. მესამენი იტყოდნენ, რომ ალი ფაშამ ქობულეთიდან გადასახლა 7000 ათასი მოსახლეო.

ალი ფაშამ 7000 კომლი გადასახლაო. ჩვენთვის კარგად არ არის ცნობილი, თუ ეს 7000 კომლი მან მარტოდ

ქობულეთიდან გადასახლა, თუ სხვა კუთხეებიდანაც, მაგ: ჩაქვიდამ, კახაბრიდამ, მაჭახლიდამ, აჭარიდამ თუ ან სხვა რომელიმე კუთხიდან, ან მარტოდ ქობულეთიდან. ისიც არის ამბათ დაშთენილი, რომ ალი ფაშამ 30,000 ათასი სული გადაიყვანა ოსმალშიო. შეიძლება 7000 კომლიდამ 30.000 სული იყო. ესეც ადვილი შესაძლებელი არის, ხოლო ჩვენ მის შესახებ კი ვერა გავიგეთ რა, თუ ალი ფაშამ ეს 7000 ათასი კომლი საიდან გადასახლა.

ამ რიცხვს ამბობენ ქობულეთში. აჭარაში ამბობენ 2500 კომლს, მაჭახელში 30,000 სულს და ბათუმში კიდევ სხვა გვარად. ჩვენ ხალხის გადმოცემის ცნობების მეტ ნაკლებობას ვერ შევეხებით. მოვიყვან ახლა იმ გადასახლებულთა ცნობებს, რაც 1891 წლებს იქმნა შეკრებილი და რის ზოგი ცნობები იმავ დროის ქართულ გაზეთებშიც იქმნა დასტამბული. ჩვენ შეკრებილი ცნობები ზემოდ მოყვანილ ცნობებს ერთობ ეწიწააღმდეგება. მაშინაც იყვნენ და დღესაც იქმნებიან მრავლად ისეთნი, რომელთაც კარგად ეხსომებათ ის გარემოება, თუ ქობულეთიდან რამდენი ათასი კომლი თუ სული გადასახლდა. ამის შესახები ცნობები ჩვენის ისტორიისათვის ძვირფასად დაფასდება.

გადასახლებულნი ქობულეთის მაზრიდან.

სოფ ქაქუთი, გადასახლდა . . .	30 კომ.
სოფ ლელვა, გადასახლდა . . .	25კომ.
სოფ. წყავრუკა, გადასახლდა . . .	50 კომ.
სოფ . კუხე, გადასახლდა . . .	40 კომ.
სოფ. ჩეხედენი, გადასახლდა . . .	30 კომ.
სოფ. აჭყვისთავი, გადასახლდა . . .	30 კომ.
სოფ. ზენეთი, გადასახლდა . . .	40 კომ.
სოფ. ალამბარი, გადასახლდა . . .	100 კომ.

სოფ. გვარა, გადასახლდა . . .	30 კომ.
სოფ. ხუც უბანი, გადასახლდა . . .	50 კომ.
დაბა ძველ-ქობულეთი გადას. . .	40 კომ.
სოფ. კონდიდი, გადასახლდა . . .	20 კომ.
სოფ. კოხი, გადასახლდა . . .	30 კომ.
სოფ. კვირიკე, გადასახლდა . . .	137 კომ.
სოფ. დაგვა, გადასახლდა . . .	30 კომ.
სოფ. სამება გადასახლდა . . .	20 კომ.
სოფ. ჭახათი, გადასახლდა . . .	10 კომ.
სოფი კეჭიეთი, გადასახლდა . . .	20 კომ.
სოფ. ვარჯანული, გადასახლდა. . .	15 კომ.
სოფ. ტყემაკრავი, გადასახლდა . . .	10 კომ.

სოფ. ცხემუანი, გადასახლდა	. . .	10 კომ.
სოფ კობალაური, გადასახლდა	. . .	40 კომი
სოფ. ჩურუქსუდამ, გადასახლდა	. . .	80 კომ.
სოფ. ზარა ბოსელი, გადასახლდა	. . .	25 კომ.
სოფ. დიდი ვაკე, გადასახლდა	. . .	40 კომ.
სოფ ზემო ხინო, გადასახლდა	. . .	40 კომ.
სოფ. ჩაქვა, გადასახლდა	. . .	13 კომ.
სოფ. ხალა, გადასახლდა	. . .	40 კომ.
სოფ. ჩაქვის თავი, გადასახლდა	. . .	40 კომ.
სოფ. გორგამნეები, გადასახლდა	. . .	20 კომ.
სოფ. მახინჯაური, გადასახლდა	. . .	40 კომ.
სოფ. ორთო ბათუმი, გადასახლდა	. . .	15 კომ.
სოფ. ყოროლის თავი, გადასახლდა	. . .	25 კომ.
სოფ. აგარა, გადასახლდა	. . .	14 კომ.
სოფ. ახალ შენი, გადასახლდა	. . .	20 კომ.
სოფ. ხალვაშენეები, გადასახლდა	. . .	40 კომ.

და სხვა და სხვა.

ქობულეთის ნაწილში აქ მოხსენებულ სოფლებს გარდა სხვა წვრილი და დიდი სოფლებიც არის. წვრილ სოფლები-დამ წასულთ ცნობები ჩვენ ვერა შევიტყეთ რა, რადგანც იქი-

დამ თითო ოროლა კომლი წასულა. აქ არ ვახსენეთ ზოგი ერთის სოფლები, სადაც დღეს სულ აღარავინ სცხოვრობს, მთელი სოფელი დაიცალა და გადასახლდა. სოფელში მოსახლეთა სახლები ტყის ნადირის თავ-შესაფარად გადაიქცა. ასეთ სოფლების რიცხვიც დიდი არის. ასეთი იყო მაგალითებრ სოფ. კვირიკე, საიდანაც მთლად წავიდა ხალხი. სოფელი სულ ცარიელი დარჩა.

მაინც უნდა ითქვას, რომ ხალხის თქმით ქობულეთის ნაწილიდამ 2000 კომლზედ მეტი წავიდ. ვისაც კი ჰკითხავ, თუ ქობულეთიდან რამდენი მოსახლე წავიდაო? ყველა გეტყვის, რომ 2000 ათას მოსახლეზე მეტით. ჩვენგან მოთვლილ გადასახლებულ ცნობები კი ვგონებთ 1200 მოსახლეზედ მეტი არ არის. ხალხი ლაპარაკობს, რომ 2000 მოსახლეზედ მეტი წავიდაო და აქ მოყვანილი ცნობები კი სხვას გვეუბნება. ამის მიზეზი ვგონებთ ის უნდა იყოს, რასაც ჩემი გამოუცდლობით პატარ-პატარა სოფლებიდან წასულთ მცირე რიცხვს არ ვნუსხავდი, რომელთა რიცხვიც ოსმალთა მფლობელობის დროს აქეთ ერთობ დიდი იყო. მთელი ქობულეთის ველები, ტყეები და ფერდოები სულ სოფლებით იყო სავსე. დღეს კი იქ ნასოფლარებიც აღარა სჩანს. ვგონებდ სულ ამეებიდამ უნდა იყოს მომხდარი ამათ რიცხვის უცოდინრობა და შეცდომა, თორემ დღესაც იტყვიან ხოლმე, რომ ქობულეთიდან 2000 ათასი მოსახლეზედ მეტი წავიდა „მუჰაჯირათაო“, ზოგნი 2500 მოსახლეს იტყვიან, ზოგნი კი 5000 მოსახლესაც და ყოველივე ამას დაბეჯითებითაც ირწმუნებიან.

შეკრებილი 1892 წ. გადასახლებულნი ქვედა აჭარიდამ.

სოფ. დანდოლოდამ, გადასახლდა . . .	10 კომ.
სოფ. ჯალაბაშვილები, გადასახლდა . . .	5 კომ.
სოფ. გოგიაური, გადასახლდა . . .	5 კომ.
სოფ. ზაქარიაძეები, გადასახლდა . . .	10 კომ.

– 125 –

სოფ არსანაული, გადასახლდა მრავლად. რიცხვი წასულელებისა ვერ შევიტყე. სთქვეს, რომ მთელი სოფელი წავიდაო. რა იყო წასვლის მიზეზი, რომ მთლად აიყარნენ, ამის მიზეზი უცნობად დამიშთა.

სოფ. გოგისეული, გადასახლდა . . .	25 კომ.
სოფი კოკიტაური, გადასახლდა . . .	4 კომ.
სოფ. გელიაშვილები, გადასახლდა . . .	5 კომ.
სოფ. ბაბუჩაშვილები, გადასახლდა . . .	5 კომ.
სოფ კეკელიძე, გადასახლდა . . .	5 კომ.
სოფ. გეწაძეები, გადასახლდა . . .	2 კომ.
სოფ. შალაძე, გადასახლდა . . .	4 კომ.
სოფ. ცხომრისი, გადასახლდა . . .	90 კომ.
სოფ. აბუკეთი, გადასახლდა . . .	15 კომ.
სოფ. კანტაური, გადასახლდა . . .	10 კომ.
სოფ. ტბეთა. (შავშ. ტბეთი არ არის ეს) გად.	30 კომ.
სოფ. ნავანები. ხოჯის ქადაგებით გად.	40 კომ.

სოფ. ქვამტა, გადასახლდა 20 კომ. გადასახლებას აქეზებდნენ ამ სოფლის მებატონე ჯაყელები.

სოფ. ვაიო, გადასახლდა . . .	25 კომ.
-----------------------------	---------

სოფ. აქუცა, გადასახლდა. 15 კომ. აქ სცხოვრობდნენ მაჰმადიანთ ერისთავები. ესენი აქეზებდნენ ხალხს გადასახლებისათვის, თვითაც მთლად გადასახლდნენ ოსმალეთში. ამ სოფლიდამ გახლდათ ხოსროვ ფაშა, ერისთავი, ოსმალეთის დიდი მინსტერი. ეს ხოსროვ ფაშა 1840 წლებს იყო ინგლისში გაგზავნილი.

სოფ. დაბა ქედა, გადასახლდე . . .	20 კომ.
სოფ. მერისი. წინედ აქ 700 კომ. იყო, ეხლა კი 100 კომლი არის, მაშასადამე გადასახლებულა 600 კომ.	

სოფ კუჭური, გადასახლდა . . .	14 კომ.
სოფ. კაპარტყე, გადასახლდა . . .	10 კომ.
სოფ. სიხლაძე, გადასახლდა . . .	10 კომ.
სოფ. ქემშიმ ოღლი, ამათ ქრისტიანობა დიდხანს შეუნახავთ, ამიტომ უბრძვიათ. გადასახლდა 10 კომ.	

– 126 –

სოფ. ალიქოღლი. აქ დასახლებულან მესხეთიდან მოსული ქართველ მაჰმადიანები, ბევრი უბრძოლიად. გადასახლდა 10 კომლი.

სოფ. გოგნიძე, აქაურ ქართველებსაც სჯულისთვის ბევ-

რი უბრძოლიად, გადასახლდნენ 15 კომ.

სოფ. მეძიბნა. აქაური მცხოვრებნი ბრძოლაში გამწყდარან, მერე აქ დასახლებულან არდანუჯის და ართვინის ქართ. მაჰმადიანები. გადასახლდა 10 კომ.

სოფ. შავაბურა. მშვენიერი სოფელია, ხშირად სოფ. შავად იბურება, გადასახლდა 20 კომ.

სოფ. აგოთა, გადასახლდა . . . 5 კომ.

სოფ. სილაბაური, ესენი ისლამს დაუკავშირდნენ 1780 წ. გადასახლდნენ 10 კომ.

სოფ. გარეტყე, 1850 წ. ოსმალთ ომში ამათაგან ბევრნი გამწყდარან, გად. 10 კომ.

სოფ. სამზიარი, მშვენიერ სამზირალ ალაგას სძევს, გადასახლდა 10 კომ.

სოფ. ნამონასტევი, გადასახლდა . . . 5 კომ.

სოფ. ორცვა გადასახლდა . . . 30 კომ.

სოფ. კაკოლლი, გადასახლდა . . . 5 კომ.

სოფ. ძენწმანი, გადასახლდა . . . 8 კომ.

სოფ. კორომხეთი, გადასახლდა . . . 15 კომ.

სოფ. ორთახონა, გადასახლდა . . . 15 კომ.

სოფ. დერე ხონა, გადასახლდა . . . 10 კომ.

სოფ. ლოლაძე, გადასახლდა . . . 5 კომ.

სოფ. შოთიძე, გადასახლდა . . . 20 კომ.

სოფ. ახო, გადასახლდა . . . 5 კომ.

სოფ. გობურნეთი, გადასახლდა . . . 5 კომ.

სოფ. ვარჯანისი, გადასახლდა . . . 10 კომ.

სოფ. კენივრი, გადასახლდა . . . 5 კომ.

სოფ. სვანივრი, გადასახლდა . . . 8 კომ.

სოფ. ქინძაკარა, გადასახლდა . . . 5 კომ.

სოფ. წონივრი, გადასახლდა რამდენიმე კომლი.

სოფ. ბზუ ბზო, გადასახლდა . . . 30 კომ.

სოფ. ზვარე, გადასახლდა . . . 40 კომ.

სოფ. ზე სოფელი, გადასახლდა . . . 10 კომ.

სოფ. გულეზი, გადასახლდა . . . 15 კომ.

სოფ. სალორეთი, გადასახლდა . . . 60 კომ.

სოთ. ქვედა მახუნცეთი, გად. . . 40 კომ.

სოფ. ზედა მახუნცეთი, გადასახ. . . 20 კომ.

სოფ. კვირიტაული, გადასახლდა . . . 10 კომ.

სოფ. ბაბუჩაშვილები, გადასახლდა . . . 10 კომ.

სოფ. ბელტური, გადასახლდა . . . 15 კომ.

სოფ. დოლოგანი, გადასახლდა . . . 20 კომ.

სოფ. საფარა, გადასახლდა . . . 10 კომ.

სოფ. ჭიკანძე, გადასახლდა . . . 8 კომ.

სოფ. კაპნის თავი, გადასახლდა . . . 20 კომ.

სოფ. კიბე, გადასახლდა . . . 15 კომ.

სოფ. ჭალახმელა, გადასახლდა . . . 15 კომ.

სოფ. უჩხითი, გადასახლდა . . . 10 კომ.

სოფ. კირნაითი, გადასახლდა	.	.	10 კომ.
სოფ. მილისი, გადასახლდა	.	.	15 კომ.
სოფ. ერგე გადასახლდა	.	.	10 კომ.
სოფ. მიკიტაური, გადასახლდა	.	.	15 კომ.
სოფ. ხელვაჩაური, გადასახლდა	.	.	6 კომ.
სოფ. შარაშიძე, გადასახლდა	.	.	6 კომ.
სოფ. თოფალაშვილები, გად,	.	.	10 კომ.
სოფ. ურეცი, გადასახლდა	.	.	15 კომ.
სოფ. დედაბერა, გადასახლდა	.	.	5 კომ.
სოფ. სიმონეთი, გადასახლდა	.	.	10 კომ.
სოფ. მახო, გადასახლდა	.	.	5 კომ.
სოფ. თხილნარი, გადასახლდა	.	.	5 კომ.
სოფ. ყარაშარვალი. 1850 წ. ამ სოფლის მცხო-			
ვრებ (40 კომ.) ქართ. მაჰმადიანები ოსმალთა ბრძანებით			

ოსმალეთში გადასახლეს, ამათ ალაგას აფხაზები დასახლდნ.

სოფ. ყომრალი მთელი სოფლის მცხოვრებნი 60 კ.) ოსმალეთის მთავრობამ 1850 წ. ოსმალთა აფრიკაში გადასახლა, ამათ ალაგას იქიდან შავი ხალხი მოიყვანეს და დაასახლეს. ესენი დღესაც სცხოვრებენ აქ. (არაბები)

სოფ. წითელი მიწა. ამ სოფლის ქართველ მაჰმადიანები (50 კომ) მთავრობის ძალით ოსმალში იქმნენ გადასახლებულნი 1850 წლებს.

აჭარის (ქვედა სოფლებიდან გადასახლებულთ სწორე ცნობები ჩვენ არ გვაქვს. ეს ცნობები მე შევკრიბე 1891-93 წლებს, როცა იქ მრავლად სცხოვრობდნ ისეთი პირნი, რომელთაც გადასახლების ყოველივე კარგად ახსოვდათ. ამათის სიტყვით ვწერე ეს ცნობები. იგინი ამბობდნ, რომ ქვედა აჭარიდან 1500 კომლზედ მეტი წავიდა ოსმალში. ჩემი მოყვანილი ცნობები კი ამ რიცხვს არ უდრის, იგი მცირე არის. აჭარიდან ხალხი მთლად აპირებდა გადასახლებას. ამისთვის იგინი სამზადის ომის დაწყების დროსვე მიეცნენო. ამ გარემოებას მოლები და ხოჯებიც უფრო ამწვავებდნო.

მთელი აჭარა რომ არ დაიცალა და არ გავიდა ოსმალში, ამის მიზეზი არის აჭარის მუფთი ახმედ ეფენდი ხალიფაშვილი მერისელი, რომელიც აჭარლებს ამშვიდებდა, აწყნარებდა და არ უშვებდა წასასვლელათაო. ამავე აზრის იყვნენ თითო ოროლა სხვა და სხვა ბეგები და მათ შორის ტუპამ ბეგ. შარუაშიძეო. ეს პირნი რომ არ ყოფილიყვნენ, მაშინ შეიძლება აჭარლები მთლად გადასახლებულიყვნენო, რადგანაც მათ დიდი წამქეზებლები ჰყვანდათო. ასეთნი იყვნენ თვით ქართველ გვარის ფაშებიცო, მაგალითებრ როგორც ოსმან ფაშა თავდგირიძე, ალი ფაშა თავდგირიძე, ქემილ ფაშა ხიმშიაშვილი და მრავალიც სხვანიო.

სთქვს ამათ, ჯერეთ რუსებს ეს ომი არც კი დაეწყოთ, რომ აჭარლებმა უკვე აყრისათვის სამზადისი დაიწყეს, რად-

განაც მათში თქმულება იყო, რომ ამ კუთხეს რუსნი უსათუოდ აიღებენო. ეს ომი მათ რაც უნდა ძვირად დაუჯდეს, ამ მხარეს კი მაინც აუღებელს არ გაუშვებენ და ამიტომ ჩვენ წინათვე გვირჩევნია, რომ მოვიშალოთ და წავიდეთო. ის იყო ომი თავდებოდა, მორიგებაზედ ჩამოვარდა ლაპარაკი და ამ კუთხის შეერთებაზედ და ქართველ მაჰმადიანებმაც დაიწყეს სამზადისი, აყრა და წასვლა ოსმალშიო. ჯერ რუსები არ იყვნენ მოსულნი, რომ ესენი უკვე მიიპარებოდნენ ოსმალეთშიო. ასე, რომ ვისაც კი ცოტა კაი მამული აქვდა, ის იმას ჰყიდდა ფუხარა კაცზედ და თვით კი მიდიოდა ოსმალშიო. ამიტომ ბევრის გადასახლებულის ცნობა წერილობით სულ არ სჩანს. წინად წასულების ზოგი უკან მობრუნდაო, რუსებმა ეს არ იცოდნენ. იგინი თავიანთ მამულებს დაეპატრონენ ისევეო, მყიდველთაგან უკან დაიბრუნესო. უმეტესი ნაწილი კი ოსმალში დაშთნენო. ხშირად მომხდარა ისიც, რომ პატრონს ორჯერ მეტი მიუცია ფული და ისე დაუბრუნებია თავისი მამული უკანვე. ბათუმში კი ვინც გაყიდა რამე მამული და წავიდნენ, მათის რიცხვის კი არავინ დაბრუნებულა უკან, მამულების დავა აღარ აუტეხნიათ.

შეკრებილი 1892 წ. გადასახლებულნი ზედა აჭარიდამ.

სოფ. ბაკოდამ, გადასახლდა	3 კომ.
სოფ. თხილვანა, გადასახლდა	5 კომ.
სოფ. გორხანაული, გადასახლდა	8 კომ.
სოფ. კოლონჩნარი, გადასახლდა	10 კომ.
სოფ. ყაიბაში, გადასახლდა	3 კომ.
სოფ. ბერსენაული, გადასახლდა	4 კომ.
სოფ. დაბა ძველი, გადასახლდა	10 კომ.
სოფ. ოქრო პარულა, გადასახლდა	10 კომ.
სოფ. ორთა მეჰელი, გადასახლდა	5 კომ.
სოფ. სკვანა, გადასახლდა	3 კომ.

სოფ. ხეხადირი, გადასახლდა	8 კომ.
სოფ. ორთა ხევი, გადასახლდა	2 კომ.
სოფ. ძმა გულა, გადასახლდა	5 კომ.
სოფ. ბახმარო, გადასახლდა	10 კომ.
სოფ. ფურტიო, გადასახლდა	5 კომ.
სოფ. მჭედრული, გადასახლდა	3 კომ.
სოფ. თათერული, გადასახლდა	3 კომ.
სოფ. ბუთურაული, გადასახლდა	5 კომ.
სოფ. ნენია, გადასახლდა	3 კომ.
სოფ. გუნდარა, გადასახლდა	5 კომ.
სოფ. ყინჩაური, გადასახლდა	5 კომ.

სოფ. გორგაული, გადასახლდა	6 კომ.
სოფ. ფორჩხა, გადასახლდა	2 კომ.
სოფ. წაბლანა, გადასახლდა	3 კომ.
სოფ. კალოთა, გადასახლდა	3 კომ.
სოფ. ფუშრუკაული, გად.	2 კომ.
სოფ. რაქვთა, გადასახლდა	5 კომ.
სოფ. ვერნები, გადასახლდა	4 კომ.
სოფ. მალაკური, გადასახლდა	4 კომ.
სოფ. პაპაშვილები, გადასახლდა	3 კომ.
სოფ. კობალთა, გადასახლდა	5 კომ.
სოფ. ქუთაური, გადასახლდა	3 კომ.
სოფ. დარჩიძეები, გადასახლდა	5 კომ.
სოფ. წყაროთა, გადასახლდა	5 კომ.
სოფ. შუბაანი, გადასახლდა	6 კომ.
სოფ. ტომაშეთი, გადასახლდა	5 კომ.
სოფ. აგარა, გადასახლდა	10 კომ.
სოფ. საციხური, გადასახლდა	8 კომ.
სოფ. სამახრეო, გადასახლდა	5 კომ.
სოფ. ვანაძეები, გადასახლდა	10 კომ.
სოფ. მიმიტა, გადასახლდა	12 კომ.
სოფ. ალმე, გადასახლდა	5 კომ.

– 131 –

სოფ. წინწკარა, გადასახლდა	5 კომ.
სოფ. სტეფანეშვილები, გად.	3 კომ.
სოფ. ტუნაძე, გადასახლდა	10 კომ.
სოფ. ირემაძე გადასახლდა	6 კომ.
სოფ. შავაძე, გადასახლდა	5 კომ.
სოფ. ყადიოღლები, გადასახ..	5 კომ.
სოფ. ჯირკვა, გადასახლდა	3 კომ.
სოფ. გადასახვევი, გადასახლდა	10 კომ.
სოფ. ოქროაშვილები, გადასახლდა	5 კომ.
დაბა ხულო, გადასახლდა	25 კომ.
სოფ. ქედლები, გადასახლდა.	10 კომ.
სოფ. ღორჯომი, გადასახლდა	15 კომ.
სოფ. ზეგანი, გადასახლდა	5 კომ.
სოფ. ლომსაძენი, გადასახლდა	3 კომ.
სოფ. ტბეთა, გადასახლდა	7 კომ.
სოფ. სამოლეთი, გადასახლდა	4. კომ.
სოფ. მოფრინიძე, გადასახლდა	12 კომ.
სოფ. დაკლაკიძე, გადასახლდა	8 კომ.
სოფ. ცონარიძე, გადასახლდა	10 კომ.
სოფ. ჯაბანიძე, გადასახლდა.	6 კომ.
სოფ. ქიძინიძე, გადასახლდა	3 კომ.
სოფ. ღვანა, გადასახლდა	10 კომ.
სოფ. ლომინაური, გადასახლდა	5 კომ.
სოფ. გოგინაური, გადასახლდა	5 კომ.
სოფ. კვინიხიძე, გადასახლდა	3 კომ.

სოფ. კარპეტი, გადასახლდა . . .	10 კომ.
სოფ. მაწყვალთა, გადასახლდა . . .	5 კომ.
სოფ. ჯუმუშაური, გადასახლდა . . .	40 კომ.
ამ სოფლის ხალხი ოსმალის მთავრობას გადაუსახლებია ოსმალში 1850 წლებს, რაღაც წინააღმდეგობის გამო.	
სოფ. ოლდაური, გადასახლდა . . .	10 კომ.
სოფ. ბელეთი, გადასახლდა . . .	5 კომ.

– 132 –

სოფ. დიოკნისი, გადასახლდა . . .	5 კომ.
სოფ. ტაბახმელა გადასახლდა . . .	10 კომ.
სოფ. ბოგაური, გადასახლდა . . .	5 კომ.
სოფ. ელელიძე, გადასახლდა . . .	15 კომ.
სოფ. მანიაკეთი, გადასახლდა . . .	8 კომ.
სოფ. კორტოხა, გადასახლდა. . .	15 კომ.
სოფ. რიყეთი, გადასახლდა . . .	10 კომ.
სოფ. დანისპარულა გადასახლდა . . .	8 კომ.
სოფ. ახალ დაბა, გადასახლდა . . .	6 კომ.
სოფ. ცხემლისი, გადასახლდა . . .	5 კომ.
სოფ. ჟანივრი, გადასახლდა . . .	10 კომ.
სოფ. წინსაყარი, გადასახლდა . . .	10 კომ.
სოფ. ნაღვარევი, გადასახლდა . . .	5 კომ.
სოფ. ბრილი, გადასახლდა . . .	12 კომ.
სოფ. ვარჯანული: (მესამე) გად. . .	3 კომ.
სოფ. წყომრისი, გადასახლდა . . .	5 კომ.
სოფ. ჭალა, გადასახლდა . . .	2 კომ.
სოფ. ზემო ხევი გადასახლდა . . .	15 კომ.
სოფ. ბარათაული, გადასახლდა . . .	5 კომ.

აქ უცხოვრიათ ბეგებ ბარათოღლებს, ბარათაშვილები, ესენი ეხლა სულ ოსმალში გადასახლებულან. აქ არავინ დაშთენილა.

სოფ. გომართელი, გადასახლდა . . .	6 კომ.
სოფ. ვანი, გადასახლდა . . .	8 კომ.
სოფ. ნიგაზეული, გადასახლდა . . .	4 კომ.
სოფ. ჩაო, გადასახლდა . . .	7 კომ.
სოფ. თაგო, გადასახლდა . . .	12 კომ.
სოფ. აბულეთი, გადასახლდა . . .	5 კომ.
სოფ. მელაძე, გადასახლდა . . .	6 კომ.
სოფ. ჩანჩხალო, გადასახლდა . . .	6 კომ.
სოფ. დანისპარულა, გადასახლდა . . .	5 კომ.

აქ ჩამოთვლილ სოფლებიდან გადასახლებულთა რიცხვი

– 133 –

აჩენს, რომ ზეგნიდამ ისე უხვათ არ წასულან, როგორც ეს ლივანიდამ, ქობულეთიდან და სხვა ადგილებიდან იქმნა. ამის მიზეზი ის არის, რომ აქაური ქართველ მაჰმადიანობა უფრო მხვნელ-მთესველი ხალხია, მეურნეობის მიმდევარი, ამიტომ

ესენი გადასახლების საქმეს ისე არ მისდევდნენ, როგორც სხვა ქართველ მაჰმადიანები.

თუმცა დაბეჯითებით სთქვეს, რომ ზეგნიდამ 2000 კომ-
ლზედ მეტი წავიდაო. 500 კომლი ომის დაწყების დროს
გადავიდნენ და ზოგნიც მერე, ვიდრე დრო იყო გადასახლე-
ბისაო. მე კი ამ რიცხვის გადასახლებულთ ცნობები ვერ შე-
ვკრიბე. სჩანს ცნობების მომთხრობ მოხუცებულ ქართველ
მაჰმადიანები ნაკლებ რიცხვს მეუბნებოდნენ ხოლმე, ან იქნება
ისიც მოხდა, რომ ამათ, ზოგი რამ შორი, ანუ მიყრუებულ
სოფლებიდან წასულთ ცნობები არ იცოდნენ, მეც მიტომ
არას მეუბნებოდნენ. მე მაინც გადაწყვეტით ვერას ვიტყვი,
ხოლო ჩემი მგზავრობის დროს 1891-1896 წლამდის ვისაც
კი ჰკითხავდი, თუ ზეგიდამ რამდენი წავიდა ოსმალშიო? გე-
ტყოდნენ თამამად, რომ 2000 კომლზედ მეტიო.

შეკრებილი 1892 წ. მურღულის ხეობის სოფლები.

სოფ. ტრაპენი, გადასახლდა	50 კომ.
სოფ. არხვა, გადასახლდა	45 კომ.
ამ სოფელში დარჩა მარტოდ ერთი გვარის ოჯახი, სა- ხელდობრ ბოლქვაძენი.	
სოფ. ჟვანა, გადასახლდა	20 კომ.
სოფ. ქამალეთი, გადასახლდა	30 კომ.
სოფ. პუქურეთია, გადასახლდა	40 კომ.
სოფ. ერგვანი, გადასახლდა	25 კომ.
სოფ. კორიდეთი, გადასახლდა	30 კომ.
სოფ. ოსმალო, გადასახლდა	20 კომ.
სოფ. დუჩა, გადასახლდა	15 კომ.

სოფ მეზრე, გადასახლდა	30 კომ.
სოფ. მანცულა, გადასახლდა	20 კომ.
სოფ. იფრხევი, გადასახლდა.	35 კომ.
სოფ. კაპარჭეთი, გადასახლდა	40 კომ.
სოფ. გურბინი, გადასახლდა	30 კომ.
სოფ. ბაგა, გადასახლდა	50 კომ.
სოფ. ქურა, გადასახლდა	20 კომ.
სოფ. ჩხალეთი, გადასახლდა	30 კომ.
სოფ. გოგილეთი, გადასახლდა	25 კომ.
სოფ. ბამქორი, გადასახლდა	50კომ.
სოფ. ფორსეთი, გადასახლდა	40 კომ.
სოფ. ჭალაკი, გადასახლდა	30 კომ.
სოფ გომჩირეთი, გადასახლდა	25 კომ.
სოფ. ურძუმა, გადასახლდა	35 კომ.
სოფ. ნაღვარევი, გადასახლდა	40 კომ.
სოფ. კეველი, გადასახლდა	25 კომ.
სოფ. ზედა აქურა, გადასახლდა	30 კომ.

სხვა და სხვა წვრილ სოფლებიდან წასულთ ჩვენ არ ვა-

სახელებით. ასე რომ მთელი მურღულის მხარე დაიცალა, სოფელში თითო ოროლა კომლი დარჩა. მთლად ამ კუთხიდან მუჰაჯირად 1500 კომლზედ მეტი წასულა, ჩვენ კი ნაკლები რიცხვი გვაქვს შეკრებილ-მოყვანილი. მურღულის ხეობა მეტად მშვენიერი ხეობა არის, მდიდარი მადნებით და მოსავლითაც უხვი, ჭამითაც კარგი. ამიტომ ქართველ მაჰმადიანები მალე მოვიდნენ გონებაზედ და გარდასახლებულთა ბევრი დაბრუნდა ისევ და დასახლდა თავის სამშობლოში. ამით გადასახლებულებმა დაბრუნების დანიშნულ ვადას მოასწრეს და მიტომ იქმნენ მთავრობისაგან მიღებულ და თავ-თავიანთ ალგას დასახლებულნი.

– 135 –

შეკრებილი 1893 წ. გადასახლებულნი ლივანის სოფლები-ბიბამ.

სოფ. ბაგინი, გადასახლდა	20 კომ.
სოფ. დევესქელი, გადასახლდა	25 კომ.
სოფ. ცანათისი, გადასახლდა	10 კომ.
სოფ. ოხორჯონი, გადასახლდა	8 კომ.
სოფ. ბანაკა, გადასახლდა	3 კომ.
სოფ. სამახრეო, გადასახლდა	7 კომ.
სოფ. არვეთი, გადასახლდა	4 კომ.
სოფ. ნიაგი, გადასახლდა	5 კომ.
სოფ. ებრიკა, გადასახლდა	4 კომ.
სოფ. მამა წმინდა, რამდენიმე კომლი გადასახლდა, რიცხვი ვერ გავიგე.	
სოფ. ღნია, გადასახლდა	3 კომ.
სოფ. ადაგულა, გადასახლდა	20 კომ.
სოფ. პეტრული, გადასახლდა	7 კომ.
სოფ. კვარცხანა, გადასახლდა	10 კომ.
სოფ. სინქოთი, გადასახლდა	12 კომ.
სოფ. არხვა, გადასახლდა	15 კომ.
სოფ. ორჯი, გადასახლდა	25 კომ.
სოფ. ავანა, გადასახლდა	5 კომ.
სოფ. თხილამე, გადასახლდა	7 კომ.
სოფ. კოსტლა, გადასახლდა	10 კომ.
სოფ. წითურეთი, მთლად გადასახლდა. სოფელი კარგა ფართო მცხოვრებთა რიცხვი ყოფილა. დაახლოვებით უნდა ყოფილიყოს 60 კომ.	
დაბა ბორჩხა, გადასახლდა	40 კომ.
სოფ. ქელასყური, გადასახლდა	20 კომ.
ქსელასყურის ხეობის სოფლებიბიბამ გად.	200 კომ.

– 136 –

სოფ. არჩუეთი, გადასახლდა	30 კომ.
სოფ. ჭკადუეთ, გადასახლდა	20 კომ.

სოფ. კინწყურითი, გადასახლდა	.	.	40 კომ.
სოფ. ცოცხები, გადასახლდა.	.	.	30 კომ.
სოფ. ზედა უბანი, გადასახლდა	.	.	25 კომ.
სოფ. მურკეთი, გადასახლდა	.	.	15 კომ.
სოფ. შუბანი, გადასახლდა	.	.	20 კომ.
სოფ. ნადარბაზევი, გადასახლდა	.	.	20 კომ.
სოფ. ბურდუხეთი, გადასახლდა	.	.	20 კომ.
სოფ. საბაური, გადასახლდა.	.	.	15 კომ.
სოფ. გორგაული, გადასახლდა	.	.	10 კომ.
სოფ. ქესტაშა, გადასახლდა	.	.	12 კომ.
სოფ. ხიჩკარა, გადასახლდა	.	.	20 კომ.
სოფ. ოლდაური, გადასახლდა	.	.	30 კომ.
სოფ. ჯონკურეთი, გადასახლდა	.	.	25 კომ.
დაბა მარადიდი (დიდი) გადასახლდა	.	.	60 კომ.
სოფ. მარილოდი, გადასახლდა	.	.	40 კომ.

ერთს ქვემო მარადიდი ეწოდება, მეორეს ზემო მარადიდი. ლივანის სოფლებში ყველაზედ მეტი მტრობა ლივანის ხოჯებმა და მოლებმა გამოიჩინეს, მიუხედავად იმისი, რომ ამათი უფროსი იყო გონიერი ახმედ ეფენდი ხალვაში, რომელიც მცხოვრებთ აწყნარებდა და აშოშმინებდა, რომ ნუ იყრებით, ოსმალში ნუ მიხვალთ, რუსნი არაფერს დაგიშავებენო, იგინი მაინც თავიანთ ჰაზრს მკაცრად იცავდნენ, ამიტომ გადასახლდნენ ისე, რომ ორივე მარადიდი თოთქმის მთლად დაიცალა.

ლივანის შესახებ ქართველ მაჰმადიანებმა მიაშბეს: ლივანში ბევრი სოფელი ისე დაიცალა, რომ იქ დღეს აღარავინ სცხოვრობს, სოფლები მთლად მოისპო, სახლები სულ დაიქცა და დაინგრა. ასეთი ცარიელი სოფლები მე არც ამინუსხავს. ეს გარემოება საბუთდება მათისავე მონათხრობის შემდეგის ცნობებისაგან.

მცოდნე ქართველ მაჰმადიანებმა სთქვეს, რომ ლივანიდამ 2000 კომლი მეტი წავიდაო. აქ აღარავინ დარჩაო. ჩემი ანუსხული ცნობები კი არც 1000 კომლია. მაშასადამე მე გამოპარებული და აუწერელი მაქვს კარგა საკმარისი რიცხვის სოფლებთა ცნობებს. ლივანა დიდი კუთხე არის, აჭარაზედ მეტი.

შეკრებილი 1893 წ. გადასახლებულნი მაჭახლის სოფლებიდან.

სოფ. გვარა, გადასახლდა	.	.	40 კომ.
სოფ. ქედ-ქედი, გადასახლდა	.	.	35 კომ.
სოფ. ჭანივრი, გადასახლდა	.	.	30 კომ.
სოფ. აჭარის აღმართი, გადასახლდა.	.	.	20 კომ.
სოფ. ცხემლანა, გადასახლდა	.	.	40 კომ.
სოფ. ჩუკუნეთი, გადასახლდა	.	.	25 კომ.
სოფ. ჩხუტუნეთი, გადასახლდა	.	.	25 კომ.

სოფ. ხერთვისი, გადასახლდა	. 45 კომ.
პატარა ხერთვისი, გადასახლდა	. 25 კომ.
სოფ. მინდიეთი, გადასახლდა	. 40 კომ.
სოფ. აგარა, გადასახლდა	. 30 კომ.
სოფ. ეფერატი, გადასახლდა	. 25 კომ.
სოფ. ქვაბის თავი, გადასახლდა	. 20 კომ.
სოფ. ზედა-ვაკე, გადასახლდა	. 20 კომ.
სოფ. გორგამეთი, გადასახლდა	. 25 კომ.
სოფ. საფუტკრეთი, გადასახლდა	. 35 კომ.
სოფ. სინდიეთი, გადასახლდა	. 25 კომ.
სოფ. მაჭახლის პირი, გადასახლდა	. 20 კომ.
სოფ. კირნათი, გადასახლდა	. 30 კომ.
სოფ. მალლაკონი, გადასახლდა	. 20 კომ.
სოფ. ჭალახმელა, გადასახლდა	. 30 კომ.
სოფ. უჩხითი, გადასახლდა	. 30 კომ.
სოფ. მილისი, გადასახლდა	. 15 კომ.

– 138 –

სოფ. ძნელიეთი, გადასახლდა	. 35 კომ.
სოფ. ბაზარეთი, გადასახლდა	. 30 კომ.
სოფ. კახიეთი, გადასახლდა	. 40 კომ.
სოფ. ნაქალაქევი, გადასახლდა	. 25 კომ.
სოფ. ოჯიბაური, გადასახლდა	. 20 კომ.
სოფ. გომარეთი, გადასახლდა	. 40 კომ.
სოფ. კეჟერეთი, გადასახლდა	. 15 კომ.
სოფ. ხინკალეთი, გადასახლდა	. 20 კომ.
სოფ. კირკიტეთი, გადასახლდა	. 30 კომ.
სოფ. საყანური, გადასახლდა	. 40 კომ.
სოფ. გვიანეთი, გადასახლდა	. 20 კომ.

და სხვაც წვრილი სოფლები. ჩვენ ყველას აქ არ ვახსენებთ. ეს ცნობაც მაჭახელში შეგვკრიბე, მიაშვს მცოდნე რთველ მაჰმადიანებმა, რომ ყველაზედ მრავლად მაჭახლელები გადასახლდნენო. ოსმალოს დროს აქ სცხოვრობდა 30,000 კაცზედ მეტით. ომის გათავების შემდეგ ერთ დროს აქედამ გადასახლდა 17,000 ათასით, მერე კიდენ გადასახლდნენო, ისე, რომ მთელი მაჭახელი დაიცალაო. მართლაც და ჩემი მგზავრობის დროს ტყეებში ხშირად მხვდებოდა ხალხით სრულიად ცარიელი სოფლები. გადასახლების შემდეგ მაჭახელში სულ 700 კომლიდა ირიცხებოდა. ასე დაცარიელდა ეს კუთხე, ასე მოისპო აქ ქართველ მაჰმადიანთ რიცხვი. ვინც ოსმალში წავიდნენ, ისინიც იქით გაწყდნენ.

შავშეთიდან წასულნი.

შავშეთიდან – ანუ მთელის შავშეთის სოფლებიდან გადასახლდა 10,000 სული. უკანასკნელ ომის დროს, ვიდრე გადასახლების ვადა გათავდებოდა.

შემდეგ წლებს, ანუ 1895-1602 წლებამდის, სხვა და

სხვა დროს გადასახლდა 1000 კომ. უკანასკნელი რიცხვი ოფიციალურად იყო დასაბუთებული და პირველი ცნო-

– 139 –

ბები კი შავშეთში მიაშვეს. სამწუხაროდ, რადგანაც აქ ქართველ მაჰმადიანებს ქართული ენა დაკარგული აქვს, ამიტომ მე მათი სოფლები სათითაოდ არ ავწუხებ და ისე არ მოვიხსენე, როგორც სხვა კუთხის სოფლები ავწერეთ, თუ საიდან, ანუ რომელ სოფლიდან რამდენი სული წავიდა ოსმალში. მე იქ ზედ მიწევნით ზემოხსენებული ცნობა მიაშვეს. მეორე ცნობა კი შეეხება ასეთ შემთხვევას: 800 კომლმა დასტოვა ყოველივე თავის უძრავი ქონების, მაგალითებრ სახლკარი, სულადი საქონელი, სახლის ყოველივე ავეჯეულობა. მარტოდ მოკრიბეს საჭირო ლოგინი, ტანთ-საცმელი და მთავრობის ჩუმათ გადასახლდნენ ოსმალში.

ეს მათი გადასახლება ისე ჩუმად მოხდა და ისე ოსტატურად, რომ რუსის მთავრობის მოხელეს იქ ვერა შეუტყვიარა. მერე კი გაიგეს, მაგრამ ერთობ გვიან. ამაზედ უმაღლეს მთავრობამ გამოძიებაც მოითხოვა მასზედ, თუ ქართველ მაჰმადიანები რა მიზეზებით გაიპარნენ ოსმალეთშიო. ეხლა ჩვენ ავწუხებთ შავშეთის ნაწილის იმერ ხევის სოფლებს, რომელშიაც მცხოვრებნი, ანუ ქართველ მაჰმადიანები ქართულად ლაპარაკობენ. იმერ ხევი შავშეთის შუა სძევს. იგი ართვინის ოლქის ნაწილს შეადგენს. რადგანაც დღემდე ქართული ენა აქვს შენახული, ამიტომ ავწუხებთ სათითაოდ.

ჩემის მგზავრობის დროს შავშეთში შეკრებილ ცნობებმა გვაჩვენა, რომ 1878 წლიდან ვიდრე 1882 წლამდის ოსმალეთში „მუჰაჯირად“ წასულა 10,000 სული, ეს რიცხვი მომცეს იქაურ ქართველ მაჰმადიანებმა, რომელთაც ეს უბედურება თავიანთ თვალთ ენახათ და „მუჰაჯირის“ გამო დაწვრილებით ლაპარაკიც იცოდნენ. ესენი ამბობდნენ, რომ წასულთა რიცხვი ამაზედ მეტი იყო. მე მეტი არ ავწუხებ, მარტოდ მოვიყვანე ის რიცხვი, რაც მათ დამისახელეს. სხვა და სხვა სოფლების კომლობით აწუხებთ მე არ გამოვეკიდე.

– 140 –

შეკრებილი 1893 წ. შავშეთის ს იმერხევიდან გადასახლებულნი (ართვინის ოლქი).

სოფ. ხობლეური გადასახლდა	15 კომ.
სოფ. აგარა, გადასახლდა	20 კომ.
სოფ. შოლტის ხევი, გადასახლდა	25 კომ.
სოფ. წყალსიმერი, გადასახლდა	40 კომ.
სოფ. წითლოეთი, გადასახლდა	10 კომ.
სოფ. დიობანი, გადასახლდა	20 კომ.
სოფ. იფრხევი, გადასახლდა	10 კომ.

სოფ. ივეთი, გადასახლდა . . .	20 კომ.
სოფ. უბე, გადასახლდა . . .	25 კომ.
სოფ. ძიოსი, გადასახლდა . . .	15 კომ.
სოფ. ხემწვრილი, გადასახლდა . . .	20 კომ.
სოფ. დაბა ძველი, გადასახლდა . . .	20 კომ.
სოფ. ბელტიეთი, გადასახლდა . . .	20 კომ.
სოფ. ზაქიეთი, გადასახლდა . . .	15 კომ.
სოფ. ბაძგირეთი, გადასახლდა . . .	25 კომ.
სოფ. ლეონიძე, გადასახლდა . . .	10 კომ.
სოფ. ჩიხარი, გადასახლდა . . .	15 კომ.
სოფ. ციხის ხევი, გადასახლდა . . .	10 კომ.
სოფ. უსტამისი, გადასახლდა . . .	20 კომ.
სოფ. გრილ-აგარა, გადასახლდა . . .	25 კომ.
სოფ. შხიკიური, გადასახლდა . . .	15 კომ.
სოფ. ლივანის ძირი, გადასახლდა . . .	10 კომ.
სოფ. ჩაქველთა, გადასახლდა . . .	12 კომ.
სოფ. შავმთა, გადასახლდა . . .	15 კომ.
სოფ. ხარსანა, გადასახლდა . . .	10 კომ.
სოფ. გორგიტიხანა, გადასახლდა . . .	20 კომ.
სოფ. ოქროს წუა, გადასახლდა . . .	10 კომ.
სოფ. ახალ დაბა, გადასახლდა . . .	8 კომ.

– 141 –

სოფ. გარყლუფი, გადასახლდა . . .	15 კომ.
სოფ. ჯვარები, გადასახლდა . . .	10 კომ.
სოფ. მიქელეთი, გადასახლდა . . .	20 კომ.
სოფ. მანატბა, გადასახლდა . . .	25 კომ.
სოფ. წყეთის ძირი, გადასახლდა . . .	15 კომ.
სოფ. დევაგულა, გადასახლდა . . .	20 კომ.

ეს ცნობები იმერხევიდამ წასულთ შესახებ შევკრიბე შავშეთს და იმერხევის სოფელ წყალ სიმერს. მოთხრობილი არის კარგად მცოდნე მოხუც მუხთრებ და სხვა ასეთ პირებ-თაგან, რომელთაც კარგად ახსოვდათ გადასახლების ცნობები. ესენი იტყოდნენ ხოლმე, რომ ჩვენ სისრულით ვერ გეუბნე-ბით წასულთა რიცხვსაო. თუმცა იმერ ხევი კლდე დრონი ადგილებია, მაგრამ მაინც აქ ხალხით სოფლები სავსე იყო. ეხლა კი აქ აღარავინ არის, განახევრდა-დაცალიერდაო.

აქ მოყვანილი ცნობები შემოწმებული არის ადგილობრივ სოფლებში, იქ სადაც რა გადასახლება იყო. არის მეორე ნაი-რი ცნობებიც მუჰაჯირათ წასულთ შესახებ, რაც ზეპირად იცოდნენ მუსულმანთ ხოჯებმა და მოლებმა. მე ეს ცნობები ერთად არ დავწერე სოფლის მუხთრებისაგან ნაამბობი. ერის-კაცთა და მოხუცებულთა ცნობები ცალკე დავწერე და ხო-ჯების და მოლებისაგან მოთხრობილი ცალკე. ეხლა მოვიყვან ამათაგან მოთხრობილ ცნობებს, ერთნი მეორეს შეესაბამებთან. შეესაბამებთან არა მარტო ხალხის და სოფლების რიცხვით, არამედ თვით გადასახლების მიზეზების ამბებითაც. მაგალითებრ 1889-1891 წ. მე მქონდა ლაპარაკი სხვა და სხვა ხოჯებს

და მოღებთან და მათ ერთხელაც არ უთქვამსთ გადასახლებულთ საცოდაობა, გაჭირებულთ ცხოვრება და ის სიმწუხარე, რასაც გადასახლებულნი ოსმალეთში სცდიდნენ.

ბევრჯერ განგებ ველაპარაკე სხვა და სხვა ხოჯებსა და მოლებს. ვკითხე ბევრი რამ სიტკბოთი და ნამდვილ ისლამის გულშემატკივრობით, რომ რათ წავიდნენ აქედამ, რათ დაილუპეს თავი მეთქი, მაგრამ მათგან მე პასუხი კი არა და სი-

– 142 –

ტყვა, კრინტიც ვერ გავიგე. მე რომ გადასახლებულთ გაჭირებას და ვაებას ვუამბობდი, იგინი სულ განაბულნი ისმენდნენ და პასუხათ იძლეოდნენ: – „აღბათ გამჩენელი ღმერთის ბრძანება ისეთი გახლდათ და მათაც მიტომ დაადგათ ეგეთი დღენი, კაცი ღმერთის ბრძანების წინააღმდეგი ხომ არ გახდება. რა უყოთ, ყველაფერი ღვთის ბრძანებას ემორჩილებაო“ აი ეს და ასეთი სიტყვები იყო მათ პასუხათ. ამდენ ხოჯებსა და გოლებში მარტოდ ერთი ხოჯა ვნახე, რომელმაც მწუხარება განაცხადა გადასახლებულთ შესახებ და სინანულით სთქვა, რომ ჩვენმა ხალხმა უბრალოდ დაილუპა თავი, დასტოვა სახლ-კარი და წავიდნენ თავიანთ თავის დასაღუპათ.

ეს ხოჯა გახლავსთ ნური ეფენდ ბერიძე, იგივე დაბა ხულოს ყადი, გონიერი კაცი, რომელმაც 1894 წ. ბევრი რამ ამბები მიაგმო ქართველ მაჰმადიანთ ცხოვრების შესახებ. ასეთ ცნობებს გარდა, მანვე მიაგმო, რომ 1878 წ. როცა დიმიტრი ბაქრაძე მოგზაურობდა აქეტკენ, იგი ჩვენს სახლში იყო რამდენსამე დღესაო, ასევე გიორგი ყაზიბეგი და სხვასაც ბევრ ასეთ მოგზაურონი ქართველ ქრისტიანებისაო. ამ ხოჯის წინაპარნი იყვნენ სულ გონიერი სასულიერო პირნი და ერთი მათგანი გახლდათ თვით მამა ამისი ჰაჯი ლომან ეფენდი ბერიძე. ეს პირი სტამბოლში სცხოვრობდა. იგი ალოცებდა სულთან აზიზს ამავე სულთანის დროს. იგი სტამბოლში დადგენილ იქმნა მთელის ოსმალეთის შეიხულ ისლამათ. ამ პირს დიდი ხმა და გავლენა ჰქონია ოსმალეთის მთავრობაზედ. იგი თურმე დიდი მფარველი იყო ქართველ მაჰმადიანების სტამბოლში. მის დროს ქართველ მაჰმადიანს იქ ვერავინ დასჩაგრავდაო. ნური ეფენდი ამ პირისაგან ყოფილა გამცნებული. მიტომაც ეს დიდი წინააღმდეგი ყოფილა ქართველ მაჰმადიანთ მუჰაჯირად წასვლის.

შევიტყე, რომ ხოჯებს და მოლებს ცოდვათ მიაჩნდათ თურმე და ვერავინ რა სიტყვას იტყოდა გადასახლებულთ გაჭირებულ ცხოვრების შესახებ. ეს იმიტომ, რადგანაც იგი

– 143 –

რჯულის ცოდვა იქნებოდა. სასულიერო პირს რაც გინდ გაჭირებული ცნობები შეეტყო მუჰაჯირთა ცხოვრების შესახებ. იგი აქ მას სულ არ გაამჟღავნებდა, არაფერს იტყოდა, რომ მით გული არავის ასცრუებოდა იქით წასვლაზედ. სწორე

ცნობები ყოველთვის უნდა დაეფარა და თუ ლაპარაკს დაიწყებდა, მაშინ უნდა ეთქვა, რომ მუჰაჯირნი ოსმალეთში ძრიელ კარგად სცხოვრობენო. ესეთი გარემოება ამ წოდებისა ისე მძლავრად არის აზვირთებული, რასაც ფანატიკობის საზღვარი არა აქვს. 1894 წ. მე ვიყავი ბორჩარს და მურღელის ხეობას. მგზავრობის დროს ბორჩხაში ვნახე ერთი ქართველ მაჰმადიანი, ოსმალში მუჰაჯირად წასული. ეს ქართველი ხოჯა არის. იქ გაჭირებაში ჩავარდნილა და მიტომ მოსულა თავის სამშობლოში, რომ აქ საჭმელი სიმინდი მოაგროვოს და გაგზავნოს ოსმალში თავის ოჯახში საჭმელად, თორემ იქ შვირები ვიხოცებითო.

ეს ხოჯა სუფთათ ჩაცმული კი იყო, ხალხში საჭიროდ ლაპარაკობდა, რომ მუჰაჯირები ოსმალში კარგად სცხოვრობენ. იქ მათ კაი ცხოვრება აქვსთ, ფულსაც ოქროს შოულობენო. ასეთის თავმოწონებით ლაპარაკობდა ეს ხალხში მუჰაჯირთა შესახებ. ერთ ალაგას, მის ლაპარაკის დროს, მე აღარ დავუთმე და ხოჯებისა და მოღების წინაშე უთხარი: ძიავ, თუ მუჰაჯირნი იქ ასე კარგად სცხოვრობენ, მაშ თქვენ აქ რათ მოხველით და სიმინდს რათ აგროვებთ იქ წასაღებათ მეთქი. მას ეწყინა ეს თქმა, ხოჯებმა და მოღებმა ერთმანეთს შეხედეს და მერე ამ მოსულმა მკითხა: ეგ ვინ გითხრა შენაო? ვინც გითხრა, იმას ისიც უნდა ეთქვა, რომ მე სიმინდს ფუხარა ხალხისთვის ვაგროვებო, ფუხარა იქაც არის და აქაცაო. ეს პირი თურმე მთავრობის ჩუმათ აგროვებდა სიმინდს და შეწირულებას, იგი არავის უნდა შეეტყო და მით უფრო გიჟურს. მე ვინც მითხრა ამ მოსულის საიდუმლო ხოჯის ამბავი, იმან ის კი არ მაუწყა, რომ ეს საქმე, ან შეწირვა სწარმოებდა საიდუმლოდ და მისი გამხელა არ შეიძლებოდა. ეს რომ

– 144 –

მცოდნიყო, მაშინ არც მე ვკითხავდი ამ პირს ისე საჯაროდ. ხოჯებმა ბევრი მეხვეწეს, სთქვი, ვინ გითხრა ეგ ტყუილიო, მაგრამ მე არ უთხარი. ერთმა ხოჯამ სთქვა:

ვინ ეტყოდა და ჩვენი მუსულმანი კაცი ეტყოდაო.

ამ საიდუმლოდ მოსულ ხოჯამ დიდი ძალი სიმინდი მოკრიბა, თითქმის რამდენიმე ათასი ფუთი. ყველა იგინი ოსმალში გემით წაიღო. ამავე პირს ეთქვა, ჩვენები იქ ისე იტანჯებიან სიღარიბისაგან, რომ შვილებს ჰყიდიან სიმინდშიო, ამიტომ იმას დიდი დახმარება მისცეს მურღელის ხეობაში და ლივანას. ჩემს იქ ყოფნის დროს წავიდა ეს პირი ოსმალში და თან წაიღო დიდი ძალი სიმინდი. აქ მე ეხლა მოვიყვან იმ ცნობებს გადასახლებულთ შესახებ, რაც კი მოთხრობილი არის ხოჯებისა და მოღებისაგან. ეს ცნობები შეიძლება ზემოდ მოყვანილ ცნობებს ეწინააღმდეგებოდეს. ამის შესახებ ჩვენ ვერაფერს ვიტყვით. ცნობების არ ცოდნის მიზეზები ის გახლავსთ, რომ ამ გადასახლების შესახებ არაფერი ცნობები იწერებოდა. ზოგნი ჩუმად მირბოდნენ და აღარ ბრუნდებოდნენ. აქ მოყვანილ ცნობებთან სოფლებს კი არ დავასახე-

ლებ, რადგანაც ყველა ამ კუთხის ქართველ მაჰმადიანთ სოფლებში მაჰმადიანთ შორის ქართული ენა დაკარგული, მოსპობილი არის. მე დაწერე ისე, როგორც მცოდნე ხოჯები და მოლები ლაპარაკობდნენ. ვფიქრობ, რომ ალბათ მათ ყველა ეს ცნობები ოსმალურად სადმე დაწერილიც აქვდათ, თუ მათის ქადაგების ცდით რამდენი ხალხი გადასახლეს ოსმალში. ეს მათ მთავრობასთან გამოადგებოდათ.

როგორც გამოირკვა ოსმალთა სასულიერო წოდების ქადაგება და ლაპარაკისაგან, მათ მეტად დიდი ზეგავლენა ჰქონიათ იმ ქართველ მაჰმადიანებზედ, სადაც ქართული ენა დაკარგული ყოფილა. ხოჯები ასეთებს უფრო ადვილად იმორჩილებდნენ, ამათ უფრო მრავლად ასახლებდნენ, თუმცა არცარა ქართულად მოლაპარაკე ქართველ მაჰმადიანებს დააკლეს გადასახლების ტრფიალება. ერთნიც და მეორენიც

– 145 –

უხვად მიდიოდნენ თავიანთ თავის დასალუპათ და სულის საცხონებლად. დაურთავთ კვალად, რომ ქართველ მაჰმადიანთ სასულიერო წოდებას შეიძლება ამ მუჰაჯირათ წასულთ შესახებ რამე დაწერილი ცნობებიც აქვდესთ, ყოველივე შეიკლება.

საერთო ჯამი გადასახლებულთა ცნობების.

ეს ცნობები შეკრებილი არის 1891-94 წლებამდე. ცნობების რაოდენობა მოთხრობილი არის ბათუმის მუფთის ჰასან ეფენდი გვერდამესაგან. ჰასან ეფენდი გვერდამე აჭარის სოფელ ზუნდაგული გახლავსთ, კარგი, გონიერი მუფთი არის. რუსის მთავრობის ნიშნებს გარდა სხვაც ბევრი ღირსებაც აქვს, მასთან შეგნებული მის მცნებაც, რომ ჩვენ ბატონო, ქართულად მოლაპარაკენი ვართო. ჩვენი სოფელი სულ ღვინის ჭურებით არის სავსეო. ჩვენი ქალ-ბაღანა სულ ქართულად ლაპარაკობენ, ეხლა ჩვენებმა ქართული კითხვის სწავლაც დაიწყეს. თქვენც ამობმანდით ჩვენს სოფელში და ნახეთ ყოველივე ესენიო.

ამ მუფთს 1877-78 წ. ომების გამო ბევრ-ნაირი წვალება გამოუვლია. იგი კარგად იცნობს ქართველ მაჰმადიანთ ცხოვრებას. მას გადასახლების წინააღმდეგ დიდათ უშრომნია და აჭარის მუფთ ახმედ ეფენდი ხალიფაშვილთან ბევრს ცდილა, რომ აჭარიდამ ხალხი სულ წასულიყო. ამ პატივცემულ მეფთს ოსმალურს ენაზედ რაღაც ბარათები და მიწაწერი ცნობები აქვს სხვა და სხვა თათრულ წიგნების კაზიმებზედ, საიდამაც იგი ტყობილობს ცნობებს წასულთ შესახებ.

ამ პირთან ხშირად მქონია ლაპარაკი წასულთა შესახებ. მიკითხავს საერთოდ ჯამი მთელ ქართველ მაჰმადიანების ცნობები და დამივალეზია მისთვის ამის მოცემა. მან შეასრულა ჩემი თხოვნა დარამდენიმე წლის განმავლობის შემდეგ გადმომცა ეს ცნობები წასულთ შესახებ. ამას მე აქ ვათავსებ

ისე, როგორც ამ ცნობილმა სასულიერო პირმა გადმომცა.
აი მისი სიტყვები და ცნობანი:

12,000 ათასი წავიდა ქობულეთ-კინტრიშიდამ.

5000 ათასი წავიდა ბათუმიდამ.

3000 ათასი წავიდა კახაბრიდამ.

30,000 ათასი წავიდა მაჭახლიდამ.

10,000 ათასი წავიდა ქვედა-აჭარიდამ.

8000 ათასი წავიდა ზედა-აჭარიდამ.

20,000 ათასი წავიდა ლივანიდამ. მარადიდელნი მთლად
დაიცალნენ. ლივანა არის ლოზანას სევი, ანუ მთელი ჭორო-
ხის ხეობა ართვინამდე.

8000 ათასი წავიდა მურლულის ხეობიდან.

5000 ათასი წავიდა იმერ ხევიდან, შავშეთის ნაწილი.

10,000 ათასი წავიდა მთელის შავშეთიდან 1000 კომ.

20,000 ათასი წავიდა არტანის სოფლებიდან.

25,000 ათასი წავიდა ოლთისის სოფლებიდან.

5000 სული წავიდა ჩხალის ხეობიდან 500 კომ.

4000 ათასი წავიდა ართვინიდან 600 კომ.

5000 ათასი წავიდა ჩილდირიდან.

10,000 ათასი წავიდა ფოცხოვიდან და ამის სხვა კუთხის
სოფლებიდან.

მისი სიტყვებით: ეს არის ჩვენი ცნობა. ამდენის ვიცით,
რომ წავიდნენ, ამაზედ მეტიც და არა ნაკლები. ვკითხე, თუ
ეს ცნობები მათ სადა აქვსთ შენახული, სადმე ნაწერები
აქვსთ წიგნებში, თუ სხვა გვარ აქვსთ შენახული? – იქნება ეს
მარტოდ სასულიერო წოდებამ იცის და ესეც იმიტომ, რომ
ოსმალს მთავრობის წინაშე სათქმელად აქვდესთ, თუ რო-
დის და რომელ კუთხიდან რამდენი წავიდა ოსმალში, ან თუ
სხვა რამ საჭიროებისათვის შეუდგენიად ეს ცნობები ამის მი-
ზეზეები მუფთმა არ მითხრა და გადმომცა შემდეგი: – „რასაც
მე მოგახსენებთ სულ მართალთა, ოსმალში მუჰაჯირათ წასუ-
ლი მილიონის იქნება და არა თუ ათასები, ჩემი ამბები სულ
სწორი გახლავსთ.

ერთმა ნაცნობმა მითხრა, რომ გადასახლებულთ ცნობებს
ესენი მიტომ აზვიადებენ, რომ იმით აქ დარჩენილებში უფრო
ადვილად აღძრან და გამოიწვიონ გადასახლების ფიქრებო.
ამაზედ მე მუფთს ვკითხე. მან ეს ეჭვი იწყინა და განმეორე-
ბით მომიგო: – „ოსმალში ქართველ მუსულმანთა რიცხის მი-
ლიონები არის. მე გადასახლების დიდი წინააღმდეგი ვიყავ
და თქვენ რასაც ბრძანებთ, ეგ მე ფიქრათაც არ მომსვლია.
ჩემ შესახებ ჰკითხეთ ამა და ამ ბეგებს და იგინი გეტყვიან
საქმის სისწორესა. დაუმატა მუფთმა: – „ჩვენ ყველაფერი კარ-
გად ვიცით, თუ საიდან რა წავიდა. ბევრი რამ თითო ოროლა

მუჰაჯირის წასვლა მე თქვენთვის არ მითქვამს, ესეც უნდა იცოდეთ. თუ ჩემს სიტყვას არ დაიჯერებთ, მაშინ ჰკითხეთ ჰაჯი ლომან ეფენდი ბერიძეს, გულო აღას და დედი აღას, აჭარის მუფთას ახმედ ეფენდი ხალიფაშვილს, სურმანიძეს. იგინიც ამას გეტყვიან, რომ ოსმალში ჩვენების მილიონი წავიდა და არა ათასი და ოცი ათასი".

ამ პატივცემულმა მუფთმა სთქვა, რომ წასულთ რიცხვის ცნობა ჩემზედ წინედ სხვა მუფთმაც იცოდაო. მე თქვენ ცოტა წასულლებისას ერთად არას გეუბნებითო. მათი რიცხვიც რომ ვიანგარიშოთ, იგიც კაი ბევრი იქნებაო. მე ასეთების არ მიანგარიშნიაო. ამ მუფთის მითითებით მე ვკითხე ზოგი ერთ პირებს. მასთან უჩვენე ის ჯამი, რაც მე მოვიყვანე წასულების და მათ მითხრეს, თქვენ ერთობ ცოტას ამბობთ, მუფთს სწორეთ უთქვამსო. მიბმანდით ოსმალში, იქ ნახეთ ჩვენების სოფლები და ქალაქები და მის მერე თქვენ ვერას იტყვითო. სთქვეს, იქ სად გაჩნდა მაშ ჩვენების იმდენი თუ იგინი აქედამ არ წავიდნენო. ასე დამისაბუთეს იმ ცნობების სინამდვილე, რაც მუფთმა ჰასან ეფენდიმ გადმომცა. მე დავრწმუნდი მასზედ, რომ ასეთ წასულთ მუჰაჯირთა ცნობები ქართველ მაჰმადიანთ ცენტრალურ სასულიერო გამგეობაში უნდა იყოს დაცული. ასეთ შუა გულ გამგეობათ ჩვენ მიგვაჩნია ბათუმის მეჯლისი და აქაური მუფთი და ამიტომ ამის მოცემულ ცნობებსაც ექვი არ უნდა ექმნეს ჩვენგან.

– 148 –

7000 ათასის გადასახლება.

ნაამბობი ქობულეთის ხოჯის ემინ ეფენდი კობლაძის მიერ.

ეს ხოჯა გავიცან 1890 წ. არაბული ლოცვები ამისაგან ვისწავლე. ეს გამაცნო თავ. გრიგოლ გურიელმა (გენერალი) და მას ჯილდოც მისცა. ამ ხოჯასთან გადასახლებულთა შესახებ ხშირად მქონია საუბარი. მან გადმომცა შემდეგი: ალი ფაშა თავდგირიძის დარიგებით ოსმალში მუჰაჯირად წავიდა 7000 მოსახლეო. მე ეს ცნობა საეჭვოდ მივიღე და ხოჯას ვკითხე შვიდი ათასი მოსახლე თუ სული მეთქი? მან მომიგო: – სული, კაცი, ქალი, ბაღანა კი არა, ერთი მოსახლე, შვიდი ათასი. აქ აღარავინ დარჩა, მთლად წავიდნენ. მეც მეუბნებოდნენ წავლას, მაგრამ მე არ წაველ, აქ, ქობულეთის ჯამეზედ მოველ და დავჯექ. ამით მე ცოტა ოდენი ხალხიც შევიწახე და იგინიც აღარ წავიდნენ მუჰაჯირად. ყოველი საქმე გადასახლებისა ეკუთვნის ალი ფაშა თავდგირიძეს და ყემპერ ალა ფაში ოლლი ჩივაძეს.

ახალციხეს შეკრებილი და დაწერილი მესხეთ ჯავახელების გადასახლება. 1850 წ.

იაკობ პეტრესძე ისარლოვის ცნობებით დაწერილი.

მესხეთ-ჯავახეთის ქართველ მაჰმადიანთ შორის ბეგები განთქმულ არიან ავალიშვილები, ფალავანიშვილები, ორბელიანები, ხიდირბეგიშვილები, ერისთავები, ათაბეგები და სხვანი. ამათში იყვნენ ისეთი ბეგები, რომელთაც სამი ათასი დესეტინა მამულიც კი აქვდათ. ასეთ მოწინავე ბეგები აქ კარგად სცხოვრობდნენ, მათ აქვდათ მდიდარი ცხოვრება.

ეს ბეგები XVII საუკუნის ნახევრამდის თავადიშვილების ღირსების იყვნენ. ისლამთან დაკავშირების შემდეგ ამათ თა-

– 149 –

ვადობის მაგიერ ბეგობა მიეცათ, ხოლო ის მამულები კი, რომელნიც მათ ქართველთ მეფეებისაგან აქვდათ მიცემული, იგინი კი მათ საკუთრებათ დაშთა. ოსმალოს ხელში ყოფნის დროს ეს ბეგები თითქმის გაველურდნენ, გათახსირდნენ ისე, რომ მათმა ცხოვრებამ უმეტესად ველური სახე მიიღო და იგინი გახდნენ თითქმის ტყის ველურ ბეგები. მათ ვერც ოსმალთა ცხოვრებაში დაიკავეს ფართო ადგილი. მათი განვითარების და ცოდნის ვერაფერი მიიღეს და მასთან ქართულიც სულ დაკარგეს. ყოველივე დაკარგეს ისე, რომ თვით თავიანთ გვაროვნობის მომდინარეობის ცნობაც კი აღარ ახსოვდათ, თვისი ვინაობა ვინ იცის რად მიაჩნდათ.

თვისის მამულებით სტკბებოდნენ და იმას კი არ აკვირდებოდნენ, თუ ეს ამოდოლა მამულები მათ ვინ მისცა, ვინ დაუმტკიცა და სხვაც ბევრი ამგვარნი. მედიდურებდნენ ბეგობით და იმას კი აღარ აკვირდებოდნენ, თუ ან ეს ბეგობა მათ საილამ ებოძათ, იგი საილამ წარმოსდგა, რა და რის უფლებით მიიღეს მათ ეს წოდება. ყოველივე ასეთის მოსაზრებისათვის იგინი მკვდრები იყვნენ, დამინებულნი, უმეცრები სდა სხვანი, რის მოთვლაც აქ საჭირო არ არის. ეს რომ ასე იყო და ჭეშმარიტი, ამას ასაბუთებს შემდეგი გარემოება, რაც ცხადია და ნამდვილი.

ოსმალთან დაკავშირების დღიდგან იგინი გახდნენ დაუმინებელი მტერნი თავიანთ ვინაობის, ნათესაობის და არა ფიქრობდნენ იმას, რომ შეიძლება ქართველ კაცს ისლამის რჯული აქვდეს, იგი იყოს სჯულით წმინდა მუსულმანი და მასთანვე იყოს კაი გურჯი-ქართველი, მასთან მოყვარე თავის ქვეყნის, თავის სახლი კაცების და სხვაც ბევრი ასეთების. ამათ ის შეადგინეს სჯულის მცნებათ, რომ ისლამის მიღების შემდეგ უნდა გეჯავრებოდეს ყველა ესენი და მასთან გული და სულიც ოსმალოსაკენ უნდა მიგელტოდეს. ჩვენი ყოველივე დიდება იქით უნდა აღორძინდეს და აყვავილდესო. ამიტომაც მათ დაიწყეს საქართველოს მტრობა და ამ მტრობაშიაც და-

– 150 –

ლიეს მათ მთელი თავიანთი სიცოცხლის დღენი, ცხოვრება, მამულები და სხვაც ყოველივე ამ გვარნი. ამათ ასე განადირებას ოსმალოს მთავრობაც რასაკვირველია ხელს უწყობდა

და აქეზებდა.

ასეთ დიდების მექონ და დამკარგველ პირებმა ადრიდ-განვე იწყეს ოსმალში გადასახლება და 1850 წ. იქამდის მი-აღწიეს, რომ საქართველოს დაუწყეს ყურება გველურად და მტრის თვალით. გაველურდნენ უსამართლოდ, შეუგნოდ და მასთან გაუვერანდათ თვით აუარებელი ქონებაც, მათ იწყეს თავიანთ მამულების ოხერ ფასად დასყიდვა და მასთან ოსმალში გადასახლება. ამათ თავიანთ მამულების დასყიდვა უცხო ტომის ხალხზედ 1830 წლიდამ იწყეს და 1850 წ. იგი საკმარისადაც დააწინაურეს, ამ უკანასკნელ ხანას კი ყოველივე გაათავეს, დააბნიეს და მის შემდეგ თვითაც სულ ოსმალში გადიქუნენ. მოისპნენ საქართველოში და მგონი მო-ისპნენ თვით ოსმალეთშიაც.

ამათ შეიძლება თავიანთ თავის დაღუპვის საქმე კი აპა-ტიოს ვინმემ და სხვების გაბრიყვება და აყრა და გადასახლე-ბას კი არავინ აპატიებს. ეს მათი არ საპატიებელთ ცოდვა გახლავსთ ის გარემოება, რომ მათ 1829 წლის შემდეგ ამხედრება იწყეს მესხელ-ჯავახელ ქართველ მაჰმადიანების და ოსმალში გადასახლების. ამათი ნატვრა ერთი 1830 წელს იქმნა შესრულებული და მესხეთ ჯავახეთიდამ დიდი ძალი ქარ-თველ მაჰმადიანების იქმნა წასულ-გადასახლებული. მეორე ხანა არის 1850 წელი, როცა ამათ მრავლად აჰყარეს თვის თანამემამულე ქართველ მაჰმადიანები და ყველა იგინი ოსმა-ლოში გადასახლეს ჩვენი ქვეყნის ისტორიის წინაშე მათ ამითი დიდი სამრახისი ხსოვნა დაიტოვეს, მასთან განუსაზღვრელი და ბოროტი სამსახური წინაშე საქართველოსი და ქართველი ერისა, 1850 წ. ამათ ისრულეს გული და გადასახლდნენ მრავლად.

– 151 –

გადასახლება 1855 წ.

ცნობები არის დარჩენილი და ეს დღესაც ბევრს ახსოვს კარგად, რომ სოფ. ჯუმუშაურის მცხოვრებლებისათვის რაღაც ცილი შეუწამებიათ და ამიტომ ოსმალს ბრძანება მოსულა, რომ მცხოვრებნი სულ ოსმალეთში გადმოასახლეთო. მცხოვრებნი მართლაც მალე შეუკრებნიათ და გადასახლებისათვის გაუმზადებიათ, მალეც გაუმზავრებიათ ეს ბედშავნი. ამ სოფლის ხალხთან სხვებიც მოუყოლებიათ, სულ მათი რიცხვი რამდენიმე ასი სული ყოფილა.

რა ქმნეს ამათ ისეთი დიდი დანაშაული, რა ჩაიდინეს და რა მოაწყეს, რომ მით გადასახლების ღირსება დაიმსახურეს, ამის ცნობა ხალხმა არ იცოდა. მაშინ იმას კი იტყოდნენ ხოლმე, რომ დიახ ამა და ამ სოფლის ხალხი სულ ოსმალში გარეკეს, ხოლო რისთვის და რა მიზეზით ამის ცნობის კი მათ არაფერი იცოდნენ. ისიც შეიძლება, რომ იქმნება ამ გადასახლების ცნობები ბევრმა იცის კარგად და დაწვრილებით, მაგრამ ჩვენ მათ არ ვიცნობთ და ამიტომ ეს 1855 წ. გადა-

სახლებაც რჩება ჩვენთვის უცნობლად, მაგრამ განა ეს ერთი გადასახლება არის ჩვენთვის უცნობი. არა, ამ ერთს გარდა ათასიც სხვა ამბები გვაქვს გაუცნობი. ყოველივე ამის მიზეზი კი ის გახლავს, რომ მასზედ არც თვით ქართველ მაჰმადიანები სწერდნენ რამეს და ოსმალს მთავრობაც ხომ სულ არ აქცევდა ყურადღებას და არაფერს ნუხსავდნენ.

მესხეთ ჯავახელთ ადასახლება, დაწერილი 1898 წ.

მესხეთ ჯავახელთ გადასახლება ძველიდგანვე ყოველთვის უმეცრულის საქმეებით ყოფილა გარემოცული. მესხელ-ჯავახელთ ერთი რომელიმე ხოჯა ადვილად აიყოლიებდა და გადასახლებდა ხოლმე. მესხ-ჯავახნი ტეტები არიან, ძალიან უკან ჩამორჩომილნი, როგორც ქართლის უბირი გლეხები.

– 152 –

მაინც ეს კუთხე ზემო ქართლად იწოდებოდა ძველად. ამიტომაც ამ უბირ ტეტია ტლანქ გლეხებს ადვილად იყოლიებდნენ ოსმალთ მქადაგებლები და ასახლებდნენ ოსმალში. ამათი ბრიყვულად გადასახლება სწარმოებდა ძველად და სწარმოებს დღესაც, სამწუხაროდ და მეტად უმეცრულად. ამის მაგალითს ქვემოდ მოყვანილი ცნობები დაგვანახვებს.

ქობულეთელ, აჭარელ, ლივანელთ და სხვა ასეთ კუთხის ქართველ მაჰმადიანებს ასე უმეცრულად ვერავინ აიყოლიებს. მართალია ესენიც სახლდებოდნენ 1877 წ. 1882 წ. მაგრამ ამათ საქმე სხვა იყო. ესენი ახლად შემოერთებულები იყვნენ, ჩვენ და რუსის მთავრობას არ იცნობდნენ. ამას გარდა ჩვენი მოხელენი მათ იქით ერეკებოდნენ. ამით სარგებლობდნენ მათი მოლები და ხოჯები და ესენიც დიდის შიშით უქადაგებდნენ და აშინებდნენ სჯულის საქმეში, რაისა გამო ესენიც სახლდებოდნენ.

მესხელ-ჯავახელთ კი ეხლა ასეთების კარზედ არაფერი ადგათ, მაგრამ როგორც ზემო ქართლის ტეტები, ძველადგანვე ტეტურად მიღობდნენ ოსმალეთში და ეხლაც ისევ უმეცრულად მიღობიან. აი ამათ შესახებ 1898 წ. რას ვსწერდი ახალციხიდან გაზ. „ცნობის ფურცელში“.

„ს. წნისი. (ახალციხის მაზ.) **მაჰმადიანები და ქართველი გლეხები.** სოფ. წნისში სცხოვრობს 40 კომლი ქართველ მუსულმან მესხები. ამ რამდენიმე წლის წინეთ, ამ სოფლიდან 7 კომ. ქართველ მაჰმადიანები ოსმალეთში გადასახლდნენ. ამათი მამულები შეისყიდეს ბორჯომის ხეობაზე მცხოვრებ ქართველ ქრისტიან გლეხებმა. ესენი უფლე მივიდნენ და ნაყიდ ადგილ-მამულებზე დასახლდნენ.

ოსმალეთში წასულ ქართველ მუსულმანებს ბედმა უმტყუნა, მათ იქაური ადგილები არ მოეწონათ, გარდა ამისა, ოსმალთ მათ ჩვეულებრივ „გურჯი“ უწოდეს. ამათ კი ეს ურთობ ეუცხოვათ. ბევრს უთხრეს, რომ ჩვენ გურჯელები კი არა, მუსულმანები ვართო, მაგრამ ამით არა ეშველათ-რა,

ყველა გურჯს უძახდა. საქმე ბედშავთ მოეგვარათ, განიძრახეს საქართველოში დაბრუნება. მალე 2-3 კაცი გამოგზავნეს საწინის და თავიანთ ნათესავებს და მეზობლებს დაავალეს თავიანთ მამულების უკან დაბრუნება მყიდველთაგან.

ეს ამბავი ქართველ გლეხებს მალე ეუწყათ. მათ უარი განაცხადეს. ჩვენ ვერ ავიყრებით აქედგან. თუ უკან დაბრუნდებოდნენ, მაშინ რათ მირბოდნენ ოსმალეთში. ან რათ ჰყიდდენ მამულებსო. ამაზე უსიამოვნება მოუხდათ. მუსულმანებმა მათ დევნა დაუწყეს. დღესაც კიდევ სასტიკად სდევნიან. ეს 7 კომლი ქართველ ქრისტიან გლეხნი ისე არიან მომწყვდეულნი 40 კომლ მუსულმანებში, როგორც ზღვის საშუალოს ობოლი ნაფოტი. საქმე ისე გამწვავებულა, რომ მუსულმანთა ბავშვები ქრისტიან გლეხებს საჭმლის მოხარშვის დროს ბუხრიდან ნაგავს უყრიან. ერთი სიტყვით ისე მწარეთ სდევნიან, რომ ამ საწყლებმა აღარ იციან რა ქნან და საით წავიდნენ.

მე ჩამოვხტი ამ სოფელში. ვნახე ეს ხალხი და უნდა მოგახსენოთ, რომ გული ცეცხლით ამევსო. ამათი უბედური მდგომარეობის შესახებ აქ ვრცლად ვერ განვაგრძობ, შემდეგ მოგახსენებთ უფრო საფუძვლიანათ. ვიტყვით კიდევ, რომ ესენი დიდს დევნაში არიან. წარმოიდგინეთ რომ პატარა ბავშვებს კი დაუბრყვიებიათ. თითქმის ყველა მწარე დევნას არს მიცემული. მათი შველის ცნობა არსაიდან სჩანს, თუმცა ახალციხის ბლალოჩინი დიმიტრი ხახუტაშვილი ბევრს სცდილობს მათ დასახმარათ. ვნახოთ, შემდეგ როგორ დატრიალდება ამ გლეხთა საქმე.

მესხ-ჯავახთ გადასახლება მარტოდ ეხლა კი არ მოხდა ამ სოფლიდამ, არა ამათ გადასახლება სწარმოებს კანტი-კუნტად თვით 1830 წლებიდამ. მაშინ ვინც წავიდა ხომ წავიდა და ვინც არა და დარჩა აქ. შემდეგ დროში არც ამათ მოისვენეს და ესენიც ყოველთვის წასვლის სამზადისში იყვნენ. ჩვენ ვიცით კარგად, რომ მარტოდ სოფ. წნისიდამ კი არა, სხვა სოფლებიდანაც მრავლად წასულან, მაგალითებრ რო-

გორც სოფ უდიდამ, ვალედამ და სხვა ასეთ სოფლებიდანაც.

თუმცა ესენი აქ კარგად სცხოვრობდნენ, არც არავინ აწუხებდათ, მაგრამ მარტოდ თავიანთის უმეცრებით გარბოდნენ და ყოველივე ამის მიზეზი იყო მათი უმეცრება. ამის სრული ნიშანწყალი არის სოფ. ასპიძიდან ქართველ მაჰმადიანთ გადასახლება თვით ჩვენს დროსაც კი. მერე განა მარტო ეს ასპინძა დაიცალა, არა, ბევრიც სხვები. უმეტესი სოფლის ცნობები ჩვენ არა გვაქვს. თუ რამ არის, ისიც დიდის ცდით შეგროვილი. მესხ-ჯავახეთის სოფლებიდან მრავლად გაქცეულან თვით 1860 წ. 1870 წ. და მის შემდეგაც. ყოველივე ამის ცხადი ნიშანი არის სოფ. წინისიდან წასვლა

თვით ჩვენ დროს და მერე მათი უკანვე დაბრუნება.

ქობულეთელ-აჭარელები ამას ასე მაინც არ სჩადიან. მათ საქართველო და ქართველი ხალხი ისე არა სძულთ, როგორც მესხელ ჯავახელებს. თვით აქაური ქართველ ბეგებიც კი დღეს სათათრეთიდან მოსულ ქურთებს დაემსგავსნენ, ეს კი აჭარელ ბეგებთ შორის იშვიათი გახლავსთ.

გადასახლებული 80 ათასი.

1882 წ. გაზეთ „დროება“ და „მოამბის“ ცნობები.

გაზეთ „დროებაში“ 1882 წ. № 73. და ამავე წლის ქუთაისის გაზ. „შრომაში“ 40 №-ში დაბეჭდილი იყო შემდეგი ცნობა:

მთელის ბათუმის მაზრიდან გადასახლდა ოსმალეთში 80 ათასი სული ორივე სქესის.

დარჩა წაუსვლელი 60 ათასი სული ორივე სქესის.

მაშასადამე ბათუმის ოლქში 140 ათასი სული გამზადებულია წასასვლელად. ეს რიცხვი შეეხება მარტოდ ბათუმის ოლქის მცხოვრებ ქარველებს. სხვა კუთხიდან წასულების სხვა არის. ამის ცნობა რუსის მთავრობას არა აქვსთ და ესენი ვერც მოკრეფდენ ამას.

– 155 –

იყო ისეთი შემთხვევებიც და ეს ერთობ ხშირად, რომ სოფლის მეოთხედი მცხოვრებნი ოსმალში ჩუმად, უპასპორტოდ მირბოდნენ, არავის ატყობინებდნენ და, ფიქრობდნენ, რომ თუ იქ მოგვეწონა, მაშინ დავდგებით და თუ არა და ისევ უკან მოვალთო. მართლაც ასეთების ზოგი მოსულა უკან და თავისაგან ოხრად დატოვებულ მამულს დაჰპატრონებია, ზოგს მამული აღარ დახვედრია, ზოგიც აღარ მოსულა და იქ დარჩენილა. ამ სახით ჩვენის ტომის რიცხვს ბევრი ისეთი ოჯახები დაჰკარგვია, რომელთა ცნობებიც არავის სცოდნია.

ეს ზემო რიცხვი 80 ათასი გაზეთების გამოანგარიშებით უნდა იყოს აშენებული იმ ცნობებზედ, რა დღიდანაც მათ დრო დაენიშნად გადასახლების, ე. ი. სამი წელიწადი 1878-1882 წლებამდე. ეს ცნობები ცხადი საქმე არის იმ დროის ადგილობრივ სამართველოებიდან იქნებოდა შედგენილი, რადგანაც 1882 წ. უკვე შეეძლოთ რუსეთის მოხელეებს ასეთი ცნობები შეეკრიბათ.

აფრიკაში გადასახლებულ ქართველ მაჰმადიანები.

ისტორიულად ვიცით, რომ ოსმალეთის მთავრობამ ქართველ მაჰმადიანებს XVIII საუკუნის დამდეგიდან ხშირად დაუწყო აყრა და ოსმალს ქვეყანაში გადასახლება. ასევე მათგან ხშირად ასახლებდნენ აფრიკის ქვეყნებშიც. ამის სრული მაგალითი არის თვით ის გარემოებაც, რომ 1740 წლებს

აფრიკის მთავარ გამგე ფაშად სულეიმან ნიზაძე იყო, რომელიც 1752 წ. ახლაციხის ვალი ფაშად იქმნა დანიშნული.*) რომლის ცხოვრებაც ჩვენ სხვაგან გვაქვს აღნიშნული და ამიტომ აქ მასზედ სხვას არას ვიტყვით. ამ ფაშისავე დროს აფრიკაში სხვა ქართველ ფაშები და სხვა და სხვა სამხედრო მოხელენიც ყოფილან, სამწუხაროდ. ჩვენ კი ამათ შესახებ ბევრი არაფერი ცნობები გვაქვს.

*) ისტორია ოსმალის საქართველოსი, ჩემი გამოც. 1914 წ.

– 156 –

ქობულეთს, კახაბერს და აჭარაშიაც ჩემთვის ხშირად უამბნიათ, რომ ჩვენებური კაცები აფრიკაშიაც ცხოვრობენო, იგინი ძველად გადუსახლებიათ იქაო. ამ გადასახლების ამბები წინეთ კი სცოდნიათ აქეთ, ხოლო ჟამთა ვითარების გამო სადღეისოდ კი აღარავის ახსოვს, ამ მცოდნე კაცნი დღეს მათში აღარავინ არის. ასე მივიწყებას ერთის მხრით ის გარემოებაც უწყობდა ხელს, რადგანაც აფრიკა გაცილებით შორს არის ოსმალეთზედ.

იყო კიდევ ასეთი გარდმოცემაც: ბევრს ეხსომება, რომ ბათუმის ახლომახლო სოფლებში ადრე მრავლად ესახლნენ არაბები თავიანთის ცოლშვილით. მათი რიცხვი არც მცირე იყო. რუსთაგან ამ კუთხის შეერთების შემდეგ ეს არაბები აქ აღარ დარჩნენ და სულ გადასახლდნენ ოსმალში. მათ აქ დგომა უხერხულად მიაჩნდათ. ესენი ისე გადასახლდნენ, რომ დღეს ბათუმში მათი რიცხვის სულ აღარაფერი სჩანს. მქონია შემთხვევა და ამათ შესახებ ხშირად მიკითხავს ცნობები, თუ იგინი საიდან მოუყვანიათ და დაუსახლებიათ აქ და ან რისთვის გადასახლდნენ ამ უკანასკნელ დროს მეთქი? მათ მომიგეს შემდეგი გადმოცემა:

საიდანაც ეს არაბის ხალხი გადმოუსახლებიათ, სწორედ ამათ სოფლებში, სადაც ამათ უცხოვრიათ, იქ იმ სოფლებში დაუსახლებიათ აქედამ გადასახლებული ჩვენებური გურჯები. როდის იყო ეს გადასახლება, ან რა მიზეზების წყალობით, ჩვენ ამაზედ ვერა შევიტყეთ რა. ამის მერე როცა ვისურვეთ ამ გადასახლებულების შესახებ რამე ცნობების შეკრება თვით ამ არაბებისაგან, რომ იქმნება მათში ვინმემ რამე იცოდეს, თუ მათ სოფლებში ვინ დაასახლეს და ან როდის, ამ დროს ეს არაბები აქ აღარ იყვნენ. დღეს ხომ მათი რიცხვი სულ აღარ არის, გადასახლდნენ და ამით ჩვენ ვერ ვისარგებლეთ.

რაც შეეხება იმ გარემოებას, რომ აფრიკაში ქართველ მაჰმადიანთ რიცხვი გაფანტული უნდა იყოს სხვა და სხვა ადგილებში, ამას კი ეჭვი და ფიქრი არ უნდა. ეს ჩვენ კარ-

– 157 –

გად ვიცით, ხოლო ის კი არ ვიცით, თუ იქ ქართველები სად და სად სცხოვრობენ და ან მათ იქ სადღეისოდ ქართუ-

ლი ენა იციან თუ არა. ბევრს ქართველ მოგზაურს ვკითხე ამათ შესახებ, მაგრამ მათგან მე ვერა შევიტყე-რა, თუმცა იმას კი ამბობდნენ ხოლმე, რომ „დიახ, აფრიკაში ჩვენებურებიც სცხოვრობენო“. კითხვა მიგვიცია; თუ სად სცხოვრობენ, რომელ კუთხეში, ან მათი სოფლის სახელები ხომ არ იცით? მათ ყოველივე ამაზედ პასუხი უთქვამთ, რომ ეგ ჩვენ არ ვიცითო. მაინც ბედმა არ დაგვტოვა სულ ცარიელი. ამ უკანასკნელ წლებს ჩვენ შევიტყეთ ცოტა ოდენი ცნობები, რაც ცხადად გვისაბუთებს, რომ დიახ, აფრიკაში ქართველ მაჰმადიანთ მცხოვრებთ რიცხვი დღესაც ყოფილა და იქ მათ ქართული ენაც არ დავიწყებიათ.

ამის შესახებ ჩვენ აი რას მოვიყვანთ: ქობულეთში სცხოვრობს ერთი ქართველ მაჰმადიანი გულო ალა კაიკაციშვილი, ბათუმში კარგად ცნობილი. ამის ერთმა შვილმა ასლანმა თფილისში გაათავა გემნაზიის სწავლა, ამის მერე ოდესის უნივერსიტეტში სწავლობდა. ეს იქ გადაიცივალა. ამ გულო ალა კაიკაცის მეორე შვილი 1900 წ. ბათუმში ერთ ევროპიელ მოგზაურთან ოსმალური ენის მთარგმნელად დადგა, მოგზაურს სამგზავროდ თან უნდა გაჰყოლოდა მთელს აღმოსავლეთის ქალაქებში და ეს მალეც მოხდა. ევროპიელი გაემგზავრა და კაიკაცის შვილიც გაჰყვა თანა. ამ მოგზაურ მსწავლულს აღმოსავლეთის ქალაქებში კარგა ხანს მოუხდა მგზავრობა. ამასთანვე მგზავრობდა ჩვენი თანა მექვეყნე კაიკაციშვილიც. ერთ დროს ესენი ჩასულან აფრიკის ქალაქ ბეირუთში, სადაც დარჩენილან კარგა ხანს. აქ ყოფნის დროს კაიკაციშვილი თურმე ხშირად დაიარებოდა სხვა და სხვა ყავახანებში.

ერთ ყავახანაში შესულა. სხვათა შორის იქ ერთ ალაგას ოთხი კაცი მჯდარა, რომელნიც ყავას სომენ თურმე და მასთან ქართულადაც ლაპარაკობენ. ქართული ენის გაგონება

– 158 –

კაიკაცისშვილს დიდათ გაჰკვირვებია, თან გახარებია კიდეც და ამიტომ მაშინათვე იმ ოთხი კაცის ახლოს მისულა და ქართული სიტყვით სალამი მიუცია. იმათაც გაჰკვირვებია ეს და თან დიდათაც გახარებიათ. მალე ერთმანერთი გაუცვნიათ და ლაპარაკიც დაუწყვიათ თავ-თავიანთ შესახებ. კაიკაცისშვილს თავის იქ მისვლის ყოველივე უამბნია. იმათ ლაპარაკი აღტაცებით მოუსმენიათ და სულ თურმე პირში უყურებდენ ქართული სიტყვების გამოთქმას. თავის ამბების დასრულების შემდეგ მერე უამბნია მთელი თავიანთის კუთხის ამბები, ესე იგი ბათუმის ოლქის, ქობულეთი, აჭარა, ლივანა და სხვების. ამის ამბების დასრულების შემდეგ მათ დაუწყვიათ თავიანთი ამბები და უამბნიათ, უთქვამსთ შემდეგი:

ძიავ! ჩვენ აქ აი საიდან და როგორ ჩავარდით: ჩვენ ვსახლობდით ოსმალეთში, ბურსას ახლოს. იქ მოხდა სხვა და სხვა ავი საქმენი. ამის გამო ჩვენ ჩამოგვეკიდნენ, ჩვენ გვიცნეს დამნაშავედ. ამის მიზეზით იქიდან აგვყარეს და აქეთ გადმო-

გვასახლეს. 40 ოჯახი აქ ბეურუთში ვსცხოვრებთ და დანარჩენიც აქეთ იქით სცხოვრებენ სხვა და სხვა სოფლებში და ქალაქებშიო. უთქვამთ, რომ ეს გადასახლება ჩვენი დასჯა არისო.

ამათ საქართველოს შესახებ ანუ თავიანთ კუთხის გამო დიდი გულის მტკივნელობა გამოუჩენიად. ლაპარაკის დროს თურმე აღარ იცოდნენ რა ექმნათ. ამ ამბის შეტყობის დროს ბათუმში ვნახე ზოგიერთ მოხუც ქართველ მაჰმადიანები და მათ ვკითხე აფრიკაში მცხოვრებთ მათ მოძმეთა ამბები და აი რა შევიტყე.

თქვენში რომ ეხლა ციმბირს იტყვიან, ჩვენებურ კაცებს რომ გზავნიან, ძველად ჩვენში ჩვენი ციმბირიც ის ყოფილა. ვინც ჩვენში დააშავებდა რამეს, ყველა მათ იქა გზავნიდა და მით სჯიდა. ამიტომ ძმაო იქით ჩვენებიც ბევრი არის წასული. ოსმალს მთავრობისაგან როგორათაც ჩვენს ციმბირათ აფრიკა და არაბისტანი აქვდა დადგენილი, ისევე ჩვენი აჭარა, ლი-

– 159 –

ვანა, შავშეთი და სხვა ეს ადგილები დადგენილი იყო ოსმალს საციმბიროთ. ოსმალში ვინც რამეს დააშავებდა, გაქუცავდა ან მოკლავდა ვისმეს, ყველა იმათ აქ აციმბირებდნენ, აქა გზავნიდნენ. ჩვენც ეს მეხანჯლობა და კაცის კვლა სულ მათგან ვისწავლეთ, თორემ ძველად ჩვენ ასეთები არა ვყოფილვართ.

ამათვე სთქვეს: აქ ჩვენში რომ არაბები სცხოვრებდნენ, ისინიც ძველად ყაჩაღობის გამო გადმოუსახლებიათ აქეთ საციმბიროთ, იმიტომაც გაიქცნენ 1878 წ. ეს ომი მოხდა ამით ისარგებლეს და წავიდნენ იქით, თორემ რომ ეს ომი არ ყოფილიყო, უამისოდ ოსმალს მთავრობა იქით მათ არ გაუშვებდაო. სხვა რამ ცნობები ამათგან ვერა შევიტყე რა, ხოლო ის კი ხშირად უთქვამსთ, რომ აფრიკაში ჩვენები ბარე სამი არისო, სამი ნიშნავს მრავალს.

ამის შემდეგ მე ვნახე სტამბოლიდამ მოსული ქართველ ახალ გაზრდა მოლები, რომელთაც სწავლა სტამბოლში დაეთავრებინათ. მათ ცნობები ვკითხე ბურსის ქართველ მაჰმადიანთ შესახებ და ისიც თქვენ ხომ არ იცით, იქიდან სად გადასახლეს მეთქი? მათ აი რა გადმომცეს ამის შესახებ: ბურსის ახლო მახლო სულ დარიბი ხალხი სცხოვრებს. მათ თავიანთ საკუთარი მოლის შენახვა არ ძალ უძსთ, ამიტომ რამაზანში სალოცავად ჩვეს გაგვგზავნეს. იქ ცუდი ჰაერია და რამდენიმე ჩვენებური მოლები დაიხოცნენ კიდეც, სტამბოლს ველარ დაბრუნდენ. ჩვენ იქ ყოფნის დროს შევიტყეთ, რომ ბურსიდან ჩვენებურებს სხვა და სხვა უშორეს ადგილებში ასახლებდნენო. მიზეზები გადასახლების ის იყო თურმე, რომ რადგანც ის ადგილები არ ვარგოდა და იქ ჩვენებურები იხოცებოდნენ. მერე ამათ ავ-კაცობა დაიწყეს და მხოლოდ ამის მოხერხებით გადირჩინეს თავი და მთავრობამ იგინი შორს გადასახლათ, ვგონებთ აფრიკაში, თორემ მათ იქიდან არსად წაიყვანდნენო.

სთქვეს ამათ: „დიახ, ყველა ეს ჩვენებურები ბურსიდამ აფრიკაში უნდა იყვნენ წასულნიო“.

ლაზების გადასახლება 1820-78 წ.

ლაზების რიცხვი ლაზისტანში ძრეელ შემცირდა. დღეს მთელ ლაზისტანში ამათი რიცხვი შეადგენს არა უმეტეს 20,000 ათას. ოსმალეთში-კი ამათი რიცხვი გაბნეული უნდა იყოს რავდენიმე ათასის. ამას ასაბუთებს ლაზისტანში დარჩენილი დიდი რიცხვი წასულთ ნასოფლარების, ნასაყდრების და სხვაც ასეთნი. ბევრი რამ ცხადათ მოწმობენ მათ რიცხვის სიმრავლეს. მართოთ გემების, ნავების და ასეთების კეთების გამო ესენი თავიანთ ქვეყნიდამ ათასობით არიან დაკარგულნი, ნამეტურ ნაოსნობის ცოდნით. აქამდისაც კი მთელი შავი ზღვის ნაპირები და ამასთან ოსმალეთში სხვა ზღვებიც სავსე იყო ლაზელი ნავოსნებით. ყველა ესეთი ენერგიელი მხარეები კი მათ დიდის რიცხვის სიმრავლეს აცილებდა და ამორებდა. ამიტომაც უნდა ითქვას, რომ ლაზების ყოველნაირი ენერგიული ხელოსნობა, ვაჭრობა, სილამაზე და ან სხვა რამ ასეთი ღირსება მათ ტომის მოსასპობ იარაღათ ითვლებოდა.

ასე და ამ გვარად, ლაზების რიცხვი ოსმალეთში რომ დიდის რიცხვის უნდა იყოს, ამას ფიქრი არ უნდა. ამავე გარემოებას ასაბუთებს ის ცნობებიც, რაც 1907 წ. ფრანცუზული გაზეთებიდამ გადაბეჭდილი იყო რუსულ გაზეთებში. იქედამ ქართულ გაზეთებშიაც დაიბეჭდა ეს ცნობა, მასთან ადგილობრივ რუსულ გაზეთებშიაც, რომ ოსმალს იმპერიაში ლაზების რიცხვი შესდგება 70,000 ათასიდამაო. ამ რიცხვის განცხადებამ ბევრი ქართველი დააფიქრა. ზოგს ტყუილი ეგონა, ზოგს ვინ იცის რა არა, მაგრამ ყოველივე ექვი უსაფუძვლო გამოდგა, რადგანაც ეს რიცხვი ლაზებისა ამოღებული ყოფილა თვით ოსმალს სახელმწიფო სტატისტიკურის აღწერიდამ და ამიტომ ეს ჩვენთვის არც საკვირველი უნდა იყოს, რომ

ოსმალში ლაზების რიცხვი შვიდას ათასისგან შესდგება. აქ მცირე განსხვავება მხოლოდ იმაში უნდა იყოს და ჩვენც მიტომ არ დავიჯერეთ, რადგანაც ნათქვამი იყო, რომ ოსმალეთის იმპერიაში ლაზების რიცხვი ასი ათასი არისო. ეს ჩვენ მივიღეთ ულაზისტანოთ, მართოდ აქედამ წასულთ და ოსმალს იმპერიაში დაფანტულთ. ეს კი ასე არ ყოფილა თურმე.

ფრანგულ გაზეთებს საერთოდ უანგარიშნიად და თვით ლაზისტანის მცხოვრებ ლაზების რიცხვი შეუერთებიათ გადასახლებულთ ლაზთა რიცხვს და იქიდან გამოსულა შვიდასი ათასი. მათი რიცხვი ასე ყოფილა გამოანგარიშებული:

200,000 ათასი რუსეთის ლაზისტანის საზღვრებიდან ტრაპიზონამდის .

100,000 ათასი ტრაპიზონის ვილაეტს და სხვა ადგილებში და,

400,000 ათასიც მთელს ოსმალს იმპერიაში. ასე და ამ გვარად ჯამი შეუერთებიათ და გამოსულა 700,000 ათასი.

აქიდან 300,000 ათასი ლაზი თავის სამშობლოში ყოფილა და 400,000 ათასი მთელს ოსმალს იმპერიაში. 1909 წ. ლაზისტანიდან საქართველოში მოვიდნენ ოსმალს ლაზელ მუსულმან სჯულის მექონ სამხედ. ბეითალ ექიმები. ჩვენ გავიცანით იგინი. მათ ჩვენგან ლაზისტანის შესახებ ფრანგული წიგნები იყიდეს. იგინი თავიანთ ქვეყნის ისტორიით დიდათ დაინტერესებულ იყვნენ. სთქვეს, რომ ჩვენი ქვეყნის შესახებ ოსმალურს ენაზედ სულ არაფერი წიგნებია დაბეჭდილიო. ამიტომ ფრანცუზული იყიდეს წასაკითხათ. ამათ ვკითხეთ ლაზების რიცხვი მთელს ოსმალს იმპერიაში და მათ სთქვეს, რომ მთელს ოსმალს იმპერიაში ლაზების რიცხვი ნახევარ მილიონზედ მეტი არისო, ასე 6-7 ასი ათასი უნდა იყოსო. ამათის ცნობებით დასაბუთდა ფრანგული გაზეთების ცნობები.

– 162 –

აფხაზების გადასახლება ოსმალეთში.

აფხაზების გადასახლება ოსმალეთში ახალი საქმე არ არის.

ჩვენ ვიცით ისტორიიდან, რომ ოსმალთ-აფხაზები სჯულის უჯათობის გამო გადუსახლებიათ 1690 წ. რამდენი გადასახლეს მაშინ და ან სად დასახლეს იგინი, ამისი ცნობა არ არის. მის შემდეგ გადუსახლებიათ კიდევ 1760 წლებს. ამის მერე ამათი გადასახლება მომხდარა 1810 წელს, მის მერე 1828 წ. მომხდარა ფოთის და აფხაზეთის ალებების დროს. მერე მცირე ხანს შეჩერდა, 1854 წ. კიდევ გადასახლდნენ. ყველა ამ გადასახლების მიზეზები რა იყო, ამის არაფერი სჩანს, ხოლო შეიძლება ასე ვსთქვათ, XVII და XVIII საუკ. გადასახლება უნდა ყოფილიყოს ოსმალს მთავრობის ბრძანებით სჯულის გამო და XIX საუკ. გადასახლება-კი უნდა ყოფილიყოს ისლამის შიში, ანუ გაქრისტიანებისა. ამას ასაბუთებს აფხაზების უკანასკნელი აჯანყება და გადასახლება 1866 წ.

გარდასახლების შესახებ ლაპარაკი და ოსტატობა ამათშიც ისევე ძველი იყო, როგორც ქართველებში და ოსებში. ამის შესახებ ოსტატური ლაპარაკი და გარდასახლებისათვის მოწყობა იწყება იმ დროდამ, როცა ესენი ისლამს დაუკავშირდნენ და მის მერე ამათგან ხან ოსმალს მთავრობა მძლავრებით ასახლებდა და ხან რამე დასაყვავების მანქანებით, გულის მოგებით, ან ოსმალში უკეთესი ადგილების მიცემით, ან შესყიდვით; სულ ამ გარემოების წყალობა იყო, რომ ქართველ მაჰმადიანები, მაჰმადიან ოსები, მაჰმადიან აფხაზები და ჩერქეზები

გადასახლებას ადვილად შეეჩვივნენ. XVII საუკ. ხდებოდა ისიც, რომ როცა ამათ მთავრობა ასახლებდა, მაშინ ესენი წინააღმდეგნი იყვნენ და ძალას ხმარობდნენ, როცა გადასახლებას წინ მიზნად ისლამი ედო. მაშინ კი ესენი თვით თავიანთის ნებით მირბოდნენ ოსმალეთში.

როგორც ქართველთ გადასახლებას აქვს დიდი ისტორია,

– 163 –

ისევე აფხაზებისას. მართალია უკანასკნელ გადასახლების დროს ამათ წინ ისლამის შიში აქვდათ და რუსების მტრობა და ფიქრი მის, რომ ვაი თუ გაგვაქრისტიანოს. მაგრამ ამავე დროს მათ თურმე გულიც დიდათ ეთანაღრებოდათ, ქვეყანას სტოვებდნენ, მიდიოდნენ, მაგრამ გული ვერ სთმობდა და მათ თვალები უკან რჩებოდათ. ის უბედურება, რაც აფხაზებს გამოუვლიად გადასახლების დროს, იგი ქართველ მაჰმადიანებს სულ არ განუცდიათ. აფხაზების გარდასახლების საქმე ყოველთვის დიდის მსხვერპლის შემწირველობით სწარბობდა. ეს მსხვერპლით შეწირვა აი რა გვარ იყო:

ყოველ გადასახლების დროს აფხაზები იჩენდნენ მგზავრობის დიდს გამოუცდელობას, არ ცოდნას იმ ადგილების, სადაც თვით მიდიოდნენ, არც მის შეგნება აქვდათ, თუ ამ გადასახლების საგძლად გზაში რა მოჰყვებოდათ. ყოველივე ეს-კი მათ კარგათ სჩაგრავდა, მწარე ცრემლებს აღვრევინებდა.

აზხაზნი ისპობოდნენ თავიანთ მშვენიერს სამშობლოში და მასთან უსიხარულოდ სწყდებოდნენ ოსმალეთში. ოსმალეთში ამათი გაწყვეტა ხდებოდა, მით უფრო, რადგანაც მათ ხონტქრის ხაზინის იმედი აქვდათ და იქიდან-კი მათ სულ არაფერი ეძლეოდათ.

ოსმალეთში ესენი იფანტებოდნენ დაქსაქსვით. მათი რიცხვი იქ სულ მოისპო და გადაგვარდა, ცოტაოდენი სტამბოლს დარჩნენ ჩერქეზებთან ერთად. ოსმალეთში ამათ თავიანთ საკუთარი სოფლები არსად აქვდათ. ამათ ოსმალეთთან ერთად ასახლებდნენ. ამიტომ მოკლე დროის განმავლობაში აფხაზური ენა დაიკარგა, თვითაც მოისპენ. საოსმალლოში კაცი მათ რიცხვს დღეს ვეღარსად ნახავს ერთობით. თითო ოროლა კაცს შეხვდებით კანტი-კუნტათ. ცოტათ სტამბოლში არიან, მაგრამ ისინიც გაწრიოკებულნი არიან და ყავახანის მუდმივ მოსიარულეთ ითვლებიან.

აფხაზთა მოდგმას ოსმალეთში მიეცა უკვე დასასრული. იგი დღეს მოსპობილად უნდა ჩაითვალოს. მათისას კაცი იქ მა-

– 164 –

ლე ნასახსაც ვერ ნახავს. ამის მაგალითია შემდეგი: 1829 და 1854 წ. ომიანობის გამო აფხაზები რომ ოსმალში გადასახლდნენ, მაშინ სამი სოფლის ხალხი შუაგულ ოსმალს ადგილებში არ წავიდნენ, ესენი ბათუმის ახლოს კახაბერში დასახლდნენ. მის მერე გავიდა ხანი, მოახლოვდა 1877 წ. ხსენე-

ბული კუთხე რუსეთის საქართველოსთან იქმნა შემოერთებული. ამ შეერთების დროს ხსენებულ სოფლები ჩვენც ვნახეთ. მის მერე რა მოხდა აქ, კარგი არაფერი. აფხაზებმა გამოიჩინეს დიდი ფანატიკური უმეცრება და მის მეოხებით იგინი აქედამაც დაიქსაქსენ. შევიტყე, რომ არაბისტანში წავიდნენ და იქ კიდევ დიდის სიცხეებისაგან მთლად გაწყვეტილან. .

აფხაზებმა ისლამის მიღებით ვერ ისარგებლეს, თავისი ცხოვრების წესებიც დაკარგეს და ვერც ისლამისაგან მიცემული შეიმჩვნიეს. ისლამი მათ ვერ გამოიყენეს. ამით მათ ქართველებმა აჯობეს. ქართველებმა ისლამი ისე გამოიყენეს, რომ მით მათი ოჯახი არ მოსპობილა, მათ შეინარჩუნეს თავიანთ ცხოვრების წესები, საქართველოში მათი ოჯახი ისევ ძველ ოჯახს ჰგვანდა. მართალია გადასახლების დროს ამათაც ეძლეოდათ დიდი უხერხულობა და მათი ბევრი რამ იღუპებოდა და იშლებოდა უღვთოდ და უმწეოდ, მაგრამ ისე-კი არა ეს, როგორც აფხაზებთ შორის ხდებოდა. ამიტომ საჭიროა ეს ცნობებიც მომიყვანოდ აქ.

აფხაზი გადასახლების დროს სულ ვერ იჩენდა ჭკუიერ მოხერხებას, იგი მონა ხდებოდა ფანატიკ მოღვების და ხოჯების. მას უკიდურეს ფანატიზმს გარდა სხვა არა მიაჩნდა რა ცხოვრებაში უმთავრეს საქმეთ. ამათ ამის მეტი სხვა აღარა აგონდებოდათ რა გადასახლების დროს. ესენი სულ არა ფიქრობდენ მასზედ, რომ იქმნება ოსმალში ცხოვრება გაგვიჭირდეს და ისევ აქეთ მოვბრუნდეთო. ამიტომ ნუ ვიღუპავთ თავს, ნუ ვღუპავთ ცოლ-შვილს და ჩვენს უძრავ და მოძრავ ქონებას. ამის ფიქრი მათ სულ არ აქვდათ ხოლმე. ქართველ მაჰმადიანები კი ამას ყოველთვის ფიქრობდენ.

– 165 –

აფხაზი თავის გადასახლების დროს სულ ოხრად და უპატრონოდ სტოვებდა თავის ფაცხა-სახლ-კარს. მასში აღებული ფული თითქოს ცოდვათ მიაჩნდა და ამიტომ მათ დაკარგეს დიდი ძალი ქონება, სახლები, სოფლები, აუარებელი მამულები და ვინ იცის, რამდენი რა სოფლის სიმდიდრე, მთები, ტყეები და მეტად ძვირფასი სახლები. ყოველივე ეს მათში რატომ ხდებოდა, რადგანაც მათ გადაწყვიტეს თურმე, რომ ოსმალში გინდ მშვიდრებიც დავიხოცნეთ, ჩვენ აქეთ მაინც პირს არ ვიზამთო.

ამათი ოთხ-ფეხი საქონელი სულ მუქთათ, თითქმის ოხერ ფასად იყიდებოდა. ძრეელ ხშირად არც მყიდველი იყო და ამიტომ აფხაზს ისე უფასოდ და უპატრონოდ ურჩებოდა ოთხ-ფეხი საქონელი. ამ აყრილ ოჯახებთა გამო მეტად მწარე მდგომარეობაში ვარდებოდნენ თვით კატა და ძაღლებიც-კი, რადგანაც მათ პატრონები შორდებოდნენ, მათ მეპატრონეთ აღარავინ შთებოდა. მნახველთ სთქვეს, რომ ასეთ დროს ძაღლები სულ ღმუოდნენ იმ წუთს, როცა მათი პატრონები გემებში სხდებოდნენ და თავიანთ სამშობლოს ესალმებოდნენო. რაც ამ დროს აფხაზთა გადასახლების გამო უბედურება და

საცოდავობანი მოხდა, ამას კაცი ვერ ასწერს, მისი ანუსხვა შეუძლებელი არის, მას კაი ცოდნა უნდა და მასთან კაი მომთხრობი. მართალია ამათ შესახებ თვით რუსულ გაზეთებშიაც იბეჭდებოდა ცნობები, რომ აფხაზები ოსმალში სახლდებიანო, ამის მეტი სხვა არა ისმოდა რა. ხოლო ამ გადასახლების დროს რა ჯოჯოხეთის მსგავსი სურათები სწარმოებდა, რა სულის სატანჯველი წუთები სტრიალდებოდა, აფხაზთა რიცხვი რა განუსაზღვრელს სატანჯველის ცეცხლით იწოდა, ამაზედ-კი არავინ რას ამბობდა.

ყვიროდნენ მრავალნი: – წავიდნენ, წაეთრიონ ოსმალში, მაგათ მშვენიერ ადგილებს ჩვენ მოუყვანთ პატრონებს. ხოლო რათა და რისთვის უნდა წასულიყვნენ ეს ბედ შავნი თავის სამშობლოდამ და რა მიზეზისათვის, ამას-კი არავინ ასახელებდა.

– 166 –

თუ აფხაზებმა რა დაამავეს, რა ქმნეს ამ ბედ-შავთა ისეთი, რომ ბოლოს მათი დანაშაულობის შეწყალება გარდასახლებით დაბოლავდა. ამ გადასახლებით დაიღუპა აფხაზეთი, ამით მიწა ზედ გასწორდნენ იგინი, ამით გათახსირდნენ იგინი. რამდენს ამის გამო სული ამოუვიდა უღვთოდ, რამდენი კაცი და ქალი დაიხრჩო ზღვაში და მდინარეებში, რამდენი გაწყდა მოგზაურობისაგან, რამდენი რა სხვა უბედურება გამოსცადეს ამ გადასახლების დროს, ამას კაცი ვერ მოსთვლის.

სხვა და სხვა მტერთა შიშით აფხაზი საქართველოში იტანჯებოდა სულიერად. აქ ამ ტანჯვას აძლევდნენ სხვა და სხვა მტრები, რომლებიც მას აშინებდნენ გაქრისტიანებით და რუსის მთავრობისაგან უწყალოს დევნით. ყოველივე ეს-კი იყო ტყუილი და მტრობით მოგონილი, რომ ამით აფხაზეთი დაცლილიყო და მერე ამათი ადგილები სხვებს ჩაეგდოთ უფასოდ, ოხრად. ეს ასეც მოხდა.

ოსმალში აფხაზები დაიტანჯნენ ხორციელად. იქ ამათი ორი ტანჯვა ერთად შეერთდა, სულიერი და ხორციელი. ამას ვერ გაუძლეს მათ და 50,000 სულზედ მეტი სადღეისოდ აღარც 5000 სული არის, მოისპნენ, გაწყდნენ სილატაკისაგან, გადაგვარდნენ და სხვანი. ასე გათავდა აფხაზეთის საქმე. რაც დღეს აფხაზეთში ხალხია დარჩენილი, ორი იმდენი ოსმალში გაწყდა და ერთი იმდენი გზაში. ამათ სულიერ და ხორციელ ტანჯვის გამო აქ მოვიყვან ერთ ცნობას, რომელიც მოყვანილი არის ალექსანდრე ეპისკოპოსის ცხოვრებაში. აი აქ რას სწერს არქიმანდრიტი ამბროსი:

1866 წ. აფხაზეთის ამბოხების ჩაქრობის შემდეგ, როცა სჯულის გამო ვინ იცის რაები არ ხდებოდა, ამ დროს ერთი მაჰმადიან აფხაზი სახელად ურუსო ალექსანდრე ეპისკოპოსთან მისულა. ეპისკოპოსმა მისვლის მიზეზი ჰკითხა. აფხაზმა მოახსენა შემდეგი:

თქვენთან მიტომ გიახელით, რადგანაც მე სამუდამოთ ვეთხოვები ჩემს სამშობლო ქვეყანას, მივდივარ ოსმალეთში საცხოვრებლად, ჩემი შვილი ვაჟი-კი ვერ გამიმეტებია, ვერ წა-

მიყვანია იქ, მეშინიან, ამის მეტი არა მყავს რა. ცოლი და სხვა შვილები ადრე დავეკარგე. არ ვიცი, რა მომეღოს უცხო მხარეში, მაგრამ მაინც ვტოვებ აქ ჩემს საყვარელ ქვეყანაში. მინდა ეს აქ იყოს. გარდა ამისა არ მინდა, რომ ჩემი უბედურება ჩემს ერთად ერთ შვილსაც გაუზიარო. ამიტომ ვტოვებ აქ და ვითხოვ თქვენგან დახმარებას და მფარველობას, თუ კი ეს მისთვის საჭირო იქნება ოდესმე.

აი ასეთის გულ საწვავის და სულიერის ტანჯვით ყოფილან შეპყრობილნი, როცა თურმე აფხაზები თავიანთ სამშობლოს სტოვებდნენ და ოსმალეთში მიდიოდნენ. არც ეთმობოდათ ეს ქვეყანა და ვერც გარემოებას ეთვისებოდნენ. უმთავრესად კი ამათ უბედურების მიზეზათ გაქრისტიანების საქმე ხდებოდა, რასაც მათი ხოჯები და მოლები უფრო ამწვავებდნენ და რაც იყო მიზეზები ყოველივე მათის უბედურების და სამშობლოდამ გადასახლების და დაღუპვის. ამ უბედურების მიზეზებათ რამდენათაც მაჰმადიანთ სასულიერო წოდება იყო, მათზედ მეტი დანაშაულობა ჩვენც მიგვიძღვის, რადგანაც მათ ძალით გაქრისტიანება გახდა ყოველივეს მიზეზები. ეს ძალით მოწყობილი საქმე რომ არ ყოფილიყო, უამისოდ აფხაზები თავიანთ ქვეყნიდამ ფეხსაც არ მოიცვლიდნენ, ერთი კაციც არ წავიდოდა აქედამ ოსმალში. ერთის მხრით, რომ ყოველივე ცდა უბრალო იყო და უმნიშვნელო, ესა სჩანს იმ გარემოებიდამაც, რომ ძალით სჯულიდამ სჯულზედ გადასულნი უკანასკნელ წლებს, ნამეტურ 1877 და თვით 1880 წლებშიაც კი, ისევ ისლამზედ გადავიდნენ.

ჯიბრმა ჯიბრი გამოიწვია, ყოველივე ცდა უბრალოდ დაიკარგა და მით საცოდავიც აფხაზებიც თავიანთ სამშობლო ქვეყნიდანაც აიშალნენ და ვინ იცის საით წავიდნენ და გადასახლდნენ, სადაც მათ უკანასკნელ უწყალოდ მოსპობა და გაწყვეტაც მოევიწყლნად. 1894 წლებში ბათუმში მე ვნახე რამდენიმე აფხაზი, ოსმალოდამ დროებით მოსულნი და ბათუმის ახლოს თავიანთ მონათესავე აფხაზებთან დროებით მცხოვრებ-

ბნი. ესენი გავიცანი. ლაპარაკი გვექონდა გადასახლებულ აფხაზებზედ. იგინი ქართულად კარგად ლაპარაკობდნენ. აქ მე მოვიყვან ეხლა იმას, რაც კი მათ სიტყვით სიტყვა მიაიმეს. აქ ჩემსას არასფერს მოუმატებ, ყოველივე მათი ნათქვამი არის.

ბატონო ძიავ, რაც მოხდა, მოხდა, ჩვენ კი დავიღუპეთ. ზოგი ჩვენი ბრალია, მაგრამ უმეტესი კი თქვენების ბრალია. ძალით სჯულიდან სჯულზედ გადასვლა არ არის კარგი. ჩვენ ორსავ მხრიდამ გვაშინებდნენ. ჩვენც ხამი ხალხი ვიყავით, ამიტომ მოვიშალენით ჩვენის ცხოვრებიდამ და წავედით ოსმალში საცხოვრებლად, სადაც ჩვენ ამით თითქმის დავიღუპენით. ადრე იქ ჩვენი აფხაზების 100 ათასი კაცი მეტი იყო,

დღეს კი იქ ამის აღარც მეათე ნაწილი დარჩა. ვინც იქ ჩვენი საცოდაობა ნახა, ვინც ჩვენი გაჭირება და სილატაკეს შეესწრა, იგინი ცრემლებს ღვრიდნენ ჩვენის საცოდაობით.

ასეთის საცოდაობით და გაჭირებით გაწყდა მთელი იქაური აფხაზები. გადარჩა ძალიან მცირე რიცხვი. ცოტანი სტამბოლში ვცხოვრობთ. ოსმალში ჩვენი დღეს აღარაფერი არის. იქ თქვენ აფხაზებს ვეღარსად შეხვდებით, ცოტაოდენი აქეთ ლაზისტანში არიან დასახლებულნი. ესენიც აქ ისე წამხდარან, რომ მათ აფხაზურის აღარაფერი იციან, იგინი ლაზებს დანათესავებიან და დღეს ლაზურად ლაპარაკობენ. თქვენ მათ ლაზებისაგან ვეღარ გაარჩევთ. ასე დაიღუპა ჩვენი საქმე, ასე მოვიშალენით ჩვენის ქვეყნებიდამ და იქაურის ქვეყნებიდამაც.

ჩვენი ქალები და ნამეტურ დედაბრები და ბერი კაცები ცხარეს ცრემლით მოსტირიან თავიანთ სახლ-კარს. რამდენსაც იგინი მოიგონებენ თავიანთ სოფლებს, იმდენად იგინი მწარეთ სტირიან ხოლმე. თქვენ არ გინახავსთ მათი საცოდაობა და ტირილი, ამიტომ შეიძლება თქვენ ეს არც კი წარმოიდგინოდ. ყოველივე ეს ჩვენი დაღუპვის მიზეზები სულ თქვენი ბრალია. ძალას გვატანდნენ, გვაშინებდნენ და ჩვენც ღობორც ხამი ხალხი წავედით, გავიქეციით და მის მერე ბევრიც ვინანეთ, ვიწყევლეთ და ვწუხდით, მაგრამ მეტი რა გზა

– 169 –

გვქონდა, შიშის გამო ყოველიფერს ვითმენდით და ამ მოთმინებაშიაც სუ გავეწყდით და მოვისპენით. დღეს აფხაზების რიცხვი ოსმალეთში სამთლით საძებარია, ჩვენ იქ აღარსად არაფერი ვართ. ან თქვენ რა იპოვეთ ამით, რა შეიმატეთ ჩვენის დაღუპვით, ეს ჩვენ არ ვიცით. ჩვენ კი მოვიშალენით ჩვენის ქვეყნიდამა და მისის წყალობით სულაც მოვისპედ. ეს სულ ძალადობის ბრალია.

აფხაზების გადასახლება საქართველოდამ ოსმალეთში იწყება XVIII საუკ. დამდეგიდამ. მინამდის ამათი გადასახლება თუ ხდებოდა, იგი ოსმალს მთავრობის მეთაურობით იყო. მერე-კი XIX საუკ. დამდეგიდამ-კი, ესენი როგორც ისლამის ფანატიკები, თავიანთ სურვილით მირბოდნენ ოსმალეთში. ამათ წასულთა რიცხვს ასე ანგარიშობენ თვით აფხაზები.

5000 ათასი გადასახლდა და 1810 წ.

10,000 ათასი გადასახლა 1829 წ. ფოთის აღების დროს.

20,000 ათასი გადასახლდა 1856 წ.

15,000 ათასი წავიდა 1860-1866 წლებს. ოთხივ დროის გადასახლებულთ რიცხვი ზედ მიწევნით მცოდნეთ ანგარიშით უდრის

50,000 ათას. აქ, საქართველოს აფხაზეთში დარჩენილან სადღეისოდ შემდეგნი მცხოვრებნი:

20,000 ათასი გაქრისტიანებულ აფხაზნი და

20,000 XVII საუკ. შემდეგ გამაჰმადიანებულნი.

სულ მამასადამე აფხაზების რიცხვი საქართველოს აფხაზეთსა თუ ოსმალეთში უნდა იყოს 90,000 ათასი. ეს რიცხვი

ჩვენ ერთობ მცირედ მიგვაჩნია. ნუ თუ მთელი აფხაზეთი ძველად 100 ათასზედ მეტი არ იყო ორივე სქესის, ეს შეუძმლებელი არის.

ოსმალში წასულთ აფხაზთა რიცხვი სადღეისოდ თითქმის მოისპო. რაც ამათ მწუხარება ნახეს, ამაზედ მეტი ჭირი ჩერქეზებმაც გამოიარეს. აფხაზთ გადასახლება იყო მარტოდ გადასახლება სულის საცხონებლად ოსმალეთში, თორემ სხვა-

– 170 –

ფრივ მათთვის იქ იყო ტანჯვა სულის, ცხოვრების გენიაჯოჯობით და არა აფხაზეთის მსგავსი სამოთხე ქვეყანა და მასში ნაზათ ცხოვრება. ეს რომ სწორედ ასე იყო და ცხადი, ამას ასაბუთებს ის გარემოებაც, რომ ოსმალში მყოფი აფხაზები ყოველთვის ცრემლით იგონებდნენ თავიანთ სამშობლოს, თითქმის ცრემლს ღვრიდნენ შინ დაბრუნებისათვის, მაგრამ აბა ამის ძალას მათ ვინ მისცემდა, როცა მათ ჭირში სულიც აღარ აქვდათ შერჩენილი.

მაინც მათში გამოჩნდნენ იმოდენიც, რომელთაც მოახერხეს იმდენი ქონების შეძენა, რითაც მათ შეეძლებოდათ სამშობლოში დაბრუნება. ესენი მოემზადნენ, აკრიფეს ყოველივე თავიანთი ბარგი-ბარხანა და 1879 წ. აგვისტოში გამოუდგნენ საქართველოს, წამოვიდნენ აქეთ. ამათი რიცხვი ორივე სქესის შესდგებოდა 1000 სულზედ მეტს, მთელი დიდი გემი ასეთის წამოსვლის აფხაზებით გაივსო. ეს ოსმალს გემი ბათუმსაც მალე მოადგა, იგი აფხაზებით ბათუმს მოვიდა დროით, მაგრამ გემი ხმელეთს ვერ მოუახლოვდა. აფხაზებს ეცნობათ, რომ თქვენი მიღება აქ შეუძლებელი არისო. გემი დარჩა ზღვაში, ხმელეთიდან კარგა მოშორებით. მაშინ აფხაზებს გამოუელადა დიდი სატანჯველი, ცრემლი, ტირილი. შიმშილით კაცები და ქალებიც დახოცილან. მერე კი შეიწყნარეს მათი თხოვნა და დააბრუნეს აფხაზეთში.

ლაზების გადასახლების ამბები შეკრებილი თვით ლაზებში.

ლაზების გადასახლებას დიდი ისტორია აქვს. ეს ჩვენ ზეპირ ამბებით ვიცით, რადგანაც ლაზებში მოხუცებულთა ზეპირად იცოდნენ ლაპარაკი, რომ ჩვენი ძველები ოსმალეთში ხშირად გადუსახლებიათო. რაც დღეს 1894 წ. ლაზები არიან, ადრე ათი ამდენი ყოფილა, დღეს მთელი ლაზისტანი ხალ-

– 171 –

ხით იქნებოდა სავსეო. მაგრამ აი ხომ ხედავთ, რომ მთელი ლაზისტანი განახევრებული არისო. ლაზებით სავსე გახლავსთ მთელი ოსმალეთიო.

ლაზების უმეტესი ნაწილი ხელოსანი და წვრილი ვაჭარი ხალხია. იგინი ადვილად მგზავრობენ სხვა და სხვა ქვეყნებში და ხელოსნობით და ვაჭრობით სცხოვრებდნენ. ვიდრე ესენი ქრისტიანები იყვნენ, მინამდის ამათგანნი უმეტესად საქართველოში გადმოდიდნენ და ხელოსნობდნენ. უმეტესად დურგლები და კალატოზები სულ თქვენებში მოდიოდნენ სამუშაოთაო, გურიას, იმერეთს და სხვაგანაც.

მართლაც ძველად უმეტესად ხალხი სხვა და სხვა ხელობას ამ ლაზებისაგან სწავლობდნენ. რაც ლაზები ისლამს დაუკავშირდნენ, მას შემდეგ მათი მისვლა-მოსვლა ქართველებთან შემცირდა, რადგანაც სასულიერო წოდებას ამის შიში აქვდა და მიტომ აქეთ აღარ უშვებდნენ, რომ მისვლა მოსვლით და სახელოსნო საქმეთა დამოკიდებულების წყალობით მათ ძველი სჯულის აღარა გახსენებოდათ რა.

ამიტომ ზემო ხსენებულ კუთხეთა მაგიერ ლაზებს დარიგება მიეცათ, რომ მათ სახელოსნო საქმეებისათვის ოსმალეთის ქვეყნებისაკენ ევლოთ, რითაც იგინი უფრო მეტ ხელფას აიღებდნენ. ლაზებმაც დაიწყეს ამიტომ იქით მოგზაურობა და მართლაც უშიშრად იწყეს საქმეების შოვნა და მუშაობა. პირველ დროებში ამათ უმთავრეს ბინათ შავი ზღვის ნაპირა ქალაქები და დაბები იყო. მერე უმეტესად ტრაპიზონში გაიმართეს სადგური ბინა, საქმე ისე მოეწყო, რომ ამ ორასი წლის წინედ 1700 წ. ტრაპიზონში ლაზთა ხელოსნობის იყო რამდენიმე ათასი სული, რომელნიც იქიდან მარჯვედ ემგზავრებოდნენ მთელს ოსმალს იმპერიის ქალაქებში და იქ ესენი ხშირად დიდ საქმეებსაც შოულობდნენ.

ასეთის საქმიანობის წყალობით ლაზები თურმე ლაზისტანს ხშირად სცილდებოდნენ და საქართველოს სანაცვალოდ ოსმალეთის ქალაქებში სახლდებოდნენ. 1770 წლებს თვით

– 172 –

კოსტანტინეპოლიც კი სავსე ყოფილა ლაზელი დურგლებით, კალატოზებით, ხუროებით, მჭედლებით და სხვა ხელოსნებით. სამწუხაროდ, ძველადგანვე ლაზების ეს სახელოსნო ცოდნა და საქმიანობა გახდა მათს გადასახლების უმთავრეს მიზეზათ და ესენი ამიტომ თავიანთ ქვეყანას ერთობ ადვილათაც ეკარგებოდნენ. ეს დაკარგვა ხშირად მათის ნებითაც ხდებოდა. თავის ქვეყნიდამ შორს წასული ხშირად შინ აღარ ბრუნდებოდა და იქით ირთავდა თათრის ქალს, სადაც მერე მას გადაგვარებაც ელოდა. ასე ლაზისტანს დიდი რიცხვი აქვს მოშორებული თავის ასპარეზიდან და დაკარგულნი.

ასეთ მოცილებულთ გარდა ლაზების რაღაც ჯავრი ჰქონდა ოსმალს მთავრობას, ამიტომ აქედამ ხშირად მათ მტრობითაც ჰყრიდა და ასახლებდა ოსმალს ქვეყნებში. ჩვენში ბევრს ახსოვთ, რომ ლაზები ძალიან ხშირად ძალითაც აუყრიათ და ოსმალში გადაუსახლებიათ. ხშირად უმიზეზოთაც ჰყრიდნენ მათ. აყრის მიზეზათ ერთი უბრალო დანაშაულობაც კმაროდა თურმე. გარდა ამისი ასახლებდნენ მიტომაც, რად-

განაც შარს უგონებდნენ სჯულის გამო. ხშირად შარის მიზეზათ ღუზების სიკარგეც ხდებოდა. რაც ლაზების გადასახლება დაწყობილა, მის შემდეგ გასული იქმნება ორასი წელიწადი. ლაზებს სჯულის გამო შარს ვერ უზამდნენ, რადგანაც ესენი წინათვე კარგი წმინდა თათრები იყვნენ. ამათი დანაშაულობა ამათი სიკარგე იყო, რაც ოსმალებს ძრიელ შურდათ. ორასი წელიწადი ჩვენ 1700 წლიდამ უნდა ვიგულისხმოთ. აქ ნათქვამ სიკარგეში იგულისხმება ბევრნაირი რამ უპირატესი მხარენი და მასთან უმთავრესად კი მათი სილამაზეც.

მუსა კულუხაშვილი, მახმედ თომაშვილი და ოსების გადასახლება ოსმალეთში

(ვასილ თედეშვილის ცნობებით)

ჩვენს ქართველ მაჰმადიანთ გვერდით ჩვენივე მეზობელთა და მოძმე ოსთ მაჰმადიანთ საქმეც მეტად საინტერესო არის.

– 173 –

ოსეთის ისლამთან დაკავშირება ეკუთვნის XVII საუკუნის ნახევრიდამ, თითქმის იმ წლებიდან, როცა აფხაზეთში იწყეს ისლამის ვრცელება. ჩვენ ისლამთან საქმე არა გვაქვს, ჩვენ ყველა სჯულს პატივს ვსცემთ, მხოლოდ არა ვართ თანახმა მის, რომ კაცმა რომელიმე სჯულის გამო მთელი თავის თავი და ისტორია დაივიწყოს.

რაც ქართველთ მოუვიდათ, როგორც ქართველ მაჰმადიანები გათახსირდნენ ისლამის გამო და დაკარგეს ყოველივე, ესევე მოუვიდათ თითქმის ოსებს. ესენიც ისევე გათახსირდნენ და გაგარეულდნენ, როგორც ქართველები. თუმცა ისიც უნდა შეინიშნოს, რომ ისლამს სულაც არ უშლის ის გარემოება, რომ მის მაღიარებელთ შორის თათრის ტომთა გარეშე სხვა ერნიც იყვნენ მაღიარებლად. ეს ასე უნდა იყოს, მაგრამ ჩვენში კი ეს ასე არ მოხდა და ისლამის სასულიერო წოდების წყალობით სულ სხვა სენი და ბოროტება დატრიალდა, როგორც გვარის, ანუ ნაციის მჭამელად. ეს კი არ არის კარგი და პატიოსანანი. სწორედ ასეთ გარემოებაში იყვნენ და არიან ჩავარდნილნი თვით ჩვენი მეზობელ მოძმე ოსებიც. ეს რომ ასე არის, ამას გამოაჩენს შემდეგი.

ოსები იმავე თავიდანვე ისლამის საშუალებით ისეთ ფანატკობით აღმოსჩნდნენ, რაისა გამო მათ ოსმალში გადასახლება იწყეს 1770 წ. მის მერეც მათი რიცხვი არ მოსკობილა და ყოველთვის ჰქონიად გადასახლების ნატვრა და ტრფიალება. 1770 წლების შემდეგ გადასახლება 1812 წ. მოხდა, მის მერე 1829 წ. და უეჭველია სხვა და სხვა დროსაც მოხდებოდნენ, მაგრამ იგინი ჩვენთვის უცნობი არის. ამიტომ ჩვენ ავსუხსავთ ისევ ამ ჩვენი XIX საუკუნის გადასახლების საქმეს, რაც უფრო მნიშვნალოვანი უნდა იყოს ჩვენთვის. ეს უკანასკნელი გადასახლება ოსებში იწყება 1840 წლიდამ და გრძელ-

დება 1866 წლებამდე. უკანასკნელი გადასახლება არის მათი მეტად საგრძნობელი და მასთან საყურადღებოც.

უკანასკნელ გადასახლების მიზეზათ აფხაზეთის საქმე გახ-

– 174 –

და და აფხაზთა გადასახლება ოსმალში. აფხაზთა აყოლებას აქ ამათში მიზეზები იმ გადასახლებასაც ედება, რადგანაც 1830 წლებიდან ოსებში ქრისტიანობასაც უწყეს გავრცელება და ეს გარემოება ბევრის ოსისთვის იყო საწყენი. აქ ამ უკმაყოფილობას მხარი მისცა ოსმა მუსა კულუხოვმა, ოსეთში ობლასტნოი უფროსმა. ამასა და იმ დროის კავკავის ეპისკოპოსთ შორის ცოტა მტრობაც ჩამოვარდა. მერე საქმე რომ გამწვავდა, ამ მუსა კულუხოვის დარიგებით აიშალნენ ინგუშნი, ქისტები და მასთან მაჰმადიან ოსებიც. ამ მუსა კულუხოვის ცდით 1860 წლიდან 1866 წლამდე ოსეთიდან ოსმალეთში გადასახლდა 20 ათასი მეტი მუსულმანის სჯულის მექონ ოსებთაგანი. 20 ათასი სული ისეთის ერისათვის, როგორც ოსები არიან, უნდა ითქვას, რომ იგი ერთობ საგრძნობელი დანაკლისი არის. ოსები თურმე თავიანთ სამშობლოდან არსად არ წავიდოდნენ. ამის მიზეზი ქრისტიანობის გავრცელება გამხდარა ოსებში. ქრისტიანობის გამო ზემო ხსენებული მუსა კულაევი კავკავის ეპისკოპოს გადაჰკიდებია, მერე ეპისკოპოს ამაზედ უჩვილია, ამიტომ ამათში მტრობა ამტყდარა და უკანასკნელ მუსა კულაევს 20 ათასი ოსთა მაჰმადიანობა ოსმალში გადუსახლებია და თვითონაც იქ გადასულა. იქ ამას თურმე ფაშობა მისცეს იმოდოლა ხალხის მიყვანის გამო.

მუსა კულაევს დიდად უმეცადინია და მაინც მთლად ოსთა მუსულმანობის სრულიად გადასახლება ვერ მოუხერხებია. მას წაუყვანია ზემო რიცხვის ხალხი, ამაზედ მეტი აქაც დარჩენილან. ოსები ოსმალეთის სახელმწიფოში ისე დაუფანტავთ და დაუპნევიათ, რაისა გამო მათ ასე მოკლე დროის განმავლობაში ოსების ხსოვნის ყოველივე წარხოცვიათ, მოსპობილან. ისლამის წინაშე ოსებიც ისეთივე მუსულმანები არიან, როგორც მესხელ და ჯავახეთის ქართველ მაჰმადიანები. ასე უღვთოდ დაიკარგა ამოდენა ხალხი ოსმალეთში. ოსებთან

– 175 –

ერთად გადუსახლებიათ ინგუშები და ქისტებიც, უმეტესად კი მუსულმან ოსები.

როგორც ჩვენ ქართველ მაჰმადიანები ვართ უბედურები, ისევე მაჰმადიან ოსები იყვნენ. როგორც ჩვენ არ გვაქვდა შეგნება სჯულსა და ქვეყანაზედ, ისევე ოსთა მაჰმადიანები ყვნენ. მათ სულ არ აქვდათ მის შეგნება, რომ შეიძლება ოსი ოსის, ანუ ირონის – თუ ერის ტომისა იყოს და მასთანავე ისიც შეიძლება, რომ ერთი ოსი ქრისტიანობას აღიარებდეს და მეორე ისლამს, ამასთანავე ერთიცა და მეორენიც იყვნენ

რუსის ქვეშევრდომნი, რუსეთის ხელში იყვნენ და მუსულმანს ხმას არავინ სცემდეს. იგი აქ დაშთეს თავის ისლამით უვნებლად. არა ამის შეგნება მათ არ აქვდათ და ამიტომ ყოველთვის იმას ფიქრობდენ, რომ ისლამის მექონ კაცს უსათუოდ მუსულმანის სჯულის მექონი ხელმწიფე უნდა ჰყვანდესთო.

ამიტომაც იყო, რომ ოსის მაჰმადიანები ყოველთვის მომხრენი იყვნენ შამილისა. ესენი შამილს საიდუმლოდ პატივს სცემდნენ და მასთან დახმარებასაც აძლევდნენ საიდუმლოდ, რაც უკანასკნელ ცნობილ იქმნა თვით რუსეთის მთავრობის წინაშე და რამაც გამოიწვია დიდი უსიამოვნობა. მთავრობამ ცნობების კრება დაიწყო. ამ გარემოებას მახმედ თომაშვილიც გაუმძლავრდა. ბევრს ალაგას რუსეთის მხედრობას სხვა და სხვა ვიწროებიდამ უსაფრდებოდნენ და ჯარს უხოცდნენ. ბევრის ხოცვის შემდეგ ყოველივე ძლეულ იქმნა და მახმედ თომაშვილი ციმბირში გადასახლებული, მუსა კუთხაშვილი კი ოსმალში გადავიდა.

შამილის დაპყრობამდე მუსულმან ოსებს იმედი აქუნდათ, რომ იქნება შამილი გამაგრდეს და კავკასიაში იგი მუსულმანთა მეფედ გამოცხადდეს და ყველა მუსულმანებიც მის მფარველობის ქვეშ ვიქმნეთო. იმედი ჰქონიად, რომ თუ შამილი არ დაეცა, მაშინ ჩვენთვის შეიძლება რომ ოსეთში, ოსების წილ გამთავრდეს მახმედ თომაშვილი, რომლის გვარიც წარმომდგარია გვარი – თამარაშვილიდან და რაც ნათესავი არის

– 176 –

ზაგრატიონებისაო. მაგრამ ეს ვერ მოხდა და ვერც მოხერხდებოდა. რაკი მუსა კულუხაშვილი ოსმალში გადასახლდა და მახმედ თომაშვილიც ციმბირში გაგზავნეს, მის გამო მაჰმადიანთ ოსებიც დიდს მწუხარებაში შთაცვივდნენ და მათ სახსრად და მშვიდობის ნიშნად მხოლოდ გადასახლება დაინახეს.

შეიძლება მუსა კულუხაშვილს და მახმედ თომაშვილს ვერც-კი გაეწყოთ რამე. ამის ნიშანი არის ის გარემოებაც, რომ მათი ამყოლი არ იყვნენ ქრისტიან ოსები. იგინი გავლენას ახდენდნენ მარტოდ მუსულმან ოსებზედ. ამის უმთავრეს მიზეზად ისე თვით მათი შნო და გავლენა არ იყო, როგორც ისლამის სახელწოდება და მისი მიმართვა. ამ გარემოებას ზედ დაერთვა მათი ცდა და ამიტომაც მოხდა ისე უადვილესად ოსთა გარდასახლება ოსმალეთში. მუსულმან ოსების ცოტაოდენი მაინც დარჩენ ოსეთში და იგინი დღესაც სცხოვრებენ აქ. ოსმალეთში გადასახლებულ ოსების დღეს არავინ რა იცის. იგინი ოსმალეთის სხვა და სხვა კუთხეებში დაიბნენ და ასე დაბნეულნი სცხოვრებენ. მოკლე დროის განმავლობაში მათი რიცხვი იქ სამუდამოდ მოისპობა. ცოტაოდენი ამათ რიცხვი სტამბოლში სჩანს. იქ ესენი მიკედლებულნი არიან გადასახლებულთ ჩერქეზებს და აფხაზებთან. ყველა ამათში დღეს საერთო ენად ოსმალური ენა არის მიღებული.

უნდა შეინიშნოს, რომ ოსებმა თავიანთ სამშობლო უბ-

რალოდ დაჰკარგეს, რუსები შემდეგ არ გააქრისტიანებდნენ და არცარა სხვა რამ ტვირთს დააკისრებდენ გადასახადათ. ამის ფიქრებით იყვნენ ოსები, ამისი ემინოდათ და მიტომაც აიყარნენ და წავიდნენ ოსმალში. იქ ამათ არაფერი შეძლება გაჰყვათ თურმე და მიტომ მოკლე დროის განმავლობაში დიდს სილატაკეში ჩავარდნენ. ბევრი თურმე ნანობდა დიდათ, რომ ჩვენი სამშობლო რათ დაჰკარგეთ და აქეთ რათ წამოვედითო. ზოგი დაბრუნებასაც აპირებდა, მაგრამ შეძლება არ აქვდათ და მიტომ ველარას ახერხებდენ წამოსასვლელად. ასე და ამ

– 177 –

გვარად დაილუპნენ ეს ბედშავნი ოსმალეთის სახელმწიფოში. ამათ გადასახლების შესახებ ოსებში ბევრნაირი ზეპირ ამბებია დაშთენილი. იგი ღირსია შეკრების და ანუსხვის. ამიტომ ურთავთ აქ ამ ზეპირ ცნობებსაც:

5,000 ათასი ოსი გადასახლდა 1829 წ.
3,0040 ათასი ოსი გადასახლდა 1856 წ.
20,000 ათასი გადასახლდა 1863-1866 წ.
სულ 28 ათასი ორივ სქესის. სხვა ცნობები ჩვენ არ გვაქვს.

გადასახლების ქადაგებანი

ეს ქადაგება 1877 წლებს არის შედგენილი. ამით უქადაბებდნენ ქართველებს, ლაზებს, აფხაზებს, ოსებს და სხვებსაც .

ეს ქადაგება შედგენილია ოსმალის სასულიერო წოდებისაგან და წარმოგზავნილი ქართველ მაჰმადიანთ ხოჯებსა და მოლებში საქადაგებლად. ამას მოვიყვანთ სიტყვით-სიტყვას, როგორც ქადაგებდნენ 1877-1881 წლამდე.

„მართლ-მორწმუნე მუსულმანებო, ჩვენისთანა ბედნიერი ხალხი არც ერთი სჯულის ხალხი არ არის. ჩვენ ჩვენის სჯულის ძალით დიდი ბედნიერები ვართ, ხოლო ამ ბედნიერებას კი ჩვენ არ უფრთხილდებით და არ ვაფასებთ. ასეთ ბედნიერებას სხვა სჯულის ხალხი დანატრულეულია. ჩვენ რაც გინდ ცოდვა ჩავიდინოთ, რაც უნდა ავი საქმე ვქნათ, მაინც ბოლოს ღმერთი გვაპატიებს. ორივ მხარეს შვებას გვაძლევს, აქაც და იქაც – საიქიოს. ჩვენ ყველა მუსულმანები საიქიოს ჯენეეთში წავალთ, იქ ჩვენთვის ჯენეეთის კარი ღია იქნება, მხოლოდ მუსულმანმა უნდა ეცადოს, რომ სიკვდილის დროს მუჰამედის ლოცვა არ დაივიწყოს და „სელვათი“ სთქვას. ასეთია ჩვენი წმინდა სჯული, ასე გვფარველობს ჩვენ, ასე გვპატრონობს, საიქიოსაც გვაბედნიერებს, ჩვენ სამოთხე სიცო-

– 178 –

ცხლეშივე გვაქვს მოპოვებული, ესეთი ბედნიერება არც ერთ ხალხს არა აქვს. იგინი ამას დანატრულეები არიან. ეს მარტოდ

ჩვენა გვაქვს, მარტოდ ჩვენ მუსულმანებს, მარტოდ ჩვენა ვსარგებლობთ ამით.

ხოლო ჩვენ კი ასეთი წმინდა ბედნიერი სჯულის ფასი კი არ ვიცით, არც ვცდილობთ რომ გავიგოთ და შევიტყოთ მისი ფასი და ვეცადოთ მით, რომ ოდესმე ჩვენი სული საიქიოს წავა და სხეულიც ჯენეეთში შავა. იმ დროს ჩვენი წმინდა სჯულის მექონი ხორციც ისეთ წმინდა მიწაში დაიმარხოს, ისეთ ალაგას, სადაც მუსულმანს შეჰფერის, რაც სასიამოვნო იქმნება თვით იმ სულისთვის, რომელიც გვამს – ხორცს განშორდა. ჩვენ სულის ვალის საქმეებს კი ვასრულებთ და ხორცისათვის კი არა ვზრუნავთ, არა ვსცდილობთ, რომ სულის გასვლის შემდეგ ხორციც კარგ ალაგას დაიმარხოს. ჩვენ კი მას უწმინდურ მიწაში ვმარხავთ, უწმინდურ გიაურებს ვაქელებთ ფეხ-ქვეშ. ეს არ შეგვფერის ჩვენ. ჩვენი წმინდა სჯულის მექონი სხეულიც ისეთ მიწაში უნდა დაიმარხოს, სადაც ის შვებას მიიღებს, სიამოვნებას და ისიც ცხონდება, თორემ მარტოდ სული ცხონდეს და ხორცი კი უწმინდურთ ფეხ-ქვეშ გაილახოს. ეს არ იქმნება ჩვენთვის კარგი, მარტო სული ცხონდეს და ხორცი კი დაიტანჯოს, ეს ღვთის მოსაწონი საქმე არ არის.

ყოველი მუსულმანი ამის ფიქრს უნდა მიეცეს, ამაზედ უნდა იტიროს მან, რომ სიკვდილის შემდეგ რაკი ყველა ჩვენი თათრის სულები წმინდა მუჰამედთან – ჯენეეთში წავლენ, ხორციც კაი ალაგას იყოს, სულმა ჯენეეთში იხაროს და ხორცმაც აქა. ამაზედ მეტი სიმდიდრე მუსულმანისათვის სხვა არაფერია საჭირო. ჯერ ღმერთი გვითმენს ამას, იგი ელის ჩვენგან, რომ ჩვენ გონს მოვიდეთ და ხორცის საქმეს უპატრონოთ. თუ ეს ასე არ შევასრულებთ, მაშინ მუსულმანისათვის ჯენეეთის კარი დაიკეტება. მუჰამედი შემოგვწყურება, ყველანი ჯოჯოხეთში ვიწყებთ სვლას. მერე იცით, რა იქნება იქ,

– 179 –

რა საშინელება, პირიდან გველები ჩაგვიძვრებიან და ჩვენი წელებიდან ამოყოფენ თავს და ცეცხლს წამოისვრიან პირიდან. ჩვენც სატნჯველს მივეცემით, იქ ჩვენთვის ცეცხლის, გველების და ასეთ მავნე მხეცების მეტი სხვა იქ არაფერია, ჩვენს სამუდამო ტანჯვას ჩვენვე დაუწყებთ მზერას, იქ ჩვენთვის არსაიდან რა შველა იქმნება, სულ დავიტანჯებით სულით, ხორციით, ყველაფრით, გველები ხან შეგვჭამენ და ხან ცოცხლებს გადმოგვყრიან პირიდან, რომ ვიტანჯოთ და ვიკვნესოთ. ხან ანთებულს კუპრის ცეცხლში ჩაგვყრიან, მაგრამ არც იქ დავიწვით, იქაც წვისაგან დავიტანჯებით.

მაშინ ჩვენთვის ერთი ბეწო წყალი დიდი ფული ეღირება, მაგრამ ამას ვინ მოგვცემს, არავინ. ხან კი შავი ზღვასეზ წყალი მოვარდება და ცეცხლს გააქრობს, მაგრამ ჩვენც დავიღუპებით, იქ ზღვის ვეშაპები ჩაგვყლაპამენ, ეხლა იქ დავიტანჯებით იმათ გვამში, მერე წყალიც გადავა, დაშრება ვეშაპები პირიდან გადმოგვყრიან, მერე კიდევ ცეცხლში ჩავარ-

დებით და სამუდამოთ ასეთ ტანჯვაში ვიქნებით, რომ ყველა ესენი ავიციდნოთ. ამიტომ უნდა ვეცადოთ, რომ ჩვენი სხეულიც სიკვდილის შემდეგ წმინდა მიწაში იქმნეს დამარხული.

მერე, სად არის ასეთი წმინდა მიწა, მკითხავთ თქვენა? მე გეტყვით: იქ არის ასეთი მიწა, სადაც ჩვენი ფადიშახი ზის, იქ არის იქ. მერეთ ამისათვის რა არის საჭირო, რომ ჩვენი სხეულიც წმინდა მიწაში დაიმარხოს, მით წმიდა მაჰმადი არ გავარისხოთ და ჩვენც ავსცდეთ ჯოჯოხეთში ტანჯვას. ამიტომ ჩვენი კაცისათვის აქედგან მხოლოდ გარდასახლება არის საჭირო, თათრის მიწაში „მუჰაჯირათ“ წასვლა, თორემ სხვა ყოველივე მოხერხდება.

ოო! გადასახლება, გადასახლება! რა ძნელი გასაგონია, რა დიდი საქმეა, მაგრამ რა გაეწყობა. ვისაც სააქაო საიქიოს ურჩევნია, ვისაც სურს, რომ სააქაოს ცოდვები ეპატიოს და საიქიოს ლხენა მიიღოს, იმისათვის ეს ძნელი არ იქნება. ვისაც ჯოჯოხეთში ტანჯვის ეშინიან, ის ამას არ შეუშინდება. ის ყველას მოახერხებს და მით სამუდამო ტანჯვასაც ასცდება. ვინც ამას ვერ მოახერხებს, ის ბლავი უნდა იყოს, მტერი

– 180 –

თავის სულისა და ხორცისა. ამისთანა კაცი ისევე აქ დარჩეს, აქ იყოს, აქ არის მისი ბინა და ბარემ ბოლოს გაგიაურდეს, გაქართველდეს, კერპებს, უსჯულოებს და უღმერთოებს მიემატოს. ჩვენ მუჰამედს და ფადიშახს ასეთი მხდალები არა სჭირიათ. მაგრამ ვაი მათი ბრალი, ბოლოს ინანებენ, როცა ჯოჯოხეთში სამუდამო ტანჯვას მიეცემიან.

მაგრამ იცით რას გეტყვით, ვისაც ეს არ უნდა, ვისაც ტანჯვის ეშინიან, იმან აი რა უნდა ქმნას: ვიდრე გადასახლებას იფიქრებს, მინამ მან ჯერეთ ეს მხარე უნდა ამიღოს გულიდამ, ამოირიცხოს, დაივიწყოს და მერე გაბედოს გადასახლება, თუ არა აქიდამ რომ წავიდეს და იქ შენანება დაიწყოს, თუ რათ წამოველო, ასეთი კაცი ისევე აქ დაშთეს, აქ არის მისი ადგილი. იქ რაც უნდა გაჭირება ნახოს, უსახლობა, უპურობა, უფულობა და ქალ-ბაღანაც მოუმშვიდდეს, გინდ სულ მხოლოდ მუსულმანებზედ დაეყიდოს, მაინც იგი შენანებაში არ უნდა შევიდეს და აქაური არაფერი არც უნდა გაიხსენოს, არც ბალი-ბოსტანი, არც ცივი წყალი, სახლ-კარი, არც ავი და არც კარგი.

ერთის სიტყვით არაფერი არ უნდა მოიგონოს, სიტყვით თუ საქმით ეს მხარე სრულიად უნდა დაივიწყოს, ამორეცხოს გულიდამ ისე, რომ ვითომც ამ მხარეს შავი ზღვა სცემია და მით დიდ ზღვათ ქცეულა, წაულეკია ყოველივე და მოსპობილა. რაკი ერთხელ დაიდრა კაცი და წავიდა, ის აქაურობას უნდა მოესხლიტოს, მოშორდეს და აქ მოსვლის აღარაფერი უნდა იფიქროს, იქ იყოს, იქ მოკვდეს და წმინდა მიწაში დაიმარხოს და მით სამუდამოთ ასცდეს ჯოჯოხეთში ტანჯვას. აბა ვისაც კი შეგიძლიანთ სულისა და ხორცის შველა, საიქიოს სამუდამო სიცოცხლე და ცხოვნება, ადექით, მოშორ-

დით აქაურობას, წადით იქით, სადაც ჩვენი სჯულის მზენი და მთვარე ამოდის, სადაც წმინდა მიწა არის, სადაც ჩვენი ფადიშახი ზის, სადაც მუსულმანის ხმა ისმის, იქ არის მხოლოდ მუსულმანის ბინა, იქ არის მისი საუკუნო სახლ-კარი, ადგილი, სამარხი და ცხონება, ჯენეეთში წასვლა. აბა თქვენ

– 181 –

იცით, მართლ მორწმუნენო, თუ მრავლად წახვალთ გიაურების ქვეყნიდამ, მოშორდით მათს ყველაფერს, ავსაცა და კარგსაც. გაფრთხილებთ და წინათვე გაუწყებთ საქმის გარემოებას. ახლა თქვენ იცით წასვლის საქმე და სულის ცხონებისათვის ზრუნვაც.

ამ ქადაგებას მოლები და ხოჯები წარმოსთქვამდნენ ცხარეს მჭერ-მეტყველურის კილოთი და ხალხს ისე იმონებდნენ, რომ სმენელნი გულში ხელს იცემდნენ და გმინავდნენ თავიანთ ბედზედ, რომ ეს მუსულმანის წმინდა ქვეყანა ამ გიაურებს რად ჩაუვარდა ხელშიო. ყველა მსმენელი მზათ იყო, რომ ჯამედამ გასულიყო, მაშინათვე შესდგომოდა გადასახლების საქმეს და მით ეცხოვებინა თავის სული საიქიოს საუკუნოდ.

გარდასახლების, ანუ „მუჰაჯირად“ წასვლის წახალისებისათვის ამ ქადაგებას გარდა სხვა ქადაგებანიც აქვდათ მოლებს და ხოჯებს, რომელთაც იგინი ყოველ პარასკევ დღეს წარმოსთქვამდნენ ჯამეში. ყველა ასეთ ქადაგების მეოხებით ზემო ხსენებულ მქადაგებლებმა თავიანთ საწადელსაც მიაღწიეს და ქართველთ მაჰმადიანთ უმრავლესობა თავიანთ ცხოვრებიდამ მოშალეს და ოსმალში გადასახლეს, სულ აქეთ იქით დააპნიეს. უნდა ითქვას ისიც, რომ ზოგი ერთ ალაგას, ქართველ მაჰმადიანებში იყვნენ ისეთნიც, რომელნიც ხალხის ყოველ მაჰმადიანებში იყვნენ ისეთნიც, (რომელნიც ხალხის „მუჰაჯირად“ წასვლის წინააღმდეგნი გახლდნენ, ხალხს დაწყნარებას უქადაგებდნენ, ბინიდან არ მოშლას, არსად გადასახლებას. ასეთი იყო სხვათა შორის აჭარის მუფთი ახმედ ეფენდი ხალიფაშვილი, იგივე სურმანიძე, სოფ. მერისელი.

ერთ დღეს მთელს ზედა და ქვედა აჭარაში ხალხი შეიკრიბა ერთად. ყველა იმას ყვიროდა, რომ ჩვენი აქ დარჩენა არ შეიძლება, ჩვენ უსათუოდ მუჰაჯირად უნდა წავიდეთო. ესენი ამბობდნენ.:

რუსნი მოვლენ და ჩვენ ყველას გაგვაგიაურებენ.

მეორენი იტყოდნენ:

– 182 –

რუსნი მოვლენ და ჩვენ სულ გაგვაქართველებენ. გიაური გავხდებით, გვეტყვიან გურულებ რათ ლაპარაკობთო?

მესამენი იტყვიან: .

რუსნი მოვლენ ჩვენ დავიღუპებით, სულ გავქართველებით, ჩვენ ქალ-ბაღანას მოგვტაცებენ, ოჯახში შემოვლენ

და წაგვიღწამენ, იგინი კერპები არიან, იმიტომ ჩვენი მომ-
ლა სჯობიან აქედამ და „მუჰაჯირად“ წასვლა. სხვანი კიდევ
სხვას ლაპარაკობდნენ რუსთა შესახებ. ყველა შიშს ამბობდა,
ხორციელად და სულიერად დაკარგვას. მაშინ ყველა გარდა-
მეტებული ფანატიკი იყო. ამ ფანატიკობას და მტრობას მა-
თში ის გარემოებაც უფრო აფართოვებდა, რადგანაც რუსებ-
მა არტანნი აიღეს და ქართველ მაჰმადიანებსაც ზოგი ერთ
სულის კაცებმა აუწყეს, რომ ჩვენი საქმე წასული არის, ჩვენ
ქვეყნებს რუსნი უსათუოდ აიღებენ, ჩვენც სულ დავიღუპე-
ბით. ზოგნი იმედებს ამბობდნენ, რომ რუსნი ამ ქვეყანას
აიღებენო. ბევრის ლაპარაკის შემდეგ ამათ დაასკვნეს ასე:
ჩვენი მუფთი გონიერი კაცი არის, წავიდეთ ქედამი და ვ კი-
თხოთ მას ამის შესახებ და ვნახოთ, ის რას გხვირჩევს, რას
გვეტყვის „მუჰაჯირად“ წასვლაზე.

ესენი მალე გაემართნენ ქედისკენ და 4000 ათას კაცზედ
მეტი გაჩერდნენ ქედის ჯამეს წინ. აქ მალე გაჩნდა მუფთი
ახმედ ეფენდი. ამას ხალხმა გადასახლების შესახებ კითხვები
მისცა. ხალხის გადასახლების მიზეზების საფუძველად ზემო მო-
ყვანილ ქადაგებაში გატარებულ ზოგი რამ ცნობები მოჰყვან-
დათ. ახმედ ეფენდიმ იცოდა კარგად, რომ ეს ხალხი წაქეზე-
ბული იყვნენ სხვათაგან. ამან მალე მიმართა ხალხს, დააწყნა-
რა მათი მდულარება და გარდასახლების შესახებ თავისებურის
ენით უთხრა შემდეგი სიტყვა, რომელიც ჩემს მგზავრობის
დროს აჭარაში ბევრს ახსოვდა. ეს უეჭველია დღესაც ეხ-
სომებათ მათში ბევრს.

– 183 –

სიტყვა მუფთი ახმედ ეფენდი ხალიფაშვილის.

მართლ მორწმუნე მუსულმანებო! თქვენ მეკითხებით, რომ
რა ვქნათ ჩვენაო! მუჰაჯირად წასვლა გვინდა, აქ არ დავრ-
ჩებით, რადგანაც რუსნი გიაურები არიან, აქ მოვლენ, ჩვენ
გაგვაქრისტიანებენ, ქალებს წაგვიბილწავენ, ბალღებს მოგვ-
ტაცებენ, ბოლოს სულ დავიღუპებით, იგინი სულ ა კერპები
არიან, უღმერთონი და უსჯულონიო? ყველა ეს თქვენ გაში-
ნებთ დიდათ, იმიტომ მე გეტყვით თქვენი კითხვების პასუ-
ხებს: რუსნი უსჯულონი არ არიან, არც კერპები, მათ ღმე-
რთი სწამთ, მათი კერპობის გამო ჩვენ წიგნებში არსად არა-
ფერი სწერია. თქვენ ამბობთ, რომ ჩვენ უნდა მუჰაჯირად
წავიდეთო. მერე, სად უნდა წახვიდეთ? ვისთვის და რისთვის?
რა გაშინებთ თქვენა, რად სწუხართ, ჯერ ხომ რუსნი არ
მოსულან, მოიცადეთ, მოვიდნენ იგინი. თუ მართლა აგვი-
ღებენ და დაგვიჭერენ ჩვენა, ყველა ამას რასაც თქვენ ამ-
ბობთ, მაშინ გავიცნავთ, თუ მართლა რუსნი ისე გვიზამენ,
გაგვაგიაურებენ, ბალღებს დაგვტაცვენ, ქალებს წაპილწვენ.
მაშინ თვით ეს მოხუცი გამოვალ თქვენს წინაშე, ავი-
ღებ ხელში ხმალსა და დამბაჩას, გაგიძღვებით წინ და შევებ-
რძოლოდ. ბრძოლაში ვინც მოკვდება, ის ხომ მორჩება, მოი-

სვენებს და ვინც დარჩება, იმას კიდევ როგორც ერჩიოს, ისე მოიქცეს, უნდა აქ დარჩეს რუსების ხელში და უნდა ოსმალში წავიდეს მუჰაჯირად.

– 184 –

„მუჰაჯირად“ წასვლა არ არის ადვილი საქმე. იგი მნე-ლი რამ არის. ჩვენ წიგნებში ამაზედ აი რა სწერია: მუჰაჯირად წასულმა კაცმა გზაში თავის ცოლი და ქალები ისე უნდა წაიყვანოს, რომ მათ პირბადე არ მოეხადოთ და სახე არავინ დაუნახოსო, თორემ იგი ცოდვა არის სჯულისაო.

„მუჰაჯირად“ წასულმა კაცმა ყმაწვილები ანუ პატარა შვილები გზაში ისე უნდა ამყოფოს, რომ მათ პური არ მოემშეთ და ტანთსაცმელი და წულები არ მოაკლდესთ, თორემ იგი დიდი ცოდვა იქმნება.

„მუჰაჯირად“ წასულმა კაცმა უსათუოდ ხუთი ვახტის ლოცვა უნდა შეასრულოს, თორემ უამისოდ დიდი ცოდვა იქნება. ამით სჯულის საქმეც წახდება მუსულმანი კაცისათვის.

„მუჰაჯირად“ წასვლისთვის აი რა უნდა იცოდეთ თქვენა: თქვენ აქ თქვენს მამა პაპის სახლ-კარზედ სცხოვრობთ, სადაც თქვენ გაქვსთ თქვენი საკუთარი ბაღი-ბოსტანი, ყანები და ყოველივე საზრდოება, გაქვსთ სახლის ქონება და ზოგს შეძლება, მაგრამ უმეტესობა კი ჩვენში ფუხარათ არის დარჩენილი, ღარიბათ. ცხოვრებთ ისე, რომ იოლად მიდიხართ და ცოლშვილსაც არჩენთ დიდის შრომით.

„მუჰაჯირად“ რომ გინდათ წასვლა და უნდა მოიშალოთ აქ თქვენის ძველების საცხოვრებლიდამა, მის მერე თქვენ იცით, რა მოჰყვება თქვენს ცხოვრებას ოსმალეთში? აქ სადაც შეძლება და მამა პაპისაგან დატოვებული მამულები გაქვსთ, აქ ამ საკუთრების დროსაც ვერ ცხოვრებთ კარგად, რიგიანად და ოსმალში შორს, უცხო ალაგას, სადაც თქვენ არც სახლ-კარი დაგხვდებათ მზათ, არც ბაღი, ბოსტანი, არც სხვა რამ ის შეძლება, რაც აქ გაქვსთ, აბა იქ თქვენ როგორ იცხოვრებთ? თქვენი ცხოვრება იქ არაფრად არ ეღირება. თქვენ ამით უფრო ცოდვებს ჩაიდენ სჯულის წინაშე, ვინემც სიკეთეს. ამიტომ მე გირჩევთ, რომ ამ სამზიდის თავი დაანებოთ და თქვენს სახლებში, ცოლშვილში დაბრუნდეთ. თქვენ მე მიყურეთ და ჩემს სიტყვას, სხვების დარიგება თქვენ არ გინდათ.

თქვენ ამბობთ, რომ მუსულმანი კაცი მარტოდ იქ ცხოვნდება, სადაც მისი სჯულის ფადიშახი ზისო, იქ არის მისი ბინა და სამარხიო. ესეც არ არის სწორი. მიწა ყველგან მიწა არის, იგი არც მუსულმანისი არის, არც გიაურის, იგი ღმერთისა არის. მისი პატრონი ღმერთია. ჩვენ არც ფადიშახი გვაცხონებს და არც იქაური მიწა. მუსულმანი ცხონდება მხოლოდ თავის კეთილის, კარგის საქმით, კეთილის რჩევ-

– 185 –

ით. მუსულმანი თუ ავი კაცი არის, იმას არავინ აცხონებს, გინდ იგი მექას და მედინას წავიდეს. ამიტომ მე გირჩევთ, რომ ასეთ ფიქრებს თავი დაანებოთ. თუ მუსულმანი წმინდა არის და კაი კაცი, იგი ყველგან ცხონდება. თუ მუსულმანი წმინდა მუსულმანი არის, ის უსათუოდ რუსის მიწაზედაც ცხონდება, ამას ფიქრი და შიში არ უნდა. კარგ მუსულმან კაცს ცხონებას ვერავინ წაართმევს, ვერც რუსი და ვერც სხვა ვინმე. ამიტომ გირჩევთ, რომ თქვენ გადასახლებას თავი დაანებოთ და თქვენს სახლებში დაბრუნდეთ ცოლშვილთან“.

ასეთის ქადაგებით ახმედ ეფენდიმ ამოდოლა მოზღვავებული ხალხი სწრაფად დაამშვიდა და მის მერე ყველა დამშვიდებული წავიდა თავის სახლში და „მუჰაჯირად“ აღარავინ გასულა. ხოლო ეს დაწყნარება იყო დროებითი და როცა რუსებმა არზრუმის გაცვლა მოინდომეს და ამის სამაგიეროდ ოსმალის მათ ბათუმს, ართვინს და სხვა კუთხეებს აძლევდა, მაშინ კი ხელ-ახლავ აიშალნენ. აქ მათ მქადაგებლებმაც დაუწყეს ქადაგება და აჭარის რუსის საქართველოსთან დაკავშირების შემდეგ მრავლად დაიწყეს აშლა და გადასახლება. ახმედ ეფენდი არც მერე აკლებდა თავის ქადაგებას მათ.

ქართველ მაჰმადიანთ ის პირნი, რომელთაც არ სურდათ, რომ მათ სამშობლო საქართველო დაეკარგად.

ახალციხის აღების შემდეგ ჩვენ კარგად ვიცით, რომ რაკი ახმედ ფაშა არზრუმში გადაიყვანეს, ამიტომ მას დიდი ძალი ქართველ მაჰმადიანები გადაჰყენენ თან და არზრუმის თემში დასახლდნენ. მაშინ თურმე ამ გადასახლებულების წინააღმდეგი ყოფილა ქორ უსეინ ბეგი ხიმშიაშვილი. ქორ უსეინ ბეგს ოსმალს მთავრობის ჯავრიც სჭირებია, რადგანაც მათი სახლი მრავალ გზის აოხრებულა. თვით მის მამასაც ხომ თავი მოსჭრეს 1815 წ. ახმედ ფაშის სიკვდილის შემდეგ ქორ უსეინ ბეგს სურდა ფაშობა, მაგრამ ოსმალნი ამათ გვარის კაცებს

– 186 –

ფაშობას ადვილათ აღარ აძლევდნენ. ისიც ძნელი შემთხვევა იყო, რომ ახმედს მისცეს ფაშობა.

ქორ უსეინ ბეგი. დიდი წინააღმდეგ იყო ოსმალს მთავრობის. ნამეტურ სწყინდა ის გარემოებაც, რომ ქართველ მაჰმადიანთ გადასახლება ხშირად და ადვილად სწარმოებდა. რაკი ქორ უსეინ ბეგს ოსმალს მთავრობა ეჭვით უმზერდა, ამიტომ მას უპირატესობას არ აძლევდნენ და ამას გარდა სდევნიდნენ კიდევ. ესეც რასაკვირველია სამაგიეროს უხდიდა. აჭარელები რომ „ნიზამის“ წინააღმდეგ წავიდნენ, ამის მეთაურობაც მის საქმე იყო. რაც შეეხება ქართველ მაჰმადიანთ გადასახლებას, ესეც იშვიათი იყო, რადგანაც ქორ უსეინ ბეგის ეშინოდათ და აბა გადასახლებას ვინ გაბედავდა, რომელი მოლა და ხოჯა იტყოდა ადვილად რამეს. ამას გარდა

ქორ უსეინ ბეგი ოსმალს მთავრობის უწყობასაც მკაცრად ეწინააღმდეგებოდა. მათი წესების გავრცელების ნებას თითქმის ამხობდა.

ეს დასმენილ იქმნა სულთანის წინაშე, რომ სელიმ ფაშის ძე ქორ უსეინ ბეგი თქვენი მტერია, გურჯების გადმოსახლებას აჩერებს, აქეთ არ უშვებს, ამას გარდა თქვენი მოშორებაც უნდაო. რუსებს და ქართველებს ემხრობაო. ოსმალს მთავრობა ამაზედ გაჯავრდა. ამათ მალე ზომები მიიღეს და ქორ უსეინს აჭარაში მიუსიეს ერთი ხელ-ლონიერი და ძლიერი ვიღაც ჭყონია, ახლად გათათრებული. ამას თან გააყოლეს მრავლად გამოჩენილი ხელ ლონიერი გმირები, მაგრამ ამათ ვერაფერი გააწყეს. ქორ უსეინ ბეგმა იგინი სწრაფად გასდევნა ქედიდამ. ამის მერე მთავრობამ აჭარაში მას მიუსია რვა ათასი ჯარის კაცი და მის მერე – კი იგი ძლეულ იქმნა თავისთანა მომხრეებით. შემდგომ ამის ქორ უსეინ ბეგი სტამბოლში იქმნა გაგზავნილი. იქ ამას თავი მოსჭრეს და მით იყარეს ჯავრი. ასეთ დროსაც კი ქორ უსეინ ბეგ ქართველ მაჰმადიანებს სულ იმას ეუბნებოდა, რომ თქვენ გურჯები ხართ და თქვენი ქვეყნიდამ ფეხს ნუ იცვლით, ოსმალში ნუ სახლდებითო.

– 187 –

ქართველ მაჰმადიანებში ყოველთვის ყოფილან თითო ოროლა ასეთ პირნი, მაგრამ სამწუხაროდ მათ შესახებ სულ არაფერი ცნობები გვაქვს. ქორ უსეინ ბეგის გამო ოსმალს მთავრობა ისე გაბრაზდა, რომ ხიმშიაშვილებს ძრეულ სასტიკად დაუწყო მზერა, ამათ გვარის კაცებს ძალიან მტრობით უმზერდნენ. ქორ უსეინ ბეგს რომ ქართველ მაჰმადიანთ გადასახლება ჭირივით სძულდა, ეს დღესაც ბევრს ახსოვს მათში. ასეთისავე თვისების იყო მისი ძმის შვილი შერიფ ბეგი, რომელიც ცხადი მოწამეა ბიძასშვილის თვისების.

შერიფ ბეგი ხიმშიაშვილი. კაცი კარგად ცნობილი.

ამის მამა ახმედ ფაშა იყო და პაპა სელიმ ფაშა ხიმშიაშვილი. შერიფ ბეგი დიდათ სცდილობდა, რომ სამცხე-საათაბაგო რუსეთის იმპერიას უომრად ჩაბარებოდა. დაკავშირების შემდეგ ეს დიდათ სცდილობდა, რომ ქართველ მაჰმადიანები ოსმალში არ გადასულიყვნენ. ეს მათ აშკარად ეტყოდა ასე: ნუ ილუპავთ თავს, ნუ ღუპამთ ცოლშვილს, თორემ ბოლოს ინანებთ. ეტყოდა ხოლმე, ბიჭო, სად მიხვალთ, სად ემგზავრებით, დაჰკარგავთ ყველაფერს, აქაც მოიშლებით და ვერც იქ იშოვით რამეს. რუსებს თქვენს გარდა სხვანიც ჰყავს თათრებით ყმათ, მაგრამ მათ არავინ აქრისტიანებს. ამიტომ გირჩევთ აქ დარჩინას. ამ კილოთი არიგებდა ეს ბეგი მათ. ამის დარიგებას დიდი ისტორია აქვს, ამიტომაც მოვათავსეთ აქ ამის სურათი. ღირსი კი არის, რომ ამის დარიგება გადასახლების შესახებ სულ აინუსხოს.

ტუპამ ბეგ შარუაშიძე. აჭარის ბეგი. მერე ამავე ნაწილის უფროსი. დიდი ერთგული თავის ქვეყნის, მომხრე ქარ-

თველ მაჰმადიანთ ცხოვრების და თითქმის მისთვის მებრძოლიც, რომ ქართველ მაჰმადიანები ოსმალში სულ არ წასულიყვნენ. ამ პირის ასეთ ცდას კაი ისტორია აქვს, უადგილობის გამო ვერ ვნუსხავთ დაწვრილებით. მე თვით მეცხოვრია ამ პირთან და მიწახვს, თუ ეს როგორ არიგებდა მუჰაჯირად წამსვლელთ, რომ იგინი ოსმალში არ წასულიყვნენ 1891-92

– 188 –

წლებს, ამასთან ცხოვრების დროს, მე ვნახე ასეთი მაგალითები.

ოსმალოდამ ერთი აჭარელი მოვიდა და ამ ბეგს უკან დაბრუნებას და მიღებას სთხოვდა. ბეგმა უთხრა: მე ხომ გეუბნებოდი, რომ ნუ მიხვალ, თორემ ისევ უკან მობრუნდები. ეხლა მე რა გიყო. ხომ ხედავდი, რომ სახლ-კარი და სოფელი თან არ მოგდევდა. შენ რაღას მირბოდი? და სხვანი. ბეგმა მიაშბო, რომ აყრის და გადასახლების დროს მე 2000 3000 კაცის შენახვა მიხდებოდა, მუდამ დღე მათ აჭარაში ფქვილს ურიგებდი მუქთათ და ასე ვაწყნარებდით. ეს ბეგი დიდი მოყვარეა „ვეფხის ტყაოსნის“ კითხვის.

ახმედ ეფენდი ხალვაში. კაცი მახვილ-გონიერი, მარადიდის უფროსი. დიდათ მომდურავი ოსმალეთის მთავრობის მასზედ, რომ მათ საქართველო გაანადგურეს და ქართველი ერიც მოსპესო. იყო დიდათ მაწყევარი საქართველოს დაცემის. იყო დიდი მოსარჩლე ქართველ მაჰმადიანების და დიდათ მონატრე მისი, რომ ესენი თავიანთ ქვეყნიდამ არ აყრილიყვნენ და ოსმალში არ წასულიყვნენ. ეს პირი სასტიკად ებრძოდა იმ პირთ, ვინც გადასახლებისათვის ქართველ მაჰმადიანებს აქეზებდნენ. გადასახლების წინააღმდეგ ამის შრომა ბრწყინვალე არის იმ დროსაც, როცა იგი მარადიდის უფროსად იყო. სამზღვარ გარეთელ მოლები და ხოჯები სულ გარეკა და ვინც შინ იყვნენ, იმათაც აუკრძალა, რომ გადასახლებაზედ არ იქადაგოთ, თორემ მე სასტიკად დაგსჯითო. ამის შრომის ისტორია „ლივანის აღწერაში“ ვრცლად მაქვს, ამიტომ აქ ეს ვიკმაროდ. ის კი უნდა ითქვას, რომ ამ პირს ნივთიერთათაც ბევრი აქვს დახარჯული ქართველ მაჰმადიანთ წინაშე. ქართული კითხვაც იცოდა.

გულო ალა კაიკაციშვილი. იგივე ქათამამე. კაცი გონიერი, ქართული წერა-კითხვის კარგად მცოდნე. შეერთებამდის ქობულეთიდან ეს ქართულ გაზეთებში წერილებსაც სწერდა. ოსმალს, მთავრობის დროს იყო ალი ფაშის ადიუტა-

– 189 –

ნტი. ამის მოღვაწეობას აქვს დიდი ისტორია. იყო დიდი მოღვაწე-მშრომელი მისთვის, რომ ქარველ მაჰმადიანები არ აყრილიყვნენ, ოსმალში არ გადასახლებულიყვნენ. ეს პატივცემული პირი ბევრს ქადაგებდა, რომ ნუ იყრებით და ოსმალში ნუ მიხვალთ, თავს ნუ ილუპავთო.

დედი ალა ნიჟარაძე. მეგობარი გულ ალასი და თითქმის განუყრელი ძმა მისი. ოსმალს დროსაც მსახურებდა, მერე რუსის სამსახურში იყო. იყო გონიერი კაცი, დიდი მოყვარე თავის სამშობლო ქვეყნის და ენის. დიდათ სცდილობდა, რომ ქართველ მაჰმადიანები ოსმალში არ წასულიყვნენ. ამისათვის იგი ბევრნაირ ზომებს ხმარობდა. 1892 წ. აჭარაში ამოვიდა ქედაში, ზავთიებს ჯამაგირი ამოუტანა ბათუმის გამგეობიდან. მე მას კარგად ვიცნობდი. ქედაში ერთ ალაგას შევხვდით ერთმანერთს. აქ იყო სხათა შორის ერთი ქართველ მაჰმადიანი, ქედის სამართველოს სახლის პატრონი და მეორეც სხვა ქართველ მაჰმადიანი. ორივე მუჰაჯირად წასვლას ემზადებოდნენ. ესენი დედი ალამ სასტიკის სიტყვებით გაჰკიცხა. სხვათა შორის უთხრა: – „თქვე უბედურებო, თქვენა, სად მიხვალთ, სადა, თქვენი თავი ყაზანის თათრები ხომ არ გონიად. დაილუპავთ თავს, წახვალთ და მერე მომიგონებთ მე“. მერე მე მითხრა ჩემად: ჩემო ზაქარია! გული მიწუხდება, როცა ასეთ ვირებს ვხედავო. ასე და ამ გვარად დედი ალასაც დიდი შრომა აქვს დადებული მასზედ, რომ რაც შეიძლება ქართველ მაჰმადიანები ოსმალში ცოტა გადასახლებულიყვნენ. მითხრა ოხვრით: – ჩემი და გულო ალას ცდა იყო, რომ ჩვენის ქვეყნიდან ოსმალში არავინ წასულიყო, მაგრამ არ იქმნა, ამას ჩვენ ვერა შევლეთ რა. ღმერთმა ჰკითხოს იმათ, ვინც ესენი გააბრიყვესო.

აზილ ეფენდი მიქელაძე. აჭარის სოფელ ორცველი. ოსმალს მთავრობის დროს ფერშლად იყო, რუსების ხელში ქათიბი იყო (სოფლის მწერალი) 1878 წ. ქართულ გაზეთის კითხვაც ისწავლა. მერე „დროებას“ კითხულობდა, შემდეგ

– 190 –

აჭარიდან წერილებსაც სწერდა „დროება“ და „ივერია“-ში. ამ კაცსაც დიდი შრომა მიუძღვის 1893 წ.. მწუხარებით მითხრა შემდეგი: – „მუჰაჯირის წასვლას მე დიდის დარდით უყურებ, ამაზე მათთან ხშირად მილაპარაკნია, მტერი ბევრი იყო, აბრიყვებდნენ, ჩვენი არაფერი ესმოდათ“ და სხვანი.

ჰასან ციციშვილი. იყო რუსის დაბალი მოხელე. იყო გონიერი კაცი, ქართული კითხვა ისე შეისწავლა, რომ აჭარიდან გაზ. „ივერიაში“-ში წერილების წერაც დაიწყო. თუმცა ამის დროს, გადასახლება მრავლად აღარ სწარმოებდა, მაგრამ იგი მაინც მზურვალედ ებრძოდა ამ გარემოებას, რომ ოსმალში აღარავინ წასულიყო ქართველ მაჰმადიანი. ეს თავის თავს ქართველ მაჰმადიანს უწოდებდა ყოველთვის.

ახმედ ეფენდი ხალიფაშვილი-სურმანიძე. ცნობილი მუფთი. მახვილ-გონიერი. მერისის ხეობის სოფ. მერისელი. იყო დიდათ მომხრე ქართველ მაჰმადიანების, დიდათ მეცადინე, რომ რაც შეიძლება აჭარელები არ აყრილიყვნენ და სულ არ გადასახლებულიყვნენ ოსმალში. იხილეთ ზემოთ ამის შესახებ საჯარო სიტყვა.

ხოჯა ჰაჯი ლომან ეფენდი ბერიძე. გამოჩენილი მო-

ხუცი, კარგად მცოდნე ისლამის. წმინდა მუსულმანი, მასთანვე თავის თავს გურჯათ-ქართველად სთვლიდა. იმავე თავიდგანვე ეს პირი ყველა ქართველ მაჰმადიანს აფრთხილებდა, რომ ოსმალში ნუ წახვალთ, თორემ თავს დაილუპავთ, საქართველოსთანა ადგილებს თქვენ იქ ვერ იპოვნით, მე დამივლია იქ და ამას იმიტომ გაუწყებთო. გარდიცვალა 1891 წ.

ნური ეფენდი ბერიძე. ჭკვიანი, მახვილ გონიერი ხოჯა არის და მასთან ყადიც დაბა ხულის მეჯლისის. ამასაც თავის წინაპარივით დიდი როლი მიუძღვის გადასახლების წინაშე. ზეგნის სოფლებიდან რომ თითო ოროლა კომლი მიდიოდნენ, ეს სულ ამ ხოჯის და ასეთების საქმე იყო. ამის აღწერას ნახავთ ზეგნის აღწერაში“.

ჰასან ეფენდი მუფთი გვერდამე. ახმედ ეფენდი მუფ-

– 191 –

თის შემდეგ ეს იყო ბათუმის და აჭარის მუფთი. იმავე თავიდანვე ეს ჰასან ეფენდი იყო მკაცრად ქომაგი მის, რომ ქართველ მაჰმადიანები ოსმალში არ წასულიყვენ. იყო ქართულად მოლაპარაკე, თავის თავს ქართველად აღიარებდა. ბათუმში დიდი მამულებიც აქვდათ, იყო ღარიბთა მოწყალე. დიდი შრომა აქვს ამას დადებული გადასახლებულების წინააღმდეგ. იგი მოკლულ იქმნა ვერაგულად 1907 წ.

ოსკარ ხოჯა არდანიუჩი. 1893 წელს, აჭარაში ხმა გავარდა, რომ არდანიუჩში ოსმალოდამ ერთი ხოჯა მოსულა და ჯამეში ქადაგება დაუწყვია, რომ ქართველ მუსულმანები ოსმალში ნუ მიდიხართ, თორემ იქ თავს დაილუპავთო. თქვენი ქვეყანა ეს არის და იმიტომ ნუ ჰკარგავთ თქვენი ძველების მეზეღუბებს (საფლავი) სახლ-კარს და ბაღ-ბოსტანსო. ამ კილოთი იგი ხშირად ქადაგებდა თურმე. სამწუხაროდ ამ ხოჯის ამბები კარგად ვერ შევიტყე.

სოფ. ჭვანის ჰასან ხოჯა. ამ ხოჯას სოფ. ჭვანში სკოლა აქვდა, თვითონ ქართული კითხვაც იცოდა. ბავშვებსაც ასწავლიდა ამას. იყო დაუცხრომლად მოქადაგე, რომ ზედა აჭარელნი მუჰაჯირად არ წასულიყვენ. ამის სასარგებლოდ სხვანიც შრომობდნენ თითო ოროლა.

ქართველ მაჰმადიანთ ხოჯები, რომლებიც ჰქადაგებდნენ გადასახლებას.

ასეთ ხოჯების და მოღებების მეტად დიდი რიცხვი იყო. ჩვენ ყველას არ მოვიხსენებთ, რადგანაც მათი ანუსხვა შეუძლებელი არის. მოვიყვანთ მხოლოდ სამის ასეთის ხოჯის ცნობებს. ესევე ცნობები განმარტავს დანარჩენ ხოჯების და მოღების მეცადინეობის პირობებს. ერთი ხოჯის და მოლის ქადაგება თავისის შინაარსით ასი და ორასი ხოჯის ქადაგების შინაარს იპყრობს. აქ ერთი და ათი ხოჯა და მოლა ვერ გადასახლებდა 80 ათას, ანუ 200 ათას და მეტსაც.

დელი მამად ეფენდი. აჭარის სოფელ კაპნის თაველი.

ეს იყო ხოჯათ ბათუმის ძველ ჯამზედ. არის მეტის მეტი ფანატიკი. ქართველ მაჰმადიანი არის, მაგრამ ქართველების სისხლს სომს. მთელი თავისი დღენი სულ ბოროტ ლაპარაკსა და ქართველების მტრობაში ატარებს. ამან აშალა დიდი ძალი ქართველობა და დაღუპა თავის სამშობლოდამ. ამის მტრობამ საქმე იქამდის მიიყვანა, რომ თვით რუსეთის მთავრობამაც შეუტყო, მალე დააპატიმრეს, თფილისშიც ჩამოიყვანეს. მერე აპატიეს, იგი ისევ თავის ჯამზედ იქმნა დადგენილი და პირობა ჩამოართვეს, რომ დღეის შემდეგ შენ აღარა ილაპარაკორაო. მაგრამ ეს მაინც თავის გველობას არ იშლის. 1891 წ. აჭარაში მეღნით სავსე შუშა მესროლა თავში და დამიყვირა, რომ შე გიაურო, აქ ჩვენში ნუ მოდიხარ და თქვენი ქალაქები ნუ მოგაქვსო. ეს ხოჯა ცოტა აფრკათაც არის, ოსმალურად „დელის“ მიტომ უწოდებენ. ქართველ მაჰმადიანებს კი დიდი ვნება მოუტანა.

ხოჯა იბრაიმ ეფენდი. აჭარის სოფ. კაპნის თაველი,

ძმა დელი მაჰმადისა. სტამბოლში ნამყოფი და ნასწავლი. მასთან დიდი ფანატიკი, წრეს გადასული. ამისი გულიც თავის ძმასავე ქართველთა მტრობით და ღვარძლით არის სავსე. მას ქართველი ერი და საქართველო ისე სძულს, როგორც ჭირი, თუმცა მათ სოფელში ყველა სოფლელნი სულ ქართულად ლაპარაკობენ. ეს ხოჯა ისეთი ნასწავლი არის, რომ ერთ დროს აჭარაში მეც შემეხა და მიმტკიცებდა, რომ თამარ მეფე თათრის ქალი იყო და არა ქართველიო. ეს პირი დღე და ღამ ქართველების მტრობაში ატარებს. ყველგან ქართველების ამოჟლეტას ლაპარაკობს, ან მთლათ ოსმალში გადასახლებას. მან ბევრი ქართველ მაჰმადიანი გააბრიყვა და გადასახლა ოსმალში. მისი ქადაგების წანაღმდეგი თვით მათშივე იყვნენ. ასეთი იყო აჭარის მუფთი ჰასან ეფენდი გვერდამე. ამიტომ იგი ვერას აწყობდა, თორემ მას შეეძლო ერთი ხელის დაქნევით მთელი აჭარა აეყარა.

რაც არის იბრაიმ ეფენდი და მისი ძმა დელი მაჰმად ეფენდი, ისეთებივე არიან სხვანაც მრავალნი, როგორც ხოჯები, ისევე მოლები, როგორც ხნიერნი ისევე ახალგაზრდები. ყველას დევიზი ის არის, რომ იქადაგონ ქართველ მაჰმადიანთ აყრა, ოსმალში გადასახლება და მით სულის ცხოვნება. მათ ამისთვის კარგად იღვაწეს, მთელი კუთხის ერი აპყარეს და დაღუპეს. მათი შრომა და ცდა არის მათი ქვეყნის დამხობა და დაქცევა, ამათ ასეთის ამაგიტ მოიხსენენს.

გრიგოლ დავითის ძე გურიელი. რუსეთის გენერალი ერთ დროს ბათუმის ოკრუგის უფროსი, ძნელად რომ ქართველ მაჰმადიანებს ასეთი მოსარჩლე ჰყოლოდათ. ამის მომხრეობას დიდი ისტორია აქვს. ერთ დღეს ამ პირმა გაჭირებულთ მაჰმა-

დიანებს 10,000 მ. თავის საკუთარი ფული დაურიგა. ასევე არც სხვა დროს მოუკლია მათთვის თვისი მფარველობა. ეს პირი მათ პატივისცემას ყველგან ხმა მაღლა იცავდა. დიდი წინააღმდეგი იყო მათი გადასახლების.

მიხილ მეფისოვი. ახალციხელი ქართველ კათოლიკე, ერთ დროს იყო ართვინის ოკრუგის უფროსად. იყო მეტად გონიერი პირი, კარგად მცნობი ქართველ მაჰმადიანების და მშრომელი ყოველთვის თავ-დადებით, რომ ქართველ მაჰმადიანები ოსმალში არ გადასახლებულიყვნენ. მთელ ოსმალს საქართველოს ეს პირი ისე იცნობდა, როგორც თავის ხელის გულს.

პეტრე უმიკაშვილი გაზეთ „ივერია“-ში სწერა მრავლად ქართველ მაჰმადიანთ შესახებ.

ილია ალხაზიშვილი სწერდა მრავლად მესხელ-ჯავახელთ ქართველ მაჰმადიანთ შესახებ.

დურმიშხან შალვას-ძე ჟურული. ერთ დროს ბათუმის უმფროსად ყოფილი. კაცი ერთგული თავის ქვეყნის, მარტივად მცნობი მთელ ქართველ მაჰმადიანების, მათი მოსიყვარულე და მფარველიც. ეს ქართველი კაციც დიდათ მფარველობდა

– 194 –

ქართველ მაჰმადიანებს და ცდილობდა, რომ რაც შეიძლება ოსმალში სულ არავინ გადასახლებულიყოს.

სოლომონ ასლანოვი. ფსევდონიმით ბავრელი. კაცი გულ-შემატკივარი და დიდათ ამაგდარი ქართველ მაჰმადიანთა წინაშე. ეს პირი მათში მსახურებდა კარგა ხანს, იყო მათი ცხოვრების კარგი დარაჯი, სწერდა ხშირად წერილებს. მისი საინტერესო წერილებით სავსე არის 1878 წ. 1885 წლამდის ქართული ყველა დრო გამოცემანი. მისი წერილები ბრწყინავენ მაღალის მამულის შვილურის პატივისცემით. ვეცდები, ამის ყველა ნაწერები წიგნად გამოვცე.

ლევან ლუკას ძე მჭედლიშვილი. ლევანი გახლავთ მეორე დარაჯი ქართველ მაჰმადიანების და მასთან მარჯვენა მკლავი იმ დროის ქართულ გაზეთ „დროების“, სადაც ამის წერილებიც ხშირად იბეჭდებოდა ქართველ მაჰმადიანთ შესახებ, რათა იგინი საქართველოდამ არსად გადასახლებულიყვნენ.

სერგეი სვიმონის ძე მესხი. ქართველ მაჰმადიანთ შესახებ გაზეთ „დროება“ში სწერა წერილები მრავლად. ყოველ წერილში იგი მათ ინტერესებს იცავდა გულ მხურვალედ და სამაგალითოდ.

ნიკოლოზ იაკობის ძე ნიკოლაძე. ქართველ მაჰმადიანების შესახებ ამისი ერთი დიდი წერილი დაიბეჭდა 1873 წ. ჟურ. „კრებულში“: „წერილს ეწოდება „სხვათა შორის“. მთელი წიგნი ამ საინტერესო წერილს უკავია. ამას გარდა 1877 წ. ომის დროს ნიკოლოზ იაკობის ძე ომის ასპარეზედ იყო რუსეთის მხედრობის მახლობლად. აუარებელს წერილებს სწერდა რუსულ გაზეთებში. 1878 წლიდამ ტფილისში მას გამოჰყვანდა რუსული გაზეთი, სადაც იგი ქართველ მაჰმადიან გადასახ-

ლების საქმეს ხშირად ეხებოდა და ყოველთვის მაღალის გონიერებით იცავდა მათ გადასახლების საქმეს.

იაკობ სპირიდონის ძე ფანცხავა. ამ დროს ამ განათლებულმა კაცმაც დაბეჭდა ფოთში თავის ნაწერების ერთი წიგნი. იქ სხვათა შორის მოათავსა ერთი წერილთ, რომე-

– 195 –

ლიც გულ მტკინვეულად ეხება ქართველ მაჰმადიანთა გადასახლების საქმეს ოსმალეთში.

ილია ჭავჭავაძე დიდათ გულ მტკინვეულობით იყო სავსე. ქართველ მაჰმადიანთ გადასახლებას მწუხარეს თვალთ უმზერდა. დიდათ დაინტერესებული იყო ამათის ცხოვრების კითხვებით. ერთ დროს ილია ჭავჭავაძემ მთელი დეპუტაციაც კი გაიგნა ქართველ მაჰმადიანების, გაზ. „ივერია“-შიც მრავლად სწერდა წერილებს 1877 წლიდამ.

ალექსანდრე თევდორეს ძე ყიფშიძე. ცნობილი მწერალ-მოღვაწე. პუბლიცისტი. მეისტორიე, 1897 წ. ესეც შეეხო დიდის ყურადღებით ქართველ მაჰმადიანთ კითხვების საქმეს გაზ. „ივერია“-ში.

იონა მეუნარგია. იმგზავრა აჭარაში, მათ შესახებ დასწერა კარგი მიმოხილვა.

თედო სახოკია. სწერა წერილები, რაც იბეჭდებოდა „მოამბეში“.

სიმონ იოსელიანი. 1879 წლიდამ მსახურობდა ახლად შემოერთებულ ოსმალს საქართველოში. 1888 წლიდამ გახლდათ აჭარის უფროსის თანა შემწედ. მე გავიცან 1890 წ. მას შემდეგ მე სულ მათთან დავიარებოდი, ყოველ წელს აჭარაში მასთან მქონდა ბინა. მგზავრობის დროს იგი მიწვევდა დიდს მფარველობას და მასთან არც თავის პურ მარილს მაკლებდა. ჩემი მასთან ყოფნის დროს მე გავიცან მისი ცხოვრება და უნდა ითქვას, რომ სიმონ იოსელიანი გახლდათ ერთი გულ შემატკივარი ქართველი მამულიშვილი, რომელიც ქართველ მაჰმადიანებს დიდს მფარველობას უწევდა, დიდს ქომაგობას. ამის მოქმედება მათში არის დიდათ ამაგდარი. გადასახლების შესახებაც ამას დიდი შრომა, დიდი ამაგი აქვს დადებული, რომ არ წასულიყვნენ.

ლუკა ანდლულაძე. იყო ცხენოსანთა და ფეხოსანთა უფროსი აჭარაში. 1890 წ. გავიცან იგი, მოგზაურობის დროს მე მასთან ბაქვდა ბინა. იგი ყოველთვის გულ მტკინველობით

– 196 –

ეხებოდა ქართველ მაჰმადიანთ საქმეებს და თვით ჩემ თვალთ წინ დიდათ აფრთხილებდა მათ მუჰაჯირად წასვლაზედ.

თავ. ივანე ჯაიანი მსახურებდა ლივანის ბორჩხის ცხენოსან და ფეხოსანთ უფროსად. იყო დიდი გულშემატკივარი ქართველ მაჰმადიანთ შესახებ. იგი დიდს დარიგებას აძლევდა მუჰაჯირად წამსვლელებს, მით ბევრსაც აჩერებდა. ამას გარდა

იგი ქართულ გაზეთებში ლივანიდამ წერილებსაც სწერდა. ყველა წერილით ქართველ მაჰმადიანთ ცხოვრებას ეხებოდა. ბორჩხაში ამას ქართველ მაჰმადიანთ ბავშვებიც ჰყვანდა მოწაფედ და მათ ქართულ კითხვასაც ასწავლიდა. მურღულის ხეზას, დევესქელის ხეობას ართვინისაკენ და სხვა კუთხეებში მოგზაურობის დროს მიწევდა ესეც დახმარებას.

ჩვენ აქ სამი პირის მოხსენება ვიკმაროდ, თუმცა ისიც უნდა ითქვას, რომ სხვა კუთხეებშიც კი სადაც ქართველები მსახურებდნენ, ესენი ყველგან დიდს მფარველობას უწევდნენ ქართველ მაჰმადიანებს. მაგალითებრ ასეთი იყო ვასილ დეკანოზოვი, რომელიც ხულის უფროსის თანაშემწედ იყო, მერე შავშეთშიც მსახურებდა. ასეთ პირთა ცნობები „აჭარის აღწერაში“ მაქვს მოთავსებული, ამიტომ აქ არას ვსწერ.

პავლე ლუკას ძე მჭედლიშვილი. ქართველ მაჰმადიანებს ბევრნაირად აფრთხილებდნენ, რომ მათ თავიანთ მამულები არ დაეტოვებინათ და ოსმალში არ გადასახლებულიყვნენ. აფრთხილებდნენ მრავალნაირად. ეუბნებოდნენ ბევრ რამეს და თვალთ წინ მაგალითად აფხაზებს და ჩერქეზებსაც უყენებდნენ. ამათ აუწყებდნენ, რომ ოსმალში ეს ადგილები ძრიელ გაძვირდება, დიდი ფასი დაედება და ამიტომ ნუ ჰკარგავთ ამ სიძვირფასეს. ამას გარდა სხვა ფრივათაც ბევრნაირად აფრთხილებდნენ.

სწორედ იმ დროს, როცა გამწვავებული იყო ქართველ მაჰმადიანთ გადასახლების საქმე და იგინი იყრებოდნენ უწყალოდ, ბათუმში გამართული იყო დიდი საუბარი ქართველ მაჰმადიანებთან, რომ ბათუმს ნუ სტოვებთ ოხრათ, თორემ ბო-

– 197 –

ლოს ინანებთ, ბათუმს მომავალში დიდი მომავალი მოელის და სხვაც ასეთნი. სწორედ ამ დროს, პარისის ერთს 1881წ. ფრანგულ გაზეთში ვრცელი წერილი დასტამბა ჩვენში კარგად ცნობილმა ქართველ კათოლიკე პავლე მჭედლიშვილმა, სადაც დაწვრილებით აუნუსხა ევროპიელთა მრეწველთა და ვაჭართა ის გარემოება, თუ მომავალში ამ ქალაქს რა სავაჭრო და სამრეწველო მნიშვნელობა მიეცემაო. ესევე წერილი ნათარგმნი იქმნა ქართულად და ამავე წლის გაზეთ „დროების“ 272-ში დაბეჭდეს, რომელ წერილის შინაარსითაც უმეტესად ქართველ მაჰმადიანთ ეუწყებოდა ბათუმის არ დატოვება, ადგილების არ დაკარგვა, ოსმალში არ გადასახლება და სხვაც ასეთნი. ამ წერილის დასკვნა ეს არის.

ვინაიდან ბათუმს მიმავალში მოელის დიდი სამრეწველო ასპარეზი. ეს კუთხე და ქალაქი იქნება შუა გული, ანუ ცენტრი მთელის აღმოსავლეთის და ევროპის ერთა სავაჭრო და სამრეწველო საქმეების, სადაც აუარებელი საქონელი შემოვა ევროპიდან და მერე ყველა ეს საქონელიც მოიფინება მთელს აღმოსავლეთს ქვეყნებში. ამას გარდა ამ ქალაქის ადგილებს დაედებაო დიდი ფასი. მაშინ ისარგებლებს ის, ვისაც ამ ქალაქის ადგილები ეკავებათ, ამას ეჭვი არ უნდა, რადგა-

ნაც ნიშნები უკვე სჩანს. კავკასიის ტომთა სამრეწველო და სახელოსნო საქმეთა გამო ბათუმში დაიხსნებიან დიდი ძალი ქარხნები და სამრეწველო კანტორებიო.

აქ გაიხსნება ნავთის გასატანი დიდი ქარხნები და მთელს ევროპაში აქედამ გაიტანენ ნავთეულობასო.

ბათუმი იქმნება კავკასიის ოდესაო. აქ დაიხსნება დეპო-ები ხორბლის, სიმინდის, ღომის, ბრინჯის, ქერის და სხვა.

აქ გაიხსნება ბამბის სავაჭროები, მატყლის და სხვაც ამ გვარებისაო. აქ გაიხსნება შავი ქვის სადგურები, ქარხნები გადასატანათ და გადასადნობათაცო.

ბათუმის მომავალს ცხადათ აფართოვებს მისი პორტო ფრანკოთ დანიშვნაო. ამ წერილიდამ ჩვენ მხოლოდ სამი მუ-

– 198 –

ხლი მოვიყვანედ და ამიდამ სჩანს, რომ აქ არამც თუ მარტოდ ზემო ხსენებულ სამრეწველო და სავაჭროები გაჩნდებიანო, არამედ ღვინოების გასატანიც, ხილეულობის, ბზის და ასეთის ხე-ტყის, თვით კვერცხების და სხვაც ბევრი რამ ასეთების, კაცი აქ ყველას ვერ მოსთვლის.

ყველა ესენი კი იყო ქართველ მაჰმადიანთა წინაშე გამოძახილი ხმა-დარიგება, აბა, ასეთ ადგილებს თქვენ ნუ სტოვებთ, ოხერ ფასად და მუქთათ ნუ აბნევთ და ნუ მიხვალთ ოსმალშიო. ამა გამოძახილის განმარტება ქართველ მაჰმადიანთ კარგად უნდა შეეგნოთ და თვით გამოძახით უნდა დაემატნათ, რომ დიახ, მადლობელი ვართ თქვენი, რომ ასეთ დარიგებას გვაძლევთ და გვაბრთხილებთ, რომ თვით ჩვენ არ დავლუპოთ ჩვენი თავიო. მაგრამ სამწუხაროდ ეს არ იქმნა. მათ ამ წერილის დედა აზრს ვერ მიხვდნენ, თუ განგებ არ შეიგნეს და მის მეოხებით ბათუმში ყველაფერი დაკარგებს მით. ამიტომაც არის, რომ დღეს ბათუმში ქართველ მაჰმადიანები ასე ნატამალობენ.

ნიკოლოზ იაკინთეს ძე ალექსიევ-მესხიევი. ეს პირი იმ დროს, როცა რუს-ოსმალს ომი დაიწყო, ახალციხის მაზრის უფროსად იყო. იგი იყო სამხედრო პირი, გახლავთ შვილი ცნობილის მესხთანთ ოჯახის. მამა ამისი გახლდათ იაკინთე მესხიევი, დიდი მეგობარი პოეტის გრიგოლ ორბელიანისა, ნამესტნიკის გამგეობის მოხელე და მასთან ქართულ მწერლობაში მონაწილეობის მიმღები. ნიკოლოზ მესხიევი იყო მახვილ გონიერი ქართველი, გულ შემატკივარი მამულშვილი, მასთან კარგი მწიგნობარი, განათლებული კაცი და ქართულ მწიგნობრობის გარეშე რუსული და უცხოეთის მწერლობისაც კარგად მცოდნე. ეს სამარადისო ადამიანი იქამდის დაახელოვებული იყო ქართულს მწერლობასთან, ქართველი ერის არსებობის ინტერესებთან, რაისა გამო მან ქართულის ენიდამ რუსულ ენაზედ გადასთარგმნა და ცალკე წიგნათ დასტამბა ილია ჭავჭავაძის ცნობილი „ქვათა ღალადი“. ამავე პირმა სთარ-

– 199 –

გმნა ქართულიდამ რუსულ ენაზედ ალ. ყიფშიძის წიგნები „მთიულეთი“ და „კახეთის ამბოხება“. ორივეს დაბეჭდვას უპირებდა იგი, მაგრამ ეს მან ვეღარ მოასწრო და გადაიცვალა. ამ თარგმანთა გარეშე იგი იყო ერთგული მუშაკი ქართული მწიგნობრობის და ადრე ქართულ ჟურნალ გაზეთებშიც სწერდა. ყოველივე ამასთან იყო კარგი კანონმდებელი. სადაც კი მსახურებდა იგი, ყოველგან სტოვებდა ჩინებულს მახსოვრობას. ასეა მაგალითებზე თვით დღესაც, რომ მისი ჩინებული მართვა-გამგეობა დღესაც კარგად ახსოვთ ახალციხის მაზრაში მთელ ქართველობას და მასთან სხვა ტომის მცხოვრებთაც.

ჯერეთ 1877 წ. ომის ხსენება არცკი იყო, რომ ნიკოლოზ მესხივეს დიდი ყურადღება აქვნდა მიჰყობილი თვის სამართველოს ქალაქ ახალციხიდან ადგილობრივ ზემოხელთ ქართველ მაჰმადიანთ კუთხეებზედ. მაგალითებზე ასეთი იყო ჩილდირის ხეობა, ფოცხოვი, ქვაბლიანი და სხვა კუთხენიც. ნიკოლოზს დაახლოვებული კავშირი აქვნდა ზეგანში შერიფ ბეგთან, მისვლა მოსვლაც. ამათში მოლაპარაკებაც იყო გამართული, რომ თუ ომი დაწყობილიყო, მაშინ იგინი რუსებს უსისხლოდ უნდა ჩაბარებოდნენ. ომის დაწყების დროსაც ქართველ მაჰმადიანებზე დიდი, ფხიზელი შეხედულება აქვნდა ნიკოლოზ მესხივეს. ამან თავის მეცადინეობით დიდათ დაიახლოვა ქართველ მაჰმადიანები და მათ ხშირად დახმარებასაც აძლევდა. როგორც ეს მათ სცემდა პატივს, ისევე იგინი ესიყვარულებოდნენ მას. ეს გარემოება უმაღლესმა მთავრობამაც იცოდა.

ამიტომ ორსავ მხარეს დიდი პასუხის გება და ტვირთი აწვა თავზედ. აქედამ მას დავალებას აძლევდა თვით იმ დროის მთავარ მართებელი და ქართველ მაჰმადიანებიც რაღა ფიქრი უნდა ბევრ რამე საიმედო ცნობებს სთხოვდნენ, მომავალ ცხოვრებაზედ კითხვებს აძლევდნენ. ესეც მათ ყოველთვის დარიგებას და უშიშრობას აუწყებდა, მასთან აიმედებდა, რომ თქვენ არამც და არამც არ აიყარნეთ და სხვაგან არ გადასახ-

ლეთო. ამ საქმისთვის მას მიუძღვის დიდი შრომა და ამაგი, დაუზარებელი ღვაწლი. სამწუხაროდ მისი შრომა ქართველ მაჰმადიანთ ჩილდირს და ნამეტურ ფოცხოვს არ იქმნა დაფასებული და ჯერეთ ომი არცკი იყო გათავებული, რომ ფოცხოველთ დაიწყეს გადასახლება. ამათ და სხვა ხეობის ქართველ მაჰმადიანთ გადასახლებას ნიკოლოზმა მწუხარების თვალით შეხედა, ცნობები იმ დროის მთავარ მართველსაც მოახსენა. აქ მისი მოხსენება ყურადღებით იქმნა მიღებული და მიეცა დავალება ნიკოლოზ მესხივეს, რომ მას ქართველ მაჰმადიანებში ემოქმედნა დიდათ და ამისათვის ფულიც-კი დაეხარჯა, რომ რაც შეიძლება მით ცოტანი გადასახლებულიყვნენ.

ნიკოლოზ მესხივემა დავალებას დიდის მოყვარეობით შეხედა და შეუდგა საქმის შესრულებას. მოახერხა ისიც, რომ

რამდენჯერმე ფოცხოვს და აჭარას საიდუმლოდ ჩავიდა, იქ თავის ნაცნობებს საჩუქრები ჩაუტანა და თან დავალება მასზედ, რომ რაც შეიძლება ცოტანი გადასახლდენ თავიანთ ქვეყნიდამაო. ამ ქადაგებისათვის მას ჰყვანდენ კარგი ქართველ მაჰმადიანები, ისეთნი, რომელთაც თურმე ქართული კითხვაც კი იცოდნენ კარგად. ესენი დიდათ მოქმედებდენ აუფრელობლის სასარგებლოდ, მაგრამ ფოცხოვში მაინც ვერ იმოქმედეს, ფოცხოველნი დიდის ფანატიკობით აღმოსჩდენ, ჯერ ომი არ იყო გათავებული, რომ იგინი გადასახლებას მიეცნენ. ამის წინააღმდეგ ნიკოლოზმა მიიღო ყოველ ნაირი ღონისძიება და ეცადა ფოცხოველთ არ გადასახლებას. ამისათვის მან ფულებიც ხარჯა ბლომად. მასთან ქართულს ენაზედ პროკლამაციაც დაბეჭდა და გაუგზავნა თავის მეგობრებს, რომელნიც ქართველ მაჰმადიანებს უკითხავდენ, და სადაც ქართული არ იცოდნენ, იმათ ოსმალურათ უთარგმნიდენ და ასმენდენ ნიკოლოზის დარიგებას მასზედ, რომ იგინი აღარ წასულიყვნენ, თავიანთ ქვეყანაში დაშთენილიყვნენ, რადგანაც რუსის მთავრობა მათ ყველაფერს თხოვნას შეუსრულებდა.

ფოცხოვრიდამ დიდი რიცხვი წავიდა ოსმალში. აქ თუ

– 201 –

ვინმე დარჩა და აღარ დაიძრა, ეს იყო ნიკოლოზის შრომა და ამაგი. ამასობაში ომიც გათავდა. ამ გარემოებით ნიკოლოზს შეუსრულდა თავის ნატვრა, ქართველ მაჰმადიანთ ადგილების შემოერთებული იქმნა რუსეთის საქართველოსთან. მხოლოდ ეს შემოერთება არ იქმნა ისეთის შედეგის მექონი, როგორც ჩვენ გვენატრებოდა. შემოერთებისუმალ მთავრობისაგან აქ ისეთი მოხელენი იქმნენ დანიშნულნი, რაისა გამო ფოცხოვში, ქვაბლიანს და აჭარას გადასახლება და ხალხის შლილობა ხელახლავ იქმნა დაწყობილ-განახლებული. ამ გარემოებამ ნიკოლოზი დიდათ დაანაღვლა. მან ეს ამბები მთავრობას მოახსენა, ამიტომ იგი სწრაფად დანიშნეს გამომძიებლად. მალე ჩავიდა შემოერთებულ ადგილებშა, გადასახლების მიზეზები გამოიძია და აღმოსჩნდა ყოველივე, რომ ამ გადასახლების მიზეზნი რუსის მოხელენი ყოფილიყვნენ, ამათი უსამართლო საქციელი, ყვირილი, ტუქსვა და ათასიცი სხვანი, რაც ახალ ხალხს არ მოსწონდათ.

იმ დროის მთავარ მართებელმა ამ გარემოებას ყურადღება მიაქცია. საჩქაროდ ფოცხოვში დაარსებულ იქმნა ოკრუგის გამგეობა. როგორც თვით ნიკოლოზმა მიაძმო, ეს ოკრუგის გამგეობა მთელს რუსეთის იმპერიაში პირველი მაგალითი იყო. ამ ოკრუგის უფროსად დანიშნულ იქმნა ნიკოლოზ მესხიევი, რომელსაც დიდი მთავარი დიდათ ავალეებდა, რომ ეს ცდილიყო იქ, რათა მათგან აღარავინ აყრილიყო და გადასახლებულიყო. ნიკოლოზმა აქ გამგეობის დროს დიდათ იმეცადინა გადასახლების წინააღმდეგ. მისთვის ფულსაც ხარჯავდა, ეცადა დიდის დარიგებით. დროით შეაჩერა ფოცხოველთ გადასახლება. თუ ეს პირი არა, უამისოდ მალე მთელი კუთხე

დაიცვლებოდა თურმე ხალხით. დღეს თუ ფოცხოვში არის ვინმე ქართველთაგანი დაშთენილი, ესენი არიან მაშინდელ დარჩენილთაგანი, რომელთა აქ დარჩენაზედ დიდი შრომა მიუძღვის ნიკოლოზ მესხიევს. ფოცხოვში დღეს თუ ვინმე ქართველ მაჰმადიანი თავის მამა-პაპეულს მიწაზედ სცხოვრობს, ეს

– 202 –

არის ნიკოლოზ მესხიევის შრომა და ამაგი, რის ცნობებიც ჩვენ შევკრიბეთ.

ფოცხოვში, ამ პირველ ოკრუგის გამგეობის ასპარესზედ, ნიკოლოზის შრომა მრავალ ღირსებია არის. დავასახელებთ მხოლოდ ერთს. მაგალითებრ ნიკოლოზის ცდას გადასახლების წინააღმდეგ. თავის საბრძანებელს გარდა იგი სხვა კუთხის ქართველ მაჰმადიანთ გადასახლებასაც თვალ ყურს ადევნებდა. მაგალითებრ ამას დიდათ სწყინდა ზეგნელების აყრა და გადასახლება ოსმალეთში. ველიკი-კნიაზის ბრძანებით 1880 წ. იმოუგზაურა აჭარაში, სოფელ დანის პარულას ჩავიდა, იქ ქართველ მაჰმადიანები შეკრიბა, გამოჰკითხა გადასახლების ცნობები და მასთანვე მისცა პირობა, რომ თქვენ ოღონდ ნუ იყრებით, ნუ ჰკარგავთ თქვენს ძველს ადგილებს, ნუ ილუპავთ ოჯახსო. რასაც თხოულობთ, ჩვენ ყოველივეს შეგისრულებთო. ამის პირობაც იყო დადებული მაშინ, რაც უმაღლეს მთავრობასაც მოხსენდა მისგან. ნიკოლოზმა მთავრობას თამამად მოახსენა ის ცნობა, რომ გადასახლების მიზეზებით ჩვენი მოხელენიც ჩაითვლებიანო. ამიტომ მათში უსათუოდ ქართველები უნდა იქმნენ დანიშნულნი გამგეთ და მასთან მეტად კარგი, პატიოსანი პირობით.

ასეთი ცდა იყო ამ პირის მასზედ, რომ ქართველ მაჰმადიანები რაც შეიძლებოდა ცოტა გადასახლებულიყვნენ. ამ აზრის მომხრე პირებს მან ფულს გარდა მენდლებიც კი დაურიგა და სხვაც ბევრი რამ, მაგრამ მაინც ძირეულად ამ უბედურებას არა ეშველარა და გადასახლების ფიქრები არ მოისპო. თვით დღესაც კი არიან ამ გადასახლებით გაზვიადებულნი. მართალია გადასახლების წინააღმდეგის ქადაგებით ბევრი არა გაკეთდარა, მაგრამ რა გაეწყობა, ჩვენ აქ ეს იმიტომ მოვიყვანედ, რომ ვიცოდეთ რამე ცნობები მასზედ, თუ ჩვენ ქართველთ შორის ვინ რა აზრის და შეხედულების იყო, ვინ რას აკეთებდა და როგორ სცდილობდა მასზედ, რომ საქართველოს ერს თავის მიწა-მამულიდამ რაც შეიძლება ცოტა

– 203 –

შვილები წასვლოდა უცხო ადგილებში თავის დასაღუპათ და ოჯახის მოსასპობათ. ასეთ აზრის კაცთა ჯგუფს ეკუთვნოდა ნიკოლოზ იაკინთეს ძე ალექსიევ-მესხიევიც.

ნიკოლოზ მესხიევმა როცა თავის ცნობები გადმომცა, მაშინ სხვათა შორის გადმომცა შემდეგი ცნობებიც გადასახლებულთ შესახებ. ეს ცნობები მას ახალციხეში მსახურების დროს

შეუკრებია მოხუცებულთაგან.

სოფ. რუსთავიდან 1813 წლებს, ოსმალში გადასახლები-
ბიათ 60 კომლი. მათ მაგიერ იქ ქურთები დაუსახლებიათ.

სოფ. აწყურიდამ გადასახლებულან .	100 კომ.
სოფ. უდიდამ გადასახლებულან .	50 კომ.
სოფ. ვალედან გადასახლებულან .	30 კომ.
სოფ. ზიკილიდამ გადასახლებულან	20 კომ.
სოფ. საყუნეთიდან გადასახლებულან	25 კომ.
სოფ. ქვალის ხევიდამ გადასახლებულან	10 კომ.
სოფ. ორფოლიდამ გადასახლებულან	15 კომ.
სოფ. ინდუსიდან გადასახლებულან	10 კომ.
სოფ. ზემო ლაზარიდამ გადასახლებულან	16 კომ.
სოფ. გიორგი წმინდიდამ გადასახლებ.	20 კომ.
სოფ. სვირიდან გადასახლებულან .	10 კომ.
სოფ. ბოგიდამ გადასახლებულან .	15 კომ.
სოფ. კლდიდამ გადასახლებულან .	20 კომ.
სოფ. წნისიდან გადასახლებულან .	15 კომ.
სოფ. ასპინძიდამ გადასახლებულან	50 კომ.
სოფ. ახალშეიდან გადასახლებულან	15 კომ.
სოფ. ხერთვისიდან გადასახლებულან	30 კომ.

ხერთვისის გადასახლება ძველათაც ყოფილა, ქართველთ
მაგიერ აქ ქურთები დაუსახლებიათ.

ამ სოფლებების გადასახლების ცნობები მოთხრობილია
ახალციხის ქართველ კათოლიკეთ მოძღვართაგან. მათის გადა-
სახლება მომხდარა 1810-1855 წლებამდე. ხოლო ეს ერთობ
მცირე რიცხვი არის.

– 204 –

XVII საუკუნის გასვლამდე მესხეთს, ჯავახეთს, ფოცხოვს,
ჩილდირს ერთი მილიონი ქართველი იყო, მერე ამ რიცხვმა
დიდათ იკლო. XIX საუკუნის დამდეგს ამ კუთხეში სულ
200 ათასი სული იქნებოდა.

200 სოფ. ახალციხის მაზრაში იყო.

200 სოფი ახალქალაქის მაზრაში.

100 სოფ. ფოცხოვს თავის მიდამოებით.

100 სოფ. ჩილდირს თვისის მიდამოებით.

ყველს ამ სოფლებში ძველთაგანვე სცხოვრებდნენ
ქართველ მაჰმადიანები. მათ შორის ქართველ მართლ-
მადიდებელთ და კათოლიკეთ ეკავათ 60 სოფელი. და-
ნარჩენი სულ ქართველ მაჰმადიანების იყო. ესენი კი 1810
წლის შემდეგიდამ აქედამ ისე იყურებოდნენ და ოსმალში სა-
ხლდებოდნენ, რაისა გამო დღეს მათი რიცხვის სოფლების აქ
ალარც მესამედი არის. უმეტესი ნაწილი ხალხიც მოისპო გა-
დასახლებით და მასთან სოფლებიც. სამწუხაროდ, ჩვენ ცნო-
ბები არა გვაქვს, თუ მესხეთ ჯავახეთის 400 სოფლიდამ რამ-
დენი ქართველ მაჰმადიანი გადასახლდა ოსმალეთს 1810 წ.
15, 1829 და 1855 წლებს. საჭირო კია მათი ცოდნა. ეს
გარემოება ახსნის იმის მიზეზებს, თუ დღეს მესხეთსა და ჯავა-

ხეთში ქართველ ტომის კვალი რისაგან მოისპო.

ოსმალოდამ მოსულ ქართველ მაჰმადიანისაგან ნაამბობი:

გადასახლებულ გურჯების ოსმალეთში მწარედ მოიგონებენ ხოლმე ქობულეთელი – ქობულეთს.

ჩაქველნი – ჩაქვას და მის სამოთხის მსგავს სოფ. მახინჯაურს და სხვათა კუთხეებს.

მაჭახლელი ცრემლით სტირიან მაჭახლის დაკარგვაზედ, აქაურ მშვიდ და კარგ ჰაერის დათმობაზედ.

– 205 –

შავშელნი გლოვობენ შავშეთის შესანიშნავს მოსავალს, კარგს ჰაერზედ და ცხოვრებაზედ.

აჭარელი მწარედ დარდობენ აჭარის დაკარგვაზედ და ემდურიან იმ პირთ, ვინც ისინი გააბრიყვეს და მოშალეს აჭარის ცხოვრებიდამ და ოსმალეთში გადარეკეს.

ლივანელიც დანტრულიან არიან ჭოროხის ყურებას, მის მიდამოებს და დარდით აღარ იციან რა ქმნან და ვის დაემდურონ.

ყველა ამათ მწუხარებას საზღვარი არა აქვს, ყველა იგინი მარტოდ მის ნატვრაში და არიან, რომ თავიანთ ქვეყანისაგან დაკარგულნი მშვიდრები სულ არ დაიკარგნენ.

მოხუცნი მოსტირიან თავიანთ ძველების მეზელუხებს.

ახალგაზრდანი მოსტირიან თავიანთ ნათესავეებს, სწუხან და ამბობენ, რომ მართალია ჩვენ დღეს ცოცხლები ვართ, მაგრამ ასეთის სიცოცხლით რა გამოდის – არაფერი, ჩვენი ნათესავეებისათვის მკვდრები ვართ, მათი მოგონება ჩვენ დარდს გვიჩენს, ცეცხლს წაგიკიდებს, მათის მოგონებით ჩვენ გვაგონდება ჩვენი ქვეყნებიც, სოფლები, მთები, ტყეები, ცივი წყაროები, კაი ცხოვრება და ჯანის სისადე.

ამ კილოთი და ასეთის საგოდებელის სიტყვებით ჩვენთვის ბევრს გულ მოკლულ ქობულეთელს და აჭარელს უამბუნია ხოლმე და უეჭველია, ბევრი კიდევაც ილაპარაკებს, დღესაც თუ კი მათ ვინმე ჩვენთაგანი შეხვდება და მიამიტად გამოჰკითხავს „მუჰაჯირთა“ ცხოვრების ცნობებს.

ეს ცნობები ნაამბობია 1893 წ. ოსმალოდამ აჭარაში მოვიდა ერთი ქართველ მაჰმადიანი. მუჰაჯირის შესახებ მან აი რა გვიამბო, რაც სიტყვით სიტყვა მოგყვავს: მუჰაჯირი მთლად ფუხარად შეიქმნა, გაღარიბდა, მუჰაჯირი ცუდათ დაიპნა, სიღარიბემ გააფუჭა თითქმის ყველანი. მუჰაჯირის უმეტესი ნაწილი მოკვდნენ, მოისპნენ, მით მორჩნენ სიფუხარე-სიღატაკეს. მუჰაჯირის ყველას დაავიწყდათ ერთმანეთი, ერთის საფლავი მეორემ აღარ იცის, ხშირად ერთმანეთის ცრემლიც ენატრებათ.

მუჰაჯირი-მუაჯირს რომ შეხვდება, მაშინ ყველა იგინი ერთმანეთის მწუხარებით ეუბნებიან სალამ მალე იქს და მერე ოხვრით იწყებენ ლაჰარაკს თავიანთ ცხოვრებას და დაკარგვა-ზედ. ყველა მუჰაჯირი ნატრობს, ნეტა ისე არ მოვკვდე, რომ ჩვენი ქვეყანა კიდევ აღარ ვნახოვო, მაგრამ ამას ვინ აღირსებს მას, არავინ.

მუჰაჯირები მთლად სოფლიერნი არიან, მათში არ არის დიდი კაცები, ალიები, ბეგები, ზენგინი კაცები. ვინც ჩვენი დიდი კაცები და ფაშები იყვნენ, იგინი სულ სტამბოლში სცხოვრობენ. ჩვენ კაცსკი იქ პატრონი არ ჰყავს, ყველა გაჭივრებულია, ყველა დარდიანათ არის, ყველას იქ ოსმალენი გურჯს ეუბნებიან, მიწებსაც ცოტას აძლევენ, სამუშაო ფულსაც, სხვაც ყველაფერს ასე. ეს არის მუჰაჯირის ცხოვრება ოსმალში დღეს.

1893 წ.

გადასახლებულთა რიცხვის სხვა ცნობები.

სამწუხაროდ ჩვენ არ ვიცით, თუ ეს ამოდოლა გადასახლებულთ ქართველ მაჰმადიანები სადა ცხოვრობენ, სად რომელ კუთხის ქალაქებსა და დაბებსა და სოფლებში. ჩვენ ზემოდ მოვიყვანეთ რამდენიმე ცნობა იმ ქალაქების და დაბების, სადაც ქართველ მაჰმადიანები სცხოვრებენ, ეხლა აქ განმეორებით მოვიყვანთ ერთ ცნობას, რომელიც ნაამბობია ერთის მუჰაჯირად წასულისაგან, რომელიც კარგა ხნის შემდეგ მობრუნდა და იგი მე აჭარაში ვნახე 1904 წ. ამან აი ეს ცნობები მომცა დიდის ფიცით და სინამდვილით. ამის სხვა ვარიანტი ზემოთ ორ ალაგას არის დაბეჭდილი.

ხოფას სახლობს 600 კომლი.

ირიზეს სახლობს 240 კომლი.

ოფს სახლობს 200 კომლი.

ფლატანას სახლობს 400 კომლი.

თრიპოლს სახლობს 600 კომლი.

ორდს სახლობს 1000 კომლი.

ჩერშემბეს სახლობს 200 კომლი.

ბაფარს სახლობს 1000 კომლი.

ბოლომანს სახლობს 200 კომლი.

არხავეს სახლობს 120 კომლი.

ტრაპიზონს სახლობს 100 მოსახლე.

ბელღევანს სახლობს 150 მოსახლე.

გერესონს სახლობს 340 მოსახლე.

აბდალს სახლობს 120 მოსახლე.

ბაცას სახლობს 1000 მოსახლე.

თერმეს სახლობს 100 მოსახლე.

სინოპს სახლობს 130 მოსახლე.

სამსონს სახლობს 150 მოსახლე.

სულ 6850 მოსახლე. უმეტესი ნაწილი აქ სცხოვრებენ ქობულეთელნი, კახაბრელნი და აჭარელნი. წვრილ სოფლის ანგარიშს არ ვნუსხავთ, რადგანაც იქ ესენი ცოტანი სცხოვრებენ სხვებთან შერეული, ამიტომ მათი რიცხვის მე არ ვიცი, მაინც მათი რიცხვი იქნება 1000 მოსახლეო, მაშასადამე ამ გადასახლებულთა სიტყვით ოსმალეთში, შავი ზღვის ნაპირას მდებარე ქალაქებს და დაბებში ქართველთ რიცხვი უნდა სცხოვრობდეს ამდენი. ეს რიცხვი აქეთ უმეტესად ლაზების მეზობლობისთვის დასახლებულან, რომ შუაგულ ოსმალეთში არ წავიდნენო. ყველა ამათ ჰპატრონობდა ალი ფაშა თავდგირიძე, ოსმან ფაშა და სხვანიო. იქ ჩვენებურებს ყველას თავისებური ტანთსაცმელი აცვია და ჩვენს ენაზედ ლაპარაკობენო.

ამ კაცის სიტყვიდამ შევიტყე, რომ იგინი ქართულს ლაპარაკობდნენ, მაგრამ არიან ცხარე მუსულმანები, მოძულე გიაურების. საქართველოს ხსენება მათ ჭირივით სძულთ თურმე, თუმცა გურჯისტანს კი პატივით იხსენიებენ. ამ პირმა ბევრი რამ მიაგმო და სხვათა შორის ალი გურიელის გათათრების საქმეც, მერე გურულებისაგან მისი დახვრეტა 1798 წ. ამისაგან მონათხრობი ამბები აჭარიდამ თფილისში გამოვგზავნე. აქ ერთ რედაქციაში დაიკარგა იგი. აქ მოყვანილთ წასულთ

– 208 –

შესახებ მე სხვა ცნობების შავი არ მაქვნდა, ამიტომ იგი ვედარ მოვიგონე, ვერ ავნუსხე, ნამეტურ ალი გურიელზედ გამოთქმული ლექსი, რომელიც ქართველ მაჰმადიანებს გამოუთქვამთ ძველად და რაც ამ მოსულმა კაცმა ზეპირად იცოდა.

ჩვენგან მიერ შეკრებილი ცნობების შემდეგ გავიდა კარგა ხანი და 1912 წ. „სახალხო გაზეთის“ 615 №-ში დაიბეჭდა წერილები კონსტანტიპოლიდამ გამოგზავნილი დავით ჩიქუანისაგან, რომელსაც სტამბოლში მცხოვრებ ერთის ქართველ კათოლიკე ბერის დახმარებით მარტოდ სტამბოლის მახლობლად, ისმითის სანჯაყში უპოვნიათ ქართველ გადასახლებულთ კვალი, სადაც მთელს სანჯაყში მათი რიცხვის ყოფილა 2524 კომლი. დავით ჩიქუანის წერილები ჩვენ დიდის მადლობით წავიკითხე. ამაზედ სტამბოლში წერილიც მივსწერეთ და ქართველ კათოლიკეთ ბერებს შევეკითხეთ ამათ ცხოვრების შესახებ. მღვდელმა სტეფანე ვარდიძემ მომწერა, რომ ქართველ მაჰმადიანები თვის ცხოვრებაში ნივთიერათ, ანუ ქონებრივათ კარგად სცხოვრებენო, ეროვნულად კი იგინი სულ გათახსირებულნი არიანო. ამას ფიქრი და ეჭვი არ უნდა. აი ესეც ისმითის სანჯაყის ქართველთ სოფლებში მცხოვრებთ რიცხვი, რომელნიც „სახალხო გაზეთიდან“ უცვლელად მოგვყავს აქ.

საბაჯა. კომლი	.	160	ყაზანდერე	.	30
ჩუბუკლა	.	80	სერვეთიე	.	50
აჰმედიე	.	60	აღსადირი	.	20

მაჰმედიე	60	დადინ-ლული	60
აბაზექი	20	იენი-მელე	50
დერბენდი	50	შევეკეთიე	15
შირინ-სულხია	60	იჯადიე	20
შეისულიე	80	ნემეთიე	15
თათარ ქეი	40	ხესენიე	50
ბილაბა	30	შეილიკი	50
ჩეფნი	100	ჩურუქ-ბაი	30
თელინ-კუნდუ	40	შემურიე	30

– 209 –

ფერადიე	20	დიბეკტაში	90
დაშმე	60	თეზეი	30
ასარ-ქეი	10	ილიმე	30
თამარ-ქეი	30	ირმადიე	30
ბორჩა (ჰამედიე)	130	მემნუნეიე	50
უნეი	10	ნაიდოე	120
ჩერქეზ-ქეი	20	პაწა ჰადიმეიე	40
ლუფთიე	30	სენიე	50
სოფიე	25	სალამიე	50
ბაშქირე	30	ულვიე	50
ახმედიე	40	ური-ჩეხმე	30
ჩატალტაში	20	შეჰრეთი	45
ალანჩანი	40	შუქრიე	40
ბალკაია	34	ჰაჯი-მერჯან	60

ბიჩქიდერე 50
 გულდბი 50
 სულ: 2524 კომლი
 კომლზე 8 სული რომ ვიანგარიშით, გამოვა 20,192 სული.

მ უ ჰ ა ჯ ი რ ი ს

ქალების გასაყიდი ბაზარი ტრაპიზონს და ონსტანტინოპოლს.

ამ ბაზრებზედ იყიდებოდა ქართველთ ქალები, ლაზების, აფხაზების, ოსების და ნამეტურ ჩერქეზელების. აქ ჰყიდდნენ როგორც საქართველოდამ მოტაცებულთ, ისევე მებატონეთაგან გაყიდულთ და წაყვანილთ. ამათ გარდა აქვე ისყიდებოდნენ თვით თავიანთ ნებით გადასახლებულთ მუაჯირთა ქალებიც. ერთ ასეთ ამბავს გადმოგვცემენ ფრანგული გაზეთების ცნობები, საიდანაც 1871 წ. ჟურ. „ცისკარში“ ივანე კერესელიძეც სწერს შემდეგს გადმოცემას.

XVIII საუკ. ბოლოს ტრაპიზონში ყოფილა ერთი ფაშა, სახელდობრ სელიმი რომელიც საქართველოდამ ქალების

– 210 –

წაყვანას და ოსმალეთში მხოლოდ თათრებზედ დასყიდვას დი-

დათ უწყობდა ხელს. ამავე დროს ყოფილა ერთი გამოჩენილი ოსმალის, სახელდობრ სადულლახ ალა, იენიჩარად ყოფილი, მერე ამას საქართველოში დაუწყვია მგზავრობა და ქალებით ვაჭრობა ტრაპიზონს, კონსტანტინეპოლს და სხვა ქალაქებშია. გასაყიდ ქალებს ეს ყოველთვის საქართველოში ჰყიდულობდა, ესევე ატაცვინებდა ქართველებს მაშინ, როცა სოფელი სოფელს დაეცემოდა ასაკლებად და ტყვეებს წაიყვანდნენ. ამას გარდა როცა მებატონები ჰყიდდნენ თავის ყმების და მონების ქალებს.

ასეთ ცოცხალ საქონლის დასაყიდი მეიდნები და ბაზრები დღემდეც დარჩენილან თურმე ტრაპიზონს და კონსტანტინოპოლს. მაგალითებრ კონსტანტინეპოლს დღესაც კი თურმე ის ბაზარი იმ სახელით იწოდება, როგორც იგი იწოდებოდა იმ დროს, როცა იქ ქართველთ შვილები ცხვრებივით ისყიდებოდნენ. ერთი ასეთ დიდი ბაზარი ყოფილა კონსტანტინეპოლს, ბაზისტანის მეიდნის ზემოთ, სადაც ერთ ალაგას სხვათა შორის ფარჩეულობაც ისყიდება. აქ ერთ მყუდრო ალაგას ისყიდებოდა ქართველთა ქალებიც, სადაც ოსმალნი სავაჭროდ მარტოდ მუსულმანებს უშვებდნენ და ქრისტიანებს კი არა.

ამ ბაზრში ოთხ-კუთხივ დუქნები არის, ორ სამ კიბიანის ასასვლელით. ამ კიბეზედ ვაჭრებს უსხდნენ ტყვენი, რომელთაც ჰყიდნენ იგინი. აქ ლამაზი ქალის შოვნა ერთობ ძვირი იყო თურმე. აქვე ისყიდებოდნენ მუჰაჯირთა ქალებიც. ყოველივე ეს ამბები გამოუქვეყნებია ერთ ფრანცუზს დოქტორს **ჟიბერტს**.

აფხაზთა შესახებ

1864 წ. პეტერბურგის რუსული გაზეთიდან

1860 წლის შემდეგ 1866 წლამდე ოსმალში წავიდა 25 აფხაზი და არა 15 ათასი, როგორც 169 გვერდზედ მოვიხსენედ ამ წლების გადასახლებულთ შესახებ.

– 211 –

ოსმალთ გადასახლება იმეცადინეს და ყველა აფხაზს ჩერქებს და სხვათა მუსულმან მთიელთ სტამბოლი ჩაუნერგეს გულში, რომ თქვენ ყველანი სტამბოლს მიხვალთო. მთიელთაც უხაროდათ ეს, რომ იგინი სტამბოლს მიდიოდნენ. ის კი არა, ამათ სხვა და სხვა უხეირო ადგილებში ასახლებდნენ. აქ დაკარგეს მშვენიერი მთიანი თავისუფალი ადგილები და იქ კი სტამბოლის მაგიერ ჯოჯოხეთის სიცხიანი ადგილები მიიღეს.

ამას გარდა, ამ ბედშავთ რა ეწვიათ 1863 და 1864 წ. ტრაპიზონთან მისულებს, გაუჩნდათ ყვავილი, წითელა, ყელ-ჭირება, სახადი და ამითი იგინი იმოდენი დაიხოცნენ, რომ ნახევარი აღარ მისულა დაპირებულ სამოთხემდის. ყველა ასეთ სატკივრებს აჩენდა მათი ჭუჭყიანობა, რასაც იგინი განი-

ცადენ თავიანთ სილატაკის გამო.

ამათ სილატაკემ იქამდის გაიხმაურა, რომ თვით რუსეთის მთავრობასაც კი შეებრაღა იგინი და მათ გადასახლების დროს ოჯახზედ 10 მან. დახმარებას აძლევდა, რაითაც მათ შაემლოთ წასვლა. ეს მათ იმიტომ კი არ ეძლეოდათ, რომ ამით იგინი წასასვლელად წახალისებულიყვნენ, არამედ ეძლეოდათ ზნეობრივ დახმარებათ, რადგანაც მათი მამულები აქა რჩებოდა ოხრად და უპატრონოდ. მეორე, იგინი თავიანთ ყოველივე ვენახეულობას, ბოსტანს და ყანეულობასაც ასე სტოვებდნენ და არ სპობდნენ, როგორც ამას ოსმალოს ხოჯები უქადაგებდნენ.

ოსმალოს მთავრობამ ამათ დახმარებათ მისცა გადასატანი, ანუ წასაყვანი სამხედრო გემი. აფხაზების და ჩერქეზების რიცხვს მრავლად ასახლებდნენ სერბიის და ბოლგარიის სამზღვრებისაკენაც, რადგანაც ოსმალოს მთავრობას ამ ხალხთ დიდი შიში აქვდა და აფხაზების და ჩერქეზების საომარის მხნეობით ფიქრობდა მათს ძლევას.

ამ კუთხეებშიც აფხაზები თითქმის მოსპობილ იქმნენ. დღეს აქეთ აფხაზთა და ჩერქესთა რიცხვის აღარაფერი სჩანს თითქმის. ამათი რიცხვის კი ასე ყოფილა: სულ 75 ათასი ყოფილა აფხაზების, ჩერქეზების და სხვა მთიელთა. ამათში 25

– 212 –

ათასი აფხაზი ყოფილა, 25 ათასი ჩერქეზი, 25 ათასიც სხვა და სხვა მთის ერნი. აქედამ 25 ათასი ყარსისა და ბათუმის ვილაეტებში დაუსახლებიათ, 25 ათასი არზერუმისკენ და 25 ათასიც სერბიის და ბოლგარიის სამზღვრებზედ. სადღეისოდ აქ მათის რიცხვის აღარაფერი არის, გაწყდა, მოისპო, ვინც დარჩნენ, ისინიც გადაგვარდნენ, დღეს ოსმალურად ლაპარაკობენ.

როგორც აფხაზებს, ისევე ჩერქეზებს და ქართველებსაც ხელს უწყობდნენ დიდათ ის გარემოებაც, რომ ესენი ოსმალოს ომში თავიანთ ნებით გადიოდნენ საომრად და იქ იგინი თითქმის სწყდებოდნენ. ოცში შინ ხუთი კაცი აღარ ბრუნდებოდა.

მუჰაჯირების წერილები მოწერილები ოსმალეთიდან 1888-90 წლებს.

I

ჩვენს ხისიმთ და მოსაფერთ მრავალ წყალობას მოგახსენებთ. ღმერთის ნებით თქვენი საქმე კარგად იქმნეს, მემლექეთი მოწყობილი იყოს, ვოლაის ნებით თქვენც ყველანი კარგად ბრძანდებოდეთ. ჩვენ საქმეს თუ იკითხავთ? წავხდით, დევილუპეთ, ზენგინობა გვეგონა და სულ ყველანი ფუხარა გავხდით. დეილუპა დუნია, მუჰაჯირობა ცეცხლით აივსო. აქეთ

ნულარავინ წამოვა ძმავ, თორემ ჩვენსავით დაილუპვის. მუჰაჯირი სტირის დღე-ღამ, წამოსვლა უნდათ, მაგრამ ფარა აღარ აქვსთ. მუჰაჯირის ამბავს ხოჯა ახმედ ეფენდი გეტყვით. პური არ გვაქვს, ნუ წამოხვალთ აქეთ, თორემ პურს ვერ იშოვით. მანდ იყავით, ნუ მოიშლებით, თათარი მანდაც კარგა იქმნება თავის ბინაზედ. ჩვენი დარდი ეს არის, რომ თქვენები აქეთ მუჰაჯირად არ წამოვიდნენ, თორემ დეილუპებით, სულ წახდება დუნია – ნუ მოიშლებით თქვენ ძველებზედ.

– 213 –

II

ძმაო რეჯებ, სელამით, ღმერთის ძალით მშვიდობით ბრძანდებოდეთ. ღმერთის ნებით იყოს, რომ ჩვენ შინ დავბრუნდეთ, თორემ ფუხარა წახდა. ქალ-ბაღანას პური არ აქვს, ტანთ არაფერი აცვია, ფარაც არ გვაქვს. გვიშველეთ რამით. მთლა მუსულმანობო წახდა. მუჰაჯირი ნუ მოდის, დეილუპვის მათი საქმე. ჩვენები ახლა სხვაგან წევიდნენ, იქაც ფარა არ არის. ისევე მანდ იყავით, მანდ სჯობია, აქ მოკვდებით ყველანი, ჩვენც სულ ვკვდებით შიმშილით და სიტიტვლით. ჩვენი ქვეყანა კარგი არის, ძვირი არის, აქეთ ნუ მოხვალთ, ჩვენი თხოვნა ეს არის.

III

შვილო მეველუდი! შენს თავს ვენაცვალე და შენს პატარა ხოსიას და უსუფას. შვილო! მათ უნახავ ნუ მომკლავ. აქ მუჰაჯირთან არ დამტოვო, ცოტა ფარა მომაშველე და მე მაშინათვე წამოვალ ვოლაი ღმერთს ძალით მანდ შენთვის ვიქნები, დუნია წახდა, დეილუპა ჩვენი საქმე, მუჰაჯირი წახდა, აქეთ ნულარავინ წამოვა, თორემ მთლა წახდება მათი პური. აქ ვერას იშოვნიან, ნუ წამოვლენ, ეველა გააფრთხილე, მანდ სიკვდილი სჯობია, ჩვენ ყველა მუჰაჯირს თვალი ანდით გვიჭირამს. სელამი ყველას, მანდ შიმშილით მოკვდეთ ის მირჩევნია, აქ არ დავრჩე. უბედურება ვნახეთ, დეილუპა ჩვენი საქმე.

შ ე ვ ს ე ბ ა

სოფ ზენდიდი (ქვემო აჭარა) გადასახლდა 60 კომ. დარჩა 20 კომლი.

სოფ. წნისი (ახალციხის მაზრა) 5 კომლი გადასახლებულან ეხლაც 1911 წ.

უ ნ დ ა ი ყ ო ს

ქართველები აფრიკაში – სცხოვრებენ ბერუთს და არა ბერიუთს.

ქართველები სცხოვრებენ მისირს ქალაქ ათაბზარს, – ეგვიპეტს,
აფრიკას და ბევრსაც სხვა ადილებში, ყველგან იგინი იკარგებიან,
ენას ჰკარგავენ.

შეცდომა

აფხაზელების გადასახლება 1863-64 წ. იყო 25 ათასი სუ-
ლის და არა 15 ათასი სულის, როგორც მოხსენებელია წიგნში.

ქართული ანბანი

ა, ბ, გ, დ, ე, ვ, ზ, ც, თ, ი, კ, ლ, მ, ნ, ო, პ,
ჟ, ს, ტ, უ, ფ, ქ, ღ, ყ, შ, ჩ, ც, ძ, წ, ჭ, ხ, ჯ, ჰ, ჳ,